

श्रीमद्भगवद्गीता

डोगरी अनुवाद

अनुवादक :

ज्यो० मदन मोहन शास्त्री

प्रकाशक :

धर्मार्थ ट्रस्ट जम्मू काश्मीर, जम्मू ।



प्रकाशक :
धर्मार्थ ट्रस्ट,
जम्मू काश्मीर जम्मू ।

१६७८

(1) 11/5/78
21/05/78

मुद्रक :
डोगरा प्रिंटिंग प्रेस,
पैलेस रोड जम्मू ।

ॐ परमात्मने नमः

सिरी गीता जी दी मैहमा

असली थमां सिरी भगवद्गीता दी मैहमा बाणी दे जरिऐ
वखान करने लेई कुसै दी बी समरत्थ नेई ऐ, की जे एह इक
बडा गै गुज्झा ग्रंथ ऐ, ए दे च सारें गै वेदें दा सार किठ्ठा कीता
गेया दा ऐ, एदी सैंस्कृत इन्नी शैल ते सरल (सुखल्ली) ऐ के
थोडा भ्यास करने ने मनुख इस गी सुखल्ला समझी सकदा ऐ,
पर एदी बिचली गल्ल इन्नी झूगी ऐ के जीदे होई लगातार भ्यास
करने उप्पर बी ओदा ऐत नेई आउंदा । दिन व दिन नमियां-
नमियां गल्लां निकल दियां रौदियां न, इस थों ए म्हैशा गै नमी
सैई हुंदी ऐ, इस लेई मन चित्त लाइऐ सरधा, भगति सनें सोच
विचार करने ने एदें बोल-बोल च ते पद-पद इच मता गै गूढा
गुबर भरेया दा टंकोदा सैई हुंदा ऐ । सिरी भगवान् जीदे गुण,
प्रभाव ते असली मकसद दा जिकर जिस चाली कीता दा ऐ,
उआ नेआ होरनें दुएं ग्रंथें च मिलनां कठन (मुशकल) ऐ, की जे
आम तौर ग्रंथें च किज न किज संसारा दा विशा सैई हुंदा गैदा
ऐ, पर सिरी भगवद्गीता इक नेआ बगैर अपनी बरावरी दा
शासतर भगवान् ने आखेया दा ऐ के जेदे च इक बी बोल चंगे
उपदेसा दे बगैर नेई ऐ, इस लेई सिरी वेद व्यास होरें म्हाभारत
च गीता जी दे वर्णन करदे होई आखेया दा ऐ—

गीता सुगीता कर्तव्या किमन्यैः शास्त्रविस्तरैः ।

या स्वयं पद्मनाभस्य मुखपद्माद्विनिःसृता ॥

गीता सुगीता करने जोग ऐ, मतवल जे गीता जी गी चंगी तरां पढिऐ अर्थ ते भाव सने ऐंताकरणा इच बाहलि लैना मुख करतब्ब ऐ, जेडी के आपूँ सिरी पद्मनाभ विष्णु भगवान् जी दे मुंह कमल थमां निकली दी ऐ फिरि होर शासतरें दे खलारा दी के लोड ऐ, अतें सिरी भगवान् होरें आपूँ बी एदे म्हात्मागी एदे एंता च बखान कीता ऐ, (ध्या १८ श्लो० ६८ थमां ७१ तगर) ।

इस गीता शासतर च मनुख मात्र दा हक ऐ, भाएं ओ कुसै बी वर्ण ते आसम च रौंदा हो ऐ । पर भगवान् च सरधाला ते भगति समेत वर जरूर होना लोडचदा ऐ, की जे आपने भगते च गै एदा परचार करने लेई सिरी भगवान् जी ने गै आज्ञा दिती दी ऐ ते इब्बी, आखेया दा ऐ जे इस्त्री, वैश, शूदर ते अदनी जूनाले मनुख बी मेरे भजन च लगिऐ परमगति गी पाई लेंदे न, (ध्या ६ श्लो० ३२) इय्यां गै आपने आपने सब्हा मूजव करमें दे जरिये मेरी पूजा करिये मनुख पूरी कामयाबी पांदेन, (ध्या १८ श्लो० ४६) इने सबने गल्लें पर सोच करने ने इऐ सेई हुंदा ऐ जे परमात्मा गी पाने दा सबने गी गै हक-अखत्यार ऐ । पर आखिदी गल्ल दे वारे च ओदी बरीकी नेईं समझने करी मते सारे लोक जिनें गीता दा छडा नां मात्र गै सुनेआ दा ऐ, ओ आखि ओडदे न जे गीता तां छडे संन्यासियें आस्ते गै ऐ ते ओ आपने जागतें गी बी इस्सै डरा दे मारी सिरी गीता जी दा भ्यास नेईं करांदे के गीता दे ज्ञाना ने कुतें जागत घर छोडिऐ संन्यासी नेईं बनी जा; पर उनेंगी सोचना लोडचदा ऐ' के मोह करी आपने खत्रियें आले घरमा थों मुंह मोडिऐ भिक्खा दे नाजा ने गुजारा करने लेई तयार होए दे अरजुन ने जिस मते गुवराली गीतादे उपदेसा ने जीने तगर घुस्था च रेइयै

अपने करतब्बागी पालेया हा, उस गीता शास्त्रा दा ए पुट्ठा नतीजा किय्यां होई सकदा ऐ ?

इस्से लैई भला चाने आले मनुक्खें गी मुनासिब ऐ के ओ मोह गी छोडिऐ मती सरधा ते भगति ने आपने जागतें गी अर्थ ते भावा समेत सिरी गीता गी पढान, अतें आपूँ बी इसी पढदे ते मनन करदे होई भगवान् दी आज्ञा मूजब साधन करने च लगिग पौन, की जे अति दुर्लब्ध मनुख दे देह गी पाइऐ आपने अनमोल समे दा इक खिन भर बी दुःख मूलाले खिन भंगि भोगें दे भोगने च गरक करना मुनासिब नेई ।

सिरी गीता जी दा (मुख प्रयोजन) खास मतलब

सिरी गीता जो दे इच भगवान् सिरी कृष्ण होरें आपने पाने आस्ते मुख दो रस्ते दस्सेन । इक सांख्य योग ते दुआ करम योग । उन्दे च—

(१) सारे गै पदार्थ मिरग तृष्णा दे जल आंगर जां सुखने दी सृष्टि आंगर माया दे बने दे होने ने, माया दे कार्य रूपाले सारे गुण गै गुणें च वरतोदे न नेआ समझिऐ मन, इंदरियां ते कायां दे जरियै होने आले सबने करमें च कर्ता पुने दे अभमान थों रहत होना (ध्या ५ श्लो० ८, ९) ते सबने थाएं च रौने आले सच्चिदानंदधन परमात्मा दे सुरूपा च इक भावा ने सदा रौंदे होई इक सच्चिदानंदधन वासदेव दे सवा होर दुए कुसे देवी होने ओने दा भाव नेई रौंदा, ए तां सांख्य योग दा साधन ऐ ।

(२) ते सब किज भगवान् दा समझिऐ कामयाबी ते ना कामयाबी गी बी बरोबर गै समझदै होई तांग ते फल दी चाह गी छोडिऐ भगवान् दी आज्ञा मूजब छडे भगवान् दे गै आस्ते सबने कम्में गी करना, (ध्या २ श्लो० ४८, ध्या ५ श्लो० १०) अतें सरधा

भगति सनें मन, वचन ते देहा समेत सबने चाली भगवान् दी गै शरण लैऐ, नां, गुण ते उंदे परभावा सने उंदे सुरूपा दा गै लगातार चितन करना (ध्या ६ श्लो० ४७) एह निष्काम करम योगा दा साधन ऐ । इने दस्सें दे दौने चालिये दे साधने दा नतीजा इक होने करी असली च वक्ख वक्ख नेईं मन्ने न (अ० ५ श्लो० ४, ५) पर साधन दे एलै अधिकारी दे वक्खरे वक्खरे होने मूजब दोए रस्ते वक्खरे वक्खरे दस्से न, (अ ३ श्लो० ३), इस लैई इक मनुख दौने रस्ते च इक्कै एलै नेईं दुरी सकदा । जियां सिरी गंगा जी उप्पर जाने लेई दो रस्ते हुंदे होई बी इक मनुख दौने रस्ते दे जरिये इक समै च नेईं जाई सकदा । दस्सें दे साधने च करम योग दा साधन संन्यास आस्रम इच नेईं बनी सकदा ऐ । कीजे संन्यास आस्रम च करमें दा तां सुरूपा थों बी त्याग आखेया ऐ ते सांख्य योग दा साधन सबने आस्रमें च चली सकदा ऐ ।

जेकर आखो के सांख्य योग गी भगवान् ने संन्यास दे नां ने आखेया ऐ इस लैई ओदा संन्यास आश्रम च गै हक ऐ, घृस्था च नेईं, तां ए आखना ठीक नेईं ऐ; कीजे दुए ध्या च ११ थों ३० श्लोक तगर जेडा सांख्य निष्ठा दा उपदेश कीता दा ऐ ओदे मूजब बी भगवान् ने थारा थारा च अरजुन गी जुद्ध करने दी जरूरत दस्सी ऐ, जेकर घृस्था च सांख्य योग दा हक गै नेईं हुंदा ता इस चाली भगवान् दा आखना किया बनी सकदा हा आं, इन्नी खास गल्ल जरूर गै ऐ, के सांख्याले रस्ते दा हकदार देहा दे अभमान थों रैत हौना लोंडचदा ऐ; कीजे जद तिवकर देह च हेंकाराला भाव रौंदा ऐ तद तिवकर सांख्य योग दा असर भलेयां समझ च नेईं आउंदा । इस थों भगवान् ने सांख्य योग गी मुशकल दस्सेया ऐ (गीता ध्या ५ श्लो० ६) ते निष्काम

करम योग साधन जरा सुखल्ला होने करी अरजुन गी थां थां
उप्पर आखेया ऐ, के तूँ लगातार मेरा चिंतन करदे होई निष्काम
करमेंयोग च गै पौ ।

अथ ध्यानम्

शान्ताकारं भुजगशयनं पद्मनाभं सुरेशं,
विश्वाधारं गगनसदृशं मेघवर्णं शुभाङ्गम् ।
लक्ष्मीकान्तं कमलनयनं योगिभिर्ध्यानगम्यं,
वन्दे विष्णुं भवभयहरं सर्वलोकैकनाथम् ॥

अर्थ—जिंदी डौल मती गै शांति आली ऐ, जेडे शेषनाग दी
शेजा उप्पर सुत्ते दे न, जिंदी धुन्नि च कमल ऐ, जेडे देवतें दे
बी ईस्सर ते सारे संसार दा आस्त्रा न, जेडे गासा आंगूँ सबनें
थारें च मजूद न, जिंदा नीले रंगो वरोवर रंग ऐ, मते गै शैल
जिंदे सारे गै अंग न, जिनेंगी योगिजन ध्यान दे जरिऐ पांदे न,
जेडे सबनें लोकें दे स्वामी न ते जम्मने मरने रूपाले भौदा नास
करने आले न, ते लच्छमी दे पति कमलें सांईं अक्खियें आलें
विष्णु भगवान् होरें गी अऊं सिर न्वाइऐ चरण वंदना करनां आं ।

यं ब्रह्मा वरुणेन्द्ररुद्रमरुतः स्तुन्वन्ति दिव्यैः स्तवै-
र्वेदैः साङ्गपदक्रमोपनिषदैर्गायन्ति यं सामगाः ।

ध्यानावस्थिततद्गतेन मनसा पश्यन्ति यं योगिनो
यस्यान्तं न विदुः सुरासुरगणा देवाय तस्मै नमः ॥

अर्थ—ब्रह्मा, वरुण, इंदर, रुद्र ते मरुद्गण दिव्य सतोत्तरें
ने जिंदी अस्तुति करदे न, सामवेद दे गाने आले अंग, पद, क्रम

ते उपनिषद सनें वेदें दे जरियै जिनें गी गांदे न, योगि लोक ध्यान लाइयै बैठे दे उन्दे पासे लग्गे दे मनाने जिंदा दरसन पांदे न, देवते ते दैत लोक (कोई बी) जिंदे ऐंतागी नेईं जानदे उनें (परमपुरुष नारायण) देव होरें लैईं मेरी नमस्कार ऐ ।

श्रीपरमात्मने नमः

अथ श्रीमद्भगवद्गीतामाहात्म्यम्

गीताशास्त्रमिदं पुण्यं यः पठेत्प्रयतः पुमान् ।

विष्णोः पदमवाप्नोति भयशोकादिर्वर्जितः ॥ १ ॥

अर्थ—जेडा मनुख नीमा ने इस पविस्तर गीता शासतरा दा पाठ करे ओ भौतेवसोसा उसे सा कोला छुडकिऐ सिरी विष्णु भगवान् जी दे पद गी पाई लैदा ऐ ॥१॥

गीताध्ययनशीलस्य प्राणायामपरस्य च ।

नैव सन्ति हि पापानि पूर्वजन्मकृतानि च ॥ २ ॥

अर्थ—गीता दे पढने आले ते प्राणायाम लाने आले मनुख दे पिछले जन्में दे कीते दे सारे गै पाप हटी जंदे न ॥२॥

मलनिर्मोचनं पुंसां जलस्नानं दिने दिने ।

सकृद्गीताम्भसि स्नानं संसारमलनाशनम् ॥ ३ ॥

अर्थ—मनुखें गी रोज रोज शौच जाइयै (मैल कडिडयै) पानी ने नाऊनां अतें गीतारूपी जला दा स्नान इक वारी गै करना संसार भरा दी मैलू दा नास करी देने आला ऐ ॥३॥

गीता सुगीता कर्तव्या किमन्यैः शास्त्रविस्तरैः ।

या स्वयं पद्मनाभस्य मुखपद्माद्विनिःसृता ॥ ४ ॥

अर्थ—इक्क गीता गी गै चंगी चाली गीता बनाना लोडचदा ऐ होर दुएँ मतेँ शासतरें दे खलारें ने के लाभ ऐ, जेडी के आपूँ गै सिरी विष्णु भगवान् जी दे मुख रूपाले कमल थमां निकली दी मतबल जे प्रगट होई दी ऐ ॥४॥

भारतामृतसर्वस्वं विष्णोर्वक्त्राद्विनिःसृतम् ।

गीतागङ्गोदकं पीत्वा पुनर्जन्म न विद्यते ॥ ५ ॥

अर्थ—महाभारत रूपी अमरता दा तत्त सव किज विष्णु भगवान् जी दे मुहां थों निकले दा गीता रूपी गंगा जल पीने करी मुडिऐ जन्म नेई हुंदा ऐ ॥५॥

सर्वोपनिषदो गावो दोग्धा गोपालनन्दनः ।

पार्थो वत्सः सुधीर्भोक्ता दुग्धं गीतामृतं महत् ॥ ६ ॥

अर्थ—सारियां गै उपनिषदां गौमान, दोहने आला गोपाल (नंद) दा जागत ऐ, (सिरी कृष्ण भगवान्) अरजुन वछड़ा ऐ, खोया दा गीतारूपी मता सारा ते अमरतरूपी दुद्द ऐ अतें उसदा भोग लाने आला विद्वान् ऐ ॥६॥

एकं शास्त्रं देवकीपुत्रगोत-

मेको देवो देवकीपुत्र एव ।

एको मन्त्रस्तस्य नामानि यानि

कर्माप्येकं तस्य देवस्य सेवा ॥ ७ ॥

अर्थ—इक्क गै शासतर ऐ जिसी देवकी दे पुत्तरे सिरी कृष्ण भगवान् ने आखेया ऐ, देवता वी इक्क गै ऐ जेडा देवकी दा पुत्तर ऐ, मंत्र वी इक्क गै ऐ जेडे ओदे नां न ते कम्म वी इक्क गै ऐ के जेडी ओदी सेवा ऐ ॥७॥

सिरी गीता दे खास मजमूनें दी फरिस्त

अरजुन विषादयोग नां आला १ ध्या पैला

श्लोक

मजमून

- १—११ दौनें सेनाएं दे परधान-परधान सूरमें गी गिनत्री ते समरत्था दा दस्सना ।
- १२—१६ दौनें सेनाएं दी सैख धुना दा दस्सना ।
- २०—२७ अरजुन दे जरियै सेना दी निगरानी दा परसंग ।
- २८—४७ मोह च पेदे अरजुन दा कायरपूना सनेह ते वसोसाली गल्ल ।

सांख्य योग नां दा ध्या दुआ

- १—१० अरजुन दे कायरपूने दे वारे च सिरी कृष्ण ते अरजुन दी गल्ल कथ ।
- ११—३० सांख्य योग दा मजमून ।
- ३१—३८ खत्रियें दे धरमा अनसार जुद्ध करने दी जरूरता दा दस्सना ।
- ३९—५३ निष्काम कर्मयोगा दा मजमून ।
- ५४—७२ थिर बुद्धा ले मनुखदे लक्खन ते ओदी मैहमा ।

कर्मयोग नां दा त्रिया ध्या

- १—८ ज्ञान योग ते निष्काम कर्मयोगा दे अनसार खचतथों रैत भावाने मुकरं करमें दी बडेबाई दा दस्सना ।
- ९—१६ जग उगग करम करने दी जरूरता दा दस्सना ।
- १७—२४ ज्ञानवान् ते भगवान् लैई बी लोकमर्यादा मूजव करम करने दी जरूरत ।

२५—३५ अज्ञानी ते ज्ञानी दे लखने अतं राग द्वेषा थों रैत
होइयै करने लेई प्रेरणा ।

३६—४३ काम दे रोकने दा मजमून ।

ज्ञान कर्म संन्यासयोग नां दा ध्या चौथा

१—१८ सगुण भगवान् दा परभाव ते निष्काम करमयोगा दा
मजमून ।

१९—२३ योगी म्हात्मा पुरषे दे करतब्व ते उन्दी मैहमां ।

२४—३२ ज्ञाना दी मैहमां ।

कर्म संन्यासयोग नां दा ध्या पञ्चमां

१—६ सांख्य योग ते निष्काम करमयोगा दा फैसला ।

७—१२ सांख्ययोगी ते निष्काम करमयोगी दे लखन ते उन्दी
मैहमा ।

१३—२६ ज्ञानयोगा दा मजमून ।

२७—२९ सनें भगति ध्यानयोगा दा दस्सना ।

आत्म संन्यासयोग नां दा ध्या छेमा

१—४ निष्काम कर्मयोगा दा मजमून ते योग उप्पर चढे दे
मनुक्खा दे लखन ।

५—१० आत्मा दे सुधारा लेई परेरना ते भगवान् गी पाने
आले मनुक्ख दे लखन ।

११—३२ खुलासे ने ध्यानयोग दा मजमून ।

३३—३६ मन्ना गी कावू करने दा मजमून ।

३७—४७ योगा थों भूष्ट होए दे मनुक्ख दी गति दा मजमून ते
ध्यानयोगा दी मैहमा ।

ज्ञान विज्ञान नां दा ध्या सत्तमां

- १—७ विज्ञान समेत ज्ञान दा मजमून ।
 ८—१२ सारे पदार्थे च कारणरूपां ने भगवान् दे मज्जुद रीने
 गी दस्सना ।
 १३—१६—आसुरी सव्हा आलें दी निंदेया ते भगवान् दे भगते
 दी तरीफ ।
 २०—२३ दुए देवते दी उपासना दा मजमून ।
 २४—३० भगवान् दे परभाव ते सुखूप गी नेई समझने आलें दी
 निंदेया ते समझने आलें दी तरीफ ।

अक्षर ब्रह्मयोग नां दा ध्या अठमां

- १—७ ब्रह्म, अध्यात्म ते कर्म उर्मा दे बारे च अरजुन दे ७
 सवाल ते उन्दे जबाव ।
 ८—२२ भक्ति योग दा मजमून ।
 २३—२८ शुक्ल ते कृष्ण मार्ग दा मजमून ।

राजविद्या राजगुह्य योग नां दा ध्या नौमा

- १—६ परभावा सने ज्ञान दा मजमून ।
 ७—१० जगत् दे वसने दा मजमून ।
 ११—१५ भगवान् दा अपमान करने आले आसुरी सव्हा आलें
 दी निंदेया ते देवते दे सव्हा आलें दे भगवान् दे भजने
 दा तरीका ।
 १६—१९ सबने दे आत्मसुखूप थों सने परभावा दे भगवान् दे
 सुखूप दा वखानना ।
 २०—२५ सकाम ते निष्काम उपासना दा फल ।
 २६—३४ निष्काम भक्ति दी मैहमा ।

विभूति योग नां दा ध्या दस्समा

- १—७ भगवान् दी विभूति ते योगाली तागतादा दस्सना ते उन्दे जानने दा फल ।
- ८—११ फल परभावा सनें भगति योग दा दस्सना ।
- १२—१८ अरजुन दे जरियै भगवान् दी उस्तुति, ते विभूति अतें योग दी तागता गी पुच्छने लेई अर्ज ।
- १९—४२ भगवान् दे जरियै अपनियें विभूतियें ते योगा दी तागता वाबत आखना ।

विश्वरूप दर्शन योग नां दा ध्या जारमां

- १—४ विश्व रूप दे दरशन कराने लेई अरजुन दी तरफा दा अर्ज ।
- ५—८ भगवान् दे जरियै अपने विश्वरूप दा वखान ।
- ९—१४ धृतराष्ट्र गी संजय दे जरियै विश्वरूप दा सुनाना ।
- १५—३१ अरजुन दे जरियै भगवान् दा विश्वरूप दिखना ते उन्दी स्तुति करनी ।
- ३२—३४ भगवान् दे जरियै अपने परभावा दा सुनना, ते जुद्धा लेई अरजुन दी हिम्मत गी बदाना ।
- ३५—४६ भौ चक्क होए दे अरजुन दे जरियै भगवान् दी स्तुति ते चतुर्भुजरूपा दे दर्शन कराने लेई अर्ज करना ।
- ४७—५० भगवान् दे जरियै अपने विश्वरूपाले दरसन दी मैहमा गी आखना अतें चतुर्भुज ते शांत रूपा दा दस्सेया जाना ।
- ५१—५५ बगैर पूरी भगति दे चतुर्भुज रूप दे दरसन दा होना मुशकल ते सनेंफला इक पूरी भगति दा दस्सना ।

भक्तियोग नां दा ध्या बारमा

१—१२ साकार ते निराकार उपासकें दी बडेयाई दा फैमला
ते भगवान् दे पाने दे उपा दा मजमून ।

१३—२० भगवान् गी पाने आलें मनुक्खें दे लक्खन ।

क्षेत्र क्षेत्रज्ञ विभागयोग नां आला ध्या तेरमा

१—१८ सनें ज्ञाना दे क्षेत्र ते क्षेत्रज्ञ दा मजमून ।

१९—३४ सनें ज्ञाना दे माया ते पुरुषा दा मजमून ।

गुणत्रय विभागयोग नां दा ध्या चौदमां

१—४ ज्ञाना दी मैहमां ते प्रकृति पुरुषा थों जगत् दी पदास ।

५—१८ सत, रज ते तम त्रौनें गुणों दे बारे च ।

१९—२७ भगवान् गी पाने दा तरीका ते गुणोंगी ल्वाणी गे दे
मनुक्ख दे लक्खन ।

पुरुषोत्तमयोग नां दा ध्या पंद्रमा

१—६ संसार वृक्खा दा आखना ते भगवान् दे पाने दा
तरीका ।

७—११ जीवात्मा दे बारे च ।

१२—१५ सनें परभाव दे परमेसरा दे सुरूप दा मजमून ।

१६—२० क्षर ते अक्षर पुरुषोत्तम दा मजमून ।

दैवासुरसंपद्विभागयोग नां दा ध्या सोलमां

१—५ सनें फला दे दैवी ते आसुरी संपदा दा आखना ।

६—२० आसुरी संपदा आलें दे लक्खन ते उन्दी अधोगति
दा आखना ।

२१—२४ शासतरा दे वरखलाफ गल्लें गी छोडने ते शासतरा दे
दस्से मूजव वरतनें दी परेरना ।

श्रद्धात्रयविभागयोग नां दा ध्या सतारमां

- १—६ सरधा दा ते शासतरा दे वरखलाफ घोर तप करने
आलें दा मजमून ।
७—२२ भोजन, अग्न, तप ते दाना दे वक्खरे वक्खरे भेद
(प्रकार—किसमां) ।
२३—२८ ॐ तत्सत् दे वरतनें दा मतवल ।

मोक्ष संन्यास नां दा ध्या ठारमां

- १—१२ त्यागा दा मजमून ।
१३—१८ करमें दे होने च सांख्य दे सिद्धांता दा आखना ।
१९—४० त्रीनें गुणें अनसार ज्ञान, करम, कर्ता, बुद्ध, धृति, ते
मुद्धा द वक्खरे वक्खरे भेद ।
४१—४८ सनें फलें वरण-धर्म दा मजमून ।
४९—५५ ज्ञाना दी निष्ठा दा मजमून ।
५६—६६ सनें भगति दे निष्काम कर्मयोग दा मजमून ।
६७—७८ सिरी गीता जी दा म्हातम ।

ॐ

श्री परमात्मने नमः

गीता दे परचार दा प्रसंग

महाभारत दे जुद्ध दे रंभे च सिरी कृष्ण होरें अरजुन गी जिस गीता दा उपदेश कोता दा ऐ, ओदा लोकें च परचार कियां होआ, ओदा जिकर महाभारत नां आले ग्रंथे च गै इस चाली कीता दा ऐ—जुद्ध लगने थों पैलें व्यास जी ने धृतराष्ट्र हुंदे कोल जाइये आखेया के जेकर तुसाडी मर्जी जुद्ध दिक्खने दी होऐ तां अऊं अपनी नजर तुसेंगी दिन्नां आं, एदे उप्पर धृतराष्ट्र होरें आखेया के अऊं अपने कुला दा नास हुँदा अपनी अक्खियें ने नईं दिक्खना चान्ना आं। तद इक थार गै बैठे बैठे, सबनें गल्लें दा टकोदा पता लगने लेई संजय नां आले सूत गी व्यास होरें दिव्व दृष्टि दै दित्ती, इस संजय दे जरिये जुद्ध दे पूरे हाला दी जानकारी धृतराष्ट्र होरें गी देने दा इंतजाम करिये व्यास जी दुरी गे। (म० भा० भीष्म २) जदुं अगों जुद्ध च भीष्म होर घायल होई गै, तां उस इन्तजामा अनसार उस समाचार गी सुनाने आस्तै पैलें संजय धृतराष्ट्र हुँदे कोल गया, तद भीष्म दे बारे च बसोस करदे होई धृतराष्ट्र होरें संजय गी हुकम दिता के जुद्ध दियां सारियां गल्लां मिगी सुनाओ। ओदे अनसार संजय ने पैलें दौनें पासें दियें सेनायें दा जिकर कीता ते फिरी धृतराष्ट्र हुँदे पुच्छने उप्पर गीता सुनानी रंभ कीती। अगों चलयै ए सब

गल्ल कत्थ व्यास जी ने अपने चेलें गी सुनाई, जिंदे च वैशम्पायन ने जनमेजय गी ते एंता च सूत ने शौनक गी सुनाई ही, महाभारत ग्रंथा दे भीष्म पर्व २५में ध्या थमां ४२में ध्या तगर ए गीता आखी गई दी ऐ ।

टिप्पणी

ध्या १ श्लोक हस्तिनापुर दे चुबुक्खे जेडा मदान ऐ ना ओह कुरुखेतर गै खुआंदा ऐ । अज कल्ल दिल्ली शहर उस्से मदाने च वस्सेया दा ऐ । कौरवें पांडवें दा भलोका बुजुर्ग कुरु नां दा इक्क राजा इस मदानाली जिमीना च बडे मुशकला ने हल जोत दा हा, इस करी इसी खेतर आखदे न । जदु' इन्दर ने कुरु गी एह वर दित्ता हा के जेकडा इस खेतर च तप करदे जां जुद्ध करदे होई कोई मरी जाग तां ओह सुरग गी पाग, इस लेई उसने इसी खेतरा गी फिरी जोतना छोडी ओडेआ हा । इन्दर दे वरदान करी गै एह खेतर धरम खेतर खुआन लगी पेया हा ।

इस खेतर गी धरम खेतर आखने दे वारे च इक होर वी कत्थ ऐ, के भगवान् सिरी परशुराम होरें इक्की बारी दुष्टें ते धरमा दे द्रोहियें खत्रियें दा चांडा ठप्पा करियें इत्थें पितरें दा तर्पण कीता हा, इस करी वी इसी थारा गी धरम खेतर आखदे न ।

इस्सै करी मदान गी गै जुद्ध करने लेई कौरवें पसिन्द कीता हा ।

ध्या १ श्लोक ५ पुरुजित्—कुन्ति भोज दा पुत्तर हा, कुन्ति भोज—अरजुन दा मामा हा । धृष्टकेत—शिशुपाल दा पुत्तर हा । चेकितान यदु वेंसी हा । शैव्य शिवि देसा दा राजा हा ।

ध्या १ श्लोक ६ युधामन्यु ते उत्तमौज ए दौएँ पञ्चाल देसा दे

रौहने आले हे ते अरजुन दे चक्करा दे राखे हे । महारथी—दस्सें ज्हारें सूरमें ते इक्क गै सिज्जने आला महारथी अखुआं दा ऐ ।

ध्या १ श्लोक ११ भीष्मपितामह दी राखि करने दा मतवल ए हा जे कुतै शिखिडी उसी मारी नई सुट्टै । होर कुसै थों वी उसी डर नई हा, की जे धोखे च गिहड शेरे गी वी मारी ओडे तां शेरे दा शेर पुना गै के होआ ।

ध्या १ श्लोक २४ हृषीकेश—हृषीक विशें आली इन्दरी ते ईश ओदे उप्पर काबू पाने आला स्वामी ।

गुडाकेश गुडाका—घडाके आली नींदर ते ईश उस गी काबू रखने आला ।

ध्या १ श्लोक ३० गांडीव—अरजुन दे धनख दा ना ऐ ।

ध्या १ श्लोक ३६ आततायी—छे चालियें दे मनुख आततायी खुआंदे न, १—अग्ग लाने आला, २—मौरा खलाने आला, ३—हत्थे च थेयार लेइयै मारने गी आया दा, ४—धन गी लुट्टियै लेई जाने आला, ५—खेतरगी हरने आला, ६—जनानी गी हरी लेई जाने आला । शासतरे च इनें गी मारने दा कोई दोस नई लिखेया दा । वसिष्ठ स्मृति ध्या ३ श्लोक १६ “अग्निदो गरदश्चैव शस्त्रपाणि धनापहः । क्षेत्रदारहरश्चैव षडेते ह्यातितायिनः । “आततायी वधार्हणः ।”

ध्या १ श्लोक ४७ रथे च खडोइऐ गै जुद्ध करने दी चाल ही ते रथ दे अगले पास्से गै रथा गी चलाने आले दे कन्ने गै जुद्ध करने आले दा बौने दा रबाज हा ते रथ दे उप्पर रथाले दा झंडा बी लगा दा हुंदां हा । अरजुन दे रथा उप्पर हनुमान जी दा झंडा हा ।

टिप्पणी

ध्या २ श्लोक ५ इत्थे बहुवचना ने बुजुर्ग बड्डे बुड्डे गै समझने लोडचदे न, कीजे गुरू तां छडे द्रोणाचार्य होर गै हे ।

‘अर्थकामान्’ इसी “गुरून्” दा गै विशेषण समझना ठीक ऐ कीजे लडने थमां पैलें युधिष्ठिर ने द्रोणाचार्य ते भीष्म पितामह होरें गी मत्था टेकेया हा तां उनें युधिष्ठिर गी आखेया हा जे अस धन दे लालच मूजब हुन फसी गेदे आं, इस करी असेंगी हुन तां लडने गै पौना ऐ, कीजे मनुख धन दा दास ऐ, धन तां कुसै दा बी दास (नौकर) नई ऐ, इस लेई एह गल्ल महाराज जी सच्च गै अऊं कौरवे दे धनाने बज्जि गया दाआं ते मजबूर आं ।

टिप्पणी

ध्या १३ श्लोक १ क्षेत्र—जियां खेतरे च बोये (राए) दे बीयें दा उन्दे माफक फल समे उप्पर प्रगट हुंदा ऐ, उआं गै इन्दे च राए दे करमें दे सैसकार रूपाले बीयें दा फल समे उप्पर प्रगट हुंदा ऐ, इस लेई इदा नां खेतरे नेआ आखेया ऐ ।

ध्या १३ श्लोक २ क्षेत्र ज्ञ—ध्या १५ श्लोक ७ दिक्खो ते इन्दे उप्पर डिप्पणी दिक्खो । ज्ञान—ध्या १३ श्लोक २३ ते उदी डिप्पणी दिक्खो ।

ध्या १३ श्लोक ६—चेतना—देह ते एंताकरण दी इक चाली दी चेतन शक्ति (होश) धृति—ध्या १८ में दें श्लोक ३४-३५ दिक्खो ।

विकारें सने—पञ्चमें श्लोक च आखेया दा खेतरे दा सुरूप समझो ते इस श्लोके च आखे दे इच्छा उच्छा खेतरे दे विकार समझो ।

ध्या १३ श्लोक ७ अंदरा दी शुद्धि—सचाई ने शुद्ध बरतन बभारने । द्रबब दीते ओदे नाज दे खाने ते जित्थों तगर होई सके वर्तने ने आचरणा दी ते पानी, मिट्टी उट्टी ने देह दी शुद्धि गी बाहरली सुद्धि गलांदे न, ते प्रेम, विरोध ते छल कपट उप्पट विकारें दे नास होने ने एंताकरण दा साफ होई जाना अंदराली सुद्धि आखी जंदी ऐ ।

ध्या १३ श्लोक १० अव्यभिचारिणी भक्ति—छडे इक सारियें शक्तियें आलें परमेश्वर गी गै अपना स्वामी मन्नदे होई खुदगरजी ते अभमाना गी छोडियै सरधाले भावा सनै मते गै प्रेमा ने भगवान् दा चौरा एलै चितैना गै “अव्यभिचारिणी” भगति ऐ ।

ध्या १३ श्लोक ११ अध्यात्मज्ञान—जिस ज्ञान दे जरियै आत्मवस्त ते अनात्मवस्त समझी जा उस ज्ञान दा नां अध्यात्म ज्ञान ऐ । ज्ञान—इस ध्या दे ७में श्लोक थमा लैइयै इत्थें तगर जेडे साधन आखे न ओह सब गै तत्त ज्ञाना दे पाने च कारण होने मूजब ज्ञान नां कन्ने दस्से न ।

अज्ञान—उप्पर दस्से दे ज्ञाना दे साधने थमा जेडे उल्टे न, जेडे मान, दंभ ते हिंसा उंसा न, ओह अज्ञान दे वाद्दे च कारण होने मूजब “अज्ञान” नां कन्ने आखेदे न ।

ध्या १३ श्लोक १३ तिष्ठति (टिगेयादा) स्मान जियां ह्वा, अग, पानी ते जिमीं दा कारण रूप होने ने उनेंगी अपने च लैइयै टिगेया दा ऐ, उआं गै परमात्मा बी सबनें दा कारण रूप होने ने सारे चर ते अचर जगत् गी अपने च व्यापत करियै टिगेया दा ऐ ।

ध्या १३ श्लोक १५ अविज्ञेय—जियां सूरज दी किरणें च टिगेया दा पानी सूखम होने मूजब जने खने गी सेई नेई हूँदा, उआं

गै सब जगह रौने आला परमात्मा बी सूखम होने करी जने हनें
गी सेई नैई हुंदा ऐ ।

कोल—ओह परमात्मा सबने थारें च भरभूर ते सबने दा
आत्मा होने करी मता गै कोल ऐ ।

दूर—सरधा थमा रहत, अज्ञानी मनुखें लैई नेई जानने
करी मता दूर ऐ ।

ध्या १३ श्लोक १७—गी. ध्या. १५ श्लोक १२ दिक्खो ।

टिप्पणी

ध्या १८ श्लोक ४ सत्यव्यवहार—चीजें वस्तें दे खरीदने
ते बेचने दे इच तोल नापने ते गिनने उनने च घट देना जां वद्
लैना' इय्यां गै, वस्ता गी बटाइयै जां इक वस्ता च दुई खराब
वस्त रलाइयै देई ओडनी, जा चंगी लेई लैनी ते नफा, आढत ते
दलाली ठराइयै उसथों वद् मुल्ल लैना जां घट्ट देना ते भूठ, कपट,
चोरी ते जोरावरी जां होर कुसै दुई चाली दुए दे हक्का गी लेई
लैना इऐ ने दोसें थों रैत जेडी सचाई ने पवित्तर वस्तें दा बपार
ऐ ओदा नां सच्चा बवहार ऐ ।

ध्या १८ श्लोक ४६—जियां बर्फ पानी ने व्यापी दी ऐ
उय्यां गै सारा संसार सच्चिदानंदघन परमात्मा ने व्यापेदा
(ओचा—रलेयादा) ऐ । जियां पतिव्रता जनानी पति (खसमा)
गी गै सब किश समभदी ऐ खसमा गी चितेंदे ओई खसमा दे
हुकमा मूजब खसमा दे गै आस्तै मन, बाणी दे देहा ने कम्म
करदी ऐ, उंआं गै परमेस्सरा गी गै सब किश समभियै परमेस्सरा
दा चितन करदे ओई परमेस्सरा दे हुकमा मूजब मन, बाणी ते
देहा ने परमेस्सरा दे गै आस्तै जरुरी करने लायक कम्मा गी
करना 'कम्में दे जरियै परमेस्सरा गो पूजना ऐ ।

ध्या १८ श्लोक ४८—सह्या मूजव शासतरा दी विधिः
मुकरं कीते दे जेडे वर्णा समा दे धरमाते आम धरम रूपान्
करम न, उनेंगी गै इत्थें 'सहज करम' 'स्वकर्म' 'नियत करम'
'स्वभावज कर्म' 'स्वभाव नियत कर्म' नाएं ने आखेया दे ।

ध्या १८ श्लोक ५१-५२—सात्विक धारणा-श्लोक ३३ इह
जेदा विस्तार ऐ ।

ध्या १८ श्लोक ५४—परा भक्ति—तत्त ज्ञाना दी—जेडी तत्त
ज्ञाना दी सबनें थों परे हद् ऐ ते जिसी पुज्जी करियै फिरी किन्न
वी पाना बाकी नेई रौंदा ओ गै इत्थें "परा भक्ति" खुआंदी ऐ"
ज्ञाना दी परा तिष्ठा "परमनैष्कर्म्य सिद्धि" ते "परम सिद्धि"
इनें-इनें ने नायें ने खुआंदी ऐ । ध्या ६ श्लोक २६ दिक्खो ।

ध्या १८ श्लोक ५७—मेरे अर्पण करियै, ध्या ६ श्लोक २७
इह दिक्खो ।

टिप्पणी

ध्या १७ श्लोक २—स्वभावजा श्रद्धा । वे एतं जरमें च कीते
दे करमें दे चित्त सैंस्कारें थमा बनी दी सरधा (स्वभावजा)
खुआंदी ऐ ।

ध्या १७ श्लोक ६—शासतरा दे बरखलाफ फाकें ऊकें घोर
चालें ने कायां गी सुकाना ते भगवान् दे एंस रूपाले जीवात्मा गी
संघट देना, सारे जीवें गी ते एंतर्यामी परमात्मा गी 'कमजोर'
करना ऐ ।

ध्या १७ श्लोक ८—जेकडे भोजना दा सार देहा च चिरा
तगर रौंदा ऐ उसी थिर (टिकाऊ) आखदे न ।

ध्या १७ श्लोक १४—गुरु, इत्थें गुरु करियै—मा, बब्ब

अचारज ते बुड्डे अतें अपने थों जेडे कुसै चाली वी बड्डे ओन उनें सबनेंगी समझना लोडचदा ऐ ।

ध्या १७ श्लोक १५—(यथार्थ) ठीक-ठीक—मन ते इंदरियें ने जनेया समझेया दा ऐ ठीक उंआं गै आखना मतबल ऐ ।

ध्या १७ श्लोक १८—अनिश्चित फलाला जेदे फला दे ओने च शक ऐ ।

ध्या १७ श्लोक २० जित्थें ज्ञां जिस एलै जेड़ी वस्त नेई लबदी ओगै उत्थें उस एलै उसी बाहरा थों आनियै दित्ता जाना उस वस्ता दे जरिये जीवें दी सेवा करने जोगडा समझेया जंदा ऐ ।

टिप्पणी

(तमेव शरणं गच्छ सर्वभावेन भारत)

ध्या १८ श्लोक ६२—लाज—(शरम) भौ, मान, बड़ेयाई ते लाग (खचत) गी छोडियै इय्यां देहा ते सैंसारा च आंउं पुना, ममता थों रैत ओइयै छडा इक भावा ने मती गै सरधा ने भगति ते प्रेमा ने लगातार भगवान् दे नां, गुण, परभाव ते सुरूपा गी चित्तेंदे रौना, इय्यां भगवान् दा भजन, सिमरन करदे ओई उंदे हुकमा मूजब करने जूडे करमें दा बेगरजी ने छडे परमात्मा दे गै लेई करदे रौना ए सबने चाली परमात्मा दा अनन्य शरण (दुए गी छोडियै इक मात्र) ओना ऐ ।

ध्या १८ श्लोक ६६—(मामेकं शरणं ब्रज)

ध्या १८ श्लोक ६७—(नाभक्ताय कदाचन) वेद, शासत्तर ते परमेस्सर ते म्हात्मा अतें गुरें लोकें च सरधा, प्रेम ते पूजने जोगडे भावा (ख्याला) दा नां भगति ऐ ।

ध्या १८ श्लोक ७०—(ज्ञान यज्ञेन तेनाहमिष्टः स्यामिति मेमतिः) ।

टिप्पणी

ध्या ४ श्लोक ३३—एदे च ज्ञाना जग्गा गी सर्वोपरि
आखेया ऐ ।

टिप्पणी

ध्या १८ श्लोक ७७—एदे च 'हरेः' हरि इस बोला दा अर्थ
जेदा नां लैने करी सारे गै पापें दा नास उंदाऐ (हरति पापानि
इति हरिः) ।

ध्या १८ श्लोक २—काम्य कर्म—जनानी, पुत्तर ते धना
उना प्यारियें चीजें आस्तै ते मांदगी संगटा दे ढाने लेई जेडा जग्ग,
दान, तप ते उपासना ऊसना करम कीते जंदे न उंदा नां 'काम्य
करम' ऐ ।

ठागुरें दी भगति, देवतें दी पूजा, माऊ बब्बा उव्वै, गुरें,
बुजुर्गे दी टँहल सेवा, जग्ग, दान ते तप, अतें वरणा स्रमा मूजव
रोजी दे जरियै घृस्था दे निर्वहि, इय्यां गै देहा दे सरबंधी खाना
पीना ऊना जिन्ने करने जोगडे कम्म न, उनें सबने च इस लोके ते
परलोका दी सारियें कामनें दे त्यागा दा नां सबने कम्में दे फला
दा त्याग ऐ ।

ध्या १८ श्लोक ५—ओ मनुख गी बुद्धिमान ऐ जेडा फल ते
त्याग (खिचन) भी त्यागिये छडा भगवान् आस्तै गै करम
करदा ऐ ।

ध्या १८ श्लोक ७—नियत कर्म—श्लोक ४८

सब्हा मूजव शासतरा दी विधि ने मुकर्र कीते दें जेडे
वरणाते आस्रमा दे धरम ते सामूली धरम रूपाले सब्हावा दे
करम ऐन, उनेंगी गै इत्थें 'स्वधर्म' सहज कर्म नियत कर्म स्वभावज
कर्म स्वभाव नियत कर्म उर्म नांए ने आखेया ऐ ।

ध्या १८ श्लोक १२—सारें करने लायक करमें च फल, लाग, ते करने पूने दा अभमान जिसने त्यागी दिता ऐ ओदा गै नां त्यागी ऐ ।

ध्या १८ श्लोक १४—जेदे आस्रै करम कीते जान ओदा नां गै आधार ऐ ।

जिनें इंदरियें उंदरियें ते साधन दे जरियै कम्म कीतै जंदे न उंदा नां 'करण' ऐ । पैलें जरमें च कीते दे चंगे मंदे करमें दा नां 'दैव' ऐ ।

ध्या १८ श्लोक १६—नस पश्यति दुर्मतिः ।

सत्संग—चंगे मनुखें दी सीहवत ते शासतरा दे भ्यासा ने ते परमेस्सरा दे निमित्त करम ते उपासना गी करने ने मनुख दी बुद्ध (अकल) शुद्ध (साफसुथरी) हुंदी ऐ, इस लेई जेडा उप्पर दस्से दे साधनें थों रहत ऐ ओदी बुद्ध अशुद्ध (मैली) ऐ नेआ समझना लोडचदा ऐ ।

ध्या १८ श्लोक १७—जिय्यां अगग, ह्वा ते पानी दे जरियै परालब्धा मूजव कुसै जीवा दी हिंसा हुंदी दिक्खने च आवै तां बीओह असली च हिंसा (जान्ना दा जाना) नेई ऐ, जिय्यां गै जिस मनुख दा देहा च अभमान नेई ऐ ते स्वारथा (खुदगरजा) थों रहत छडा दुनियां दे भले लेई गै जेदे सारे कम्म ओंदे न, मनुखा दे देहा ते इंदरियें दे जरियै जेकर कुसै जीवा दी हिंसा आंदी (जान जंदी) ऐ ओई लोकें दी नजरा च दिक्खी जां तांवी ओ असली च हिंसा नई, की जे लागा, खुदगरजी ते अभमान नई ओने करी कुसै बी जीवा दी हिंसा ओई गै नई सकदी ते वगैर करने पूने दे अभमानाथों कीता दा कम्म असली च कम्म गै नई गिनों दा, इस लेई ओह मनुख पापा ने नई बजदा ऐ ।

ध्या १८ श्लोक १८—ज्ञाता—जानने आला, ज्ञान जेदे जरिये जानेया जा। ज्ञेय—जानने जोगडी वस्त। कर्ता—कम्म करने आला करण-जिनें साधनें ने कम्म कीता जा क्रिया—करना (कम्म)।

ध्या १८ श्लोक २६—दीर्घ सूत्री—कम्मा गी लमकाई रखने आला। थोड़े चिरा च ओने आले ममूली कम्म गी बी फी करी लैगे, आस करियै मते चिरे तिवकर बी नई करदा।

ध्या १८ श्लोक २६ प्रवृत्ति मार्ग—घृस्था च रौंदे ओई फल ते लागा गी छोड़ियै परमेस्सरा दे निमित्त अर्पण करने आली बुद्धा ने छड़े लोकें दी सिक्खा मूजव राजे जनक आंगर वरतने दानां प्रवृत्ति मार्ग ऐ।

देहा दे अभमानागी छोड़ियै छड़े सच्चिदानंद घन परमेस्सरा च इक होए दे भावानै टिगे दे शुक्रदेव ते सनक सनंदन उदना आंगर ओइये विचरना निवृत्ति मार्ग ऐ।

ध्या १८ श्लोक ३३ ठागुरें दे बारे गी छोड़ियै होर दुएं दुनिया-दारी आलें विशें गी धारण करना गै व्यभिचार ऐ, उस दोसा थों जेड़ी रहत ऐ ओह अव्यभिचारिणी धारणा ऐ। मन, प्राण ते इन्दरियें गी भगवान् दे पाने मूजव भजन, ध्यान ते निष्काम करमें च लाने दानां गै उन्दी कियेया गी धारण करना ऐ।

ध्या १८ श्लोक ३७—जियां खेडा च मग्न जागता गी विद्या दा भ्यास पैलो-पैल (शुरू-शुरू च) मूरख पुते थों (बे समझाकरी) मौरे आंगर लगदा ऐ पर नतीजे च तां अमरता दे गै बरोबर ऐ, इस लेई भगवान् दे पाससै बुद्धा दे परसादा थों ओआ दा सुख ऐ, ओ सतो गुणी खुआंदा ऐ।

उआं गं विशें च मस्त ओए दे मनुखा गी भगवान् दा भजन

ध्यान, सेवा ऊँवा साधनें दा भ्यास असलो गल्ला दा पता नई
ओने करी पैलोपैल मौरे बरोबर गै सेई ओंदा ऐ ।

ध्या १८ श्लोक ३८—बल, वीरज, बुद्ध, धन, हिम्मत ते
परलोका दा नास करने आला ओने करी विशें ते इंदरियें दे
संजोगाने ओने आले सुखा गी नतीजे च मौरे बराबर आखेया ऐ ।

ध्या १८ श्लोक ४२ ध्या १३ श्लोक ७—शौच, अंदरा ते
बाहरा दी सुच्च सचाई ने, साफ सुथरा बरतने नै, द्रब्बा दी ते
ओदे नाजाने खाने दी अतें जथाजोग बरतने नै चाल चलना दी ते
मिट्टी पानी ऊनी ने देहा दी सफाई गी बाहरली सुद्धि आखदे न,
अतें राग, द्वेस ते छल-कपटा उपटा दे विकारें दा नास ओइऐ
एंताकरणा दी सफाई गी अंदरूनी सुच्च आखदे न ।

हरिः ॐ

श्रीमद्भगवद्गीता

अध्या [१]

धृतराष्ट्र उवाच

धर्मक्षेत्रे कुरुक्षेत्रे समवेता युयुत्सवः ।

मामकाः पाण्डवाश्चैव किमकुर्वत संजय ॥१॥

धृतराष्ट्र बोलेआ, ए संजय ? धर्म दी धरती कुरु खेतर (मदान) च जुद्ध करने दी मर्जी आलें मेरे पुत्तरें (दुर्योधन होरें) ते पांडु (मेरे आऊ) दे पुत्तरें युधिष्ठिर होरें किट्ठे होइए के कीता ॥ १ ॥

संजय उवाच

दृष्ट्वा तु पाण्डवानोंकं व्यूढं दुर्योधनस्तदा ।

आचार्यमुपसङ्गम्य राजा वचनमब्रवीत् ॥२॥

एदे उप्पर संजय बोलेआ, तद राजे दुर्योधन ने मोर्चा बन्दी करिये खड़ोती दी पांडवें दी फौजा गी दिक्खिये ते द्रोणाचार्य हुंदे कोल जाइए ए बोल बोले ॥ २ ॥

पश्येतां पाण्डुपुत्राणामाचार्य महतीं चमूम् ।

व्यूढां द्रुपदपुत्रेण तव शिष्येण धीमता ॥३॥

ए गुरु जी महाराज ? तुसाड़े अकली आले चेले राजे द्रुपदा

दे पुत्तर (धृष्टद्युम्न) ने मोरचा बन्दी करिये खड़ेरी दी पाण्डवों दी
इसी सेना (फौजा) गी तुस नजर मारो ॥ ३ ॥

अत्र शूरा महेष्वासा भीमार्जुनसमा युधि ।

युयुधानो विराटश्च द्रुपदश्च महारथः ॥४॥

इस फौजा च बड्डे-बड्डे धनखधारी जुद्धे च भीमसेन ते
अरजुन दी बरोबरी दे मतेसारे सूरमें न, जिंदे च सात्यकि, विराट
ते महारथी राजा दुपद वी ऐ ॥ ४ ॥

धृष्टकेतुश्चेकितानःकाशिराजश्च वीर्यवान् ।

पुरुजित्कुन्तिभोजश्च शैब्यश्च नरपुङ्गवः ॥५॥

ते धृष्टकेतु, चेकितान ते जोराला काशिराज, पुरुजित् कुन्ति-
भोज ते महापुरष शैव्य वी ॥ ५ ॥

युधामन्युश्च विक्रान्त उत्तमौजाश्च वीर्यवान् ।

सौभद्रो द्रौपदेयाश्च सर्व एव महारथाः ॥६॥

ते हिम्मताला युधामन्यु ते जोरावर उत्तमौजा, सुभद्रा दा
पुत्तर (अभिमन्यु) ते द्रौपदी दे पंजै पुत्तर ए सब गै
महारथी न ॥ ६ ॥

अस्माकं तु विशिष्टा ये तान्निबोध द्विजोत्तम ।

नायका मम सैन्यस्य संज्ञार्थं तान्ब्रवीमि ते ॥७॥

ए ब्रह्मणों च स्नेष्ट ? साडे आले पासै जेडे-जेडें खास-खास
न उनें गी बी तुस जानि लैओ ते तुसाडी जानकारी लैई मेरी फौजा
च जेडे-जेडे फौजा दे अफसर (करनैल ते जरनैल) न उनेंगी बी
मीं बोली ओडनन आं ॥ ७ ॥

भवान्भीष्मश्च कर्णश्च कृपश्च समितिजयः ।

अश्वत्थामा विकर्णश्च सौमदत्तिस्तथैव च ॥८॥

इक तां तुस आपूँ गै होए, ते पितामह भीखम, अतें कर्ण,
जुद्धा दे जितेरे किरपाचारज होर ते अश्वत्थामा, विकर्ण (दुर्योधना
दा भ्रा) ते सोमदत्त दा जागत (भूरिश्रवा) ए न ॥ ८ ॥

अन्ये च बहवः शूरा मदर्थे त्यक्तजीविताः ।

नानाशस्त्रप्रहरणाः सर्वे युद्धविशारदाः ॥९॥

ते होर बी मते सारे सूरमें नेकें चालियें दे थ्यारें ने मार
करने आले ऐन, जिनें मेरे लैई जीने दी आस बी छोड़ि ओड़ी दी ऐ,
सारें दे सारे गै जुद्धा च चतर न ॥ ९ ॥

अपर्याप्त तदस्माकं बलं भीष्माभिरक्षितम् ।

पर्याप्तं त्विदमेतेषां बलं भीष्माभिरक्षितम् ॥१०॥

ते भीखम पितामह ओंदे जरिऐ संबलोई दी साडी ओ फौज
कुसै चाली बी जितौने आली नईं ऐ ते भीमसेन द जरिऐ संबलोई
दी इंदी फौज जित्तनी सुखल्ली ऐ ॥ १० ॥

अयनेषु च सर्वेषु यथाभागमवस्थिताः ।

भीष्ममेवाभिरक्षन्तु भवन्तः सर्व एव हि ॥११॥

इस लैई सबनें मोर्चे दे उप्पर अपने-अपने थारा इच टिगिऐ
तुस सारें दे सारे गै चुबुक्खे भीखमपितामह होरें दी गै
राखि रखो ॥ ११ ॥

तस्य संजनयन्हर्षं कुरुवृद्धः पितामहः ।

सिंहनादं विनद्योच्चैः शङ्खं दध्मौ प्रतापवान् ॥१२॥

इस चाली द्रोणाचार्य होरें कन्ने गल्ल करदे होई दुर्योधन दे वचनें गी सुनिए कौरवें च बुड्ढे बड़े परतापाले भीखमपितामह होरें उस दुर्योधना दे हिरदे च खुशी प्रगट करदे होई उच्ची सुराने शेरा आंगर गर्जिए सैंख बजाया ॥ १२ ॥

ततः शङ्खाश्च भेर्यश्च पणवानकगोमुखाः ।

सहसैवाभ्यहन्यन्त स शब्दस्तुमुलोऽभवत् ॥ १३ ॥

ओदे प्रैंत सैंख ते नगारे, ढोल, डफले ते नरसिंगे उंगे वाजे इक्कैआरी वज्जन लगी पे ते उंदी ओह घनघोर गडगज्ज मति गै डरौनी ही ॥ १३ ॥

ततः श्वेतैर्हयैर्युक्ते महति स्यन्दने स्थितौ ।

माधवः पाण्डवश्चैव दिव्यौ शङ्खौ प्रदध्मतुः ॥ १४ ॥

एदे प्रैंत चिट्ठे घोड़ें ने जुगड़े दे बदिऐ रथे च बैठे दे सिरि कृष्ण महाराज होरें ते अरजुना ने वी दिव्व सैंखें गी बजाया ॥ १४ ॥

पाञ्चजन्यं हृषीकेशो देवदत्तं धनंजयः ।

पौण्ड्रं दध्मौ महाशङ्खं भीमकर्मा वृकोदरः ॥ १५ ॥

उंदे च सिरि कृष्ण जी ने पांचजन्य नां आला, अरजुना ने देवदत्त नां आला तेडरौनेकम्म करने आले भीमसेना ने पौंड्र नां आला बड़ा बड्डा सैंख बजाया ॥ १५ ॥

अनन्तविजयं राजा कुन्तीपुत्रो युधिष्ठिरः ।

नकुलः सहदेवश्च सुघोषमणिपुष्पकौ ॥ १६ ॥

कुंती दे पुत्तर युधिष्ठिरा ने अनंत विजय नां आला, नकुल से सहदेवा ने सुघोष ते मणिपुष्पक नां आले सैंख बजाये ॥ १६ ॥

काश्यश्च परमेष्वासः शिखण्डी च महारथः ।

धृष्टद्युम्नो विराटश्च सात्यकिश्चापराजितः ॥१७॥

बदिया धनखा आले काशिराजै ते महारथी शिखंडी,
धृष्टद्युम्न, राजा विराट ते नेईं जितौने आला सात्यकि ॥१७॥

द्रुपदो द्रौपदेयाश्च सर्वशः पृथिवीपते ।

सौभद्रश्च महाबाहुः शङ्खान्दध्मुः पृथक्पृथक् ॥१८॥

अतें राजे द्रुपदे ने द्रौपदी दे पंजे पुत्तरें ते बड्डियें भुजें आले
सुभद्रा दे पुत्तरा (अभिमन्यु) ने ए राजा जी ? इनें सबनें गै
बकखरे-बकखरे सैंख बजाये ॥ १८ ॥

स घोषो धार्तराष्ट्राणां हृदयानि व्यदारयत् ।

नभश्च पृथिवीं चैव तुमुलो व्यनुनादयन् ॥१९॥

उस सैंखें दी गडगज्जाली धुनाने गास ते धरती गी गुंजांदे
होई धृतराष्ट्रा दे पुत्तरें दे कलेजे गी चीरी सुट्टेआ ॥ १९ ॥

अथ व्यवस्थितान्दृष्ट्वा धार्तराष्ट्रान् कपिध्वजः ।

प्रवृत्ते शस्त्रसंपाते धनुरुद्यम्य पाण्डवः ॥२०॥

हृषीकेशं तदा वाक्यमिदमाह महीपते ।

सेनयोरुभयोर्मध्ये रथं स्थापय मेऽच्युत ॥२१॥

ए राजा जी ! उस थों परैंत हनुमाना दी मूर्तिया दे भंडे
आले अरजुना ने खडोते दे धृतराष्ट्रा दे पुत्तरें गी दिक्ख करिये
उस शस्त्रें (थ्यारें) दी चलने दी त्यारिया दे समे उप्पर धनखा
गी चुक्किये हृषीकेश सिरि कृष्ण होरें गी ए आखिया, जे ए
अच्युत ? मेरे रथा गी दौनें सेनायें दे वशकार लैई जाई ऐ
खडोरी देओ ॥ २० ॥ २१ ॥

यावदेतान्निरोक्षेऽहं योद्धुकामानवस्थितान् ।

कर्मया सह योद्धव्यमस्मिन्नरणसमुद्यमे ॥२२॥

जद तिक्कर आऊं इनेंगी लड़ने दी मर्जिया ने खडोतें दें गी
भलेयां दिक्ख लैं, की जे इस लडाई दे धन्दे च कुंदे-कुंदे कन्ने
मेरा जुद्ध करना बनकदा ऐ ॥ २२ ॥

योत्स्यमानानवेक्षेऽहं य एतेऽत्र समागताः ।

धार्तराष्ट्रस्य दुर्बुद्धेर्युद्धे प्रियचिकीर्षवः ॥२३॥

ते दुर्बुद्धियाले दुर्योधन दा भला चितेने आले जेड़े-जेड़े ए
राजेलोक इस सेना च आए दे न, उर्नें जुद्ध करने आलें गी आऊं
दिक्ख लैंड ॥ २३ ॥

संजय उवाच

एवमुक्तो हृषीकेशो गुडाकेशेन भारत ।

सेनयोरुभयोर्मध्ये स्थापयित्वा रथोत्तमम् ॥२४॥

भीष्मद्रोणप्रमुखतः सर्वेषां च महीक्षिताम् ।

उवाच पार्थ पश्यैतान्समवेतान्कुरुनिति ॥२५॥

संजय बोलेया, ए धृत राष्ट्र जी ? अरजुना दे इस चाली
आखने उप्पर सिरी कृष्ण चन्द्र होरें दौनें फौजें दे मजैटै भीष्म
ते द्रोणाचारजा दे सामने बढिया रथा गो खडेरियै इआं आखेया
जे ए अरजुन ? इनें जमा होए दे कौरवें गी नजर मारि
लैओ ॥ २४ ॥ २५ ॥

तत्रापश्यत्स्थितान्पार्थः पितृनथ पितामहान् ।

आचार्यान्मातुलान्भ्रातृन्पुत्रान्पौत्रान्सखींस्तथा ॥२६॥

श्वशुरान्सुहृदश्चैव सेनयोरुभयोरपि ॥२६-१/२॥

ओदे प्रंत पृथा दे पुत्तर अरजुना ने उनें दौनें गै फौजें च खडोते दे बढ्वा दे आयें, चाचें ते तायें गी दादें गी, गुरें गी, मामें गी, भ्रायें गी, पुत्तरें गी, भरतियें गी, पोत्तरें गी ते मित्तरें गी, सौहरें गी ते हितचाहने आलें गी बी दिक्खेया ॥ २६-१/२ ॥

तान्समोक्ष्य स कौन्तेयः सर्वान्बन्धूनवस्थितान् ॥२७॥

कृपया परयाविष्टो विषीदन्तिदमब्रवीत् ॥२७-१/२॥

इस चाली उनें सारें गै सरवधियें गी खडोते दें गी दिक्खिये ओह कुंती दा पुत्तर अरजुन मति गै किरपा दे जोशा च आएदा खिजिये ए बोलेया ॥ २७-१/२ ॥

अर्जुन उवाच

दृष्ट्वेमं स्वजनं कृष्ण युयुत्सुं समुपस्थितम् ॥२८॥

सीदन्ति मम गात्राणि मुखं च परिशुष्यति ।

वेपथुश्च शरीरे मे रोमहर्षश्च जायते ॥२९॥

ए कृष्ण ? इस जुद्धा गी चाहने आले सामने खडोते दे अपने गै इनें लोकें गी दिक्खि करी मेरे अंग अंग संगडोआ करदे न ते ज्ञात सुक्का करदा ऐ ते मेरे देहा गी कम्मनी छिड़ि पेई दी ऐ ते रोंगटे खडोआ करदे न ॥ २९ ॥

गाण्डीवं स्रंसते हस्तात्त्वक्चैव परिदह्यते ।

न च शक्नोम्यवस्थातुं भ्रमतीव च मे मनः ॥३०॥

ते हत्था चा गांडीव धनख छुड़का करदा ऐ ते देह दी कंजली बी सड़ा बला दी ऐ ते मन बी मेरा फिरा करदा ऐ, इस लैई आऊं खडोई नईं सकदा आं ॥ ३० ॥

निमित्तानि च पश्यामि विपरोतानि केशव ।

न च श्रेयोऽनुपश्यामि हत्वा स्वजनमाहवे ॥३१॥

ते ए केशव ? लखन बी उल्टे गै दिक्खा करना ते जुद्धे
च अपने कुलालेंगी मारियै भला बी नई लब्बा दा ॥ ३१ ॥

न काङ्क्षे विजयं कृष्ण न च राज्यं सुखानि च ।

किं नो राज्येन गोविन्द किं भोगैर्जीवितेन वा ॥३२॥

ते ए कृष्ण ? मिगी तां जित्ता दी बी लोड़ नई ऐ ते राजै
ते सुखें गी बी आऊं नई चाहंदा, ए गोविंद ? असें गी राज्ये ने
के मतलब ऐ जां भोगें ते जीने नै बी के गरज ऐ ॥ ३२ ॥

येषामर्थे काङ्क्षितं नो राज्यं भोगाः सुखानि च ।

त इमेऽवस्थिता युद्धे प्राणांस्त्यक्त्वा धनानि च ॥३३॥

की जे असें गी जिंदे लैई राज, भोग ते सुख लोड़चदा ऐ
ओ गै ए सब धन ते जीने दी बी आस छोड़ियै जुद्धे च आई
खड़ोते दे न ॥ ३३ ॥

आचार्याः पितरः पुत्रास्तथैव च पितामहाः ।

मातुलाःश्वशुराःपौत्राःश्यालाःसम्बन्धिनस्तथा ॥३४॥

जेड़े के गुरपीर, ताए, चाचे, जागत ते उऐ जने दादे, मामे,
सौहरे, पोत्तरे साले ते होर बी सरबन्धी लोक न ॥ ३४ ॥

एतान्न हन्तुमिच्छामि घ्नतोऽपि मधुसूदन ।

अपि त्रैलोक्यराज्यस्य हेतोः किं नु महीकृते ॥३५॥

इस लैई ए मधु सूदन ? मिगी मारने उप्पर बी जां त्रौने
लोकें दे राजै लैई बी आऊं इनें सबनें गी मारना नई चाहंदा,
फिरि भरती आस्ते तां गल्ल के ऐ ॥ ३५ ॥

निहत्य धार्तराष्ट्रान्नः का प्रीतिः स्याज्जनार्दन ।

पापमेवाश्रयेदस्मान्हत्वैतानाततायिनः ॥३६॥

ए जनार्दन ? धृतराष्ट्र दे पुत्तरें गी मारी करिऐ वी असेंगी के खुशी होग, इनें गी हिंसा (जान लेने) उप्पर उतरी आए दें गी (सरबंधिएं दे नातै) मारने ने वी असें गी पाप गै लगग ॥ ३६ ॥

तस्मान्नार्हा वयं हन्तुं धार्तराष्ट्रान्स्वबान्धवान् ।

स्वजनं हि कथं हत्वा सुखिनः स्याम माधव ॥३७॥

इसथमा ए माधव ? आपने सरबंधियें धृतराष्ट्र दे पुत्तरें गी मारने जोगडे अस नेईं आं, कीजे आपने घरा दें गी मारिऐ अस कियां सुखी होई सकने आं ॥३७॥

यद्यप्येते न पश्यन्ति लोभोपहतचेतसः ।

कुलक्षयकृतं दोषं मित्रद्रोहे च पातकम् ॥३८॥

जेकर लालचा ने मना दे भृष्ट होई जाने करिऐ ए कुला दे नास करने दे दासा गी ते मित्तरें ने वैर विरोध करने दे पापा गी नेईं दिक्ख (समझ) दे न ॥३८॥

कथं न ज्ञेयमस्माभिः पापादस्मान्निवर्तितुम् ।

कुलक्षयकृतं दोषं प्रपश्यद्भिर्जनार्दन ॥३९॥

पर ए जनार्दन ? कुल दे नास करने ने होने आले दोस गी जानने आले असेंगी इस पापा थों पिच्छें हटने लैई की नेईं सोचना लोडचदा ॥३९॥

कुलक्षये प्रणश्यन्ति कुलधर्माः सनातनाः ।

धर्मो नष्टे कुलं कृत्स्नमधर्मोऽभिभवत्युत ॥४०॥

कीजे कुला दा नास होने ने कुला दे सनातन धरम नष्ट होई जंदे न, कुल दे धरम दे छुडकने ने सारे कुला गी पाप ओडि सुटदा ऐ ॥४०॥

अधर्माभिभवात्कृष्ण प्रदुष्यन्ति कुलस्त्रियः ।

स्त्रीषु दुष्टासु वाष्ण्येय जायते वर्णसंकरः ॥४१॥

अतें ए कृष्ण ? पापा ने दवोने उप्पर कुल घराने दियें जनानियें दे दूसि जाने करी वरण सैंकर जम्मि पौंदा ऐ ॥४१॥

संकरो नरकायैव कुलघ्नानां कुलस्य च ।

पतन्ति पितरो ह्येषां लुप्तपिण्डोदकक्रियाः ॥४२॥

ते ओ वरण सैंकर कुल दा नास करने आलें गीते कुला गी नरक च लैई जाने आस्तै गै हुंदा ऐ, कीजे पिंड पानी आली किरिया ने लोप (खतम) होने करिऐ इंदे पितर लोक बी डिगि जंदे न ॥ २॥

दोषैरेतैः कुलघ्नानां वर्णसंकरकारकैः ।

उत्साद्यन्ते जातिधर्माः कुलधर्माश्च शाश्वताः ॥४३॥

ते इनें वरण सैंकर बनाने दे दोसें थों कुल दा नास करने आलें दे सनातन कुल धरम ते जाति दे धरम उक्खड़ी जंदे न ॥४३॥

उत्सन्नकुलधर्माणां मनुष्याणां जनार्दन ।

नरकेऽनियतं वासो भवतीत्यनुशुश्रुम ॥४४॥

ते ए जनार्दन ! उक्खड़े दे कुल धरमालें मनुखें दा बेएंत समे तिवकर नरक इच गै वास रौंदा ऐ ए असें सुनेया दा ऐ ॥४४॥

अहो बत महत्पापं कर्तुं व्यवसिता वयम् ।

यद्राज्यसुखलोभेन हन्तुं स्वजनमुद्यताः ॥४५॥

ओहो ? वसोस ऐ जे अस समझदार होइऐ बी बड़ा पाप करने गी ते उठि खड़ोते आं, जेडे अस राज्या दे सुखा दे लालचा दे मारे आपने कुल गी बी मारने लई त्यार होई गे आं ॥४५॥

यदि मामप्रतीकारमशस्त्रं शस्त्रपाणयः ।

धार्तराष्ट्रा रणे हन्युस्तन्मे क्षेमतरं भवेत् ॥४६॥

जेकर विना थ्यारें ते बगैर बचा करने आले गी मिगी हतथें च थ्यारें आले धृतराष्ट्र दे पुत्तर जुद्धा दे मदाना च मारी ओडन तां ओ मारना बी भेरे आस्तै बड़ा कल्याणकारी होग ॥४६॥

संजय उवाच

एवमुक्त्वार्जुनः संख्ये रथोपस्थ उपाविशत् ।

विसृज्य सशरं चापं शौकसंविग्नमानसः ॥४७॥

संजय बोलैआ, जे जुद्धा दे मदान इच वसोसा नै मना च बड़ा दुःखी होइऐ अरजुन इयां आखिए तीरें समेत धनखा गी छोड़िए रथा च खड़ोता दा अपने थां च बेई गया ॥ ४७ ॥

इस चाली सिरी भगवान् होरें दी आखिदियें उपनिषदें च ब्रह्म विद्या दे अंदर योगशासतरा दे सर बंधा च सिरी कृष्ण ने अरजुन हुंदी गल्ला कथा च अरजुन विषादयोग नां आला पैहला व्या मुक्का ।

ध्या [२]

संजय उवाच

तं तथा कृपयाविष्टमश्रुपूर्णकुलेक्षणम् ।

विषीदन्तमिदं वाक्यमुवाच मधुसूदनः ॥१॥

संजय बोलेआ, इस चाली देया च आए दे ते अत्यरुये ने
ने भोचिदिये डौर-भीर ओइदिये अक्खिये आले ते वड़े वसोसा च
पेवे उसी अरजुना गी भगवान् मधुसूदन होरे ए आखेया ॥ १ ॥

श्री भगवानुवाच

कुतस्त्वा कश्मलमिदं विषमे समुपस्थितम् ।

अनार्यजुष्टमस्वर्ग्यमकीर्तिकरमर्जुन ॥२॥

सिरी भगवान् बोले, ए अरजुन ? तुगी इस आखे एल्लै
कमीने मानुये आला एकड़ा भरम (बैहम) कुत्थों आई चंबडेया ऐ,
जेदे थमा नई सुर्ग ते नई गै जस्स ऐ ॥ २ ॥

क्लैब्यं मा स्म गमः पार्थ नैतत्त्वय्युपपद्यते ।

क्षुद्रं हृदयदौर्बल्यं त्यक्त्वोत्तिष्ठ परंतप ॥३॥

इस लेई ए अरजुन ? तू खुसरे पुने च मत पौ, ए तुगी नई
बनकदा, ए परंतप ? हिरदे दी नकम्मी कमजोरी गी छोड़िऐ जुद्ध
करने लेई खड़ोई जा ॥ ३ ॥

अर्जुन उवाच

कथं भीष्ममहं संख्ये द्रोणं च मधुसूदन ।

इषुभिः प्रति योत्स्यामि पूजार्हाविरसूदन ॥४॥

तद अरजुन बोलेआ. जे ए मधुसूदन ? आऊं जुद्धाले मदाना
च भीष्मपितामह ते द्रोणाचार्य ओंदे ने कियां तीरें ने जुद्ध करड,
कीजे ए अरसूदन ? ओ तां दौएँ पूजने जोगड़े न ॥ ४ ॥

गुरुनहत्वा हि महानुभावान्
श्रेयो भोक्तुं भैक्ष्यमपीह लोके ।

हत्वार्थकामास्तु गुरुनिहैव

भुञ्जीय भोगान् रुधिरप्रदिग्धान् ॥ ५ ॥

इस लेई (आं ऊं तां) इने माना जोगड़े गुरें गी नईं मारिऐ
इस संसारा च भिक्ख मंगियै खाना बी चंगा (अपना भला करने
आला) समझना आं, कीजे गुरें गी मारियै बी इत्थें लऊऐ ने
लथपथ होए दे अर्थ ते कामरूपाले भोगें गी गै भोगड ॥ ५ ॥

न चैतद्विद्मः कतरन्नो गरीयो

यद्वा जयेम यदि वा नो जयेयुः ।

यानेव हत्वा न जिजीविषाम-

स्तेऽवस्थिताः प्रमुखे धार्तराष्ट्राः ॥ ६ ॥

ते असें गी ए बी नईं पता जे दौं गल्लें च कुन-गड़ी गल्ल
साड़ें आस्तै चंगी ऐ, अस उनेंगी जित्त गे जां ओ असें गी जित्तडन
ते जिनें गी मारियै अम नईं जीना चांदे ओ गै धृतराष्ट्रा दे पुत्तर
साड़ें सामनै आई खड़ोते दे न ॥ ६ ॥

कार्पण्यदोषोपहतस्वभावः

पृच्छामि त्वां धर्मसंमूढचेताः ।

यच्छ्रेयः स्यान्निश्चितं ब्रूहि तन्मे

शिष्यस्तेऽहं शाधि मां त्वां प्रपन्नम् ॥ ७ ॥

डरूपुने (कायर पुने) दे दोसाकरी मेरे सव्हा च फरक पेई
 गया ऐ, ते धरम दे बारे च बी मना च भरम सेई होआ दा ऐ,
 तां आऊं तुसें गी पुच्छाना, जेड़ी गल्ल निश्चेने मेरे आस्तै चंगी ऐ
 ओ मिगी तुस दस्सो, आऊं तुसाड़ा चेला आं, ते तुसाड़ी पाखि पेआ
 दा आं, मिगी चंगी चाली तुस सिक्ख मत्त देओ ॥ ७ ॥

न हि प्रपश्यामि ममापनुद्याद्

यच्छोकमुच्छोषणमिन्द्रियाणाम् ।

अवाप्य

भूमावसपत्नमृद्धं

राज्यं सुराणामपि चाधिपत्यम् ॥८॥

की जे धरती उप्पर वैरियें थों रहत, धन ते नाज-ऊज ने
 भरपूर राज-पाई करियै बी ते देवतें दी घूमत सहालियै बी
 इंदरियें दे सोका लाने आले बसोसा गी ढाने आला कोई उपा
 मिगी नजरी नई आवा दा ॥ ८ ॥

संजय उवाच

एवमुक्त्वा हृषीकेश गुडाकेशः परंतप ।

न योत्स्य इति गोविन्दमुक्त्वा तूष्णीं बभूव ह ॥९॥

संजय बोलेआ, ए राजा जी ? गुडाकेश (नींदरा दे मालिक
 अरजुन) ने हृषीकेश (विशें आलियें इंदरियें दे मानिक सिरी
 कृष्ण भगवान्) होरें गी इस चाली आखियै फिरी गोविन्द भगवान्
 जी गी “आऊं जुद्ध नई करड” इयां साफ-साफ गै आखियै चुप-
 चाप होई गया ॥ ९ ॥

तमुवाच हृषीकेशः प्रहसन्निव भारत ।

सेनयोरुभयोर्मध्ये विषीदन्तमिदं वचः ॥१०॥

एदे प्रैंत, ए भरत वेंसाले धृतराष्ट्र जी ? एंतयामी सिरि
कृष्ण महाराज होरें दौनें फोजें दे बशकार बिखैदा च पैदे उसी
अरजुना गी मन्नो हसदे हसदे ए गल्ल आखी ॥१०॥

श्रीभगवानुवाच

अशोच्यानन्वशोचस्त्वं प्रज्ञावादांश्च भाषसे ।

गतासूनगतासूंश्च नानुशोचन्ति पण्डिताः ॥११॥

सिरि भगवान् बोले, ए अरजुन ? जिंदा वसोस नेईं करना
लोडचदा ऐ तूं तां उंदा गै वसोस करा करना ऐं ते फड़ां तां बड़े
बड़े अकली आलें आंगर सुट्टानां, चंगा मंदा सोचने दी अकली आले
पंत तां जिंदे प्राण ओदे न ते जिंदे नेईं रौंदे उनें दौनें च कुसा दा
बी वसोस नेईं करदे न ॥११॥

न त्वेवाहं जातु नासं न त्वं नेमे जनाधिपाः ।

न चैव न भविष्यामः सर्वे वयमतः परम् ॥१२॥

नेई कोई गल्ल तां एहगै नेईं जे आऊं पैहलें कदे बी नेईं
हा, जां ए सारे गै राजे बी नेईं हे ते फिरी अगें गी बी अस सारे
गै नेईं होंगे कोजे आत्मा तां नित्य ऐ इस लैई वसोस करना तां
बेअर्थ गै (फजूल) ऐ ॥१२॥

देहिनोऽस्मिन्यथा देहे कौमारं यौवनं जरा ।

तथा देहान्तरप्राप्तिर्धीरस्तत्र न मुह्यति ॥१३॥

कीजे जियां जीवात्मा गी इस देहा च बचपुना, ज्वानी ते
बुढापा आई जंदा ऐ, उंआं गै ओदे प्रैंत दुआ देह बी तां थोई जंदा
ऐ, इसलैई भीरजाला (भ्रोता दा) मनुख तां बाबरदा नेईं ऐ ॥१३॥

मात्रास्पर्शस्तु कौन्तेय शीतोष्णसुखदुःखदाः ।

आगमापायिनोऽनित्यास्तांस्तितिक्षस्व भारत ॥१४॥

ए कुंती दे पुत्तर ? सरदी, गरमी ते सुख, दुःखा गी देने आले इंदरियें दे विशें दे संजोग तां आउने जाने आले होने करिऐ अनित्य (थोड़े चिरा तिककर गै रौंदे) न इस लैई ए भरत वैसाले अरजुन ? उनेंगी तूं स्हारि लै खां ॥ १४ ॥

यं हि न व्यथयन्त्येते पुरुषं पुरुषर्षभ ।

समदुःखसुखं धीरं सोऽमृतत्वाय कल्पते ॥१५॥

की जे ए सत्पुरुष दुखा सुखा गी इक्का नेआ समझने आले धीरजाले जिसी मनुखा गी एकड़े इंदरियें दे विशे घबराट नई पाई सकदे ओ गै मुक्ति पाने जोगड़ा हुंदा ऐ ॥ १५ ॥

नासतो विद्यते भावो नाभावो विद्यते सतः ।

उभयोरपि दृष्टोऽन्तस्त्वनयोस्तत्त्वदर्शिभिः ॥१६॥

ते ए अरजुन ? असत् वस्ता दा नेई होना ते सत् वस्ता दा होना इनें दौनें गल्लें गी तां तत्वा दे जानने आलें ज्ञानी मनुखें चंगी चाली एंता तिककर दिक्खि लेआदा ऐ ॥१६॥

अविनाशि तु तद्विद्धि येन सर्वमिदं ततम् ।

विनाशमव्ययस्यास्य न कश्चित्कर्तुमर्हति ॥१७॥

इस थमां विना नासाला तां उसी गै समझ जेदेने ए सारी दुनियां घिरी दी ऐ, कीजे इस अविनाशी (नासा थों रहत आले) दा नास कोई, बी नेई करि सकदा ऐ ॥१७॥

अन्तवन्त इमे देहा नित्यस्योक्ताः शरीरिणः ।

अनाशिनोऽप्रमेयस्य तस्माद्युध्यस्व भारत ॥१८॥

ए अरजुन ? देहधारी जीवात्मा जेड़ा नासा ते परमाना थों
रैहत ते नित्य ऐ उस दे एकडे देह तां हैन गै नासाले, इस लैई, तू
वेशक जुद्ध कर ॥१८॥

य एनं वेत्ति हन्तारं यश्चैनं मन्यते हतम् ।

उभौ तौ न विजानीतो नायं हन्ति न हन्यते ॥१९॥

ते जेडा तां इसी आत्मा गी मारने आला समझदा ऐ ते
जेडा इसी मारेया दा समझदा ऐ ओ तां दौऐं अनजान न, कीजे एह
आत्मा तां नेईं कुसैगी मारदा ऐ ते नेईं गै कुसै थों मारेया
जंदा ऐ ॥१९॥

न जायते म्रियते वा कदाचि-

न्नायं भूत्वा भविता वा न भूयः ।

अजो नित्यः शाश्वतोऽयं पुराणो

न हन्यते हन्यमाने शरीरे ॥२०॥

ए आत्मा तां कदें बी नेईं जमदा ऐ ते नेईं गै कदें मरदा ऐ,
ते नेईं गै होइऐ फी नेईं होग, एबी गल्ल नेईं ऐ, कीजे ए अज
(नेईं जम्मने आला) ऐ, नित्य सदा रौहने आला ते पुराना
(अनादि) ऐ ते देहा दे मारे जाने ने बी ए नेईं मारेआ जंदा ऐ,
ए तां उऐ जनेआ रौहदा ऐ ॥२०॥

वेदाविनाशिनं नित्यं य एनमजमव्ययम् ।

कथं स पुरुषः पार्थ कं घातयति हन्ति कम् ॥२१॥

ए पारथ ? जेडा मनुख इसी आत्मा गी नास नेईं ओने
आला, नित्य ते घटने बढने थों रैहत ऐ इसी गल्ला गी जानदा ऐ
ओ कियां फी कुसै गी मरुआंदा ऐ ते कुसै गी मारदा ऐ ॥२१॥

वासांसि जीर्णानि यथा विहाय

नवानि गृह्णाति नरोऽपराणि ।

तथा शरीराणि विहाय जीर्णा-

न्यन्यानि संयाति नवानि देही ॥२२॥

ते जेकर तूँ आंखें जे देहें दे वियोगा दा वसोस करना आं तां ए बी ठीक नईं ऐ, की जे जियां मनुख फट्टे पराने टल्लें गी त्वारियै होर दुए नमे लाई लैंदा ऐ उआं गै आत्मा बी पराने देहें गी छोडिऐ नमें देहें गी पाई लैंदा ऐ ॥२२॥

नैनंछिन्दन्ति शस्त्राणि नैनं दहति पावकः ।

न चैनं क्लेदयन्त्यापो न शोषयति मारुतः ॥२३॥

ते ए अरजुन ? इस आत्मा गी ध्यार (तलवार ऊर) नईं कटदे न, इसी अग्ग नईं जालदी ऐ, पानी नईं गिल्ला करदे न ते नईं गै इस गी ब्हा सुकांदी ऐ ॥२३॥

अच्छेद्योऽयमदाह्योऽयमक्लेद्योऽशोष्य एव च ।

नित्यः सर्वगतः स्थाणुरचलोऽयं सनातनः ॥२४॥

की जे ए आत्मा नेईं वड्डेया जंदा ऐ, नईं जालेया जंदा ऐ, नईं गिल्ला कीता जंदा ऐ ते नईं गै ए सुकाया जंदा ऐ, ए तां नित्य, सब जगा रौहने आला अचल-टिगेआ दा ते सनातन ऐ ॥२४॥

अव्यक्तोऽयमचिन्त्योऽयमविकार्योऽयमुच्यते ।

तस्मादेवं विदित्वैनं नानुशोचितुमर्हसि ॥२५॥

ते ए आत्मा अव्यक्त (इंदरियें दे गोचरा नईं) अचित्य (मना दे गोचरा नईं) ते अविकार्य (बदलने आला नईं) आखेया

जंदा ऐ इस करी इसी नेआ समझिए ए अरजुन ? तुगी एदा बसोस करना मुनासब नईं ऐ ॥२५॥

अथ चैनं नित्यजातं नित्यं वा मन्यसे मृतम् ।

तथापि त्वं महाबाहो नैवं शोचितुमर्हसि ॥२६॥

ते जेकर तू इस गी सदा जम्मने जां सदा मरने आला गै मन्नना ऐं तां बी फी ए अरजुन ? इस चाली बसोस करना बे मुनासब ऐ ॥२६॥

जातस्य हि ध्रुवो मृत्युध्रुवं जन्म मृतस्य च ।

तस्मादपरिहार्येऽर्थे न त्वं शोचितुमर्हसि ॥२७॥

कीजे नेआ होने ने तां जम्मने आले दी मौत निश्चेने ते मरने आले दा जम्मना बी निश्चे ने गै ऐ, इस लेई बी नईं टलने आली गल्ला दा तुगी बसोस नईं गै करना मुनासब ऐ ॥२७॥

अव्यक्तादीनि भूतानि व्यक्तमध्यानि भारत ।

अव्यक्तनिधनान्येव तत्र का परिदेवना ॥२८॥

ते ए जेडे भीखमा ऊखमा हुंदे देह न ए बी माया रूपाले होने करियै अनित्य (सदा नेईं रौहने आले) गै न, इस लेई देहा आस्तै बसोस करना बी बे मुनासब गै ऐ, कीजे ए अरजुन ? सारे जीव जम्मने यों पहलें प्रगट देहाले नेईं ते मरने प्रंत बी इंदा देह प्रगट नेईं रौंदा ऐ, ओ ता छडा जम्मने ते मरने दे बशकार गै सेई हुंदा ऐ, इस करी एदे वारे च चित्ता किस गल्ला दी ॥२८॥

आश्चर्यवत्पश्यति कश्चिदेत-

माश्चर्यवद्ब्रूदति तथैव चान्यः ।

आश्चर्यवच्चैनमन्यः शृणोति

श्रुत्वाप्येनं वेद न चैव कश्चित् ॥२९॥

ते ए अरजुन ? ए आत्मा दा तत्त्व (सार) तां बडा गै गुज्झा
ऐ, इस लैई कोई महापुरुष इस गी बडा चंवा दिखदा ऐ, ते कोई
दुआ चंवा आखदा ऐ ते होर कोई चंवा सुनदा ऐ ते सुनियै बी
इसी कोई बी नेईं जानदा ऐ ॥२९॥

देही नित्यमवध्योऽयं देहे सर्वस्य भारत ।

तस्मात्सर्वाणि भूतानि न त्वं शोचितुमर्हसि ॥३०॥

ए अरजुन ? ए आत्मा सबनें दे देहा च रौहने आला नित्य
ते नेईं मारे जाने आला ऐ, इस लैई सारें प्राणियें दे मूजब तुगी
बसोस करना मुनासब नेईं ऐ ॥३०॥

स्वधर्ममपि चावेक्ष्य न विकम्पितुमर्हसि ।

धर्म्याद्धि युद्धाच्छ्रेयोऽन्यत्क्षत्रियस्य न विद्यते ॥३१॥

ते आपने धरमा गी बी दिक्खियै तुगी कम्मना, घावरना
मुनासब नेईं ऐ, कीजे खत्री (राजपूत) लैई धरम जुद्धा गी छोडियै
दुआ होर कोई भला करने आला कम्म नेईं ऐ ॥३१॥

यदृच्छया चोपपन्नं स्वर्गद्वारमपावृतम् ।

सुखिनः क्षत्रियाः पार्थ लभन्ते युद्धमीदृशम् ॥३२॥

ते ए अरजुन ? खुले दे सुरगा दे द्रुआजे आला नेआ
चातचक्क आएदा जुद्धा दा मौका तां भागवानें गी गै
थोंदा ऐ ॥३२॥

अथ चेत्त्वमिमं धर्म्यं संग्रासं न करिष्यसि ।

ततः स्वधर्मं कीर्तिं च हित्वा पापमवाप्स्यसि ॥३३॥

ते जेकर तूँ इसी धरमाले जुद्धा गी नेईं करगा तां आपने
धरमा गी ते नामवरी गी छोडिऐ पापा गी गै पागा ॥३३॥

अकीर्ति चापि भूतानि कथयिष्यन्ति तेऽव्ययाम् ।

संभावितस्य चाकीर्तिर्मरणादतिरिच्यते ॥३४॥

ते ह्येशास्तै सारे गै लोक तेरी बदनामी करदे रौडन ते ओ
बदनामी तां मन्ने परमन्ने दे मानुगीते मरने कोला बी बह
गै ऐ ॥३४॥

भयाद्रणादुपरतं मंस्यन्ते त्वां महारथाः ।

येषां च त्वं बहुमतो भूत्वा यास्यसि लाघवम् ॥३५॥

ते सारे महारथी (बड्डे बहादर) तां तुगी डरा दे मारी
जुद्धा थमा परतोआ दा मन्नडन ते जिनें तुगी बड्डा मन्नेआ दा ऐ
तां फिरी तूँ उन्दे अगें लौका बनी जागा ॥३५॥

अवाच्यवादांश्च बहून्वदिष्यन्ति तवाहिताः ।

निन्दन्तस्तव सामर्थ्यं ततो दुःखतरं नु किस् ॥३६॥

ते वैरी लोक तेरी सरमत्थ गी निददे होई नईं गलाने
जोगडियां मतियां गल्लां गलाडन (ताने मीने मारडन) तां इस
थों परें होर के मता दुःख ऐ ॥३६॥

हतो वा प्राप्स्यसि स्वर्गं जित्वा वा भोक्ष्यसे महीम् ।

तस्मादुत्तिष्ठ कौन्तेय युद्धाय कृतनिश्चयः ॥३७॥

इस बारी ए अरजुन ? तुगी जुद्ध करना सबने चाली चंगा
ऐ, की जे मरिऐ सुरगा गी पागा ते जां जित्तिऐ धरती दे सुख
भोगगा । इस थमां तूँ जुद्धा दा निश्च करिऐ उटिठ खडो ॥३७॥

सुखदुःखे समे कृत्वा लाभालाभौ जयाजयौ ।

ततो युद्धाय युज्यस्व नैवं पापमवाप्स्यसि ॥३८॥

जेकर तेरी सुरगा दी जां राज करने दी मर्जी नईं बी होऐ तां बी सुख दुःख गी, लाभ हानि गी ते हार जित्त गी इक्का नेआ समभिऐ जुद्ध लैई जुटोई पौ, इआं करने करी तुगी पाप बी नईं लगग ॥३८॥

एषा तेऽभिहिता सांख्ये बुद्धिर्योगे त्विमां शृणु ।

बुद्ध्या युक्तो यया पार्थ कर्मबन्धं प्रहास्यसि ॥३९॥

ए अरजुन ? एकडी मत्त तुगी ज्ञान जोग दे पासे दी आखी ऐ, इस गी गै हुन निष्काम जोगाली वक्खी पर सुन, जिस मत्त ने जुडने ने तू जम्मने ते मरने आले करमा दे बंधना गी तां भलेयां गै मुकाई ओडगा ॥३९॥

नेहाभिक्रमनाशोऽस्ति प्रत्यवायो न विद्यते ।

स्वल्पमप्यस्य धर्मस्य त्रायते महतो भयात् ॥४०॥

ते इस निष्काम जोगा च बीआ दा नास नास बी नेईं ऐ ते नेईं गै उल्टा फल रूपाला दोस ऐ, इस लैई इस निष्काम करम जोग दा थोड़ा बी साधन जम्मने मरने रूपाले वड़े भारे डरा थमा बचांदा ऐ ॥४०॥

व्यवसायात्मिका बुद्धिरेकेह कुरुनन्दन ।

बहुशाखा ह्यनन्ताश्च बुद्धयोऽव्यवसायिनाम् ॥४१॥

ते ए अरजुन ? भला करने आले राहा च पक्की मत्त तां इक्क गै ऐ अज्ञानी (सकाम) मनुखें दियां मत्तां मतियें साखें आलियां बेएंत्त गै ऐन ॥४१॥

यामिमां पुष्पितां वाचं प्रवदन्त्यविपश्चितः ।

वेदवादरताः पार्थ नान्यदस्तीति वादिनः ॥४२॥

कामात्मानः स्वर्गपरा जन्मकर्मफलप्रदाम् ।

क्रियाविशेषबहुलां भोगैश्वर्यगतिं प्रति ॥४३॥

ते ए अरजुन ? जेकडे तां सकामी मनुख छडे फलालें वेदे वचने उप्पर गै सरधा रखने आले सुरग गी गै बड़ा चंगा मन्तने आले ते इस कोला वद् होर किज वी नेईं ऐ इयां गै गलांदे न ओ तां विन विचाराले जन्म रूपाले करमें दे फला गी देने आलियें ते भोग ते ऐश्वर्या दे पाने लैईं मतियें सारियें खास कियेयायें दे अडंबराली इस चाली दी जिसी फुल्ली दी (दिखाऊ शोभाली) गल्ला गी आखदे न ॥४२॥४३॥

भोगैश्वर्यप्रसक्तानां तयापहृतचेतसाम् ।

व्यवसायात्मिका बुद्धिः समाधौ न विधीयते ॥४४॥

उस गल्ला ने जिंदे मन ठकाने नेईं रौंदे न ते भोग ते ऐश्वर्य च गै जिंदी लगन लगगी गे दा ऐ उने मनुक्खें दे एंताकरण च निश्चे आली मत्त (बुद्) नईं हुंदी ॥४४॥

त्रैगुण्यविषया वेदा निस्त्रैगुण्यो भवार्जुन ।

निर्द्वन्द्वो नित्यसत्त्वस्यो निर्योगक्षेम आत्मवान् ॥४५॥

ते ए अरजुन ? सारे वेद त्रौने गुणों दे कार्य रूपाले संसार दी चचलि न, इस लैईं तू तां संसार दे बंधन थों बची निक्कल । सुख, दुःख, हानि, लाभ ते हार, जित्त नेन दुबल्लें (दुपासैं) भमेलें गी छोड़ी ओड़, नित्त सच्ची वस्ता च टिगि पौ, जेड़ी वस्त नईं

थोई दी ऐ, ओदे लैने आस्तै ते जेड़ी थोई दी बी ऐ ओदी बी राखी
दी चिंता गी छोड़ी दे ते आत्म तत्त्वा गी मुख समझ ॥४५॥

यावानर्थ उदपाने सर्वतः संप्लुतोदके ।

तावान्सर्वेषु वेदेषु ब्राह्मणस्य विजानतः ॥४६॥

चुबुखे पानी ने भरोचे दे तला चा जिन्नी उसी पानी दी
लोड़ होऐ उन्नी पूरी होई जन्दी ऐ, इयां गै ज्ञानाले ब्रह्मना गी
गी बी सारें वेदें च ओदी सारी गै लोड़ बी पूरी ओई जन्दी ऐ,
की जे निष्कामी गी बी फल दी कामना गी छोड़िये करम करना
गै लोड़चदा ऐ ॥४६॥

कर्मण्येवाधिकारस्ते मा फलेषु कदाचन ।

मा कर्मफलहेतुर्भूर्मा ते सङ्गोऽस्त्वकर्मणि ॥४७॥

इस थमां तुगी करम करने दा गै हक (अखत्यार) ऐ, उन्दें
फलें दे पासै मत कदें बी ध्यान रख ते मत फलास्तै करम कर ।
अतें करमें गी कीते बगैर बी मत छोड़ ॥४७॥

योगस्थः कुरु कर्णाणि सङ्गं त्यक्त्वा धनंजय ।

सिद्धयसिद्धयोः समो भूत्वा समत्वं योग उच्यते ॥४८॥

ए धनंजय ! लागै गी छोड़ियै, होने ते नई होने गी बी
बरोबर समझिये योगा च टिगिए करमें गी करदा जा । एकड़े
इक्का नेया समझने आले भाव गी गै योग आखदे न । निष्काम
करम करने ने ठागुर बड़े गै परसिन्न हुँदे न ॥४८॥

दूरेण ह्यवरं कर्म बुद्धियोगाद्धनंजय ।

बुद्धौ शरणमन्विच्छ कृपणाः फलहेतवः ॥४९॥

ए धनंजय ! समभावली बुद्धि योगा ने सकाम (फलै लेई)

जेड़ा करम करना ऐ ना ओ तां बड़ा गै हलका (तुच्छ) ऐ, इस लेई समभावाली बुद्धि दे योग दी गै शरण इच पौ, की जे फल दी तांगा आले तां बड़े गै कमीने समझोदे न ॥४९॥

बुद्धियुक्तो जहातीह उभे सुकृतदुष्कृते ।

तस्माद्योगाय युज्यस्व योगः कर्मसु कौशलम् ॥५०॥

ते समभावाली बुद्धि आला गै मनुख इस लोक इच पापें ते पुन्नं दौने गो गै छोड़ी ओड़दा ऐ, इस लेई तू उस समभावाली बुद्धि दे सहारे उप्पर गै जुटोई जा, की जे ए नेआ योग गै फगड़ना समझदारी ऐ ॥५०॥

कर्मजं बुद्धियुक्ता हि फलं त्यक्त्वा मनीषिणः ।

जन्मबन्धविनिर्मुक्ताः पदं गच्छन्त्यनामयम् ॥५१॥

की जे समबुद्धि योगाले विद्वान् लोक गै कर्ममें दे फला गी छोड़िऐ जम्मते दे बंधना लेई संसारा थों छुडकिऐ परम पद (मुक्ति) गी पाई लेंदे न (प्रभु दे चरणों च लोन होई जंदे न ॥५१॥

यदा ते मोहकलिलं बुद्धिर्व्यतितरिष्यति ।

तदा गन्तासि निर्वेदं श्रोतव्यस्य श्रुतस्य च ॥५२॥

ते ए अरजुन ! जदुं तेरी बुद्ध (मत्त) मोह रूपाले चिक्कडा गी ह्वांगि निक्कलग मतवल जे तेरा अज्ञान हटग तदुं तुगी सुनते जोगडे ते सुने दे पदार्थें च वराग होग मतलब जे सुनेया सुनाया दा सब बे अर्थ होग ॥५२॥

श्रुतिविप्रतिपन्ना ते यदा स्थास्यसि निश्चला ।

समाधावचला बुद्धिस्तदा योगमवाप्स्यसि ॥५३॥

ते जदुं तेरी बुद्ध नेकें चालियें दे सिद्धांते दे सुनने ने डामा

डोल ओई दी ठकाने सिर आऊग ते फिरी निचली ओइए टिकग
तदुं तूं समाधी योग (दिवेक रूपाली बुद्धि) गी पाई लैगा ॥५३॥

अर्जुन उवाच

स्थितप्रज्ञस्य का भाषा समाधिस्थस्य केशव ।

स्थितधीः किं प्रभाषेत किमासीत ब्रजेत किम् ॥५४॥

इस चाली भगवान् जी दे वचनें गी सुनिऐ अरजुन ने
पुछेया ए केशव जी ! समाध इच टिगे दे स्थित प्रज्ञ दा के
लखन ऐ, ते ओ धोती दी मत्ताला मनुख कियां बोलदा ऐ ? ते
कियां चलदा ऐ ॥५४॥

श्री भगवानुवाच

प्रजहाति यदा कामान्सर्वान्पार्थ मनोगतान् ।

आत्मन्येवात्मना तुष्टः स्थितप्रज्ञस्तदोच्यते ॥५५॥

तां उसदे प्रंत सिरि भगवान् बोले ए अरजुन ! जिस एल्लै
ए मनुख मन इच रौहने आलिये सारिये गै कामनाये गी छोड़ी
ओड़दा ऐ ते आपूं गै अपने आत्मा च संदोख करियै मग्न ओई
जन्दा ऐ तां उस एल्लै गै ए स्थिर बुद्धाला खुआंदा ऐ ॥५५॥

दुःखेष्वनुद्विग्नमनाः सुखेषु विगतस्पृहः ।

वीतरागभयक्रोधः स्थितधोर्मुनिरुच्यते ॥५६॥

अतें दुःखें दे मौके पर जेदा मन घावरा दा नईं ते सुखें दे
मौके पर जिसी कोई लालसा नईं ओंदी ने जिसी नईं कुसा ने
प्रेम ऐ ते नईं कुसा दा डर ते नईं गै रोह ऐ, ओ गै मुनि स्थिर
बुद्धिआला (टिगी दी मत्ताला) खुआंदा ऐ ॥५६॥

यः सर्वत्रानभिस्नेहस्तत्तत्प्राप्य शुभाशुभम् ।

नाभिनन्दति न द्वेष्टि तस्य प्रज्ञा प्रतिष्ठिता ॥५७॥

अतें ज़िंसी मनुख गी सबनें थाएं चा कुतै बी सनेह नईं ऐ ते चंगी मंदी वस्ता दे थोने ते नईं थोने उप्पर बी जेड़ा नईं खुश हुंदा ऐ ते नईं गै जिच्च पौंदा ऐ, ओदी गै बुद्ध ठकाना सिर हुंदी ऐ ॥५७॥

यदा संहरते चायं कूर्मोऽङ्गानीव सर्वशः ।

इन्द्रियाणीन्द्रियार्थेभ्यस्तस्य प्रज्ञा प्रतिष्ठिता ॥५८॥

ते जहूं ए मनुख कछोपड़ा आगूं अपनियें इंदरियें गी विशें थमां चुबुक्खे गै सकोड़ी लैदा ऐ तां गै एदी बुद्ध ठकाना रौंदी ऐ ॥५८॥

विषया विनिवर्तन्ते निराहारस्य देहिनः ।

रसवर्जं रसोऽप्यस्य परं दृष्ट्वा निवर्तते ॥५९॥

भामें फाके आले मानु दे विशें थों इंदरियें दे परतोने ने विशे बी नईं रौंदे न पर चसका जेड़ा ऐ ओ तां नईं गै जंदा ऐ, इसी इत्थें परब्रह्म दे टगोदा नजर औने ने ओत्री नईं रौंदा ऐ ॥५९॥

यततो ह्यपि कौन्तेय पुरुषस्य विपश्चितः ।

इन्द्रियाणि प्रमाथीनि हरन्ति प्रसभं मनः ॥६०॥

की के ए कुंती दे लाल ? विद्वान मनुख गी जतन करने करने एल्ले बी मता छोलने आलियां इंदरियां जोरा जवरी मन गी बी धीकी सुटदियां न ॥६०॥

तानि सर्वाणि संयम्य युक्त आसीत मत्परः ।

वशे हि यस्येन्द्रियाणि तस्य प्रज्ञा प्रतिष्ठिता ॥६१॥

इस लेई मुनासब इयै ऐ जे इंररियें गी वस इच रखियै मेरे
भरोसे पर योग इच टिगि जा । इंदरियां जेदे वस इच न ओदी
गै बुद्ध ठकाने सिर रौंदी ऐ ॥६१॥

ध्यायतो विषयान्पुंसः सङ्गस्तेषूपजायते ।

सङ्गात्संजायते कामः कामात्क्रोधोऽभिजायते ॥६२॥

ते ए अरजुन ! (मना सने इंदरियें गी वस इच रक्खिये मेरे
आस्सै ध्यान नईं लाने तां) मनुखा गी विशें दे चितना च लगे
रौहने ने फी उस की चसका पेई जन्दा ऐ ते चसका पौने ने कामना
(चाह) बदी जन्दी ऐ ते उस कामना च रोक पौने ने रोह चढ़ी
पौंदा (उट्ठी खड़ोंदा) ऐ ॥६२॥

क्रोधाद्भवति संमोहः संमोहात्स्मृतिविभ्रमः ।

स्मृतिभ्रंशाद्बुद्धिनाशो बुद्धिनाशात्प्रणश्यति ॥६३॥

ते रोहा दे चढ़ी जाने ने के करना ते के नईं करना नईं
नासमझ ओई जन्दी ऐ ते नासमझा ने बुद्ध भृष्ट होई जन्दी ऐ ते
फी बुद्ध भृष्ट होने ने अपना गै नास ओई जन्दा ऐ (मतलब जे अपने
भला साधनें थों ओ डिगि जन्दा ऐ) ॥६३॥

रागद्वेषवियुक्तैस्तु विषयानिन्द्रियैश्चरन् ।

आत्मवश्यैर्विधेयात्मा प्रसादमधिगच्छति ॥६४॥

जेड़ा मनुख प्रेम ते वैर थों रहत अपने वस इच रौने आलियें
इंदरियें ने सचारी विशें (खाने पौने सुनने उनने रूपालें) दा संदोखा
ने भोग लांदा ओऐ ओ गै परसिन्न रौंदा ऐ ॥६४॥

प्रसादे सर्वदुःखानां हानिरस्योपजायते ।

प्रसन्नचेतसो ह्याशु बुद्धिः पर्यवतिष्ठते ॥६५॥

ते परसिन्न होने करी इस दे सारे दुःखें दा नाग ओई जन्दा
ऐ, अतें जिस दा मन परसिन्न रवै उस दी बुद्ध तौले गै भलेयां
ठकाने सिर टिगी जंदी ऐ ॥६५॥

नास्ति बुद्धिरयुक्तस्य न चायुवतस्य भावना ।

न चाभावयतः शान्तिरशान्तस्य कुतः सुखम् ॥६६॥

ते ए अरजुन ! साधन रहत मनुख दे एंताकरणा च चंगी
मत्त नईं ओंदी ऐ ते उस दे एंताकरणा च आस्तिक पुना बी नईं
ओंदा ते बगैर आस्तिक पुने दे उसी मनुख गी शांति बी नईं ओंदी
ते फी शांति थों रहत मनुखा गी सुख कियां ओई सकदा ऐ ॥६६॥

इन्द्रियाणां हि चरतां यन्मनोऽनु विधीयते ।

तदस्य हरति प्रज्ञां वायुर्नाविमिवाम्भसि ॥६७॥

की जे पानी च जियां ह्वा बेड़ी गी (अपने रुखाली बक्खी
धक्की लेंदी ऐ उआं गै विशें च पेई दियें इंदरियें च बी जिस इंदरी
दे साथें मन रौंदा ऐ ओ इक इंदरी गै इस साधन थों रहत मनुख
दी बुद्ध गी हरी लेंदी ऐ ॥६७॥

तस्माच्चस्य महाबाहो निगृहीतानि सर्वशः ।

इन्द्रियाणोन्द्रियार्थेभ्यस्तस्य प्रज्ञा प्रतिष्ठिता ॥६८॥

तां गै ए बड्डियें बाड्यें आले अरजुन ! जिस दियां इंदरिया
चुबुक्खेया विशें थों काबू च ओंदियां न उस्सा दी गै मत्त ठकाने
सिर रौंदी ऐ ॥६८॥

या निशा सर्वभूतानां तस्यां जागर्ति संयमी ।

यस्यां जाग्रति भूतानि सा निशा पश्यतो मुने ॥६९॥

ते ए अरजुन ! सारें जीवें लैई जेडी रात ऐ उस एल्लै जेडा इंदरियें गी काबू करियै ज्ञान रूपाले ब्रह्मानंदा इच मग्न ऐ ओ जागदा रौदा ऐ ते जिस खिना च खीन ओने आले सुखें दे संसार इच भूत जीव जागदे रौदे न ओ तत्त्व ज्ञानाले मुनि लेई रात ऐ, (मतलब जे अज्ञाना रूपाला न्हेरा रात ते ज्ञान रूपाली लो दिन ऐ, राती अज्ञाना ली नींदरा च सौना ते दिनें ज्ञाना ली लोई च जागना साफ गै ऐ) ॥६९॥

आपूर्यमाणमचलप्रतिष्ठं

समुद्रमापः प्रविशन्ति यद्वत् ।

तद्वत्कामा यं प्रविशन्ति सर्वे

स शान्तिमाप्नोति न कामकामी ॥७०॥

ते जियां चुबुखे भरोचे दे अटल परतिष्ठाले समुंद्रा च केइयें दरेयाएं दा पानी पाँदा रौदा ऐ उयां गै जिस इच सारे काम परवेश करी जन्दे (समाई जन्दे) न ओ गै शांति पांदा ऐ ते जेदी कामना मुकदी गै नईं उसी शांति बी नईं हुंदी ऐ ॥७०॥

विहाय कामान्यः सर्वान्पुमांश्चरति निःस्पृहः ।

निर्ममो निरहंकारः स शान्तिमधिगच्छति ॥७१॥

ते जेकड़ा मनुख सारियें गै कामनाएं गी छोड़ियै लालसा ममता ते हेंकारा थों बी रैहत ओई जा तां गै ओ शांति गी पांदा ऐ ॥७१॥

एषा ब्राह्मी स्थितिः पार्थ नंनां प्राप्य विमुह्यति ।

स्थित्वास्यामन्तकालेऽपि ब्रह्मनिर्वाणमुच्छति ॥७२॥

ए अरजुन ! एकड़ी तां ब्रह्मभावाने रोहने बीहने आली गल्ल
ऐ जेरुड़ा इस गी पाई लै फी ओ भड़कदा नई ऐ ते एंता एल्लै
ओ मुक्ति गी पाई लैदा ॥७२॥

इस चाल्ली सिरी भगवान् होरें दी आखी दियें उपनिषदें च
ब्रह्म त्रिद्या दे अन्दर योग शासतरा दे सरवंवा च सिरी कृष्ण ते
अरजुन हुंदी गल्ला कत्था दा सांख्य योग दे नां आला दुआ
ध्या मुक्का ।

ध्या [३]

अर्जुन उवाच

ज्यायसी चेत्कर्मणस्ते मता बुद्धिर्जनार्दन ।

तत्किं कर्मणि घोरे मां नियोजयसि केशव ॥१॥

एदे उप्पर अरजुन बोलेआ जे ए जनार्दन ! जेकर तुसाड़ी
राय इच करमें कोला ज्ञान स्नेष्ट (चंगा) ऐ तां किरि मिनी ए
केशव ! तुस घोर करमा च कैसी ला करदे ओ ॥१॥

व्यामिश्रेणेव वाक्येन बुद्धि मोहयसां व मे ।

तदेकं वद निश्चित्य येन श्रेयोऽहमाप्नुयाम् ॥२॥

ते तुस मति रली-मिली दी (पलेचाली) गल्लाने मेरी मत्ता गी
भरमाने लेई की लग्गे देओ, सिद्दी इक गल्ल निश्चा करिये दस्सो
(आखो) जे जेदे ने मेरा भला ओई जा ॥२॥

श्रीभगवानुवाच

लोकेऽस्मिन्द्विविधा निष्ठा पुरा प्रोक्ता मयानघ ।

ज्ञानयोगेन सांख्यानां कर्मयोगेन योगिनाम् ॥३॥

सिरी भगवान् आखन लगे ए निष्पाप ! अरजुन ! इस
लोक इच मीं गै पैहलें दौं चालियें दी निष्ठा (साधना दी भलेयां
गै पक्की हालत) दस्सी ही, जानियें गी ज्ञान योग थमा ते योगियें
गी निष्काम योग थमा ॥३॥

न कर्मणामनारम्भान्नैष्कर्म्यं पुरुषोऽश्नुते ।

न च संन्यसनादेव सिद्धिं समधिगच्छति ॥४॥

पर कुसै नेडे रस्ते मूजब बी करमें गी अपने रूपा थमां त्यागने दी लोड़ नईं ऐ, की जे मनुख नईं गै तां करमें गी नईं करने नै निष्कर्मता पांदा ऐ ते नईं गै करमें दे त्यागने मात्र थमां निष्कर्मता गी पांदा ऐ ते नागें करमें दे त्यागने मात्र ने गै परमेस्सरा दी साक्षात् रूपाली सिद्धि गी पांदा ऐ ॥४॥

न हि कश्चित्क्षणमपि जातु तिष्ठत्यकर्मकृत् ।

कार्यते ह्यवशः कर्म सर्वः प्रकृतिजैर्गुणैः ॥५॥

अतें कोई प्राणी करम करने बगैर खिन भर बी कदें खाली नईं रेई सकदा ऐ, कीजे माया थमां ओए दो गुण गै सबने गी गी वेवसी थमां करम करांदे न ॥५॥

कर्मेन्द्रियाणि संयम्य य आस्ते मनसा स्मरन् ।

इन्द्रियार्थान्विमूढात्मा मिथ्याचारः स उच्यते ॥६॥

इस लेई जेकड़ा तां डिरगा मानु करम इंदरियें गी काबू करियै विशें गी मनाने गै सोचदा रौंदा ऐ ओ तां भूठा फड़ दस्सने आला (पखंडी) गै खुआंदा ऐ ॥६॥

यस्त्विन्द्रियाणि मनसा नियम्यारभतेऽर्जुन ।

कर्मेन्द्रियैः कर्मयोगमसक्तः स विशिष्यते ॥७॥

ए अरजुन ! जेड़ा मनुख मनाने इंदरियें गी बस च करिये खचता थों रैहत करम करने आलियें इंदरियें ने करम जोगा गी करदा ए ओ खास मन्नेया गया (स्रेष्ठ) ऐ ॥७॥

नियतं कुरु कर्म त्वं कर्म ज्यायो ह्यकर्मणः ।

शरीरयात्रापि च ते न प्रसिद्धचेदकर्मणः ॥८॥

इस लेई तू शासतरा दी विधिने) मुकर कीते दे (अपने धरमरूपाले) करमें गी कर, कीजे करमें गी नई करने थमां (मतबल जे बेले रौहने कछा) कम्मा च लग्गे रौहना चंगा ऐ ते करम छोड़ी ओड़ने ने तेरी जिन्दू दा बी गुजारा नई ओई सकदा ॥८॥

यज्ञार्थात्कर्मणोऽन्यत्र लोकोऽयं कर्मबन्धनः ।

तदर्थं कर्म कौन्तेय मुक्तसङ्गः समाचर ॥९॥

ते ए अरजुन ? बंधना दे डरा मूजब बी करमें गी छोड़ी ओड़ना मुनासब नई ऐ, कीजे परमेसरा दे निमित्त कीते जाने आले जग्गे दे सिवाय होर दुए कम्म गै मनुख दे बंधनाले हुंदे न, इस लेई लागा देगा गी छोड़ियै ए अरजुन ! उस परमेसरा दे निमित्त करमें दा चंगी चाली आचरण कर ॥९॥

सहयज्ञाः प्रजाः सृष्ट्वा पुरोवाच प्रजापतिः ।

अनेन प्रसविष्यध्वमेष वोऽस्त्विष्टकामधुक् ॥१०॥

ते करम नई करने करी तू पापा दा भागी बी बनगा, कीजे परजापति ब्रह्मा ने कल्प दे आद इच सृष्टि करने एल्लै जग्गे समेत परजा गी रचियै आखेया हा, जे इस जग्गा ने तुस बढो फलो ते ए जग्ग तुसाड़ियां मना दियां मेदां पूरियां करने आला ओऐ ॥१०॥

देवान्भावयतानेन ते देवा भावयन्तु वः ।

परस्परं भावयन्तः श्रेयः परमवाप्स्यथ ॥११॥

तुस इस जग्गाले कम्माने इंदर ऊंदर होरें देवतें गी संशो

पुजाओ ते ओ देवते तुसेंगी बदान फलान, तां इस चाली आपू
बिच्चें इक्क दुए दा भला करने नै बड़ा गै सुख पागे ओ, [ओ बद
(वरखा) बराइयै तुसेंगी फसलें बूटें दा, नाज ऊजादा बाद
कराडन ते एंता च तुस सुरगा दा सुख पागे ओ] ॥११॥

इष्टान्भोगान्हि वो देवा दास्यन्ते यज्ञभाविताः ।

तैर्दत्तानप्रदायैभ्यो यो भुङ्क्ते स्तेन एव सः ॥१२॥

अतें जगें ने परसिन्न ओए दे ओ देवते तुसाड़े मन दी मर्जिया
आले भोगें गी देडन, उन्दे दिते दे भोगें पदारथें च जेड़ा पैहले
उनेंगी दिते बगैर आपू गै भोग लान लगी पाँदा ऐ उसी तां चो
गै समझो ॥१२॥

यज्ञशिष्टाशिनः सन्तो मुच्यन्ते सर्वकिल्बिषैः ।

भुञ्जते ते त्वधं पापा ये पचन्त्यात्मकारणात् ॥१३॥

अतें जेड़े जग थमां बचे दे नाज गीखाने आले स्नेष्ट मनुख
न ओ तां सारें पापें थमां छुड़की जन्दे न ते जेकड़े पापी लोक
अपना गै टिड्ड भरने आस्तै पकांदे न ओ तां पाप गी गै
खंदे न ॥१३॥

अन्नाद्भवन्ति भूतानि पर्जन्यादन्नसंभवः ।

यज्ञाद्भवति पर्जन्यो यज्ञः कर्मसमुद्भवः ॥१४॥

की जे सारें प्राणी नाजा थों गै जमदे न ते नाज बदलें थमां
गै ओंदा ऐ ते बदल जग्गा ने ओंदे ने ते ओ जग करम करने ने गै
हुँदा ऐ ॥१४॥

कर्मब्रह्मोद्भवं विद्धि ब्रह्माक्षरसमुद्भवम् ।

तस्मात्सर्वगतं ब्रह्म नित्यं यज्ञे प्रतिष्ठितम् ॥१५॥

असें करमें गी वेदे थमां प्रगट ओए दे ते वेदें गी नास थों
रैहत परमेसरा थों प्रगट ओए दे समझ इस लेई सबने थाएं च
मजूद रौहने आला (सर्व व्यापी) नित्य ब्रह्म (परमात्मा) जगा
इच गै परतिष्ठाने विराजेदा ऐ ॥१५॥

एवं प्रवर्तितं चक्रं नानुवर्तयतीह यः ।

अघायुरिन्द्रियारामो मोघं पार्थ स जीवति ॥१६॥

ए पारथ ! इस लोक इच जेड़ा मनुख इम चाली चलाये दे
सृष्टिया दे चक्कर दे पिच्छे नईं बरतदा ऐ, मतबल जे शासतरा
च दस्से दे करमें गी नईं करदा ऐ, ओ इंदरियें दे सुखा गी भोगने
आला पापा दी आरबलाला बे अर्थ गै जींदा ऐ, मतबल जे ओ तां
जींदा बी मोआ जनेआ दा गै ऐ ॥१६॥

यस्त्वात्मरतिरेव स्यादात्मतृप्तश्च मानवः ।

आत्मन्येव च संतुष्टस्तस्य कार्यं न विद्यते ॥१७॥

पर जिस मानुआ दी आत्मा च गै संदोख ऐ ओदे लेई किश
करना बाकी नईं ऐ ॥१७॥

नैव तस्य कृतेनार्थो नाकृतेनेह कश्चन ।

न चास्य सर्वभूतेषु कश्चिदर्थव्यपाश्रयः ॥१८॥

कीजे इस संसार इच उस मनुखा दा नईं गै किश (ज)
करने ने मतबल ऐ ते नईं गै नईं करने ने मतबल ऐ अतें एदा
सारें गै जीवें कन्ने कोई स्वारथा दा सरबंध बी नईं ऐ, पर तां
बी छड़े लोकें दे भले मूजब गै कम्म कीते जंदे न ॥१८॥

तस्मादसक्तः सततं कार्यं कर्म समाचर ।

असक्तो ह्याचरन्कर्म परमाप्नोति पूरुषः ॥१९॥

इस थमां तूँ आसक्ति (तांगा) गी छोड़िये लगातार करने
जोगड़े कम्म करदा गै रौह, की जे स्वारथा गी छोड़िये कम्म करदा
ओई मनुख परमेश्वरा गी पाई लैदा ऐ ॥१९॥

कर्मणैव हि संसिद्धिमास्थिता जनकादयः ।

लोकसंग्रहमेवापि संपश्यन्कर्तुंमर्हसि ॥२०॥

इसै चाल्ली जनक-उनक ज्ञानी लोक बी तांगा गी छोड़िये
करम करने थमां गै परम सिद्धी गी पाई गेन, इस लेई अतें लोक-
मरजादा गी दिखदे ओई बी तुगी करम गै करना मुनासब ऐ ॥२०॥

यद्यदाचरति श्रेष्ठस्तत्तदेवेतरो जनः ।

स यत्प्रमाणं कुरुते लोकस्तदनुवर्तते ॥२१॥

की जे श्रेष्ठ (चंगा) मनुख जे जे किज करदा ऐ दुए मनुख
बी उसी दिखिये उआं गै करन लगी पौंदे न ते ओ जे किज
परमान करदा ऐ लोक भी उसै गी परमान समझिये उआं गै
वर्तन लगी पौंदे न ॥२१॥

न मे पार्थास्ति कर्तव्यं त्रिषु लोकेषु किञ्चन ।

नानवाप्तमवाप्तव्यं वर्त एव च कर्मणि ॥२२॥

ए अरजुन ! भामें मिगी त्रौने लोकें च बी किज करने जोगड़ा
नई ऐ पर तां बी आऊं करमें च बरता गै करना आं । ॥२२॥

यदि ह्यहं न वर्तेयं जातु कर्मण्यतन्द्रितः ।

मम वर्तमानुवर्तन्ते मनुष्याः पार्थ सर्वशः ॥२३॥

की जे जेकर आऊं सोहगा होइये कदें करमें च नई बरतड़
तां ए अरजुन ! सबनें चाल्ली मनुख मेरे रस्ते उप्पर गै चलन लगी
पौडन, मतबल जे उआं गै बरतन लगी पौडन ॥२३॥

उत्सीदेयुरिमे लोका न कुर्यां कर्म चेदहम् ।

संकरस्य च कर्ता स्यामुपहन्यामिमाः प्रजाः ॥२४॥

ते जेकर आऊं कम्म नईं करां तां ए सब लोक भूष्ट ओर
जान ते आऊं वरनसंकर बनाने आला ओई जां, अतें इस परजा
गी मारने आला बनां ॥२४॥

सक्ताः कर्मण्यविद्वांसो यथा कुर्वन्ति भारत ।

कुर्याद्विद्वांस्तथासक्तश्चिकीर्षुर्लोकसंग्रहम् ॥२५॥

इस लेई ए भारत ! करम इच खचत ओइये अज्ञानी लोक
जने करम करदे न उआं गै लागा देगा गी छोड़िये समझाला बी ते
लोकें दी सिक्खा गी चाहने आला बी करम करै ॥२५॥

न बुद्धिभेदं जनयेदज्ञानां कर्मसङ्गिनाम् ।

जोषयेत्सर्वकर्माणि विद्वान्युक्तः समाचरन् ॥२६॥

अतें विद्वान् (ज्ञानी) मनुख गी मुनासब ऐ जे ओ करमें च
खचत ओए दे मूरखें (अज्ञानिणें) दी मत इच भरम नईं पा, मतवल
जे उंदी सरधा च फिक्क पौने आली गल्ल नईं करै, पर आपूं
परमेस्सरा दे स्वरूप इच टिगेआ दा ते सबने कम्में गी चंगी चाल्ली
चलांदा ओई उंदे थमा बी उआं गै चलाने दा ढंग बना ॥२६॥

प्रकृतेः क्रियमाणानि गुणैः कर्माणि सर्वशः ।

अहंकारविमूढात्मा कर्ताहमिति मन्यते ॥२७॥

ते ए अरजुन ! असली च सारे करम माया दे गुणों दे जरिये
कीते जा करदे न, तां बी हेंकारा च डुव्वे दे एंता करणाला मनुख
आऊं करने आला आं नेआ मन्नी लेंदा ऐ ॥२७॥

तत्त्ववित्तु महाबाहो गुणकर्मविभागयोः ।

गुणा गुणेषु वर्तन्त इति मत्वा न सज्जते ॥२८॥

पर ए महा बाहु (अरजुन) ! गुणों आला हेस्सा ते करमे आला हेस्सा इंदे तत्ता (विचली गल्ला) दा भेती (जानने आला) सारे गुण गुणों च गै वरतोंदे न नेआ समझि-ऐ खचत नईं ओंदा ऐ ॥२८॥

प्रकृतेर्गुणसंमूढाः सज्जन्ते गुणकर्मसु ।

तानकृत्स्नविदो मन्दान्कृत्स्नविन्न विचालयेत् ॥२९॥

ते माया दे गुणों ने मत्तु ओए दे मानु गुणों ते करमें च फसी जंदे न, थोड़ी समझाले उन्हें गिरगे मानुएं गी मति समझाला ज्ञानी मानु चलाए मान नईं करे (पैरें थों नईं कड्डै) ॥२९॥

मयि सर्वाणि कर्माणि संन्यस्याध्यात्मचेतसा ।

निराशीर्निर्ममो भूत्वा युध्यस्व विगतज्वरः ॥३०॥

टिप्पणी—श्लोक २८ रज, तम ते सत्त्व इनें त्रौगुणों आली माया दे काज रूप (१ पृथ्वी २ जल ३ तेज ४ ब्हा ते ५ अस्मान) ए पंज महाभूत न, पंज काज करने आलियां (१ हत्थ २ पैर ३ लिंग ४ गुदा ते ५ वाक ऐ) पंज गै जानने आलियां इंदरियां (१ अक्खियां २ नक्क ३ कन्न ४ जीभ ते ५ कंजली ऐ) (१ मन, २ बुद्ध ते हेंकार) । शब्द (अवाज) २ स्पर्श (छूना) ३ रूप (सूरत) (दिक्खना) ४ गंध महाभूत जादि गुणविभाग ऐ । इन्दी आपूं च चेष्टा (हरकत) कार्य (काज) विभाग ऐ । इदं थों निर्लेप (साफ) आत्मा दा ज्ञान तत्त्व ज्ञान ऐ ।

इस लेई ए अरजुन ? ध्यान निष्ठाले मनाने सारें करमें गी
मिगी सौंपी ओड़, आसा ते ममता गी बी छोड़, अतें बेफिगर
ओइये लड़ ॥३०॥

ये मे मतमिदं नित्यमनुतिष्ठन्ति मानवाः ।

श्रद्धावन्तोऽनसूयन्तो मुच्यन्ते तेऽपि कर्मभिः ॥३१॥

ते ए अरजुन ? जेड़े खारा दोसाली बुद्ध थों रहत ते सरधाने
सदा गै मेरे इस मतदे उप्पर चलदे न ओ मानु तां सारें गै करमें
थों छुड़की जन्दे न ॥३१॥

ये त्येतदभ्यसूयन्तो नानुतिष्ठन्ति मे मतम् ।

सर्वज्ञानविमूढांस्तान्विद्धि नष्टानचेतसः ॥३२॥

ते जेड़े दोसाली नजराले मेरे मत दे मूजब नई बरतदे न उनें
कायरें गी सारें गै ज्ञाने च मत्तु ओए देंगी तूं भले कम्ममें थों भूष्ट
गै समझ ॥३२॥

सदृशं चेष्टते स्वस्याः प्रकृतेर्ज्ञानवानपि ।

प्रकृतिं यान्ति भूतानि निग्रहः किं करिष्यति ॥३३॥

ज्ञानी मानु बी अपने सव्हा जनेआ गै कम्म करने दी हरकत
(चेष्टा) करदा है कीजे सारे गै प्राणी अपने सव्हा पर चलदे न
फिरी इस दे च कुसा दा हठ के करग ॥३३॥

इन्द्रियस्येन्द्रियस्यार्थे रागद्वेषौ व्यवस्थितौ ।

तयोर्न वशमागच्छेत्तौ ह्यस्य परिपन्थिनौ ॥३४॥

इंदरी-इंदरी दे स्वार्थ च राग (प्रेम) ते द्वेष (वैर) बने
रौंदे न, इस लेई मनुख उनें इंदरियें दे वस इच नई पवै, की जे
ए दीऐं एदे दुश्मन न, (हर इक इंदरी च राग बी ते वैर बी बनेआ

रोंदा ऐ, जेकर मर्जी पूरी ओई जा तां राग अतें नईं पूरी ओऐ
तां वैर] कीजे मनुख दी प्रकृति (आदत) पैहलें जन्में दे संस्कारें
थों गै बनी दी ओंदी ऐ ॥३४॥

श्रेयान् स्वधर्मो विगुणः परधर्मात्स्वनुष्ठितात् ।

स्वधर्मो निधनं श्रेयः परधर्मो भयावहः ॥३५॥

इस लेई उनें दौनें गी गै जित्तिये सोहगा ओइये अपने धरम
उप्पर गै चलै, कीजे चंगी चाल्ली चलने करी दुएं दे धरम थों गुणें
थों रहत बी अपना धरम गै स्नेष्ट ऐ । अपने धरम इच मरना बी
भला करने आला ऐ ते दुएं दा धरम तां खतरनाक गै ऐ ॥३५॥

अर्जुन उवाच

अथ केन प्रयुक्तोऽयं पापं चरति पूरुषः ।

अनिच्छन्नपि वाष्ण्येय बलादिव नियोजितः ॥३६॥

एदे उप्पर अरजुन ने पुच्छेआ, ए सिरी कृष्ण जी ! तां फिरी
ए मनुख कोदे च्वाले ने वर गलोआदा नईं मनदे ओई बी जोरा-
जबरी लगा दा पाप करदा ऐ ॥३६॥

श्रीभगवानुवाच

काम एष क्रोध एष रजोगुणसमुद्भवः ।

महाशनो महापाप्मा विद्ध्येनमिह वैरिणम् ॥३७॥

इस चाल्ली अरजुन दे पुच्छने उप्पर सिरी भगवान् बोले
ए अरजुन ! रजोगुण थों निकले दा ए काम ग क्रोध ऐ, मता
खाऊ (बडा भुक्खा) अगि आला लेखा भोगें नै नईं तृप्त ओने
आला ते बडा पापी ऐ, इस बारे च तू इसी गै वैरी समझ ॥३७॥

धूमेनाव्रियते वह्निर्यथादर्शो मलेन च ।

यथोल्बेनावृतो गर्भस्तथा तेनेदमावृतम् ॥३८॥

जियां धुआ ने अग खटोई जंदी ऐ, जियां मैलू ने सीसा खटोई जंदा ऐ ते जियां जेरा ने गर्भ खटोआ दा रौंदा ऐ उआं ने उस काम ने ज्ञान गी खट्टी ओड़े दा ऐ ॥३८॥

आवृतं ज्ञानमेतेन ज्ञानिनो नित्यवैरिणा ।

कामरूपेण कौन्तेय दुष्पूरेणानलेन च ॥३९॥

ते ए अरजुन ! इस काम रूपाले ज्ञानी दे मुंडा दे वैरी ने जेड़ा बड़ी मुशकला ने बी नई रजोने आली अगिया आंगू ऐ उसने ज्ञान गी खट्टी ओड़े दा ऐ ॥३९॥

इन्द्रियाणि मनो बुद्धिरस्याधिष्ठानमुच्यते ।

एतैर्विमोहयत्येष ज्ञानमावृत्य देहिनम् ॥४०॥

अतें इंदरियां मन ते बुद्ध एदे रौने आले थां न, ते ए काम, मन, बुद्ध ते इंदरियें दे जरिये ज्ञान गी खट्टिये इस जीवात्मा गी भरमेरी ओड़दा ऐ ॥४०॥

तस्मात्त्वमिन्द्रियाण्यादौ नियम्य भरतर्षभ ।

पाप्मानं प्रजहि ह्येनं ज्ञानविज्ञाननाशनम् ॥४१॥

इस करी ए अरजुन ! तूं पैहलें इंदरियें गी काबू करिये ज्ञान ते विज्ञान दे नास करने आले इसी पापी काम गी वरजरूर चित्तकर ॥४१॥

इन्द्रियाणि पराण्याहुरिन्द्रियेभ्यः परं मनः ।

मनसस्तु परा बुद्धिर्यो बुद्धेः परतस्तु सः ॥४२॥

ते जे तू ए समझें जे इंदरियें गी वसकरिये काम रूपाले वैरी
गी मारने दी समरथ नईं ऐ तां ए तेरी बड़ी भुल्ल ऐ, कीजे इस
देहाथों परें इंदरियें गी (स्नेष्ट, तागतालियां ते सूखम) आखदे न
ते इंदरियो थों परें मन ऐ ते मना थों परें बुद्ध ऐ ते जेडा बुद्ध थों
परें ऐ ओ आत्मा ऐ ॥४२॥

एवं बुद्धेः परं बुद्ध्वा संस्तभ्यात्मानमात्मना ।

जहि शत्रुं महाबाहो कामरूपं दुरासदम् ॥४३॥

इस चाली बुद्ध थों परें स्नेष्ट सबने चाली जोराला ते सूखम
अपने आत्मा गी समझिए बुद्ध दे जरिए मना गी वस करिए ए
महाभुज ! अरजुन ! अपने आपा गी भलेयां पक्का जमाइए
इसी मुशकला ने जितौने आले कामरूपाले वैरी गी
आरी सुट्ट ॥४३॥

इस चाली सिरी भगवान् होरें दी आखिदियें उपनिषदें च
ब्रह्म विद्या दे अन्दर योगशासतरा दे सरबंधा च सिरी कृष्ण ते
अरजुन हुंदी गल्ला कत्या च कर्मयोग ना आला त्रिया ध्या मुक्का ।

ॐ

श्री परमात्मने नमः

ध्या [४]

श्रीभगवानुवाच

इमं विवखते योगं प्रोक्तवानहमव्ययम् ।

विवस्वान्मनवे प्राह मनुरिक्ष्वाकवेऽब्रवीत् ॥१॥

एदे प्रैंत सिरी भगवान् बोले, ए अरजुन ! मीं इसी नई नास ओने आले योग गी कल्प दे मुंङ इच सूरज गी उपदेश कीता हा ते सूरज ने अपने पुत्तर मनुगी समभाया हा ते मनुने अपने पुत्तरै राजे इक्ष्वाकु गी दस्सेआ हा ॥१॥

एवं परन्पराप्राप्तमिमं राजर्षयो विदुः ।

स कालेनेह महता योगो नष्टः परंतप ॥२॥

इस चाल्ली परम्परा थों आये दे इसी योग गी राज ऋषियें जानी लैता हा, पर ए अरजुन ! ओ योग मते चिरा थों इस धरती उप्पर (आम तौर च) लौप (गुम्म) गै ओई गेया हा ॥२॥

स एवायं मया तेऽद्य योगः प्रोक्तः पुरातनः ।

भक्तोऽसि मे सखा चेति रहस्यं ह्येतदुत्तमम् ॥३॥

ओकड़ा गै ए पुरानायोग अज्ज मीं तेरे लेई आखेया ए, कीजे

तू मेरा भगत ते (प्यारा) मित्तर ऐं ना, इस करी ते ए योग (ज्ञान) उत्तम (बड़ा छैल) ते रहस्य (जने खने गी नईं) दस्सने जोगड़ा) ऐ ॥३॥

अर्जुन उवाच

अपरं भवतो जन्म परं जन्म विवस्वतः ।

कथमेतद्विजानीयां त्वमादौ प्रोक्तवानिति ॥४॥

अरजुन ने आखेया, जे तुसाड़ा जरम तां पिछड़ा ऐ ते सूरज दा गेडा ऐ, अऊं कियां समझां जे तुसें गेडा आखेया हा ॥४॥

श्रीभगवानुवाच

बहूनि मे व्यतीतानि जन्मानि तव चार्जुन ।

तान्यहं वेद सर्वाणि न त्वं वेत्थ परंतप ॥५॥

तां सिरी भगवान् बोले, जे ए अरजुन ! मेरे तेरे बहुतरै (मते सारे) जरम बीती गे न पर, ए अरजुन ! उनें सबनें गी तू नईं जानदा ते अऊं जानता आं ॥५॥

अजोऽपि सन्नव्ययात्मा भूतानामीश्वरोऽपि सन् ।

प्रकृतिं स्वामधिष्ठाय संभवाम्यात्ममायया ॥६॥

ते मेरा जरम ममूली मनुखें साईं नईं ऐ, अऊं तां नास ते जम्मने थों रहत रूपाला आने उप्पर बी ते सबनें जीवें दा ईस्सर ओने मूजव बी अपनी प्रकृति गी मतैद रखिये योगमाया ने प्रगट ओई जन्ता आं ॥६॥

यदा यदा हि धर्मस्य ग्लानिर्भवति भारत ।

अभ्युत्थानमधर्मस्य तदात्मानं सृजाम्यहम् ॥७॥

ए अरजुन ! जद-जद धरम खीन आंदा ऐ ते पाप बददा ऐ

तद-तद गै आऊं अपने आपागी सृष्टि (दुनियां) च लेई
औन्ना आं ॥७॥

परित्राणाय साधूनां विनाशाय च दुष्कृताम् ।

धर्मसंस्थापनार्थाय संभवामि युगे युगे ॥८॥

सत्पातर मनुखें दी राखी लेई ते दोसाले करम करने आलें
पां यें दे नास आस्तै ते धरम गी अपने थां च वनकाने लेई युग
युग च आऊं प्रगट ओंदा औन्ना आं ॥८॥

जन्म कर्म च मे दिव्यमेवं यो वेत्ति तत्त्वतः ।

त्यक्त्वा देह पुनर्जन्म नैति मामेति सोऽर्जुन ॥९॥

इस लेई ए अरजुन ! मेरा ओ जरम ते करम दिव्य (दुनियां
थों वाह्ला) ऐ, इस चाल्ली जेड़ा मनुख तत्त्वा (असली च) ने
जानदा ऐ, ओ देह गी छोडिऐ फिरी जरम इच नई आउंदा, ओ
तां मेरे इच गै रली जंदा ऐ ॥९॥

वीतरागभयक्रोधा मन्मया मामुपाश्रिताः ।

बहवो ज्ञानतपसा पूता मद्भावमागताः ॥१०॥

ते ए अरजुन ! पैलें बी राग (प्रेम) डर ते रोह थों रैहत
ते इक रूपाले मेरे च टिगे दे ते मेरी सरण इच पेदे मते गै मानु
ज्ञान रूपाले तपा ने पवित्तर ओइऐ मेरे स्वरूप गी पाई
चुक्के दे न ॥१०॥

ये यथा मां प्रपद्यन्ते तांस्तथैव भजाम्यहम् ।

मम वर्त्मानुवर्तन्ते मनुष्याः पार्थ सर्वशः ॥११॥

कीजे ए अरजुन ! जेड़े मिगी जियां जिस भावाने सेवदे न मिम्मी
उन्दी उसै चाल्ली मन दी मुराद पूरी करना आं, इसी रहस्य

(खुफिया गल्ला) गी समझिये गै अकली आले लोक सबने चाल्ली मेरे रस्ते उप्पर गै चलदे न ॥११॥

काङ्क्षन्तः कर्मणां सिद्धिं यजन्त इह देवताः ।

क्षिप्रं हि मानुषे लोके सिद्धिर्भवाति कर्मजा ॥१२॥

ते जेड़े मिगी तत्त्वा थों नईं जानदेन ओ मनुख इस मात लोक इच करमें दे फल दी लोड़ा लेई देवतें दी पूजा करदे न ते उन्दे करमें थों सिद्धी बी तौले गै ओंदी ऐ पर उनेंगी मेरी प्राप्ति नईं ओंदी ऐ, इस लेई तूं मिगी गै सबने चाल्ली भज ॥१२॥

चातुर्वर्ण्यं मया सृष्टं गुणकर्मविभागशः ।

तस्य कर्तारमपि मां विद्वद्यकर्तारमव्ययम् ॥१३॥

अतें ए अरजुन ! गुणें ते करमें दी वंडा मूजव ब्रह्मन, खत्तरी, वैश्य ते शूदर ए चार वर्ण मेरे जरिये गै बनाये गेदे न, उन्दे कर्ता (बनाने आले गी बी मिगी गै नासा थों रैत परमेसरा) गी तूं अकर्ता (नईं बनाने आला) गै समझ ॥१३॥

न मां कर्माणि लिम्पन्ति न मे कर्मफले स्पृहा ।

इति मां योऽभिजानाति कर्मभिर्न स बध्यते ॥१४॥

कीजे मिगी करमें दे फलें दी कोई लालसा नईं ऐ, इस लेई मिगी करमें दे फल नईं चंबड़दे, इस चाली जेड़ा मिगी तत्त्व थों समझदा ऐ ओ तां करमें दे बन्धन इच नईं फसदा ऐ ॥१४॥

एवं ज्ञात्वा कृतं कर्म पूर्वैरपि मुमुक्षुभिः ।

कुरु कर्मैव तस्मात्त्वं पूर्वैः पूर्वतरं कृतम् ॥१५॥

अतें पैलें जेड़े मुक्ति दी लोडाले मानु ओई चुक्के न, उंदे

जरिये बी इससे चाल्ली समझिए गै करम कीता गया हा, इसथमा
तू बी बुजुर्गे आंगू गै ह्ये शायों ओदे आए करमें गी गै कर ॥१५॥

किं कर्म किमकर्मेति कवयोऽप्यत्र मोहिताः ।

तत्ते कर्म प्रवक्ष्यामि यज्ज्ञात्वा मोक्ष्यसेऽशुभात् ॥१६॥

पर करम के ऐ ते अकरम के ऐ ? ते एदे वारे च समझाले
मानु बी भरमोई गेदे न, इस लेई आऊं ओ करम मतबल जे करमें
दा गूढ़ा भेत तेरे आस्तै चंगी चाल्ली आख (खोल्लिये दस्स) ऊ,
के जिसगी जानिए तू अशुभ (अज्ञान रूपाले संसारा दे बंधन) थों,
छुडकी जागा ॥१६॥

कर्मणो ह्यपि बोद्धव्यं बोद्धव्यं च विकर्मणः ।

अकर्मणश्च बोद्धव्यं गहना कर्मणो गतिः ॥१७॥

करमा दा रूप बी समझना लोडचदा ऐ, ते अकरमा दा बी
रूप जानना लोडचदा ऐ, ते ठाके दे करम दे रूपा दा पता
करना गै लोडचदा ऐ, कीजे करमें दी गत गहरी (गुज्झी)
गै ऐ ॥१७॥

कर्मण्यकर्म यः पश्येदकर्मणि च कर्म यः ।

स बुद्धिमान्मनुष्येषु स युक्तः कृत्स्नकर्मकृत् ॥१८॥

जेड़ा मनुख करम च मतबल जे हेंकारा थों रीत सारें गै कर्म
च अकरम मतबल जे असली च उन्दा नई ओना पूना दिक्खै है
जेड़ा मनुख अकरम इच मतबल जे अज्ञानी मनुख है जरिये कीजे
दे सारें गै करमें दा त्याग रूप कम्म गी दिक्खै ओ मनुख गै छै
बुद्धाला ऐ ते ओयोगी सारें गै करमें दा करने आबा ऐ ॥१८॥

यस्य सर्वे समारम्भाः कामसंकल्पवर्जिताः ।

ज्ञानाग्निदग्धकर्माणं तमाहुः पण्डितं बुधाः ॥१९॥

ते ए अरजुन ! जेदे सारे गै कम्म कामना ते संकल्प थों
रैहत ओदेन ने उसी ज्ञानरूपाली अग्निय्या ने भस्म ओए दे करमें
घाले मनुख गी ज्ञानी लोक बी पंत आखदे न ॥१९॥

त्यक्त्वा कर्मफलासङ्गं नित्यतृप्तो निराश्रयः ।

कर्मण्यभिप्रवृत्तोऽपि नैव किञ्चित्करोति सः ॥२०॥

ते जेड़ा मनुख संसारा दे सहारे गी छोड़िये सदा परमानंद
परमेस्सर इच्च तृप्त (रज्जेयादा) ऐ ओ करमें दे फला दे संग गी
छोड़िये मतबल जे करने पुने दे अभिमाना गी त्यागियै करमें च
चंगी चाल्ली वरतदा ओई बी किज बी नई करदा ऐ ॥२०॥

निराशीर्यतचित्तात्मा त्यक्तसर्वपरिग्रहः ।

शरीरं केवलं कर्म कुर्वन्नाप्नोति किल्बिषम् ॥२१॥

ते जिस मनुख ने आसा ते लालसा त्यागी ओड़ी दी ऐ,
एताकएण ते आत्मा (वाहला कार्य कारण रूपाला देह) जित्ती
लिया दा ऐ, ते सब जोड़ मेड़ बी त्यागी ओड़े दा ऐ, छड़ा देहा दे
निर्वाह मूजब गै कम्म करदा ऐ तां उसी किज दोस जां पाप नई
लगदा ऐ ॥२१॥

यदृच्छालाभसंतुष्टो द्वन्द्वातीतो विमत्सरः ।

समः सिद्धावसिद्धौ च कृत्वापि न निबध्यते ॥२२॥

जे किज अपने आप गै थोई जा उसै च संदोखी, खुशी,
गमी, सुख दुःख, ते घाटे बादे च बरोबर, खार नई करने आला,
कम्म सिरे चढ़ने उप्पर ते ददकड़ रीने उप्पर बी इक्का नेया रीने

आला मनुख कम्म करदा ओई वी संसारा दे बंधन इच नई
बजदा ॥२२॥

गतसङ्गस्य मुक्तस्य ज्ञानावस्थितचेतसः ।

यज्ञायाचरतः कर्म समग्रं प्रविलीयते ॥२३॥

कीजे लागाप्लेचा थों रेत ज्ञान इच टिगे दे मना आले दे
जग्गास्तै करम करने ने मुक्त मनुख दे सारे गै करम नष्ट ओई
जंदे न ॥२३॥

ब्रह्मार्पणं ब्रह्म हविर्ब्रह्माग्नी ब्रह्मणा हुतम् ।

ब्रह्मैव तेन गन्तव्यं ब्रह्मकर्मसमाधिना ॥२४॥

जग्गाआस्तै आचरण करने आले उनें मनुखें च केई तां इस
भावा ने जग करदे न जे अर्पण दा अर्थ जेदे ने अर्पण कीता जंदा
ऐ मुरचा उरचा ओ बो ब्रह्म ऐ, ते हवि दा अर्थ हवन करने जोगड़ा
द्रव्य (घ्यो श्यो) वी ब्रह्म ऐ, ते ब्रह्म रूपाली अग्निगया च ब्रह्म
रूपाले करने आले दे जरिये जेड़ा हवन कीता गया ऐ ओवी ब्रह्म
गै ऐ, इस लेई ब्रह्म रूपाले कम्म इच समाधा च टिगे दे उस मनुख
दे जरिये जे पाने जोगड़ा ऐ ओ वी ब्रह्म गै ऐ ॥२४॥

दैवमेवापरे यज्ञ योगिनः पर्युपासते ।

ब्रह्माग्नावपरे यज्ञं यज्ञेनैवोपजुह्वति ॥२५॥

ते दुए योगी लोक देवतें दे पूजने रूपाले जग्गा दी गै चंगी
चाल्ली उपासना करदे न, ते होर दुए ज्ञानी लोक परब्रह्म परमेस्सर
रूपाली जग इच जग्गा दे जरिये गै जग्गा दा हवन करदे न,
(परब्रह्म परमेस्सरा च ज्ञाना दे जरिये इक्क भावा ने टिगि जाना
गै, ब्रह्म रूपाली अग्नी च जग्गा दे जरिये जग्गा दा हवन
करना ऐ ॥२५॥

श्रोत्रादीनीन्द्रियाप्यन्ये संयमाग्निषु जुह्वति ।

शब्दादीन्विषयानन्य इन्द्रियाग्निषु जुह्वति ॥२६॥

ते दुए योगी लोक कन्ने उन्ने सारियें इंदरियें, गी संयम ना आली, मतबल जे आपने वसरूपाली अग्नी च हवन करदे न इंदरियें गी विशें थमा रोकियै आपने वस इच करी लैदे न ते दुए योगी लोक शब्द उब्द (आवाज ऊंज) विशें गी इंदरियें रूपाली अग्नी च हवन करदे न, ए राग द्वेष थों रहत इंदरियें ने विशें गी भोगदे ओई बी भस्म रूप करी ओडदे न) ॥२६॥

सर्वाणोन्द्रियकर्माणि प्राणकर्माणि चापरे ।

आत्मसंयमयोगाग्नौ जुह्वति ज्ञानदीपिते ॥२७॥

ते होर दुए योगी लोक सारियें गै इंदरियें दियें हरकतें गी ते प्राणें दे वभारा गी ज्ञाना ने बली दी परमेसरा च टिगेरूपाली योगा दी अग्नी च हवन करदे न (सुचिचदानंद घन परमेस्सरा दे स्वा दुए कुमा दा बी नई चितैना गै उने सबनें दा हवन करना ऐ) ॥२७॥

द्रव्ययज्ञास्तपोयज्ञा योगयज्ञास्तथापरे ।

स्वाध्यायज्ञानयज्ञाश्च यतयः सशितव्रताः ॥२८॥

ते दुए केई मनुख परमेस्सरा दे निमित्त अर्पणाली बुद्धा ने लोकें दी सेवा लेई घन लाने आले न, उग्रां गै केई मनुख आने घरमा दा पालन रूपाले तथा जग गी करने आले न, ते केई अष्टांग योग रूपाले जग गी करने आले न ते दुए अहिंसा ऊंसा त्रिकलें व्रतें च पेदे उद्दमाले मनुख परमेस्सरा दे नां दा जप ते परमेस्सरा दे पाने दे वारे आले शासतरें दे पढ़ने रूपाले ज्ञान जग गी करने आले न ॥२८॥

अपाने जुह्वति प्राणं प्राणोऽपानं तथापरे ।

प्राणापानगती रुद्ध्वा प्राणायामपरायणाः ॥२९॥

ते दुए योगी लोक अपान व्हाऊ च प्राण व्हाऊ गी हवन करदे न, (हिरदे च रौने आली व्हा) प्राण ते गुदा (दुए च रौने आली व्हा अपान खुआंदी ऐ) उआं गै दुए योगी लोक प्राण व्हाऊ च अपान व्हाऊ गी हवन करदे न, ते होर योगी लोक प्राण ते अपान दी चाला गी रोकियै प्राणायामा दे इच जुटोए दे रौंदे न ॥२९॥

अपरे नियताहाराः प्राणान्प्राणेषु जुह्वति ।

सर्वेऽप्येते यज्ञविदो यज्ञक्षपितकल्मषाः ॥३०॥

ते दुए नेमा ने गै रुट्टिखाने आले योगी लोक प्राणें गी प्राणें च गै हवन करदे न, इस चाली जगें दे जरियै जिनें अपने पापें दा नास करी ओड़ेआ दा ऐ ओ ए सारे गै जगें गी जानने आले (जगें दे म्हैरम) न ॥३०॥

यज्ञशिष्टामृतभुजो यान्ति ब्रह्म सनातनम् ।

नायं लोकोऽस्त्ययज्ञस्य कुतोऽन्यः कुरुसत्तम ॥३१॥

ते कुरु स्रोष्ट ! अरजुन ! जग दे वचे दे (फल ज्ञान रूपी) अमृता दा भोग लाने आले योगी लोक सनातन परब्रह्म परमेसर गी पाई लैंदे न ते जग थों रहत मनुख गी ए (मात) लोक बी नईं ते फिरी दुआ (परलोक) कुत्थों ॥३१॥

एवं बहुविधा यज्ञा वितता ब्रह्मणो मुखे ।

कर्मजान्विद्धि तान्मवानिवं ज्ञात्वा विमोक्ष्यसे ॥३२॥

इया ने मतियें चालियें दे जग वेदें दे मैत्रे च विस्तारा ने दस्से गेदे ने, उनें सवनें गी (देह, मन ते हंदरियें दे) कर्ममें दे

जरियै गे ओने आले समझ, इस चाली तत्त्वा ने समझिये कर्मयोग
दे जरियै संसार दे बंधन (जन्मने, मरने) थों मुक्त होई (छुड़की)
जागा ॥३२॥

श्रेयान्द्रव्यमयाद्यज्ञाज्ज्ञानयजः परंतप ।

सर्वं कर्माखिलं पार्थ ज्ञाने परिसमाप्यते ॥ ३३॥

ते ए अरजुन ! धन रूपाले (द्रवियादारी दी चीजें ने ओने
आले) जग थों ज्ञानरूपाला जग स्रष्ट ऐ कीजे ए पार्थ ! सारे
करम आखर ज्ञान इच गै मुकदे न मतवल जे ज्ञान गै अखीरली
हृद ऐ ॥३३॥

तद्विद्धि प्रणिपातेन परिप्रश्नेन सेवया ।

उपदेक्ष्यन्ति ते ज्ञानं ज्ञानिनस्तत्त्वदर्शिनः ॥३४॥

इस लेई तत्त्वा दे म्हैरमें (असली गल्ल गी जानने आलें)
ज्ञानी मनुखें दे भलेयां पैरें च पौने ने ते निमते ओइये सेवा करिये
धरोइये पुच्छने ने ओ तत्त्वा दे ज्ञानी मनुख तां तुगी ज्ञान दा
उपदेश करडन ॥३४॥

यज्ज्ञात्वा न पुनर्मोहमेवं यास्यसि पाण्डव ।

येन भूतान्यशेषेण द्रक्ष्यस्यात्मन्यथो मयि ॥ ३५॥

के जिस गी जानी करियै तूँ फिर इय्यां मोह इच नई
पौगा (फसगा), ते ए अरजुन ! जिस ज्ञान दे जरियै सबने
प्राणियें (ब्रह्म थों लेई करियै स्तम्ब तक) गी सामरतक अपने
आपा च दिखगा जे ए सब गे मेरे च न, ते परमेस्सरा च बी न,
क्षेत्रज्ञ ते ईसरा दा इक्क ओना सारियें गै उपनिषदें दा सार
(निचोड़) ऐ ॥३५॥

अपि चेदसि पापेभ्यः सर्वेभ्यः पापकृत्तमः ।

सर्वं ज्ञानप्लवेनैव वृजिनं संतरिष्यसि ॥३६॥

ते एदा के म्हातम ऐ—भामें तू सवनें गै पापिये थों बड़ा पापी की नई ओगा पर तां वी तू ज्ञान रूपाले मशुये ने पापी-रूपाले समुन्द्रा गी वी पार करी लैगा (टप्पी जागा) मुक्ति दी लोडाले आस्तै धरम वी पाप गै अखुआंदा ऐ की जे ओ बन्धना दा गै कारण ऐ ॥३६॥

यथैवांसि समिद्धोऽग्निर्भस्मसात्कुरुतेऽर्जुन ।

ज्ञानाग्निः सर्वकर्माणि भस्नसात्कुरुते तथा ॥३७॥

ज्ञान कियां पापा गी नसांदा ऐ ओदा दृष्टांत दसदे न—ते ए अरजुन ? जियां भटकी दी अग लकड़ियें गी स्वाह करी ओड़दी ऐ उआं गै ज्ञान रूपाली अग सारें गै करमें गी स्वाह करिए रक्खी ओड़दी ऐ ॥३७॥

न हि ज्ञानेन सदृशं पवित्रमिह विद्यते ।

तत्स्वयं योगसंसिद्धः कालेनात्मनि विन्दति ॥३८॥

कीजे इस संसार इच ज्ञान दे सतुल्ल पवित्तर करने आला होर किज वी नई ऐ, उसी ज्ञान गी आपू गै समेने योगा च पक्का ओआ दा मनुख अपने आत्मा च सेई करदा ऐ ॥३८॥

श्रद्धावांल्लभते ज्ञानं तत्परः संयतेन्द्रियः ।

ज्ञानं लब्ध्वा परां शान्तिमचिरेणाधिगच्छति ॥३९॥

ते जितेंदरी (जेदियां इंदरियां काबू च न) उस्सासै जुटोआ दा सरधाला मनुख गै ज्ञान गी पांदा ऐ, ते ज्ञान गी पाइये तौले गै परमशांति (परमेस्सर दी प्राप्ति रूपाली) वी पाई लैदा ऐ ॥३९॥

अज्ञश्चाप्रद्वानश्च संशयात्मा विनश्यति ।

नायं लोकोऽस्ति न परो न सुखं संशयात्मनः ॥४०॥

अतें बुद्ध (परमेस्सरा दे सरबंधा च नईं जानने आला सरधा थों रहत ते सैंशे च दुःखा दा मनुख तां गर्क गै ओई जंदा ऐ, ते नईं उसी ए लोक ते नईं पर लोक ते नईं गै सुख ओंदा ऐ (मतवल जे सबनें थाएं थों गै भृष्ट ओंदा ऐ) ॥४०॥

योगसंन्यस्तकर्माणि ज्ञानसंछिन्नसंशयम् ।

आत्मव तं न कर्माणि निबध्नन्ति धनंजय ॥४१॥

ते ए अरजुन ! समभावाली बुद्धा ने योगा दे जरिये परमेस्सरा दे अर्पण सबनें करमें गी करी देने आले ते ज्ञानाने जेदे सारे गै सैंशे बी मुक्की गेदे न उसी आत्मज्ञानी मनुख गी करम नईं बन्तदे न ॥४१॥

तस्मादज्ञानसंभूतं हृत्स्थं ज्ञानासिनात्मनः ।

छित्त्वेन संशयं योगमातिष्ठोत्तिष्ठ भारत ॥४२॥

इस थों ए भरत वैसाले अरजुन ! तूं समभावाले बुद्ध रूपाले योगा इच टिगीजा, ते अज्ञान थमां ओए दे हिरदे च बैठे दे इसी अपने सैंशे गी ज्ञानरूपाली तलवार लेई ऐ कप्पी सुट्ट ते जुद्ध करने लेई उठो खडो ॥४२॥

इस चाल्ली भगवान् सिरी कृष्ण होरें दियें आखी दियें उपनिषदे च ब्रह्म विद्या दे अन्दर योग शासतर! दे वारे च सिरी कृष्ण ते अरजुन हैंदी गल्ला कत्था दा ज्ञान कर्म संन्यास योग नां आला चौथा ध्या मुक्का ।

ॐ

ध्या [५]

अर्जुन उवाच

संन्यासं कर्मणां कृष्ण पुनर्योगं च शंससि ।

यच्छ्रेय एतयोरेकं तन्मे ब्रूहि सुनिश्चितम् ॥१॥

एदे परैत अरजुन बोलेआ, जे ए कृष्ण ! तुस करमें दे संन्यास दी ते कन्ने गै फिरी निष्काम करमयोग दी बी सराहना करदे ओ, इस लेई इनें दौनें च जेकड़ा मेरे भले आस्ते ऐ उसी निश्चा करिये आखो ॥१॥

श्रीभगवानुवाच

संन्यासः कर्मयोगश्च निःश्रेयसकरावुभौ ।

तयोस्तु कर्मसंन्यासात्कर्मयोगो विशिष्यते ॥२॥

तां सिरी भगवान् बोले, ए अरजुन ? करमें दा जेड़ा सन्यास ऐ ना, ओ तां मन इंदरियां ते देहा दे जरियँ ओने आलें सारें गै करमें दे इच करने कुरने (करने पुने) दा त्यागना ऐ ते निष्काम करमयोग च सम भावाली बुद्धा ने परमेस्सर दे निमित्त करमें दा करना ऐ, ए दो गै मता भला करने आले न, पर उनें दौनें च बी करमें दे सन्यासा (त्यागा) थमा निष्काम करम योग साधने च बिंद सुखल्ला ओने मूजब स्नेष्ट ऐ ॥२॥

ज्ञेयः स नित्यसंन्यासी यो न द्वेष्टि न काङ्क्षति ।

निर्वृद्धो हि महाबाहो सुखं बन्धात्प्रमुच्यते ॥३॥

ए अरजुन ? जेड़ा मनुख नेईं कुसै कर्नें वैर करदा ऐ ते नेईं गै कुसै दी लोड़ रखदा ऐ उसी गै (निष्काम योगी) सदा संन्यासी समझो, कीजे सनेह, वैर ऊर आले जोड़ें थमा रहत मनुख गै संसार रूपाली फाई थमा सुखल्ला छुडकी जंदा ऐ ॥३॥

सांख्ययोगौ पृथग्बालाः प्रवदन्ति न पण्डिताः ।

एकमप्यास्थितः सम्यग्बुभयोर्विन्दते फलम् ॥४॥

अतें ए अरजुन ? सांख्य (संन्यास) ते योग (निष्काम करम योग) गी अनपढ लोक बखरे बखरे फलाले आखदे न, ना के पंतलोक, कीजे दोनें चा इक्क इच बी भलेयां वनके दा मनुख परमेस्सर रूपाले फला गी पाई लैदा ऐ ॥४॥

यत्सांख्यैः प्राप्यते स्थानं तद्योगैरपि गम्यते ।

एकं सांख्यं च योगं च यः पश्यति स पश्यति ॥५॥

सांख्य (ज्ञानयोग) जानने आलें दे जरिये जेड़ा थां (परम धाम) पाई लैन ओंदा ऐ उऐगडा तां निष्काम करम योगियें दे जरिये बी पाई गै लैन ओंदा ऐ, इस करी जेड़ा आदमी सांख्य गी ते योग गी इक्क गै दिखदा ऐ ओ गै तां ठोक दिखदा ऐ ॥५॥

संन्यासस्तु महाबाहो दुःखमाप्नुमयोगतः ।

योगयुक्तो मुनिर्ब्रह्म नचिरेणाधिगच्छति ॥६॥

पर ए अरजुन ! योग (निष्कर्म योग) दे बगैर संन्यास (मन, इंदरियां देहा दे जरिये ओने आले सारें गै करमें च करने पुने दा त्याग) पाना मुशकल ऐ, ते योग (निष्काम करम योग)

ने जुटोआ दा (परमेस्सर दे सुरूपा गी सिमरन करने आला निष्काम करम योगी) परब्रह्म परमेस्सर गी तौले गै पाई लैदा ऐ ॥६॥

योगयुक्तो विशुद्धात्मा विजितात्मा जितेन्द्रियः ।

सर्वभूतात्मभूतात्मा कुर्वन्नपि न लिप्यते ॥७॥

ते आत्मा (देह दे अभमानाला) जिस दे वसा च ऐ ओ जितेंदरी ते साफ सुथरे एंताकरणाला सारें जीवें दे आत्म सुरूपाले परमेस्सर इच इक्क रूप ओआ दा (निष्काम कर्म योगी) करम करदे ओई बी नई गै लपड़ोंदा ऐ ॥७॥

नैव किञ्चित्करोमीति युक्तो मन्येत तत्त्ववित् ।

पश्यञ्शृण्वन्स्पृशञ्जिघ्रन्तश्नन्गच्छन्स्वपञ्श्वसन् ॥८॥

प्रलपन्विसृजन्गृह्णन्नुन्मिषन्निमिषन्तपि ।

इन्द्रियाणोन्द्रियार्थेषु वर्तन्त इति धारयन् ॥९॥

ते अरजुन ! तत्त्वा गी जानने आला सांख्य योगी तां दिखदा ओई, सुनदा ओई, छूंदा ओई, सिघ दा ओई, खंदा होई, चलदा ओई, सौंदा ओई, साह लैदा ओई, भरडांदा ओई, छोडदे ओई, लैदे ओई, अक्खियां खोलदे ओई ते मीटदे ओई सब इंदरियां अपने-अपने कम्में च लग्गी दियां न, इस चाल्ली समझदे ओई निश्चे ने मन्नै जे में किज बी नई करा करना आं ॥८-९॥

ब्रह्मण्याधाय कर्माणि सङ्गं त्यक्त्वा करोति यः ।

लिप्यते न स पापेन पद्मपत्रमिवाम्भसा ॥१०॥

पर ए अरजन ! देह दे अभमानियें थमां ए साधन ओना मुशकल ऐ, ते निष्काम करमयोग सुखल्ला ऐ, कीजे जेड़ा आदमी सबनें करमें गी परमेस्सरा दे अर्पण करियै ते आसक्ति (लागा)

गी छोड़ियै करम करदा ऐ, ओ आदमी कमला दे पत्तरा ने पानी
आंगू पापा ने नई लपडोंदा ऐ ॥१०॥

कायेन मनसा बुद्ध्या केवलैरिन्द्रियैरपि ।

योगिनः कर्म कुर्वन्ति सङ्गं त्यक्त्वात्मशुद्धये ॥११॥

इस लेई निष्काम योगी लोक ममता गी छोड़ियै छड़ें इंदरियां,
मन, बुद्ध ते देह दे जरियै बी लागा गी छोड़ियै एंताकरणा दी
सफाई लेई करम करदे न ॥११॥

युक्तः कर्मफलं त्यक्त्वा शान्तिमाप्नोति नैष्ठिकीम् ।

अयुक्तः कामकारेण फले सक्तो निबध्यते ॥१२॥

इस थों निष्काम करम योगी करमें दे फल त्यागियै मतबल
जे परमेस्सर दे अर्पण करियै परम शांति मोक्ष रूपा गी पाई लैदा
ऐ ते सकामी मनुख फल इच खचत ओने आली कामना करी बंधन
इच बज्जी जन्दा ऐ ॥१२॥

सर्वकर्माणि मनसा संन्यस्यास्ते सुखं वशी ।

नवद्वारे पुरे देही नैव कुर्वन्न कारयन् ॥१३॥

ते ए अरजुन ! अपने वसा च एंताकरणाला सबनें करमें
दा मन थमां गै त्यागकरियै सांख्य योगी मनुख नौएं ड्योड़िये आले
शहरा च रौंदा ओई नई करदा ते नई गै कुसा थों किज करांदा
ऐ ओ तां सुखाने रौंदा ऐ ॥१३॥

न कर्तृत्वं न कर्माणि लोकस्य सृजति प्रभुः ।

न कर्मफलसंयोगं स्वभावस्तु प्रवर्तते ॥१४॥

ते परमेस्सर बी लोक (संसार) दे प्राणियें दे नई कर्ता

(करने) पुनं गी नईं करमें गी ते नईं गै करमें दे फलें दे संयोगा गी बनांदा ऐ, मतबल जे गुण गै गुणें च बरता करदे न ॥१४॥

नादत्ते कस्यचित्पापं न चैव सुकृतं विभुः ।

अज्ञानेनावृतं ज्ञानं तेन मुह्यन्ति जन्तवः ॥१५॥

ते सबनें थारें च मजूद रौने आला परमेस्सर नईं कुसा दे पाप गी ते नईं गै कुसा दे पुन्न गी लैदा ऐ, ए तां अज्ञाना (माया) ने खटोग्रा दा ज्ञान ऐ, उस थमां जोव मोह इच फसा करदे न (मत्तू बना करदे न) ॥१५॥

ज्ञानेन तु तदज्ञानं येषां नाशितमात्मनः ।

तेषामादित्यवज्ज्ञानं प्रकाशयति तत्परम् ॥१६॥

पर जिंदा ओ एंताकरण दा अज्ञान आत्मज्ञाना ने नष्ट ओई गया ऐ उन्दा ओ ज्ञान सूरजा आंगूं पर ब्रह्म परमेस्सर गी प्रकाश करदा (साक्षात्-सामर तक दसदा ऐ) ॥१६॥

तद्बुद्धयस्तदात्मानस्तन्निष्ठास्तत्परायणाः ।

गच्छन्त्यपुनरावृत्तिं ज्ञाननिर्धूतकल्मषाः ॥१७॥

ते ए अरजुन ! जिंदी मत्त परमेस्सरा दे पाससै गै लगगी दी ऐ, जिंदा मन बी परमेस्सर च लगगा दा ऐ, जिंदा रौन बौन गै परमेस्सराले पाससै ऐ, जेड़े चौरालै उस्सासै लग्गे दे न ते ज्ञाना ने जिंदे सारे पाप धनोई गेदे न ओ फिरी दुए आरी संसार इच नईं ओई दे न ॥१७॥

विद्याविनयसंपन्ने ब्राह्मणे गवि हस्तिनि ।

शुनि चैव श्वपाके च पण्डिताः समदर्शिनः ॥१८॥

ने ओ ज्ञानी लोक विद्या ते निमित्ताले ब्रह्मन इच उआं गै,

गौ, हाथी, कुत्ता ते चूड़ा - चंडाल इनें गी वी बरोबर गै दिखदे न ॥१८॥

इहैव तैर्जितः सर्गो येषां साम्ये स्थितं मनः ।

निर्दोषं हि समं ब्रह्म तस्माद्ब्रह्मणि ते स्थिताः ॥१९॥

इस लैई जिंदा मन समभावा च टिगेदा ऐ उनें तां इससै जीने च सारा संसार समभो जित्ती लेआ दा ऐ, मतबल जे ओ जीदे गै इत्थें मुक्त न, की जे सच्चिदानंद ब्रह्म परमेस्सर तां वे दोस ऐ, इस करी ओ ब्रह्म परमेस्सर च गै टिगेदे न ॥१९॥

न प्रहृष्येत्प्रियं प्राप्य नोद्विजेत्प्राप्य चाप्रियम् ।

स्थिरबुद्धिरसंमूढो ब्रह्मविद् ब्रह्मणि स्थितः ॥२०॥

ते जेडा मनुख प्यारी चीजै गी लैऐ खुश नईं ओऐ ते दुपैरी चीजा गी लैऐ वसोस वी नईं करै ओ टिगी दी मत्ताला समभदार ब्रह्मज्ञानी गै परब्रह्म परमेस्सरा च टिगेदा ऐ ॥२०॥

बाह्यस्पर्शेष्वसक्तात्मा विन्दत्यात्मनि यत्सुखम् ।

स ब्रह्मयोगयुक्तात्मा सुखमक्षयमश्नुते ॥२१॥

ते बाह्यले विशें च मतबल जे संसारा दे भोगें च खचता थों रहत एंताकरणाला मनुख एंताकरण च जेडा परमेस्सरा दे ध्याना दा नंद ऐ ओ उसी थोआ दा ऐ ते ओ मनुख सच्चिदानंद घनाले ब्रह्म रूपाले योगा च इक्क भाव ओइऐ अक्षय नंदा दा अनुभव करदा ऐ ॥२१॥

ये हि संस्पर्शजा भोगा दुःखयोनय एव ते ।

आद्यन्तवन्तः कौन्तेय न तेषु रमते बुधः ॥२२॥

ते जेडे ए इंदरियें ते विशें दे संजोगा थों ओने आले सब गै भोग ऐन ना, ओ बी ओ भामें विशें च पेदे मनुखें गी सुख देने आले सेई ओदे न, पर तां बो ओ वस्स मेव दुःख देने आले गै ऐन, ते आद ते एंता आले ओने करी मतलव जे अनित्य गै ऐ (थिर नेई) न, इसलैई ए अरजुन ? विचाराला मनुख उंदे च नई रमदा ॥२२॥

शक्नोतीहैव यः सोढुं प्राक्शरीरविमोक्षणात् ।

कामक्रोधोद्भवं वेगं स युक्तः स सुखी नरः ॥२३॥

जेडा आदमी देह दे नास ओने थों पैलें गै काम ते क्रोध थमा ओने आले वेग गी स्हारने लैई समरत्थ ऐ मतलव जे काम ते क्रोध गी जिसने ह्येशाआस्तै जित्ती लेआ दा ऐ ओ आदमी इत्थें योगी ऐ ते ओ गै सुखी ऐ ॥२३॥

योऽन्तः सुखोऽन्तरागमस्तथान्तर्ज्योतिरेव यः ।

स योगी ब्रह्मनिर्वाणं ब्रह्मभूतोऽधिगच्छति ॥२४॥

जेडा आदमी पक्क एंतरात्मा च गै सुखी ऐ तै आत्मा च गै अराम (सुख) समझदा ऐ ते जेडा आत्मा च जानाला ऐ नेआ ओ सच्चिदानंद घन परब्रह्म परमात्मा ने इक्क ओआ दा सांख्य योगी शांत ब्रह्म गी पाई लैदा ऐ ॥२४॥

लभन्ते ब्रह्मनिर्वाणमृषयः क्षीणकल्मषाः ।

छिन्मद्वैधा यतात्मानः सर्वभूतहिते रताः ॥२५॥

जिंदे सारे पाप चुक्की गेदे न, जिंदा दुपासरा ख्याल मुक्की गेआदा ऐ, सारे जीवें दे भले च जेडे लगगेदे न, ओ ते जिने आत्मा गी वसा च कीता दा ऐ ओ ऋषिलोक ब्रह्म दे साक्षात्कार दी शांति गी पांदे न ॥२५॥

कामक्रोधवियुक्तानां यतीनां यतचेतसाम् ।

अभितो ब्रह्मनिर्वाणं वर्तते विदितात्मनाम् ॥२६॥

ते काम क्रोध थों रैत, जित्ते दे मनाले परमेस्सरा दा साक्षात्कार करी बैठें दे ज्ञानी मनुखें लैई सारें पास्सेया शांत परब्रह्म परमेस्सर गै पायेदा ऐ ॥२६॥

स्पर्शान्कृत्वा बहिर्बाह्यांश्चक्षुश्चैवान्तरे भ्रुवोः ।

प्राणापानौ समौ कृत्वा नासाभ्यन्तरचारिणौ ॥२७॥

ते ए अरजुन ? बाह्मले विशें रामाले भोगें दा ख्याल छोडियै उनेंगी बाहर गै त्यागियै ते अक्खियें दी नजरा गी भरुआं दे वशकार लाइयै ते नक्का च चलने आले प्राण ते अपान व्हाऊ गी इक्का नेआ (सम) करियै ॥२७॥

यतेन्द्रियमनोबुद्धिर्मुनिर्मोक्षपरायणः ।

विगतेच्छाभयक्रोधो यः सदा मुक्त एव सः ॥२८॥

इंदरियां मन ते मत्ता गी जित्तिऐ मरजी, डर, रोहा गी छोडियै जेडा मुनि लगातार (परमेस्सर दे सुरूपा दा मनन करने आली) मुक्ति आस्तै गै लगातार जुटोआदा रौंदा ऐ ओ तां भ्रेशा मुक्त गै ऐ ॥२८॥

भोक्तारं यज्ञतपसां सर्वलोकमहेश्वरम् ।

सुहृदं सर्वभूतानां ज्ञात्वा मां शान्तिमृच्छति ॥२९॥

ते ए अरजुन ? मेरा भगत मिगी जग्गें ते तपें दा भोगने आला, सारे लोकें दे ईस्सरा दा बी ईस्सर ते सारें भूत जीवें दा वगैर स्वारथा दे प्रेमी, नेआ तत्वा थमा समझिऐ शान्ति गी पांदा ऐ, ते सच्चिदानंद घन भरपूर शांत ब्रह्म दे सबाय ओदी नजरा

च होर किज बी नई रौंदा, छडा परमेस्सर गै परमेस्सर
रौंदा ऐ ॥२६॥

इस चाली भगवान् सिरी कृष्ण होरें दे आखि दियें उपनिषदें
च ब्रह्मविद्या दे अंदर योग शासतरा दे वारे च सिरी कृष्ण ते
अरजुन हुंदी गत्ता कत्था दा कर्म सन्यास योग नां आला पञ्जमा
अया मुक्का ।

ॐ

ध्या [६]

श्रीभगवानुवाच

अनाश्रितः कर्मफलं कार्यं कर्म करोति यः ।

स संन्यासी च योगी च न निरग्निरन चाक्रियः ॥१॥

एदे परैत सिरी भगवान् बोले, ए अरजुन ! जेडा आदमी करमें दे फल गी नईं पसिंद करदे ओई करने जोगडे कर्में गी करदा रौंदा ऐ, ओ संन्यासी ते योगी ऐ, ते छड़ा अग्गी गी त्यागने आला संन्यासी योगी नईं ऐ, ते छड़ा किरैयाएं गी त्यागने आला बी संन्यासी योगी नईं ऐ ॥१॥

यं संन्यासमिति प्राहुर्योगं तं विद्धि पाण्डव ।

न ह्यसंन्यस्तसंकल्पो योगी भवति कश्चन ॥२॥

इसलेई ए अरजुन ! जिस गी संन्यास आखदे न, उससै गी तूं योग समझ, कीजे संकल्पें गी नईं त्यागने आला कोई बी आदमी योगी नईं हुंदा ऐ ॥२॥

आरुरुक्षोर्मुनेर्योगं कर्म कारणमुच्यते ।

योगारूढस्य तस्यैव शमः कारणमुच्यते ॥३॥

ते सम भावाली बुद्ध रूपाले योगा च पौने दी मर्जी आले मनन करने दे सव्हा आले मनुखालेई योग गी पाने मूजब निष्काम

भावा ने गै करम करना कारण दस्सेया ऐ ते योग च पेई जाने
उप्पर उस योग च पेदे आदमी आस्तै शम (सारें संकल्पें दा नईं
ओना गै) भले च कारण आखेया ऐ ॥३॥

यदा हि नेन्द्रियार्थेषु न कर्मस्वनुषज्जते ।

सर्वसंकल्पसंन्यासी योगारूढस्तदोच्यते ॥४॥

ते जिस समे च नईं तां इंदरियें दे भोगें च खचत ओंदा ऐ ते
नईं करमें च गै रुझदा ऐ उस समे सारें गै संकल्पें (मना दी
ख्वाशें) दा त्यागी मनुख योग इच पेआदा खुआंदा ऐ ॥४॥

उद्धरेदात्मनात्मानं नात्मानमवसादयेत् ।

आत्मैव ह्यात्मनो बन्धुरात्मैव रिपुरात्मनः ॥५॥

ते ए योग च पौना कल्याण इच कारण दस्सेआ ऐ, इस लेई
मनुख गी लोडचदा ऐ जे ओ आपने जरियै आपना संसार रूपाले
समुंद्रा थमा उद्धार करै (बाहर कड्डै) ते आपने आत्मा गी
अधोगति (नरक) च नईं पुजा, कीजे ए जीवात्मा आपूँ गै तां
आपना मित्तर (भला चित्तैने आला) ऐ ते आपूँ गै आपना शत्तरू
(दुश्मन)—गर्क करने आला) ऐ, मतलब जे ओर कोई दुआ
एदा मित्तर जां शत्तरू नईं ऐ ॥५॥

बन्धुरात्मात्मनस्तस्य येनात्मैवात्मना जितः ।

अनात्मनस्तु शत्रुत्वे वर्तेतात्मैव शत्रुवत् ॥६॥

उस जीवात्मा दा तां ओ आपूँ गै मित्तर ऐ के जिस जीवात्मा
दे जरियै मन ते इंदरियें समेत देह जित्तेया दा ऐ, ते जिस दे जरियै
मन ते इंदरियें समेत देह नईं जित्तेदा उस दा ओ आपूँ गै शत्तरू
दे बरोबर वर करदा ऐ ॥६॥

जितात्मनः प्रशान्तस्य परमात्मा समाहितः ।

शीतोष्णसुखदुःखेषु तथा मानापमानयोः ॥७॥

ते ए अरजुन ! सरदी गरमी ते सुख दुःख उःख च मान ते अपमान इच जेदे एंताकरण दियां वृत्तियां (बरताव) भलेयां शांत न, मतलब जे नुकसा थों रहत न, ने आपने मतैदे आत्मा ले मनुख दे ज्ञान इच सच्चिदानंद घन परमेस्सर चंगी चाली टिगेआदा ऐ, मतलब जे ओदे ज्ञान इच परमेस्सरा थों बगैर होर दुआ किज बी नई ऐ ॥७॥

ज्ञानविज्ञानतृप्तात्मा कूटस्थो विजितेन्द्रियः ।

युक्त इत्युच्यते योगी समलोष्टाश्मकाञ्चनः ॥८॥

ते ज्ञाना विज्ञाना ने संदोखी एंताकरणाला नुकसा दे बगैर रहत बैहताला, जितेंदरी ते मिट्टी बट्टे ते सुन्ने गी बरोबर गे दिक्खने आला योगी युक्त योगी खुआंदा ऐ ॥८॥

सुहृन्मित्रार्युदासोनमध्यस्थद्वेष्यबन्धुषु ।

साधुष्वपि च पापेषु समबुद्धिर्विशिष्यते ॥९॥

ते जेडा मनुख सुहृत् (अपनी गरजा गी छोडियै सबने दा भला चितेने आला) मध्यस्थ (दौनें पाससें दी भलाई चितैने आला) द्वेषी (दुपेयारा) ते साक सरबंधिये च अतें परोपकारिये ते पापिये च बरोबरी दिक्खने आला ऐ ओ सारें कछा बड़ा भला मानस ऐ ॥९॥

योगी युञ्जीत सततमात्मानं रहसि स्थितः ।

एकाकी यतचित्तात्मा निराशीरपरिग्रहः ॥१०॥

इसलेई जिसदा मन ते इंदरियें समेत देह बी वसा च ऐ ओ

जोडा मेडा ते वासना थमा बी कनारा कशी करिऐ इक्कला
मुकला गै इक्कले थां च टिगिऐ चौरा एल्लै आत्मा गी परमेस्सरा
दे ध्याना च गै लार्ड रक्खै ॥१०॥

शुचौ देशे प्रतिष्ठाप्य स्थिरमासनमात्मनः ।

नात्युच्छ्रितं नातिनोचं चैलाजिनकुशोत्तरम् ॥११॥

सच्चे थां च दब्भ, हरना दा खल्लड़ा ते टल्ले गी उप्परोतली
रक्खियै नई बडा उच्चा ते नई बडा नींदा, तांत्वां नई ओने
आला, पदरा आसन विछाइयै ॥११॥

तत्रैकाग्रं मनः कृत्वा यतचित्तेन्द्रियक्रियः ।

उपविश्यासने युञ्ज्याद्योगमात्मविशुद्धये ॥१२॥

ते उस आसना उप्पर बैइऐ ते मनागी इक्कडाल रक्खियै
चित्त ते इंदरियें दियें किरियायें गी कावू च करियै एंताकरणा दी
सफाई आस्ते योगा दा भ्यास करै ॥१२॥

समं कायशिरोग्रीवं धारयन्नचलं स्थिरः ।

संप्रेक्ष्य नासिकाग्रं स्वं दिशश्चानवलोकयन् ॥१३॥

ते कायां (देह) सिर ते मुंडी गी इक्कां ते अडोल रखदे
ओई टिगिऐ नक्का दे सिर गी भलेयां दिक्खियै तांत्वां नजर नई
फेरदे ओई ॥१३॥

प्रशान्तात्मा विगतभीर्ब्रह्मचारिव्रते स्थितः ।

मनः संयम्य मच्चित्तो युक्त आसीत मत्परः ॥१४॥

बे ब्रह्मचर्या दे व्रता च टिगियै आत्मा गी शांत रखदे ओई
निडर बनियै मना गी भलेयां जकडियै मेरे च चित्त लाइयै ते मेरे
भरोसे उप्पर योग लाइयै बै जा ॥१४॥

युञ्जन्नेवं सदात्मानं योगी नियतमानसः ।

शान्तिं निर्वाणपरमां मत्संस्थामधिगच्छति ॥१५॥

इस चाली आत्मा गी लगातार परमेस्सरा दे मुरुपा च लांदा ओई आपने वसा च मनाला योगी मेरे च टिगी दी मुक्तिरूपाली परम शांति गी पाई लैदा ऐ ॥१५॥

नात्यश्नतस्तु योगोऽस्ति न चैकान्तमनश्नतः ।

न चाति स्वप्नशीलस्य जाग्रतो नैव चार्जुन ॥१६॥

पर ए अरजुन ? ए योग नईं मूल मता खाने आला चलाई सकदा ऐ ते नईं गे त्रिल्कुल नई खाने आला ते नईं मता सौने आला ते नईं गै छडा जागदे रौने आला निभाई सकदा ऐ ॥१६॥

युक्ताहारविहारस्य युक्तचेष्टस्य कर्मसु ।

युक्तस्वप्नावबोधस्य योगो भवति दुःखहा ॥१७॥

ए योग तां उससै गी दुःखें दा दूर करने आला बुजोंदा ऐ जेदा खाना पीना ते फिरना टुरना, कम्मैं काजें च लग्गना ते सौना जागना बी मर्यादा मूजव गै ऐ ॥१७॥

यदा विनियतं चित्तमात्मन्येवावतिष्ठते ।

निःस्पृहः सर्वकामेभ्यो युक्त इत्युच्यते तदा ॥१८॥

इस चाली योगाभ्यासा ने भलेयां वसा च ओआदा चित्त जिस एल्लै परमेस्सरा च गै चंगी चाल्ली टिगी जंदा ऐ उस एल्लै सबने कामनायें दी लालसा थमा रैत ओ योगी योगयुक्त (सिद्धयोगी) खुआंदा ऐ ॥१८॥

यथा दीपो निवातस्थो नेङ्गते सोपमा स्मृता ।

योगिनो यतचित्तस्य युञ्जतो योगमात्मनः ॥१९॥

जियां वगैर व्हाऊ आले थारा च बलदे ओई दिया कोई भलाका नई मारदा उऐगडी मसाल (उपमा) वसा च कीते दे चित्ताले ते परमेस्सरा च जुडे दे योगी गी बी समझो ॥१६॥

यत्रोपरमते चित्तं निरुद्धं योगसेवया ।

यत्र चैवात्मनात्मानं पश्यन्नात्मनि तुष्यति ॥२०॥

ते ए अरजुन ? जिस मौके पर योगा भ्यासा दे जरिये रोके दा चित्त शांत ओई जंदा ऐ ते जिस मौके आपने आत्मा ने आत्मा गी मतवल जे परमेस्सरा गी आत्मा च दिखदे ओई संदोख समझदा ऐ (परमेस्सरा दे ध्याना ने साफ सुथरी ओई दी बुद्धा दे जरिये सच्चिदानंदधन परमेस्सरा दा साक्षात्कार ओने ने संदोख ओई जंदा ऐ ॥२०॥

सुखमत्यान्तिकं यत्तद्बुद्धिग्राह्यमतीन्द्रियम् ।

वेत्ति यत्र न चैवायं स्थितश्चलति तत्त्वतः ॥२१॥

ते इंदरिये दी सर मत्था थमां परें (छडे साफ ओई दी सूखम) बुद्धा दे जरिये परतीत ओने जोगडे मते गै सुखें गी जिस मौके उपपर सेई करदा ऐ ते जिस मौके उपपरा टिगेयादा परमेस्सरा दे सुरुपा थमा बिंद बी तांत्वां नई खिसकदा ऐ ॥२१॥

यं लब्ध्वा चापरं लाभं मन्यते नाधिकं ततः ।

यस्मिन्स्थितो न दुःखेन गुरुणापि विचाल्यते ॥२२॥

ते परमेस्सरा दे रूपाले जिस लाभा गी पाइयै फिरी उस थमा वद् ओर दुआ किज लाभ नई समझदा ऐ ते परमेस्सरा दे लाभा दे मौके उपपर ओ योगी बडे भारे दुःख थमा बी चलायमान नई हुंदा ऐ ॥२२॥

तं विद्याद् दुःखसंयोगवियोगं योगसंज्ञितम् ।

स निश्चयेन योक्तव्यो योगोऽनिर्विण्णचेतसा ॥२३॥

ते दुःखें दे संयोगा दा जेडा वियोग (छुडकना) ऐना उसगी योग समझो, अतें ओ निश्चे ने विना उकसे (अक्के) दे मना ने लाना लोडचदा ऐ ॥२३॥

संकल्पप्रभवान्कामास्त्यक्त्वा सर्वानशेषतः ।

मनसैवेन्द्रियग्रामं विनियम्य समन्ततः ॥२४॥

इसलेई संकल्पें (मना दे ख्यालें) थमा उठने आलियें सारियें गै कामनायें गी बिल्कुल त्यागियै (वासना ते आसक्ति समेत) ते मना दे जरियै इंदरियें दे ग्रां गी बी सबने पास्सेया भलेयां काबू करियै ॥२४॥

शनैःशनैरुपरमेद्बुद्ध्या धृतिगृहीतया ।

आत्मसंस्थं मनः कृत्वा न किञ्चिदपि चिन्तयेत् ॥२५॥

ते धोई धोईयै (बल्लें बल्लें) भ्यासा गी छोडै, अतें धीरजाली बुद्धा ने मना गी आत्मा (परमेस्सरा च टिकाइयै (सबाय परमात्मा दे) होर किज बी नईं चिते ऐ ॥२५॥

यतो यतो निश्चरति मनश्चञ्चलमस्थिरम् ।

ततस्ततो नियम्यैतदात्मन्येव वशं नयेत् ॥२६॥

ए काहला ते चैंचल मन जिस जिस पास्सेआ बाहुरा गी निकलदा ऐन इसी उस उस पास्सेया गै रोकियै आत्मा दे वसा च करै ॥२६॥

प्रशान्तमनसं ह्येनं योगिनं सुखमुत्तमम् ।

उपैति शान्तरजसं ब्रह्मभूतमकल्मषम् ॥२७॥

कीजे जेदा मन भलेयां गै शांत ऐ, रजोगुण (मोह ओह क्लेश) बी शांत ऐ, पाप बी नईं रेआदा ऐ, ब्रह्मभावा च (सच्चिदानंदघन ब्रह्म दे कन्ने रली गेआ दा जीवनमुक्त) ऐ, उसी योगी गी गै उत्तम सुख थोंदा ऐ ॥२७॥

युञ्जन्नेवं सदात्मानं योगी विगतकल्मषः ।

सुखेन ब्रह्मसंस्पर्शमत्यन्तं सुखमश्नुते ॥२८॥

ते ओ पापें थों रैत योगी इस चाल्ली लगातार आत्मा गी परमेस्सरा च लांदे ओई सुखल्ला गै परब्रह्म परमेस्सरा दे स्पर्श रूपाले मते गै सुखा गी पाई लैदा ऐ ॥२८॥

सर्वभूतस्थमात्मानं सर्वभूतानि चात्मनि ।

ईक्षते योगयुक्तात्मा सर्वत्र समदर्शनः ॥२९॥

ते ए अरजुन ! सबनें थारें इक्का नेआ दिक्खने ते समभने आला योग च जुडेया दा (चुकन्ने एंताकरणाला) ओ योगी आपने आपा गी सारें जीवें च ते परब्रह्म थमा लेइए थम्मा तिक्कर सारें जीवें गी आपने च दिक्खदा ऐ ॥२९॥

यो मां पश्यति सर्वत्र सर्वं च मयि पश्यति ।

तस्याहं न प्रणश्यामि स च मे न प्रणश्यति ॥३०॥

ते जेडा मनुख सबनें थाएं च (सबने जीवें दे आत्म रूपाले) मिगी परमेस्सरा गी व्यापेदा दिक्खदा ऐ ते सारें जीवें गी मेरे अंदर दिक्खदा ऐ, ओदे लेई आऊं ओलै नईं ओंदा ते ओ मेरे लेई ओलै नईं ओंदा ऐ, कीजे ओ मेरे च इक्क ओइए टिगी गेया दा ऐ ॥३०॥

सर्वभूतस्थितं यो मां भजत्येकत्वमास्थितः ।

सर्वथा वर्तमानोऽपि स योगी मयि वर्तते ॥३१॥

इस चाल्ली जेडा मनुख इक्क ओइयै टिगेया दा सबनें जीवें च आत्मरूपा ने टिगेदे मिगी सच्चिदानंद वासुदेव गी भजदा ऐ, ओ योगी सबनें चाल्लियें बरतदे ओई बी मेरे च गै बरतदा ऐ, कीजे ओदे अनुभवा (तजरवे) च मेरे थमा बगैर होर ऐ बी किज नईं ॥३१॥

आत्मौपम्येन सर्वत्र समं पश्यति योऽर्जुन ।

सुखं वा यदि वा दुःखं स योगी परमो मतः ॥३२॥

ते ए अरजुन ! जेडा योगी आपनी उपमा (मसाला) ने (आपने आंगूं गै) सारें गै जीवें च समभावा ने दिखदा ऐ ते सुखा जां दुःखा गी बी सबनें च इकसां गै मसूस करदा ऐ ओ योगी बडा गै खेष्ट मन्नेआ गेआ ऐ ॥३२॥

अर्जुन उवाच

योऽयं योगस्त्वया प्रोक्तः साम्येन मधुसूदन ।

एतस्याहं न पश्यामि चञ्चलत्वात्स्थितिं स्थिराम् ॥३३॥

इस चाल्ली भगवान् दे वचनें गी सुनियै अरजुन बोलेया, ए मधूसूदन ! जेडा ध्यानाला योग तुसें समभावा ने आखेया ऐ इसगी आऊं मना दे चंचल ओने मूजव मते चिरा तिक्कर टिगने आला नईं समझदा आं ॥३३॥

चञ्चलं हि मनः कृष्ण प्रमाथि बलवद्दृढम् ।

तस्याहं निग्रहं मन्ये वायोरिव सुदुष्करम् ॥३४॥

कीजे ए कृष्ण ! ए मन बडा चंचल ते छोली सुट्टने आला जोराला ते हठाला (दृढाला) ऐ, आऊं तां एदा कावू करना ब्हाऊ गी कावू करने आंगूं बडा मुशकल समझना (मन्नना) आं ॥३४॥

श्रीभगवानुवाच

असंशयं महाबाहो मनो दुर्निग्रहं चलम् ।

अभ्यासेन तु कौन्तेय वैराग्येण च गृह्यते ॥३५॥

सिरी भगवान् बोले, ए महाबाहो ! बेशक मन चंचल ते मुशकल काबू च आउने आला ऐ, पर ए अरजुन ! (रोजा दे) अभ्यास करने ने ते वैरागा च रौने ने काबू ओई जंदा ऐ ॥३५॥

असंयतात्मना योगो दुष्प्राप इति मे मतिः ।

वश्यात्मना तु यतता शक्योऽवाप्तुमुपायतः ॥३६॥

कोजे जिस दा आत्मा वस च नईं ऐ ओदे जरियै योग गी पाना बडा मुशकल ऐ ते आत्मा जेदे वस इच ऐ ओदे आस्तै जतन करने ने पाई लैना कोई मुशकल नईं ऐ ॥३६॥

अर्जुन उवाच

अयतिः श्रद्धयोपेतो योगाच्चलितमानसः ।

अप्राप्य योगसंसिद्धिं कां गतिं कृष्ण गच्छति ॥३७॥

एदे उप्पर अरजुन बोलेआ, ए कृष्ण ! जेदा मन योग थमा थिडकी जा ते ढिल्ला नेआ जतन करै, सरधाला ओऐ तां ओ मनुख योग इच सफलता नईं पाइयै मतबल जे परमेस्सर दा साक्षात्कार नईं करी सकियै फिरी कुस गति गी पांदा ऐ ॥३७॥

कच्चिन्नोभयविभ्रष्टश्छिन्नाभ्रमिव नश्यति ।

अप्रतिष्ठो महाबाहो विमूढो ब्रह्मणः पथि ॥३८॥

ते ए महाबाहु अरजुन ? के ओ परमेस्सरा दे पाने आले रस्ते च भरमोआ दा बगैर आसरे आला मनुख भज्जे बिखरे दे

बदला आंगूँ दौनें पास्सेया परमेस्सरा दे पाने आले ते संसारा
दे भोगें आले थमा भृष्ट ओइऐ गरक तां नईं ओई जंदा ऐ ॥३८॥

एतन्मे संशयं कृष्ण छेत्तुमर्हस्यशेषतः ।

त्वदन्यः संशयस्यास्य छेत्ता न ह्युपपद्यते ॥३९॥

ए कृष्ण ! तुस गै मेरे इसी सैंशे गी भलेयां छेदने (ढाने)
लायक हो, तुसाडे विना होर कोई दुआ इस सैंशे गी दुक्की सुटने
आला नईं ओई सकदा ऐ ॥३९॥

श्रीभगवानुवाच

पार्थ नैवेह नामुत्र विनाशस्तस्य विद्यते ।

न हि कल्याणकृत्कश्चिद्दुर्गतिं तात गच्छति ॥४०॥

इस चाल्ली अरजुन दे पुच्छने उप्पर सिरी कृष्ण भगवान्
बोले, ए पार्थ ! उस मनुख दा नईं तां इस लोक इच ते नईं गै
परलोक इच नास ओंदा ऐ कीजे ए प्यारे ! शुभ (नेक) कम्म
करने आला मतबल जे परमेस्सर दे निमित्त करम करने आला
दुर्गति गी नईं पाई सकदा ऐ ॥४०॥

प्राप्य पुण्यकृतां लोकानुषित्वा शाश्वतीः समाः ।

शुचीनां श्रीमतां गेहे योगभ्रष्टोऽभिजायते ॥४१॥

सगुयां ओ योग थों भृष्ट ओआदा मनुख पुन्ने आलें दे लोकें
सुरगें च पुज्जियै उत्थें मत्ते वरें तिक्कर रैऐ सदाचारी ते वसदें
घनवानें दे घर इच आई जमदा ऐ ॥४१॥

अथवा योगिनामेव कुले भवति धीमताम् ।

एतद्धि दुर्लभतरं लोके जन्म यदीदृशम् ॥४२॥

जां ओ योग थमा भृष्ट ओआ दा योगी ज्ञानियें योगियें दे गै
घर इच आई जमदा ऐ, पर इआ नेआ ए जरम लैना इस संसारा
इच बड़ा गै दुर्लब्ध (मुशकल गै थोने आला) ऐ ॥४२॥

तत्र तं बुद्धिसंयोगं लभते पौर्वदेहिकम् ।

यतते च ततो भूतः संसिद्धौ कुरुनन्दन ॥४३॥

ते ओ उत्थें पैहले देह दे संस्कारें मूजब बुद्ध दे संयोग गी पाई
लैदा ऐ अतें फिरी पूरी सिद्धि लेई जतन करन लगी पौंदा ऐ ॥४३॥

पूर्वाभ्यासेन तेनैव ह्रियते ह्यवशोऽपि सः ।

जिज्ञासुरपि योगस्य शब्दब्रह्मातिवर्तते ॥४४॥

ते ओ विशें च फसेयादा बी उस पैहलें भ्यासा थमा गै विना
शक्का दे परमेस्सरा दे पास्से गी खचोई जंदा ऐ ते सम भावाली
बुद्धा दे रूपाले योग गी जानने दी लोडा आला बी वेद इच दस्से
दे सकाम करमें दे फला गी त्वांगी जंदा ऐ ॥४४॥

प्रयत्नाद्यतमानस्तु योगी संशुद्धकिल्बिषः ।

अनेकजन्मसंसिद्धस्ततो याति परां गतिम् ॥४५॥

जद इस चाल्ली बल्लें बल्लें लग्गा दा योगी बी परमगति गी
पाई लैदा ऐ ते तां के आखना जे केइयें जरमें थों एंताकरण दी सुद्धि
रूपाली सिद्धि गी पुज्जा दा ते अति यतनाने भ्यास करने आला
योगी सारें पापें थमा चंगी चाल्ली सुच्छ ओइऐ उस साधना दे
परभावा ने परमगति गी पुज्जी जंदा ऐ मतबल जे परमेस्सरा गी
पाई लैदा ऐ ॥४५॥

तपस्विभ्योऽधिको योगी

ज्ञानिभ्योऽपि मतोऽधिकः ।

कर्मिभ्यश्चाधिको योगी

तस्माद्योगी भवार्जुन ॥४६॥

कीजे योगी तपस्वियें थमा बी स्नेष्ट ऐ, शासतरा दे ज्ञानाले
थमा बी योगी स्नेष्ट ऐ ते सकाम करम करने आलें थमा बी योगी
स्नेष्ट ऐ, इस लेई ए अरजुन ! तूं योगी बनी जा ॥४६॥

योगिनामपि सर्वेषां मद्गतेनान्तरात्मना ।

श्रद्धावान्भजते यो मां स मे युक्ततमो मतः ॥४७॥

ते ए प्यारे ! सारें योगियें च बी जेडा सरधाला मेरे च
लगे दे एंतरात्मा ने लगातार मिगी भजदा रौंदा ऐ ओ योगी मिगी
बडा गै स्नेष्ट (समझोंदा) ऐ ॥४७॥

इस चाल्ली सिरी भागवान् होरें दियें आखि दियें उपनिषदें
च ब्रह्म विद्याले योग शासतरा दे अंदर सिरी कृष्ण ते अरजुन दी
गल्ला कथा च आत्म संयम योग नां आला छेमा ध्या मुक्का ।

ॐ

ध्या [७]

श्रीभगवानुवाच

मय्यासक्तमनाः पार्थ योगं युञ्जन्मदाश्रयः ।

असंशयं समग्रं मां यथा ज्ञास्यसि तच्छृणु ॥१॥

ओढ़े परंत सिरी कृष्ण भगवान् बोले, ए पार्थ ! तू छडा मेरे गै स्हारे उप्पर मेरे च गै मना गी लाइयै योग समाधा गी लांदे ओई मिगी सारिये विभूतिये, बल, ऐश्वर्य ऊर्य गुणों आला ते सबने दा आत्म रूपाला जियां बिना शक्का दे जानी जागा उसगी सुन ॥१॥

ज्ञानं तेऽहं सविज्ञानमिदं वक्ष्याम्यशेषतः ।

यज्ज्ञात्वा नेह भूयोऽन्यज्ज्ञातव्यमवशिष्यते ॥२॥

मीं तेरे आस्तै इसी गुज्झी गल्ला सनें तत्त्व ज्ञान बी सबने चाल्ली दस्सड, के जिसगी जानियै फिरी इस संसार इच होर किज बी जानने जूडा बाकी नई रै जंदा ॥२॥

मनुष्याणां सहस्रेषु कश्चिद्यतति सिद्धये ।

यततामपि सिद्धानां कश्चिन्मां वेत्ति तत्त्वतः ॥३॥

पर ज्हारें मानुयें च कोई गै मानु मेरे कोल पुज्जने लेई यतन करदा ऐ, ते उनें योगियें च बी कोई गै मेरे आले पास्से लग्गा दा तत्त्व थमा (असली) ठीक ठीक मिगी समझदा ऐ ॥३॥

भूमिरापोऽनलो वायुः खं मनो बुद्धिरेव च ।

अहंकार इतीयं मे भिन्ना प्रकृतिरष्टधा ॥४॥

ते ए अरजुन ! जिमी, पानी, अग्ग, व्हा, अंबर, मन, बुद्धि
ते हेंकार बी नेइयें अठ्ठे चाल्लियें ने बंडी दी मेरी प्रकृति
(माया) ऐ ॥४॥

अपरेयमितस्त्वन्यां प्रकृतिं विद्धि मे पराम् ।

जीवभूतां महाबाहो ययेदं धार्यते जगत् ॥५॥

ओ ए अठ्ठे चाल्लियें आली तां अपरा ऐ, मतबल जे मेरी
जड़ प्रकृति ऐ, ते ए अरजुन ! इस थों मेरी दुई जीवरूपाली परा
मतबल जे चेतन (जानाली) प्रकृति गी जान, के जिसने ए सारा
संसार चुक्केआ दा ऐ ॥५॥

एतद्योनीनि भूतानि सर्वाणीत्युपधारय ।

अहं कृत्स्नस्य जगतः प्रभवः प्रलयस्तथा ॥६॥

ते ए अरजुन ! तू ए समझ जे सारे जीव इने दौनें प्रकृतियें
थमा गै जम्मने आले न ते आंऊं सारे संसार दा मूल
कारण आं ॥६॥

मत्तः परतरं नान्यत्किञ्चिदस्ति धनंजय ।

मयि सर्वमिदं प्रोतं सूत्रे मणिगणा इव ॥७॥

इस लेई ए धनंजय ! मेरे सबा जरा बी होर दुई वस्त नई
ऐ, ए सारी दुनियां धागे च परोये दे मनके आंगू मेरे च
परोई दी ऐ ॥७॥

रसोऽहमप्सु कौन्तेय प्रभास्मि शशिसूर्ययोः ।

प्रणवः सर्ववेदेषु शब्दः खे पौरुषं नृषु ॥८॥

कियां जे ए अरजुन ! जल इच आंऊं रस आं, उग्रा गै चन्न
ते सूरजा इच लो आं, ते सबनें वेदें च ओंकार आं, स्माना च
अवाज आं ते मनुखें च उद्दम आं ॥८॥

पुण्यो गन्धः पृथिव्यां च तजश्चास्मि विभावसौ ।

जीवनं सर्वभूतेषु तपश्चास्मि तपस्विषु ॥९॥

उंआं गै पृथ्वी च सुचची मुस्क चां ते अग्नी च तेज आं, अतें
सबनें जीवें च उंदी जान आं, मतबल जे जेदे ने ओ जीदे न ओ आं,
ते तपस्वियें च तप आं ॥९॥

जीजं मां सर्वभूतानां विद्धि पार्थ सनातनम् ।

बुद्धिर्बुद्धिमत्तामस्मि तेजस्तेजस्विनामहम् ॥१०॥

ते पार्थ ! तू सारें भूत प्राणियें दा सनातन (मुंडा थो)
कारण म्मिी गै समझ, आंऊं ऐं बुद्धिमाने दी बुद्ध ते तेजालें
दा तेज आं ॥१०॥

वलं बलवतो चाहं कामरागविवर्जितम् ।

धर्माविरुद्धो भूतेषु कामोऽस्मि भरतर्षभ ॥११॥

ते भरत स्नेष्ट ! जोरा आलें दा आंऊं कामनायें ते खचत
थों रैत जोर आं, मतबल जे समरत्थ आं ते सबनें भूत जीवें च
धरष दे मूजब काम आं ॥११॥

ये चैव सात्त्विका भावा राजसास्तामसाश्च ये ।

मत्तएवेति तान्विद्धि न त्वहं तेषु ते मयि ॥१२॥

ते होर बी जेडे सतो गुणा थमा ओने आले भाव न ते जेडे
रजोगुणा ने ते तमोगुणा ने ओने आले भाव न, उनें सत्रने गी तू मेरे
कोला गै ओने आले समझ, पर असली च उंदे च आंऊं ते मेरे च
ओ नई ऐन ॥१२॥

त्रिभिर्गुणमयैर्भावैरेभिः सर्वमिदं जगत् ।

मोहितं नाभिजानाति मामेभ्यः परमव्ययम् ॥१३॥

पर तां बी गुणों दे कार्यरूपाले सात्विक, राजन ते तामस इनें
त्रौनें चाल्लिये दे भावें थमा मतवल जे राग द्वेष ऊष विकारें ते
सारे विशें थमा ए सारा संसार भरमोग्रा करदा ऐ, इस लेई इनें
त्रौनें गुणों थमा परें मिगी अविनाशी गी तत्त्वा थों
नई जानदा ऐ ॥१३॥

दैवी ह्येषा गुणमयी मम माया दुरत्यया ।

मामेव ये प्रपद्यन्ते मायामेतां तरन्ति ते ॥१४॥

कीजे ए लोकोत्तर (दुनियां थमा ओपरी) त्रौं गुणों आली मेरी
योग माया पार करनी बड़ी औखी ऐ, पर जेडे मनुख मेरी सरण
च आई जंदे न (लगातार मेरा भजन करदे न) ओ इसी माया गी
पार करी लेंदे न ॥१४॥

न मां दुष्कृतिनो मूढाः प्रपद्यन्ते नराधमाः ।

माययापहतज्ञाना आसुरं भावमाश्रिताः ॥१५॥

नेआ सुखल्ला उपाओ ओने उप्पर बी मोह माया ने जिंदा
ज्ञान हड़प्प ओई गेयादा ऐ ते असुरें आला भाव बनी गेयादा ऐ,
मनुखें च नीच ते दूस्से दे कम्म करने आले डिरगे लोक तां मिगी
नई भजदे न ॥१५॥

चतुर्विधा भजन्ते मां जनाः सुकृतिनोऽर्जुन ।

आर्तो जिज्ञासुरर्थार्थी ज्ञानी च भरतर्षभ ॥१६॥

ते ए भरत वैसियें च स्नेष्ट अरजुन ! चंगे कम्म (पुन्न)
करने आले चौं तरें दे लोक मेरा भजन करदे न जिंदे च १—दु खी

(मांदा ऊंदा) २—मेरे यथार्थ रूपा गी जानने दा गर्गमंद,
३—संसारा दे पदार्थ दी लोडा आला ते ४—ज्ञानी
(निष्काम) ॥१६॥

तेषां ज्ञानी नित्ययुक्त एकभक्तिर्विशिष्यते ।

प्रियो हि ज्ञानिनोऽत्यर्थमहं स च मम प्रियः ॥१७॥

उंदे च नित्त मेरे च इक भावा ने टिगेया दा मेरा गै प्रेमी
भक्ति आला ज्ञानी भगत खास करियै ऐ, कीजे तत्त थमा जानने
आले ज्ञानी गी आऊं बड़ा प्यारा आ ते मिगी ओ ज्ञानी बड़ा
प्यारा ऐ ॥१७॥

उदाराः सर्व एवैते ज्ञानी त्वात्मैव मे मतम् ।

आस्थितः स हि युक्तात्मा मामेवानुत्तमां गतिम् ॥१८॥

भावें ए सब गै दलेर न, मतबल जे सरधा ने मेरा भजन
लेई करने समालाने ने स्नेष्ट न, पर ज्ञानी तां टकोदा मेरा गै सुरूप
ऐ, ए आऊं मनना आं । कीजे ओ टिगी दी मत्ताला ज्ञानी भगत
मती गै उत्तम गति सुरूपा ने मेरे अंदर गै चंगी चाल्ली टिगेया
दा ऐ ॥१८॥

बहूनां जन्मनामन्ते ज्ञानवान्मां प्रपद्यते ।

वासुदेवः सर्वमिति स महात्मा सुदुर्लभः ॥१९॥

ते जेडा मते जरमें दे अखीरले जरमा च तत्त ज्ञाना गी पाई
गेया ऐ ओ ज्ञानी तां सब किज वासुदेव गै ऐ मतबल जे वासुदेवा
दे सवाय होर दुआ किज बी नई, इस चाल्ली मेरा भजन करदा
ऐ, ओ महात्मा बड़ा दुर्लब्ब ऐ ॥१९॥

कामैस्तैस्तैर्हृतज्ञानाः प्रपद्यन्तेऽन्यदेवताः ।

तं तं नियममास्थाय प्रकृत्या नियताः स्वया ॥२०॥

ते ए अरजुन ! जेडे विशें च खचत आदमी न, ओ तां आपने आपने सव्हा मूजव उनें उनें भोगें दी कामना दे जरिये ज्ञाना यमा भूष्ट ओए दे उसी उसी नियमै गी गै लैए मतवल जे जिस जिस देवता दी पूजा लेई जेडे जेडे नियम लोका च प्रसिद्ध न उसी उसी गं धारण करियै दुयें देवतें गी भजदे न, मतवल जे पूजदे न ॥२०॥

यो यो यां यां तनु मक्तः श्रद्धयाचितुमिच्छति ।

तस्य तस्याचलां श्रद्धां तामेव विदधाम्यहम् ॥२१॥

जेडा जेडा सकाम भगत जिस जिस देवता दे सुरूपा गी पूजना चांदा ऐ उस उस भगता दी आंऊं उसै देवता दे प्रति सरधा गी कैम रखना आं ॥२१॥

स तथा श्रद्धया युक्तस्तस्याराधनमोहते ।

लभते च ततः कामान्मयैव विहितान्हि तान् ॥२२॥

ते ओ मनुख उस सरधा ने भरोचा दा उस देवते दे पूजने दी कोशश करदा ऐ ते उस देवते कोला मेरे जरियै गं दित्त दे उनें मना दी मर्जिया दे भोगें गी बर जरूर पाई लैदा ऐ ॥२२॥

अन्तवत्तु फलं तेषां तद्भवत्यल्पमेधसाम् ।

देवान्देवयजो यान्ति मद्भक्ता यान्ति मामपि ॥२३॥

पर उंदा मंद बुद्दालें दा ओ फल बी नासाला ऐ ते ओ देवतें गी पूजने आले देवतें गी गै पांदि न ते मेरे भगत भामें जियां बी भजन एंता च ओ मिगी गै पाई लैदे न ॥२३॥

अव्यक्तं व्यक्तिमापन्नं मन्यन्ते मामबुद्धयः ।

परं भावमजानन्तो ममाव्ययमनुत्तमम् ॥२४॥

ए नेआ ओंदे ओई बी सब मनुख मेरा भजन नईं करदे न,
एदा कारण ए ऐ जे अकली दे अन्ने मानु मेरे अनुत्तम मतबल
जे जिस थमा होर किज बी उत्तम नईं ऐ नासा थमा रैत परम
भावा गी मतबल जे जम्मने थमा रैत, नासा थमा रैत होने उप्पर
बी आपनी माया थमा प्रगट हूँदा ऐ, ने परम भावा गी तत्त्वा
थमा नईं जानदे ओई मन ते इंदरियें थों परे मिगी सच्चिदानंदधन
परमेस्सरा गी मनुखा आंगूं गै जम्मिऐ व्यक्ति भावा गी प्राप्त
ओआ दा मनदै न ॥२४॥

नाह प्रकाशः सर्वस्य योगमायासमावृतः ।

मूढोऽयं नाभिजानाति लोको मामजमव्ययम् ॥२५॥

ते आंऊं आपनी योग माया ने छप्पेया दा सबनें गी समकल
नईं लबदा आं, इस लेई ए अज्ञानी मनुख मिगी जम्मने थमा रैत,
नासा थमा रैत परमेस्सरा गी तत्त थमा नईं जानदा ऐ मतबल जे
मिगी जम्मने मरने आला गै समझदा ऐ ॥२५॥

वेदाहं समतीतानि वर्तमानानि चार्जुन ।

भविष्याणि च भूतानि मां तु वेद कश्चन ॥२६॥

ते ए अरजुन ! पैले बीते दे हुन मजूद ते अगें ओने आले
सबनें जीवें गी आंऊं जानना आं, पर मिगी कोई बी सरधा भगति
थों रैत मनुख नईं जानदा ऐ ॥२६॥

इच्छाद्वेषसमुत्थेन द्वन्द्वमोहेन भारत ।

सर्वभूतानि संमोहं सर्गे यान्ति परंतप ॥२७॥

कीजे ए भरत वैंसाले अरजुन ! संसारा च लोड़ा ते वैरा थों
ओए दे सुख दुःख उःख दौं दौं रूपाले मोहा थमा सारे गै जीव अति
गै अज्ञाना च डुब्बा करदे न, ॥२७॥

येषां त्वन्तगतं पापं जनानां पुण्यकर्मणाम् ।

ते द्वन्द्वमोहनिर्मुक्ता भजन्ते मां दृढव्रताः ॥२८॥

पर निष्काम भावा ने पुन्नाले करम करने आले जिनें मनुखें दा पाप नष्ट ओई गया ऐ, ओ राग द्वेसा ऊसा दौं दौं रूपाले मोहा थमा रैत ते पक्के निश्चे आले मनुख तां मिगी गै सबनें चाल्ली भजदे न ॥२८॥

जरामरणमोक्षाय मामाश्रित्य यतन्ति ये ।

ते ब्रह्म तद्विदुः कृत्स्नमध्यात्मं कर्म चाखिलम् ॥२९॥

ते जेडे मेरी शरण लैए बुझा ओने ते मरने कछा छुडकने लेई यतन करदे न, ओ मनुख उसी ब्रह्म गी सारे अध्यात्म गी अतें सारे करमें गी बी जानदे न ॥२९॥

साधिभूताधिदैवं मां साधियज्ञं च ये विदुः ।

प्रयाणकालेऽपि च मां ते विदुर्युक्तचेतसः ॥३०॥

ते जेकडे मनुख अधिभूत ते अधिदैव दे समेत ते अधियज्ञ सैहत सबनें दा आत्मा रूपाला मिगी समझदे न, मतबल जे जियां घ्हाऊ, बदल, धू पानी ते बरफ ऐ सब गै जला दा गै रूप न, ऊंआं गै अधिभूत, अधिदैव ते अधियज्ञ उगग सब किज वासुदेवा दा गै मुरूप ऐ नेआ जानदे न ओ युक्त चित्ताले मनुख एंता दे एल्ले बी मिगी गै समझदे न, मतबल जे मेरे कोला गै पुज्जी जंदे न ॥३०॥

इस चाली सिरी भगवान् होरें दी आखीदियें उपनिषदें च ब्रह्म विद्या दे अन्दर योगशासतरा च सिरी कृष्ण भगवान् ते अरजुन हुँदी गल्ला कत्था दा ज्ञान विज्ञानयोग नां आला सत्तमा ध्या मुक्का ।

ॐ

ध्या [८]

अर्जुन उवाच

किं तद्ब्रह्म किमध्यात्मं किं कर्म पुरुषोत्तम ।

अधिभूतं च किं प्रोक्तमधिदैवं किमुच्यते ॥१॥

इस चाल्ली भगवान् हुंदी गल्ला गी नईं समझियै अरजुन
आखन लगा, ऐ पुरुषोत्तम जी ! जिस दे वारे च तूसें आखेया ऐ
ओ ब्रह्म के ऐ ? ते अध्यात्म के ऐ ? ते कर्म के ऐ ? ते अधिभूत
नां कर्ने के आखेया ऐ ? ते अधिदेवे नां कर्ने के आखेया
जन्दा ऐ ॥१॥

अधियज्ञः कथं कोऽत्र देहेऽस्मिन्मधुसूदन ।

प्रयाणकाले च कथं ज्ञेयोऽसि नियतात्मभिः ॥२॥

ते ए मधुसूदन ! इत्थें अधियज्ञ कुन ऐ ? ते ओ इस देहा च
कियां ऐ ? ते जिदा चित्त वसा च ऐ उनें मनुखें दे जरियै एंताल्लै
तुस किस चाल्ली मलूम ओई जन्दे ओ ॥२॥

श्रीभगवानुवाच

अक्षरं ब्रह्म परमं स्वभावोऽध्यात्ममुच्यते ।

भूतभावोद्भवकरो विसर्गः कर्मसंज्ञितः ॥३॥

इस चाल्ली अरजुन दे पुच्छने उप्पर सिरी कृष्ण भगवान्

बोले, ऐ अरजुन ! परम अक्षर मतवल जेदा कर्दे नास नईं ओऐ, नेआ सच्चिदानन्दधन परमेस्सर तां ब्रह्म ऐ, ते अपना सुरूप मतवल जे जीवात्मा अव्यात्म नां ने आखेया जन्दा ऐ, ते जीवें दे भावागी बनाने आला शासतरा दे भूजब जग्ग, दान ते हवन उवन दे निमित्त जेड़ा द्रव्य उव्व दा त्याग ऐ, ओ करम नां ने आखेया दा ऐ ॥३॥

अधिभूतं क्षरो भावः पुरुषश्चाधिदैवतम् ।

अधियज्ञोऽहमेवात्र देहे देहभृतां वर ॥४॥

ते पैदा ओने ते नास ओने आले सब पदारथ अधिभूतन, ते हिरण्यगर्भ पुरुष अधिदैव ऐ ते देहधारियें च स्नेष्ट ए अरजुन ! इस देहा च आऊं वासुदेव गै ब्रह्मरूपा भूजब अधियज्ञ आं ॥४॥

अन्तकाले च मामेव स्मरन्मुक्त्वा कलेवरम् ।

यः प्रयाति स मद्भावं याति नास्त्यत्र संशयः ॥५॥

ते जेड़ा मनुख एंताल्लै मिगी गै सिमरदा ओई देह गी त्यागी जन्दा ऐ ओ मेरे सामर तक सुरूपा गी पाई लैदा ऐ, एदे च बिंद बी सेंशा नईं ऐ ॥५॥

यं यं वापि स्मरन्भावं त्यजत्यन्ते कलेवरम् ।

तं तमेवैति कौन्तेय सदा तद्भावं भावितः ॥६॥

कारण जे ए कुंती दे पुत्तर अजु ! ए मनुख एंता एल्लै जिसी-जिसी भाव गी सिमरदे ओई देह गी त्यागदा ऐ उसी-उसी गै पाई लैदा ऐ, पर मुंडा थमां लेइयै सदा गै उसी भावा गी गै चित्तें दे रौने करी, की जे जिस भावा दा सदा सोच करदा रौंदा ऐ एंता एल्लै बी आम तौरा च ओदा गै सिमरन ओंदा ऐ ॥६॥

स्मात्सर्वेषु कालेषु मामनुस्मर युध्य च ।

अर्पितमनोबुद्धिर्मामेवैष्यस्यसंशयम् ॥७॥

स लेई ए अरजुन ! तू चोरा एल्लै गै (सारे समे च) मिगी गै सि रदारौ ते जुद्ध बी कर, इस चाल्ली मेरे च मन ते बुद्ध गी अर्पण करियै लगगा दा निश्चे ने मिगी गै पाई लैगा ॥७॥

अभ्यासयोगयुक्तेन चेतसा नान्यगामिना ।

परमं पुरुषं दिव्यं याति पार्थानुचिन्तयन् ॥८॥

ते ए पार्थ ! ए नियम ऐ जे परमेस्सरा दे ध्यान रूपाले भ्या । योगाने जुड़ियै ते दुए पास्सै नईं जाने आले मनाने चौरा एल्लै मनुख परम परकाशा रूपाले दिव्य पुरुष मतलब जे परमेस्सरा गी ई लंदा ऐ ॥८॥

कविं पुराणमनुशासितार-

मणोरणीयांसमनुस्मरेद्यः ।

सर्वस्य धातारमचिन्त्यरूप-

मादित्यवर्णं तमसः परस्तात् ॥९॥

इस थमां जेड़ा मनुख सब किज जानने आले भलोके, सबनै गी मर्यादा च रखने आले सूखम कछा बी सूखम, सबनै दे आस्र ते पालने आले, अचिन्त्य रूपाले सूरजा आगूं नित्त चेतन ते प्राणश रूपाले माया थमां परें शुद्ध (साफ) सच्चिदानंद घन परमेस्सरा गी सिमरदा ऐ ॥९॥

प्रयाणकाले मनसाचलेन

भक्त्या युक्तो योगबलेन चैव ।

भ्रुवोर्मध्ये प्राणमावेश्य सम्यक्

स तं परं पुरुषमुपैति दिव्यम् ॥१०॥

ओ भगति आला मनुख एंता एल्लै बी योगा दे जोरा ने
भ्रमट्टे दे वशकार प्राणें गी चंगी चाल्ली टिकाइयै फिरी निचल्ले
मना ने सिमरण करदा ओई उसी दिव्व सुरूपाले परम पुरुष
परमेस्सरा गी पाई लैंदा ऐ ॥१०॥

यदक्षरं वेदविदो वदन्ति

विशन्ति यद्यतयो वीतरागाः ।

यदिच्छन्तो ब्रह्मचर्यं चरन्ति

तत्ते पदं संग्रहेण प्रवक्ष्ये ॥११॥

ते ए अरजुन ! वेदा गी जानने आले विद्वान् लोक जिसी
सच्चिदानंद घन रूपाले परम धामा गी ओंकार नां कन्ने कुआलदे
न ते खचता थमा रैहत यतन करदे सौना गै जिंदी आदत ऐ, ओ
म्हात्मा लोक जेदे च बडी (समाई) जंदे न ते जिसी परमपदा दी
लोडाले ब्रह्मचर्या दा पालन करदे न उसी तेरे लेई थोडे च
(सुखल्ला करियै) दस्सड ॥११॥

सर्वद्वाराणि संयम्य मनो हृदि निरुध्य च ।

मूढन्याधायात्मनः प्राणमास्थितो योगधारणाम् ॥१२॥

ए अरजुन ! सबने इंदरियें दे द्रुआजें गी बंद करियै मतबल
जे इंदरियें गी विशें थमा परें करिये ते मना गी हिरदे च कावू
करियै ते आपने प्राणें गी मत्थे च टिगाइयै योगा दी धारणा च
पेइयै (समाध लाइयै) ॥१२॥

ओमित्येकाक्षरं ब्रह्म व्याहरन्मामनुस्मरन् ।

यः प्रयाति त्यजन्देहं स याति परमां गतिम् ॥१३॥

जेडा मनुख इय्यां इसी इक्क अक्खर रूपाले ब्रह्म ॐ गी बोलदे ओई ते ओदे अर्थ सुरूपाले मिगी चित्तें दे ओई देहा गी त्यागी ओडदा ऐ ओ मनुख परम गति गी पुज्जी जंदा ऐ ॥१३॥

अनन्यचेताः सततं यो मां स्मरति नित्यशः ।

तस्याहं सुलभः पार्थ नित्ययुक्तस्य योगिनः ॥१४॥

ते ए अरजुन ! जेडा आदमी इक्क चित्त ओइयै टिगे आदा, सदा गै लगातार मेरा गै सिमरन करदा रौंदा ऐ, उस चौरा एल्ले मेरे च गै जुडे दे योगी आस्तै आऊं वडा सुखल्ला लब्बने जोगडा आं ॥१४॥

मामुपेत्य पुनर्जन्म दुःखालयमशाश्वतम् ।

नाप्नुवन्ति महात्मानः संसिद्धिं परमां गताः ॥१५॥

ते ओ पूरी सिद्धि गी पुज्जी गेदे ध्हात्मा लोक मिगी पाई करियै फी खिन भंगाले दुःखें दे घराले जन्मा गी नईं लेंदे न ॥१५॥

आब्रह्मभूवनाल्लोकाः पुनरावर्तिनोऽर्जुन ।

मामुपेत्य तु कौन्तेय पुनर्जन्म न विद्यते ॥१६॥

कीजे ए अरजुन ! ब्रह्म लोका थमा लेइयै सब लोक मुडि मुडियै आउने जाने आले गै न, पर ए कुंती दे पुत्तर ! मेरे कोल पुज्जियै मुडियै उसी जम्मने नईं पौंदा ऐ, कीजे आऊं समें कछा छिडा आं ते ए सब ब्रह्मा उह्हायें दे लोकें दे समे करियै म्यादाले ओने ने नित्त नईं न ॥१६॥

सहस्रयुगपर्यन्तमहर्षद्ब्रह्मणो विदुः ।

रात्रि युगसहस्रान्तां तेऽहोरात्रविदो जनाः ॥१७॥

ए अरजुन ! ब्रह्मा दा जेड़ा इक दिन ऐ न, उसी हार युगा तिककर ते जेड़ी ब्रह्मा दी रात ऐ न, उसी बी ज्हार युगा तिककर गै दिन राता दी म्यादा दे तत्त गी जानने आले लोक आखदे न (ए इक युग चौं युगें दा ओंदा ऐ । १ सत्य युग २ त्रेता युग ३ द्वापर युग ते ४ कलि युग) ते ब्रह्म लोक बी म्यादाला ओने ने अनित्य गै ऐ ॥१७॥

अव्यक्ताद्व्यक्तयः सर्वाः प्रभवन्त्यहरागमे ।

रात्र्यागमे प्रलीयन्ते तत्रैवाव्यक्तसंज्ञके । १८॥

इस लेई ओ ए बी जानदे न जे सारे गै नजरा च ओने आले भूत (धरत, पानी, तेज, ह्वा ते अंबरा दे) प्राणी ब्रह्मा दे दिन चढ़ने उपपर अव्यक्ता थमां मतबल जे ब्रह्मा दे सू म देहा थमां जमदे न ते ब्रह्मा दी रात पौंदे गै उस ब्रह्मा दे सू म देहा च गै लीन ओई जंदे न, कीजे आऊं तां समे थमां उपपर ां ते ए सब गं ब्रह्मा उह्या दे लोका दी म्यादा मूजब अनित्य न ॥१८॥

भूतग्रामः स एवायं भूत्वा भूत्वा प्रलीयते ।

रात्र्यागमेऽवशः पार्थ प्रभवत्यहरागमे ॥१९॥

ते ओ गै ए भूत प्राणियें दा जत्था जम्मी जम्मिये प्रकृति (माया) दे वस च पेआ दा (वेवस) रात पौंदे गै लीन ओई (मुक्की) जन्दा ऐ, ए अरजुन ! इस चाल्ली ब्रह्मा बी इक सौ बरा प्रोदे गै अपने लोका समेत शांत होई जन्दा ऐ ॥१९॥

परस्तस्मात् भावोऽन्योऽव्यक्तोऽव्यक्तात्सनातनः ।

यः स सर्वेषु भूतेषु नश्यत्सु न विनश्यति ॥२०॥

पर उस अव्यक्ता थमां बी अती गै परें दुआ मतबल जे दुआ ओपरा जेड़ा सनातन अव्यक्त भाव ऐ ना, ओ सच्चिदानंदधन पूर्ण ब्रह्म परमेस्सर सबनें भूतें दे नष्ट ओने उप्पर बी नष्ट नईं ओंदा ऐ ॥२०॥

अव्यक्तोऽक्षर इत्युक्तस्तमाहुः परमां गतिम् ।

यं प्राप्य न निवर्तन्ते तद्धाम परमं मम ॥२१॥

ते जेड़ा ओ अव्यक्त इयां आखेया गेदा ऐ उसी गै अक्षर नां आले अव्यक्त भावा गी परमगति आखदे न, ते जिसी सनातन अव्यक्त भावा गी पाई करियै मनुख मुड़ियै नईं ओंदि न ओ मेरा परम धाम ऐ ॥२१॥

पुरुषः स परः पार्थ भक्त्या लभ्यस्त्वनन्यया ।

यस्यान्तः स्थानि भूतानि येन सर्वमिदं ततम् । २२॥

ते पार्थ ! जिस परमेस्सरा दे अंदरा च सार भूत (प्राणी) एन, ते जिस सच्चिदानंद परमेस्सरा ने इस दुनिया दा खलार पाया दा ऐ ओ सनातन प्रगट (टकोदा) नईं सेई ओने आला परमात्मा छड़ी उस्से दी भगति दे जरियै गै पाने जोगड़ा ऐ ॥२२॥

यत्र काले त्वनावृत्तिमावृत्ति चैव योगिनः ।

प्रयाता यान्ति तं कालं वक्ष्यामि भरतर्षभ ॥२३॥

ते ए अरजुन ! जिस काल (रस्ते) देहा गी त्यागियै गेदे योगी लोक मुड़ियै पिच्छें नईं ओने आली ते मुड़ियै पिच्छें ओने आली गति गी पाई लेंदे न आऊं तुगी ओकड़ा काल (रस्ता) दस्सड ॥२३॥

अग्निज्योतिरहः शुक्लः षण्मासा उत्तरायणम् ।

तत्र प्रयाता गच्छन्ति ब्रह्म ब्रह्मविदो जनाः ॥२४॥

ओकड़े दौं चालियें आले रस्ते जिस रस्ते च ज्योति सुरूप
अग्नी दा अभमानी देवता ऐ ते दिनों दौं अभमानी देवता ऐ अतें
चान्नेने पक्खा दा अभमानी देवता ऐ ते उत्तरैना दे छें म्हीनें दा
अभमानी देवता ऐ उस रस्ते च मरियै गेदे ब्रह्म ज्ञानी मतबल जे
परमेस्सरा दी उपासना ने परमेस्सरा गी अक्खीं ओले दे ढंगा ने
जानने आले योगी लोक उपपर दस्से दे देवतें दे जरियै वारी-वारी
ने नेते दे ब्रह्म गी पांदे न ॥२४॥

धूमो रात्रिस्तथा कृष्णः षण्मासा दक्षिणायनम् ।

तत्र चान्द्रमसं ज्योतिर्योगी प्राप्य निवर्तते ॥२५॥

ते जेडे रस्ते च धुआं दा अभमानी देवता ऐ, ते राति दा
अभमानी देवता ऐ अतें न्हेरे पक्खा दा अभमानी देवता ऐ ते
दक्खनायना दे छें म्हीने दा अभमानी देवता ऐ उस रस्ते च मरियै
गेया दा सकाम (कामनाला) कर्मयोगी उपपर दस्से दे देवतें दे
जरियै वारी वारी नेता दा चन्ना दी ज्योति गी पाई करियै सुर्गा
च आपने पुन्नाले चंगे करमें दा फल भोगने परैत मुडियै पिच्छें
आई जंदा ऐ ॥२५॥

शुक्लकृष्णे गती ह्येते जगतः शाश्वते मते ।

एकया यात्यनावृत्तिमन्ययावर्तते पुनः ॥२६॥

की जे जग्गा दे ए दौं चालियें दे चान्नेना ते न्हेरा मतबल जे
देवयान (देवलोका च) ते पितृ यान (पितर लोका च) गी जाने
आले रस्ते सनातन (भलोके) गै मन्ने गेदे न, इंदे च इक्क दे जरियै
गेया दा मुडियै पिच्छें नईं आउने आली परमगति गी पुजदा ऐ
ते दुए दे जरियै गेया दा मुडिऐ पिच्छें आई जंदा ऐ ॥२६॥

नैते सृती पार्थ जानन्योगी मुह्यति कश्चन ।

तस्मात्सर्वेषु कालेषु योगयुक्तो भवार्जुन ॥२७॥

ते ए पार्थ ! इस चाल्ली इनें दौने रस्तें गी जानदे ओई कोई वी योगी मोहा च नईं फसदा ऐ, मतवल जे फिरी ओ निष्काम भावा ने गै बरतदा ऐ कामनायें च नईं फसदा ऐ । ए अरजुन ! तू चौरा एल्लै समभावाने बुद्धा दे योगा ने जुड, मतवल जे लगातार मिगी पाने आस्तै साधना करने आला वन ॥२७॥

वेदेषु यज्ञेषु तपःसु चैव

दानेषु यत्पुण्यफलं प्रदिष्टम् ।

अत्येति तत्सर्वमिदं विदित्वा

योगी परं स्थानमुपैति चाद्यम् ॥२८॥

की जे योगी मनुख इस गुज्झी गल्ला गी तत्ता थमा समभियै वेदें दे पढ़नें, जग्गे दे करने तपस्या दे तपने ते दाना दे देने च जेडा पुन्ना दा फल दस्सेया दा ऐन, उसी सारे गी मात करियै सनातन परम पदा गी पाई लैदा ऐ ॥२८॥

इस चाल्ली सिरी भगवान् होरें दी आखी दियें उपनिषदें च ब्रह्म विद्या दे अंदर योग शासतरा दे सरवंधा च सिरी कृष्ण ते अरजुन हुंदी गल्ला कत्था दा अक्षर ब्रह्म योग तां आला अठुमा ध्या मुक्का ।

ॐ

ध्या [६]

श्रीभगवानुवाच

इदं तु ते गुह्यतमं प्रवक्ष्याम्यनसूयवे ।

ज्ञानं विज्ञानसहितं यज्ज्ञात्वा मोक्षयसेऽशुभात् ॥१॥

ओदे परैंत सिरी कृष्ण भगवान् बोले, ए अरजुन ! दोसाली नजरा थमा रैंत आपने भगत तेरे लेई इसी अति गुज्जे जाना गी विज्ञाना (रहस्य) दे समेत आऊं दस्सड, जे जिसी जानियै तू दुःख रूपाले संसार थों छुडकारा पाई लैगा ॥१॥

राजविद्या राजगुह्यं पवित्रमिदमुत्तमम् ।

प्रत्यक्षावगमं धर्म्यं सुसुखं कर्तुमव्ययम् ॥२॥

ए ज्ञान सारियें विद्यार्यें दा राजा ऐ, ते सारियें छिपालने जोगडियें गल्लें दा बी राजा ऐ, इयां गै बडा पवित्तर, उत्तम, टकोदे फलाला ते धरमाला ऐ, साधन करने लेई बडा सुखल्ला ते नास थमा रैंत ऐ ॥२॥

अश्रद्धानाः पुरुषा धर्मस्यास्य परंतप ।

अप्राप्य मां निवर्तन्ते मृत्युसंसारवर्त्मनि ॥३॥

ते ए परंतप ! अरजुन ! इस तत्त ज्ञान रूपाले धरम इच सरधा थों रैंत मनुख मिगी नईं पाई करियै मौत रूपाले संसार दे चक्करा इच पे-पे फिरदे रौंदे न ॥३॥

मया ततमिदं सर्वं जगदव्यक्तमूर्तिना ।

मत्स्थानि सर्वभूतानि न चाहं तेष्ववस्थितः ॥४॥

ते ए अरजुन ! सच्चिदानंद घन मुरूपाले परमेस्सरै मियें
ए साश जग खलारा च आंदा दा ऐ, ते सारे जीव मेरे अंदर
सैकल्प दे सहारे उप्पर टिगे दे न, इस लेई असली च आंऊं उंदे च
नईं टिगेया दा आं ॥४॥

न च मत्स्थानि भूतानि पश्य मे योगमैश्वरम् ।

भूतभृन्म च भूतस्थो ममात्मा भूतभावनः ॥५॥

ते ओ सारे जीव मेरे अंदर टिगेदे नईं न, पर मेरी योगमाया
ते प्रभाव गी दिक्ख जे जीवें गी धारने आला ते उंदे पालने पोस्सने
आला ते उर्न गो जन्म देने आला बी मेरा आत्मा असली थमा
उर्ने जीवें च टिगेया दा नईं ऐ ॥५॥

यथाकाशस्थितो नित्यं वायुः सर्वत्रगो महाम् ।

तथा सर्वाणि भूतानि मत्स्थानीत्युपधारय ॥६॥

की जे जियां गासा थों निकली दी ते सबने थारें च फिरने
आली जोराली व्हा सदा गै गासा च टिगी दी ऐ, उंआं गै मेरे
सैकल्पा दे जरियै पैदा ओने आले सारे जीव मेरे च गै टिगेदे न
नेआ तू समझ ॥६॥

सर्वभूतानि कौन्तेय प्रकृति यान्ति मामिकाम् ।

कल्पक्षये पुनस्तानि कल्पादौ विसृजाम्यहम् ॥७॥

ते ए अरजुन ? कल्पा दे एंता च सब भूत प्राणी मेरी
प्रकृति ने मिली जंदे न, ते कल्प दे आद इच उर्नेगी आंऊं मुडियै
छोडी दिन्ना मतबल जे फिरी रची दिन्ना आं ॥७॥

प्रकृतिं स्वामवष्टभ्य विसृजामि पुनः पुनः ।

भूतग्राममिमं कृत्स्नमवशं प्रकृतेर्वशात् ॥८॥

कियां जे आपने त्रों गुणों आली माया गी लैयै सब्हा दे वसा थों पराधीन ओए दे इसी सारे जीवें दे संघ गी मुडि मुडियै उंदे करमें मूजव रचना आं ॥८॥

न च मां तानि कर्माणि निबध्नन्ति धनंजय ।

उदासीनवदासीनमसक्तं तेषु कर्मसु ॥९॥

ए धनंजय ! उनें करमें च रक्वचता थों रैत ते दुआसी दे बरोवर रौने ने मिगी परमेस्सर गी ओ करम नई वन्नदे न ॥९॥

मयाध्यक्षेण प्रकृतिः सूयते सचराचरम् ।

हेतुनानेन कौन्तेय जगद्विपरिवर्तते ॥१०॥

ते ए अरजुन ! मेरे चौधर पुने करियै मेरी माया थिर ते चलने फिरने आले सारे जग गी वनांदी ऐ ते उप्पर दस्से दे इस कारण दे मूजव गै ए संसार आउने जाने आले चक्करा इच पेआ भडकदा रौंदा ऐ ॥१०॥

अवजानन्ति मां सूढा मानुषीं तनुमाश्रितम् ।

परं भावमजानन्तो मम भूतमहेश्वरम् ॥११॥

नेआ ओने उप्पर वी सारें भूतें (पृथ्वी, जल, तेज, ब्हा ते असमाना दे जीवें) दे बड्डे परमेस्सर दे रूपाले मेरे परमभावा दे नावाकव मूरख लोक मनुखा दा देह धारण करने आले मिगी परमेस्सर गी तुच्छ समझदे न, मतबल जे आपनी योगमाया ने संसार दे उद्दारा (भले) लेई मनुख रूपा च विचरदे ओई ममूली प्रादमी मनदे न ॥११॥

मोघाशा मोघकर्माणो मोघज्ञाना विचेतसः ।

राक्षसीमासुरीं चैव प्रकृतिं मोहिनीं श्रिताः ॥१२॥

जेडे के वे अर्थ मेदाले वे अर्थ करमें आले ते वेअर्थ ज्ञानाले अज्ञानी मनुख राकसें ते दैत्ये जने मोहा च फसाने आले तामसी सव्हा रखदे न ॥१२॥

महात्मानस्तु मां पार्थ दैवीं प्रकृतिमाश्रिताः ।

भजन्त्यनन्यमनसो ज्ञात्वा भूतादिमव्ययम् ॥१३॥

पर ए पार्थ ! देवतें दे सरबंधाली प्रकृति दा जिनें म्हात्मा लोकें आस्रा (स्थारा) लेआ दा ऐ ओ तां मिगी सारे गै भूतें प्राणियें दा भलोका कारण ते नासा थमां रैत परमेस्सर सुरूप समभियै छड़ा मेरे भरोसे उप्पर गै इकडाल मन लाई करियै लगातार मेरा गै भजन करदे न ॥१३॥

सततं कीर्तयन्तो मां यतन्तश्च दृढव्रताः ।

नमस्यन्तश्च मां भक्त्या नित्ययुक्ता उपासते ॥१४॥

ते ओ पक्के निश्च आले भगत लोक लगातार मेरे नां ते गुणों दा कीर्तन करदे ओई अतें मिगी पाने लेई यतन करदे ओई ते मिगी घड़ी मुड़ी मत्था टेकदे ओई सद! मेरे ध्याना इच लग्गे दे पूरी भगति ने मेरी उपासना करदे न ॥१४॥

ज्ञानयज्ञेन चाप्यन्ये यजन्तो मामुपासते ।

एकत्वेन पृथक्त्वेन बहुधा विश्वतोमुखम् ॥१५॥

उंदे च कोई तां मिगी विराट् सुरूपाले परमेस्सरा गी ज्ञान रूपाले जग्गा दे जरियै पूजदे ओई इक्क समभाले भावा ने उपासदे

प्रकृतिं स्वामवष्टभ्य विसृजामि पुनः पुनः ।

भूतग्राममिमं कृत्स्नमवशं प्रकृतेर्वशात् ॥८॥

कियां जे आपने त्रौं गुणों आली माया गी लैयै सव्हा दे वसा थों पराधीन ओए दे इसी सारे जीवें दे संघ गी मुडि मुडियै उंदे करमें मूजव रचना आं ॥८॥

न च मां तानि कर्माणि निबध्नन्ति धनंजय ।

उदासीनवदासीनमसक्तं तेषु कर्मसु ॥९॥

ए धनंजय ! उनें करमें च रक्चता थों रैत ते दुआसी दे बरोबर रौने ने मिगी परमेस्सर गी ओ करम नई वन्नदे न ॥९॥

मयाध्यक्षेण प्रकृतिः सूयते सचराचरम् ।

हेतुनानेन कौन्तेय जगद्विपरिवर्तते ॥१०॥

ते ए अरजुन ! मेरे चौधर पुने करियै मेरी माया थिर ते चलने फिरने आले सारे जग गी वनांदी ऐ ते उप्पर दस्से दे इस कारण दे मूजव गै ए संसार आउने जाने आले चक्करा इच पेआ भडकदा रौंदा ऐ ॥१०॥

अवजानन्ति मां मूढा मानुषीं तनुमाश्रितम् ।

परं भावमजानन्तो मम भूतमहेश्वरम् ॥११॥

नेआ ओने उप्पर बी सारें भूतें (पृथ्वी, जल, तेज, व्हा ते असमाना दे जीवें) दे बड्डे परमेस्सर दे रूपाले मेरे परमभावा दे नावाकब मूरख लोक मनुखा दा देह धारण करने आले मिगी परमेस्सर गी तुच्छ समझदे न, मतबल जे आपनी योगमाया ने संसार दे उद्दारा (भले) लेई मनुख रूपा च विचरदे ओई ममूली आदमी मनदे न ॥११॥

मोघाशा मोघकर्माणो मोघज्ञाना विचेतसः ।

राक्षसीमासुरीं चैव प्रकृतिं मोहिनीं श्रिताः ॥१२॥

जेडे के वे अर्थ मेदाले वे अर्थ करमें आले ते वेअर्थ ज्ञानाले
अज्ञानी मनुक्ख राकसें ते दैत्ये जने मोहा च फसाने आले तामसी
सव्हा रखदे न ॥१२॥

महात्मानस्तु मां पार्थ दैवीं प्रकृतिमाश्रिताः ।

भजन्त्यनन्यमनसो ज्ञात्वा भूतादिमव्ययम् ॥१३॥

पर ए पार्थ ! देवते दे सरबंधाली प्रकृति दा जिने म्हात्मा
लोकें आस्त्रा (सहारा) लेआ दा ऐ ओ तां मिगी सारे गै भूते
प्राणियें दा भलोका कारण ते नासा थमां रैत परमेस्सर सुरूप
समभियै छड़ा मेरे भरोसे उप्पर गै इकडाल मन लाई करियै
लगातार मेरा गै भजन करदे न ॥१३॥

सततं कीर्तयन्तो मां यतन्तश्च दृढव्रताः ।

नमस्यन्तश्च मां भक्त्या नित्ययुक्ता उपासते ॥१४॥

ते ओ पक्के निश्चे आले भगत लोक लगातार मेरे नां ते गुरों
दा कीर्तन करदे ओई अतें मिगी पाने लेई यतन करदे ओई ते मिगी
घड़ी मुड़ी मत्था टेकदे ओई सद! मेरे ध्याना इच लग्गे दे पूरी
भगति ने मेरी उपासना करदे न ॥१४॥

ज्ञानयज्ञेन चाप्यन्ये यजन्तो मामुपासते ।

एकत्वेन पृथक्त्वेन बहुधा विश्वतोमुखम् ॥१५॥

उंदे च कोई तां मिगी विराट् सुरूपाले परमेस्सरा गी ज्ञान
रूपाले जग्गा दे जरियै पूजदे ओई इक्क समभाले भावा ने उपासदे

गै पै रौंदे न, मतवल जे पुन्ने ने सुरग इच ते उंदे मुक्कने उप्पर मुडियै मात लोक इच गै जंदे आउंदे रौंदे न ॥२१॥

अनन्याश्रिन्तयन्तो मां ये जनाः पर्युपासते ।

तेषां नित्याभियुक्तानां योगक्षेमं वहाम्यहम् ॥२२॥

ते जेडे मेरे भगत होर दुए भावा थों रैत छडे मेरे गै घ्याना इच लग्गे दे मेरी उपासना करदे न मतवल जे मिगी परमेस्सर गी चितन करदे ओई निष्काम भावा ने (फला दी गरज छोडियै) भजदे न, इक रूपा ने मेरे च टिगे दे न उनें मनुखें लेई दुर्लब्ध पदारथें गी आंऊं दिन्नां ते जेडे उनेंगी लब्धे दे न उंदी राखी बी करना आं ॥२२॥

येऽप्यन्यदेवता भक्ता यजन्ते श्रद्धयान्विताः ।

तेऽपि मामेव कौन्तेय यजन्त्यविधिपूर्वकम् ॥२३॥

ते ए अरजुन ! भामें सरधा ने जेडे सकामी भगत दुयें देवतें गी पूजदे न ओ बी इक चाल्ली मिगी गै पूजदे न पर उंदा पूजना विधि थों रैत (वेतरी केदा) ऐ, मतवल जे अज्ञान थमा ऐ ॥२३॥

अहं हि सर्वयज्ञानां भोक्ता च प्रभुरेव च ।

न तु मामभिजानन्ति तत्त्वेनातश्च्यवन्ति ते ॥२४॥

की जे सारे जगें दा भोग लाने आला ते मालक आंऊं गै आं, पर ओ मिगी जग दे सुरूपाले परमेस्सर गी तत्त थमा नेई जानदे न, इस लेई डिगदे न मतवल जे दुए आरी फिरी जमदे न ॥२४॥

यान्ति देवव्रता देवान्पितृन्यान्ति वितृव्रता ।

भूतानि यान्ति भूतेज्या यान्ति मद्याजिनोऽपि माम् ॥२५॥

अतें जेकडे मनुख देवतें दे भगत न ओ देव लोक इच जाइयै
 देवतें गी पाई लैदे न, पितरें दे भगत पितर लोक इच जाइयै
 पितरें गी पांदे न, भूतें प्रेतें गी पूजने आले भूतें दे भगत भूतें गी
 पांदे न ते मेरे भगत मिगी गै पांदे न इस करी मेरे भगत मुडियै
 नईं जमदे न ॥२५॥

पत्रं पुष्पं फलं तोयं यो मे भक्त्या प्रयच्छति ।

तदहं भक्त्युपहृतमश्नामि प्रयतात्मनः ॥२६॥

अतें ए अरजुन ! मेरी पूजा च बडी सुखाल ऐ जे पत्तर,
 फुल्ल, फल, जल जेडा भगत मेरे लेई प्रेमा ने अर्पण करदा (दिदा)
 ऐ उस उस सुच्छ मत्ताले निष्काम प्रेमी भगता दा प्रेमा ने अर्पण
 कीता दा ओ पत्तर, फुल्ल सगुण रूपा ने प्रगट ओइयै प्रीता
 ने खन्ना आं ॥२६॥

यत्करोषि यदश्नासि यज्जुहोषि ददासि यत् ।

यत्तपस्यसि कौन्तेय तत्कुरुष्व मदर्पणम् ॥२७॥

इस करी ए अरजुन ! तूं जे किज करम करना ऐं, जे किज
 खन्ना ऐं, जे किज हवन करना ऐं जे किज दान करना ऐं ते जे
 किज आपने धरमा मूजव तप करना ऐं ओ सब किज मेरे
 अर्पण गै कर ॥२७॥

शुभाशुभफलैरेवं मोक्षयसे कर्मबन्धनैः ।

संन्यासयोगयुक्तात्मा विमुक्तो मामुपैष्यसि ॥२८॥

इस चाल्ली करमें गी मेरे अर्पण करने रूपाले सन्यास योगा
 ने जुडे दे मनाला तूं चगे मंदे फल रूपाले करम बंधना थों छुडकी
 जागा ते उंदे थों छुडकिए मिगी गै पाई लैगा ॥२८॥

समोऽहं सर्वभूतेषु न मे द्वेष्योऽस्ति न प्रियः ।

ये भजन्ति तु मां भक्त्या मयि ते तेषु चाप्यहम् ॥२९॥

भामें आऊं सबने भूतें (जीवें) च समान भावा ने व्यापेया दा आं, नेईं कोई मेरा दुपैरा ते नईं गै कोई प्यारा ऐ, पर जेकडे भगत मेरा प्रेमा ने भजन करदे न ओ मेरे च ते आऊं बी उंदे च टकोदा प्रगट आं ॥२९॥

अपि चेत्सुदुराचारो भजते मामनन्यभाक् ।

साधुरेव स मन्तव्यः सम्यग्व्यवसितो हि सः ॥३०॥

अतें होर बी मेरी भगति दा प्रभाव सुन, जेकर कोई वडा बी दुराचारी की नईं ओग पर दुये गी छोडियै छडा मेरा गै भगत वनियै चौरा एल्लै मेरे गै भजना च जेडा लग्गा रौंदा ऐ ओ चंगा गै मनोँदा ऐ, की जे ओ पूरे निश्चे आला ऐ, मतबल जे उसने भलेयां गै निश्चा करी लैता दा ऐ जे परमेस्सरा दे भजने वरौबर होर किज बी नईं ऐ ॥३०॥

क्षिप्रं भवति धर्मात्मा शश्वच्छान्तिं निगच्छति ।

कौन्तेय प्रति जानीहि न मे भक्तः प्रणश्यति ॥३१॥

इस करी ओ तौले गै धरमात्मा वनी जंदा ऐ, ते सदा गै वनी रोने आली भलेयां शांति गी पाई लैंदा ऐ, ए कौंतेय ! तू बिलकुल गै सच्च समझ जे मेरा भगत नष्ट नईं हुँदा ऐ ॥३१॥

मां हि पार्थ व्यपाश्रित्य येऽपि स्युः पापयोनयः ।

स्त्रियो वैश्यास्तथा शूद्रास्तेऽपि यान्ति परां गतिम् ॥३२॥

की जे ए अरजुन ! जनानियां ते शूदर अतें पाप योनि आले बी जेडे कोई ओन ओ बी मेरी शरण लेइऐ परमगति गी गै पांदे न ॥३२॥

किं पुनर्ब्राह्मणाः पुण्या भक्ता राजर्षयस्तथा ।

अनित्यमसुखं लोकमिमं प्राप्य भजस्व माम् ॥३३॥

फिरी के गलाना ऐ, जे पुन्ने आले ब्रह्मन लोक ते राज ऋषि (राजपूत) भगत लोक परमगति गी पाई लैंदे न, इस लेई तू सुखा थों रैत ते खिना च गरक ओने आले इसी मनुखाले देह गी पाइयै लगातार मेरा गै भजन कर, मतवल जे मनुखाला देह बड़ा मुशकल थोंदा ऐ, पर ऐ नासाला ते सुखा थों रैत ऐ, इस लेई समे दा किज भरोसा नई करियै अज्ञाना थमा सुखा लेई सेई ओने आले विशे दे भोगे च नई फसिये चौरा एल्ले मेरे भजना च गै लगा रौ ॥३३॥

मन्मना भव मद्भक्तो मद्याजी मां नमस्कुरु ।

मामेवैष्यसि युक्त्वैवमात्मानं मत्परायणः ॥३४॥

तू मना गी मेरे च गै ला, मेरा गै भगत बन, मेरे लेई गै जग कर, मिगी गै मत्था टेक, मेरे उप्पर गै पूरे भरोसे आला बनियै इस चाल्ली आत्मा गी मेरे ने जोडियै वर जरूर मिगी पाई लैगा ॥३४॥

इय्यां सिरी भगवान् होरें दी आखी दिये उपनिषदे च ब्रह्म विद्या दे अंदर योग शासतरा दे वारे च सिरी कृष्ण ते अरजुन हुंदी गल्ला कत्था दा राजविद्या राजगुह्य नां आला नौमा ध्या मुक्का ।

ॐ

ध्या [१०]

श्रीभगवानुवाच

भूय एव महाबाहो शृणु मे परमं वचः ।

यत्तेऽहं प्रीयमाणाय वक्ष्यामि हितकाम्यया ॥१॥

भगवान् सिरी कृष्ण चन्द्र जी बोले, ए महाबाहो ! फिरी बी मेरे खास ते असराले बचनें गी सुन, जिनें गी आऊं आपने सनेहाले गी तुगी तेरे भले मूजब गै आक्खड ॥१॥

न मे विदुः सुरगणाः प्रभवं म महर्षयः ।

अहमादिहि देवानां महर्षीणां च सर्वशः ॥२॥

ए अरजुन ! मेरे जन्म लैने दा मतबल जे विभूतियें सने लीला ने प्रगट ओने दे भेता गी नेई देवता लोक जानदे न ते नई गै बड्डे ऋषि लोक जानदे न कीजे आऊं गै देवतें ते म्हा ऋषियें दा बी मूल कारण आं ॥२॥

यो मामजमनादि च वेत्ति लोकमहेश्वरम् ।

असंमूढः स मर्त्येषु सर्वपापैः प्रमुच्यते ॥३॥

ते जेकडा मिगी असली च जम्मनें थों रैत समनें थों पैहला अतें समने लोकें दा बड्डा गै बड्डा गै परमेस्सर आं नेआ जानदा ऐ ओ मनुखें च जानाला गै सारें पापें थमा छुडकी जंदा ऐ ॥३॥

बुद्धिर्ज्ञानमसंमोहः क्षमा सत्यं दमः शमः ।

सुखं दुःखं भवोऽभावो भयं चाभयमेव च ॥४॥

ते ए अरजुन ! बुद्ध, तत्त्व ज्ञान, सुरत, खिमा, सच्च ते इदरियें गी कावू च रखना, ते मनादी तसल्ली, सुख, दुःख, जम्मना, मरना, भी ते निरभौ बी ॥४॥

अहिंसा समता तुष्टिस्तपो दानं यशोऽयशः ।

भवन्ति भावा भूतानां मत्त एव पथग्विधाः ॥५॥

ते जीवें गी नईं मारना, समनें च वरोवरी समझनी, संदेख, तप, दान, जस्स ते अपजस्स ने ए जीवें दे नेकें चाल्लियें दे भाव मेरे थमां गै हुंदे न ॥५॥

महर्षयः सप्त पूर्वे चत्वारो मनवस्तथा ।

मद्भावा मानसा जाता येषां लोक इमाः प्रजाः ॥६॥

ते ए अरजुन ! सत्त तां म्हागिषि ते चार भलोके (उन्दे थों बी पैले आने आले) वासुदेव (आत्मा) मंकर्षणा (जीव) प्रहृम्न (मन) ने अनिरुद्ध (हेंकार) ते मन (१ स्वायम्भव २ स्वागेचिष ३ औन्नम ४ तामस ५ रैवत ६ चाक्षुष (ओई चूक्के दे) ७ वैवस्वत (चला कग्दा) ए मेरे च भावाले मारें दे सारे गै मेरे संकल्पा थमां ओए दे न के जिंदी संसारा च ए सारी परजा ऐ) ॥६॥

एतां विभर्ति योगं च मम यो वेत्ति तत्त्वतः ।

सोऽविकम्पेन योगेन यूज्यते नात्र संशयः ॥७॥

ते जेडा मनख मेरे एकडे भरपर विभ्रतियें आले ऐश्वर्य्य (इकवाल) गी ते योग दी तागत गी भलेयां जानदा ऐ ओ मनुख

अचल ध्यानाले योग दे जरियै मेरे च गै इक्क ओइयै टिगी जंदा
ऐ, एदे च विंद बी संशा नईं ऐ ॥७॥

अहं सर्वस्य प्रभवो मत्तः सर्वं प्रवर्तते ।

इति मत्वा भजन्ते मां धुधा भावसमन्विताः ॥८॥

मैं परमेस्सर गै सारे संसारा दे पैदा ओने दा कारण आं,
ते मेरे थमां गै सारा संसार चला करदा ऐ, इस चाल्ली तत्ता थमां
समझियै सरधा ते भगति ने जुड़ियै समझाले मनुख मिगी
परमेस्सरा गी गै लबातार भजदे न ॥८॥

मच्चित्ता मद्गतप्राणा बोधयन्तः परस्परम् ।

कथयन्तश्च मां नित्यं तुष्यन्ति च रमन्ति च ॥९॥

तै ओ लगातार मेरे च मन गी लाने आले मेरे च गै प्राणों गी
अपण कराने आले भगत म्हेशा गै मेरी भगति दी चर्चा दे जरियै
आपूँ इच्चें मेरे परम भावा गी प्रगट करदे ओई अतें गुरुओं ते सने
परभावै मेरा नां लेंदे ओई संदोख करदे न ते मेरे परमेस्सर इच गै
लगातार रमदे रींदे न ॥९॥

तेषां सततयुक्तानां भजतां प्रीतिपूर्वकम् ।

ददामि बुद्धियोगं तं येन मामुपयान्ति ते ॥१०॥

उत्तेंगी लगातार मेरे ध्याने च लग्गे देंगी ते प्रेमा ने भजने
आले भगते गी आऊं तत्त ज्ञान रूपाला योग दिन्नां आं के जेदे
थों ओ मिगी पाई लेंदे न ॥१०॥

तेषामेवानुकम्पार्थमहमज्ञानजं तमः ।

नाशयाम्यात्मभावस्थो ज्ञान दीपेन भास्वता ॥११॥

ते ए अरजुन ! उन्दे उप्पर किरपा करने लेई गै आऊं आपूँ

उन्दे एंताकरणा इच इक्क ओइयै टिगेया दा अज्ञान थमां ओए दे
न्हरे गी लिशकदे ते तत्त ज्ञान रूपाले दिये दे जरियै ढाई
ओड़ना आं ॥११॥

अर्जुन उवाच

परं ब्रह्म परं धाम पवित्रं परमं भवान् ।

पुरुषं शाश्वतं दिव्यमादिदेवमजं विभुम् ॥१२॥

आहुस्त्वामृषयः सर्वे देवर्षिर्नारदस्तथा ।

असितो देवलो व्यासः स्वयं चैव ब्रवीषि मे ॥१३॥

इस चाल्ली सिरी भगवान् कृष्ण हुँदे वचनें गी सुनियै अरजुन
बोलेया, ए सिरी कृष्ण जी ! तुस पर ब्रह्म, परम धाम ते परम
पवित्तर ओं कीजे तुसेंगी सारे रिषि लोक सनातन, दिव्य पुरुष,
देवते दे बी मूंडडाले देवता जम्मने थों रैत ते सव जगा च मजूद
आखदे न ते इयां गै देव रिषि नारद, असित, देवल रिषि, म्हारिषि
व्यास ते खुद आपू वी मिगी आखदे ओ ॥१२॥१३॥

सर्वमेतदृतं मन्ये यन्मां वदसि केशव ।

न हि ते भगवन्व्यक्तिं विदुर्देवा न दानवाः ॥१४॥

ते ए केशव ! आऊं इसी सब कैमा गी सच्च मन्नना आं, ए
भगवान् जी ! तुसाडे लीलारूपाले सुरूप गी तां नईं देवते जानदे
न ते नईं गै दैत्य जानदे न ॥१४॥

स्वयमेवात्मनात्मानं वेत्थ त्वं पुरुषोत्तम ।

भूतभावन भतेश देवदेव जगत्पते ॥१५॥

ए भूत प्राणियें गी जन्म देने आले ओ ! भूत प्राणियें दे
ईस्सरो ! ए देवते दे देवते ओ ! ए दुनिया दे मालको ! ए

पुरुषोत्तमो ! तस आपूँ गै अपने थमां अपने आपा गो
ज्ञानदे ओ ॥१५॥

वक्तूमर्हस्यशेषेण दिव्या ह्यात्मविभूतयः ।

याभिर्विभूतिभिर्लोकानिमांस्त्वं व्याप्य तिष्ठसि ॥१६॥

इस लेई ए भगवान जी ! तसें आपूँ गै ओ अपनियां दिव्य
वभूतियां मतबल जे शक्तियां बिलकूल सारियां गै दस्सनियां
मूनासबन, के जिंदे जरियै तस इने सबने लोकें च अचरियै टिगे
दे ओ ॥१६॥

कथं विद्यामहं योगिंस्त्वा सदा परिचिन्तयन् ।

केषु केषु च भावेषु चिन्त्योऽसि भगवन्मया ॥१७॥

ए योगेश्वर ! आऊं किस चाल्ली लगातार तूसाड़ा चितन
करदे ओई तूसेंगी जानां, ते ए भगवान जी ! तस कोकड़ें-कोकड़ें
भावे च मेरे जरियै चितन करने लायक ओ ॥१७॥

विस्तरेणात्मनो योगं विभूतिं च जनार्दन ।

भयः कथय तृप्तिर्हि शृण्वतो नास्ति मेऽमनम् ॥१८॥

ते ए जनार्दन ! अपने योगाली समरथ गी ते परम एश्वर्य
रूपाली वभूति गी फिरी बी खलासा करियै आखो, कीजे तूमाड़े
अमरत रूपाले बचनें गी सुनदे ओई मेरी तृप्ति नई हुंदी ऐ,
मतबल जे सुनने दी गरज नई मकदी ऐ ॥१८॥

श्रीभगवानुवाद

हन्त ते कथयिष्यामि दिव्या ह्यात्मविभूतयः ।

प्राधान्यतः कुरुश्रेष्ठ नास्त्यन्तो विस्तरस्य मे ॥१९॥

इस चाल्ली अरजुन दे पुच्छने उप्पर सिरी कृष्ण भगवान

बोले, ए कुरुक्षेत्र ! हुन आऊं तेरे लेई अपनियां दिव्व वभूतियां
खास-खास गै आक्खड, कीजे मेरे विस्तारा दा कोई एंत
नई ऐ ॥१९॥

अहमात्मा गुडाकेश सर्वभूताशयस्थितः ।

अहमादिश्च मध्यं च भूतानामन्त एव च ॥२०॥

ए अरजुन ! आऊं सारे जीवें दे हिरदे च रौने आला आत्मा
आं, ते सारे जीवें दा आद, मजंटा ते एंत बी आऊं गै आं ॥२०॥

आदित्यानामहं विष्णुर्ज्योतिषां रविरंशुमान् ।

मरीचिर्मरुतामस्मि नक्षत्राणामह शशी ॥२१॥

ते ए अरजुन ! आऊं आदिति (कश्यप रिषि दी घराली) दे
बारें पुत्तरें चा विशनु मतवल जे वामनावतार ते लोई आलें च
किरणें आला सूरज आं, उनज्जें व्हाउयें च मरीचि नां आला देवता
ते नछत्तरें च नछत्तरें दा बड्डा देवता चन्न आं ॥२१॥

वेदानां सामवेदोऽस्मि देवानामस्मि वासवः ।

इन्द्रियाणां मनश्चास्मि भूतानामस्मि चेतना ॥२२॥

ते आऊं वेदें च सामवेद आं, देवतें च इंदर आं, इंदरियें
च मन आं जीवें च चेतना (जान सुध) आं ॥२२॥

रुद्राणां शंकरश्चास्मि वित्तेशो यक्षरक्षसाम् ।

वसूनां पावकश्चास्मि मेरुः शिखरिणामहम् ॥२३॥

अतें आऊं आरें रुद्रें (शिवें) च शंकर आं, तेजक्खें कन्ने
राखसें च कुबेर आं, ते अट्ठें वसुयें च अग्ग आं, कन्ने चोटी आले
भाडें च सुमेरु भाड आं ॥२३॥

पुरोधसां च मुख्यं मां विद्धि पार्थ बृहस्पतिम् ।

सेनानीनामहं स्कन्दः सरसामस्मि सागरः ॥२४॥

ते प्रोहते च मुख मतबल जे देवते दा प्रोहत बृहस्पति मिगी
समझ, कन्ने ए पार्थ ! आऊं फौजा दे अफसरें च कारतक स्वामी
आं ते पानी दे सरें च ससुंदर आं ॥२४॥

महर्षीणां भृगुरहं गिरामस्म्येकमक्षरम् ।

यज्ञानां जपयज्ञोऽस्मि स्थावराणा हिमालयः ॥२५॥

ते ए अरजुन ! आऊं म्हारिषियें इच भृगु ते बोलियें च
इक्क अक्खर उँकार आं, ते सबने चाल्लियें दे जगें च जप जग
ते इक्का थां च टिगे रौने आलें इच हिमालय भाड़ आं ॥२५॥

अश्वत्थः सर्ववृक्षाणां देवर्षीणां च नारदः ।

गन्धर्वाणां चित्ररथः सिद्धानां कपिलो मुनिः ॥२६॥

ते सारें रुखें च बड़ा दा रुख, देवरिषियें च नारदमुनि,
गंधर्वें च चित्तरथ ते सिद्धें च कपलमुनि आं ॥२६॥

उच्चैः श्रवसमश्वानां विद्धि माममृतोद्भवम् ।

ऐरावतं गजेन्द्राणां नराणां च नराधिपम् ॥२७॥

ते ए अरजुन ! घोड़ें इच समुंदर ते अमरत थमां जम्मने
आला मिगी तू उच्चैः श्रवा नां आला घोड़ा जान, हाथियें च
ऐरावत नां आला हाथी समझ ते मनुखें दे इच मिगी गै राजा
समझ ॥२७॥

आयुधानामहं वज्रं धेनूनामस्मि कामधुक् ।

प्रजनश्चास्मि कन्दर्पः सर्पाणामस्मि वासुकिः ॥२८॥

ते ए अरजुन ! ध्यारें च आऊं बज्जर आं, गाइए (गवें) च कामधेनु आं, शासतरें दे तरीके मूजब संतान जमाने आस्तै प्रजन नां आला काम देव आं, ते सप्पें दे च सप्पें दा राजा वासुकी आं ॥२८॥

अनन्तश्चास्मि नागानां वरुणो यादसामहम् ।

पितृणामर्यमा चास्मि यमः संयमतामहम् ॥२९॥

अतें नागें इच आऊं नागें दा राजा नैत (अनंत) आं ते जलदे इच रौने आले जीवें दा राजा वरुण आं, पितरें च उन्दा राजा अर्यमा आं ते चंगी चाली कावू करने आलें दे इच आऊं यमराज आं ॥२९॥

प्रह्लादश्चास्मि दैत्यानां कालः कलयतामहम् ।

मृगाणां च मृगेन्द्रोऽहं वैनतेयश्च पक्षिणाम् ॥३०॥

ते ए अरजुन ! आऊं दैत्यें च परह्लाद ते गित्री करने आलें च काल (खिन, घड़ी, पल, दिन, पक्ख म्हीने ऊर्ने आला समा) आं, अतें मिरगें च मिरगें दा राजा शेर ते पक्खरुयें च बिनता दा पुत्तर गरड आं ॥३०॥

पवनः पवतामस्मि रामः शस्त्रभृतामहम् ।

ऋषाणां मकरश्चास्मि स्रोतसामस्मि जाह्नवी ॥३१॥

ते सुच्चा करने आलें दे इच आऊं ह्वा आं, ध्यारें ने लैस्स रौने आलें दे इच राम (राजे दशरथा दा पुत्तर) आं, मच्छियें च मगरमच्छ आं ते दरेयायें इचा गंगा आं ॥३१॥

सर्गाणामादिरन्तश्च मध्यं चैवाहमर्जुन ।

अध्यात्मविद्या विद्यानां वादः प्रवदतामहम् ॥३२॥

ते ए अरजुन ! सृष्टियें दा आद, एत ते मजैटा बी आऊं
गै आं, अतें विद्यायें दे च ब्रह्मज्ञानाली अध्यात्मविद्या ते आपूँ इच
भगइने आले इच तत्त दे फैसले मूजब कीते जाने आला बाद
(शास तरारथ) बी आऊं आं ॥३२॥

अक्षराणामकारोऽस्मि द्वन्द्वः सामासिकस्य च ।

अहमेवाक्षयः कालो धाताहं विश्वतोमुखः ॥३३॥

ते आऊं अक्खरें इच 'अ' अक्खर आं, समासें इच द्वन्द्व नां
आला समास आं, आऊं नईं खीन ओने आला काल (समा) आं,
जां काल दा बी काल परमेस्सर आं, ते सारें दा धारण पोस्सने
आला विराट् रूपाला आऊं गै आं ॥३३॥

मृत्युः सर्वहरश्चाहमुद्भवश्च भविष्यताम् ।

कीर्तिः श्रोत्राक्च नारीणां स्मृतिर्मेधा धृतिः क्षमा ॥३४॥

ते ए अरजुन ! आऊं सबने गी चित्त करी ओइने आली मौत
ते अगूँ आं औने आलें दे जम्मने दा कारण आं, अतें जनानियें दे
इच कीर्ति (जस्स) श्री (शोभा) वाणी (शैल बोली) सिमरति
(चेता—यादगीरी) मेधा (चंगा दमाग) धृति (धीरज) ते क्षमा
(सहैने दी समरत्थ) जां सत्तें देवतें दियां जनानियां) आं ॥३४॥

बृहत्साम तथा सास्नां गायत्री छन्दसामहम् ।

मासानां मार्गशीर्षोऽहमृतूनां कुसुमाकरः ॥३५॥

अतें आऊं गाने आलें वेदें दे इच बड्डा सामवेद ते छन्दें
दे इच गायत्री नां आला छंद ते म्हीने इच मघेर म्हीना अतें रित्तें
इच बसंत रित्त आं ॥३५॥

द्यूतं छलयतामस्मि तेजस्तेजस्विनामहम् ।

जयोऽस्मि व्यवसायोऽस्मि सत्त्वं सत्त्ववतामहम् ॥३६॥

ए अरजुन ! आऊं छल करने आलें इच जुआ ते परतापियें च परताप, जित्तेने आलें च जित्त आं, ते निश्चय करने आलें च निश्चा अतें सतोगुणा दे भावालें मनुखें च सतोभाव आं ॥३६॥

वृष्णीनां वासुदेवोऽस्मि पाण्डवानां धनंजयः ।

मुनीनामप्यहं व्यासः कवीनामुशना कविः ॥३७॥

ते वृष्णिण वैसालें दे इचा आऊं वामदेव मतवल जे तेरा सेल्हड़ा आं, पांडवें दे इचा अरजुन मतवल जे तूं, मुनियें इचा वेदव्यास ते कवियें इचा शुक्करा चारज बी आऊं गै आं ॥३७॥

दण्डो दमयतामस्मि नीतिरस्मि जिगीषताम् ।

मौनं चैवास्मि गुह्यानां ज्ञानं ज्ञानवतामहम् ॥३८॥

ते दमन करने (दबोचने) आलें दे इच डंडा आं, जित्तेने दी मर्जी आलें इचा नीति (नीत) आं, छपैल रखने आलें च मौन (चुप्प) आं ते ज्ञानियें च तत्तज्ञान बी आऊं गै आं ॥३८॥

यच्चापि सर्वभूतानां बीजं तदब्रमर्जुन ।

न तदस्ति विना यत्स्यान्मया भूतं चराचरम् ॥३९॥

अतें ए अरजुन ! सारें गै भूत प्राणियें दे पैदा करने आला जेडा बी ऐन, ओ बी आऊं गै आं, की जे नेआ ओ चलने फिरने आला ते थारा उप्पग टिगे रौने आला कोई भूत (जीव) नईं ऐ के जेकडा मेरे वगैर ओऐ, ओ इस लेई सब किज मेरा सुरूप ऐ ॥३९॥

नान्तोऽस्ति मम दिव्यानां विभूतीनां परंतप ।

एष तूद्देशतः प्रोक्तो विभूतेर्विस्तरो मया ॥४०॥

ए अरजुन ! मेरी दिखव वभूतियें दा कोई एंत नईं ऐ,
ए ता में तुगी आपनियें वभूतियें दा खलार गी इक पास्सेया मतबल
जे थोडे च गै आखेया ऐ ॥४०॥

यद्यद्विभूतिमत्सत्त्वं श्रीमदूर्जितमेव वा ।

तत्तदेवावगच्छ त्वं मम तेजोऽशसंभवम् ॥४१॥

इस लेई ए अरजुन ! जेडी जेडी बी वस्त तुगी मते परतापाली
बडे धनाली जां सोभाली ते बडे जोराली सेई ओऐ उसी उसी गै
तू मेरे तेजा दे ऐंसा थों बनी दी समझ ॥४१॥

अथवा बहुनैतेन किं ज्ञातेन तवार्जुन ।

विष्टभ्याहमिदं कृत्स्नमेकांशेन स्थितो जगत् ॥४२॥

जां ए अरजुन ! इसी मता जानने ने तेरा के मतबल ऐ
आंऊं तां आपनी योग माया ने इसी सारी दुनियां गी इक एंस
मात्रा ने चुक्कियै खडोता दा आं, इस लेई मिगी असली थों जानना
लोडचदा ऐ ॥४२॥

इस चाल्ली भगवान् सिरी कृष्ण होरें दी आखिदियें उपनिषदें
च ब्रह्म विद्या दे अंदर योग शासतरा दे वारे च सिरी कृष्ण ते
अरजुन हुंदी गल्ला कथा दा विभूति योग नां आला दस्समा
ध्या मुक्का ।

ॐ

ध्या [११]

अर्जुन उवाच

मदनुग्रहाय परमं गुह्यमध्यात्मसंज्ञितम् ।

यत्त्वयोक्तं वचस्तेन मोहोऽयं विगतो मम ॥१॥

इस चात्ली भगवान् सिरी कृष्ण हुंदे बचनें गी सुनिए
अरजुन बोलेया, ए भगवान् जी ! मेरे उप्पर किरपा लेई आत्म
ज्ञाना दे सरबंधा इच जेडी मते गै गुबराली गल्ल तुसें मिगी
(उपदेसा ने) समभाई ऐन, ओदे कन्ने मेरा मोह जंदा रेया ऐ ॥१॥

भवाप्ययौ हि भूतानां श्रुतौ विस्तरशो मया ।

त्वत्तः कमलपत्राक्ष माहात्म्यमपि चाव्ययम् ॥२॥

कीजे ए कमल नेत्र जी ! में तुंदे थमा जीवें दी पदासै ते परलो
गी खलासे ने सुनी लैता ऐ ते तुसाडा नास थों रैत म्हात्म (जियां
तुसें मिगी हुना तगर आखेया ऐ) ओ बी सुनी लेआ ऐ ॥२॥

एवमेतद्यथात्थ त्वमात्मानं परमेश्वर ।

द्रष्टुमिच्छामि ते रूपमैश्वरं पुरुषोत्तम ॥३॥

ए परमेस्सर जी ! तुस आप्रं गी जनेया आखदे ओ ए बी
ठीक उआ नेआ ऐ, पर ए पुरुषोत्तम ! आंऊं तुसाडा ओकडा
ईस्सराला रूप (जेदे च ज्ञान, परताप, शक्ति (तागत) जोर बीज
बी ते तेज भरोचा दा ऐ) सामरतक दिक्खना चान्ना आं ॥३॥

मन्यसे यदि तच्छक्यं मया द्रष्टुमिति प्रभो ।

योगेश्वर ततो मे त्वं दर्शयात्मानमव्ययम् ॥४॥

इस लेई ए प्रभु जी ! जेकर ओ तुसाडा रूप मिगी दिखोई सकदा ओऐ अतें तुस मनो तां ए योगेस्सर जी ! उस आपने अक्खै रूपा दा मिगी दरसन कराई गै ओडो हां ॥४॥

श्रीभगवानुवाच

पश्य मे पार्थ रूपाणि शतशोऽथ सहस्रशः ।

नानाविधानि दिव्यानि नानावर्णाकृतीनि च ॥५॥

इस चाली अरजुन दे अर्ज करने उप्पर सिरी भगवान् बोले, ए पार्थ ! मेरे सैंकडे ते ज्हागं रूप न, नेकें तरें दे दिव्व, नेकें रंगें दे, नेकें चालियें दो नुहारालें उनेंगी तूं दिक्ख ॥५॥

पश्यादित्यान्वसून् रुद्रानश्विनौ मरुतस्तथा ।

बहून्यदृष्टपूर्वाणि पश्याश्चर्याणि भारत ॥६॥

ते ए भरत वेंसाले अरजुन ! मेरे च अदिति दे बारें पुत्तरें सूरजें गी, अर्द्ध वसुयें गी, जारें रुद्रें (शिवें) गी, दौनें अश्विनी कुमारें गी ते नृजे व्हायें गी दिक्ख ते होर बी जेडें पैल्लें नईं दिक्खेदे न, मते सारे चंभाली नुहाराले न, उनेंगी बी दिक्खी लै ॥६॥

इहैकस्थं जगत्कृत्स्नं पश्याद्य सचराचरम् ।

मम देहे गूडाकेश यच्चान्यद्द्रष्टुमिच्छसि ॥७॥

ते ए अरजुन ! इस मेरे देहा दे इच इक्कै थारा च टिगे दे जड़ ते चेतनाले सारे संसार गी दिक्ख ते होर बी जे किज दिक्खना चान्नाएँ सै दिक्खी लै ॥७॥

न तु मां शक्यसे द्रष्टुमनेनैव स्वचक्षुषा ।

दिव्यं ददामि ते चक्षुः पश्य मे योगमैश्वरम् ॥८॥

पर तूँ मिगी इनेंगडियेँ आपनियेँ अक्खियेँ ने नईँ दिक्खि
सकदा, इससै करी आंऊं तुगी दिव्व अक्खियां दिन्ना आं जिंदे ने
तूँ मेरे ईस्सराले सरबंधा दे योग गी मतबल जे योग दी समरत्या
गी ते परभाव गी दिक्ख ॥८॥

संजय उवाच

एवमुक्त्वा ततो राजन्महायोगेश्वरो हरिः ।

दर्शयामास पार्थाय परम रूपमैश्वरम् ॥९॥

संजय बोलेया ए राजा जो ! बड्डं भारे योगियेँ दे ईस्सर
ते पापेँ गी नास करने आले परमेस्सर ने इस चाल्ली आखियै
ओदे परैत अरजुन लेई परमरूप ईस्सराला मतबल जे अपना विश्व
(विराट्) रूप दस्सेआ ॥९॥

अनेकवक्त्रनयनमनेकाद्भुतदर्शनम् ।

अनेकदिव्याभरणं दिव्यानेकोद्यतायुधम् ॥१०॥

ते ओकड़ा नेकेँ मुएं ते अक्खियेँ आला ते नेकेँ गै चंभिये
दिखावटे (नुहारें) आला अतें सारे पेदे दिव्व बन्देँ आला ते
अनगिनत थ्यारें ने लैस्स ओआ दा ॥१०॥

दिव्यमाल्याम्बरधरं दिव्यगन्धानुलेपनम् ।

सर्वाश्चर्यमयं देवमनन्तं विश्वतोमुखम् ॥११॥

ते दिव्व माला पेदे ते दिव्व टल्ले लग्गे दे ते दिव्व सुगन्धि
आले (खुश बुआले) बुटना मलोये दे ते सारे गै चम्भेँ आले बे एंत

ते सबने पास्सै मुंआं आले विराट् रूपाले परमेस्सरा गी अरजुना
ने दिक्खेया ॥११॥

दिवि सूर्यसहस्रस्य भवेद्युगपदुत्थिता ।

यदि भाः सदृशी सा स्याद्भासस्तस्य महात्मनः ॥१२॥

ते ए राजा (धृतराष्ट्र) जी ! जेकर स्माना च ज्हारें सूरजें
दे इक्कारी चढ़ने ने जिन्नी लो ओऐ ओबी उस विश्व रूपाले
परमेस्सर दी लोई सतुल्ल कदें गै ओऐ ॥१२॥

तत्रैकस्थं जगत्कृत्स्नं प्रविभक्तमनेकधा ।

अपश्यद्देवदेवस्य शरीरे पाण्डवस्तदा ॥१३॥

चम्भे रूप गी दिखदे ओई पांडु दे पुत्तर अरजुना ने उस
एलै केइयें चाल्लियें ने बंडोया दा मतबल जे बख-बख सारा ज्हान
इक्कै थां इच उस देवतें दे बी देवते परमेस्सर दे देह इच गै टिगेया
दा दिक्खेया ॥१३॥

ततः स विस्मयाविष्टो हृष्टरोमा धनंजयः ।

प्रणम्य शिरसा देवं कृताञ्जलिरभाषत ॥१४॥

ते ओदे परंत हान ओआ ता खुशी ने खडुत्त रोमटें आला
ओ अरजुन सिर न्वाइयै पैर बंदियै हथ जौले करियै आखन
लगा ॥१४॥

अर्जुन उवाच

पश्यामि देवांस्तव देव देहे

सर्वांस्तथा भूतविशेषसङ्घान् ।

ब्रह्माणमीशं कमलासनस्थ-

मृषींश्च सर्वानुरगांश्च दिव्यान् ॥१५॥

अरजुन बोलेया, ए देवता जी ! आऊं थ्वाड़े देह इच सारें
देवतें गी, नेकें जीवें दे भुड़ें गी, कमल फुल्ले दे आसन उप्पर बैठे
दे ब्रह्मा गी, शिवें गी सारे रिषियें गी ते दिब्व सप्पें गी दिक्खा
करना आं ॥१५॥

अनेकबाहूदरवक्त्रनेत्रं

पश्यामि त्वां सर्वतोऽनन्तरूपम् ।

नान्तं न मध्यं न पुनस्तवादि

पश्यामि विश्वेश्वर विश्वरूप ॥१६॥

ते ए सारे संसारा दे मालको ! आऊं तुसैं गी नेकें बाइयें
ढिड्डें मुं एं ते अक्खियें आलें गी चुबक्खे वे ऐंत नुहारें आलें गी
दिक्खा करना आं, ए सारे संसारा दे रूपाले ओ ! आऊं नईं तां
तुसाड़े एंता गी दिक्खाना, नईं मझैटे गी ते नईं गै आदा
(मुं ड्डा) गी दिक्खाना आं ॥१६॥

किरीटिनं गदिनं चक्रिणं च

तेजोराशिं सर्वतो दीप्तिमन्तम् ।

पश्यामि त्वां दुर्निरीक्ष्यं समन्ता-

द्दीप्तानलार्कद्युतिमप्रमेयम् ॥१७॥

ते ए भगवान् जी ! आऊं तुसैं गी मुगट लगे देंगी हत्थें च
चक्कर ते गुर्ज लैते देंगी चुबक्खे फैले दे तेजालें गी, चुपास्ये
आभखी दी अग्गी ते सूरज दी जोती आलें गी वेहताबालें गी अतें
बड़े आंखे दिखोने आलें गी दिक्खाना आं ॥१७॥

त्वमक्षरं परमं वेदितव्यं

त्वमस्य विश्वस्य परं निधानम् ।

त्वमव्ययः शाश्वतधर्मगोप्ता

सनातनस्त्वं पुरुषो मतो मे ॥१८॥

इस लेई ए भगवान् जी ! तुस गै जानने जोगड़े खास अक्खर ओ, मतबल जे परब्रह्म परमात्मा ओ, ते तुस्सै इस दुनिया दा सहारा ओ, तुस्सै अनादि धरम दे राखे ओ, ते तुस्सै नास थों रैत सनातन पुरुष ओ, मेरा तां इयै मत ऐ ॥१८॥

अनादिमध्यान्तमनन्तवीर्य-

मनन्तबाहुं शशिसूर्यनेत्रम् ।

पश्यामि त्वां दीप्तहुताशवक्त्रं

स्वतेजसा विश्वमिदं तपन्तम् ॥१९॥

एन्ता ते मझैटे थों रैत ते बेएन्त सरमत्थाले कन्ने अनगिनत हत्थें आले ते चन्न ते सूरज जिदियां अक्खियां सेई ओंदिया न, बलदी अगिया आंगूं जातें आले अतें अपने तेजा ने इसी संसार गी तपादें गी दिक्खानां आं ॥१९॥

द्यावापृथिव्योरिदमन्तरं हि

व्याप्तं त्वयैकेन दिशश्च सर्वाः ।

दृष्ट्वाद्भुतं रूपमुग्रं तवेदं

लोकत्रयं प्रव्यथितं महात्मन् ॥२०॥

ते ए म्हात्मा जी ! इसी सुरग ते धरती दे वशकारा ते सारे स्मानै ते दिशें गी तुसैं इकले गै घरेया दा ऐ ते ए तुसाड़ा ओपरा ते डरीना रूप दिक्खिये सारे त्रैवे लोक बेहाल ओई गेदे न ॥२०॥

अमी हि त्वां सुरसङ्घा विशन्ति
केचिद्भीताः प्राञ्जलयो गृणन्ति ।

स्वस्तीत्युक्त्वा महर्षिसिद्धसङ्घाः

स्तुवन्ति त्वां स्तुतिभिः पुष्कलाभिः ॥२१॥

ते ए गोविंद जी ! ए सारें देवतें दे जत्थे तुसाड़े इच गै
घुसरा करदे न ते केई तां डरा दे मारे हत्थ जौले करिये तुं दे नां
ते गुणें गी गा करदे न, ते म्हारिषियें ते सिद्धें दे जत्थे 'भला ओऐ'
इयां आखियै मतें सतोत्रें ने तुसाड़ी सुतुति करा करदे न ॥२१॥

रुद्रादित्या वसवो ये च साध्या

विश्वेऽश्विनौ मरुतश्चोष्मपाश्च ।

गन्धर्वयक्षासुरसिद्धसङ्घा

वीक्षन्ते त्वां विस्मिताश्चैव सर्वे ॥२२॥

ते भगवान् जी ! जारां लहर, वारां सूरज, अट्ठ वसु, साध्यें
दा जत्था, विश्वेदेव, अश्विनी कुमार, मरुतगरा (व्हाऊ दा जत्था)
गंधर्व, जक्ख, दैत्त, राखस ते सिद्धें दे टोले ऐ जेड़े न सै सब गै बड़े
ह्लान ओए दे तुसैं गी दिक्खा दे न ॥२२॥

रूपं महत्ते बहुवक्त्रनेत्रं

महाबाहो बहवाहूरूपादम् ।

बहूदरं बहदंष्टाकरालं

दृष्ट्वा लोकाः प्रव्यथितास्तथाहम् ॥२३॥

ते ए महाबाहो ! श्वाड़े मते जातें ते अक्खियें आले ते मतियें
जंडे बाइयें ते पैरें आले ते मते ढिड्डें आले ते मतियें गै दाढ़े आले

डरोने रूपा (नुहारी) गी दिक्खियै सारे लोक ते आऊं बी मता गै
डरी गेया आं ॥२३॥

नभः स्पृशं दीप्तमनेकवर्णं

व्यात्ताननं दीप्तविशालनेत्रम् ।

दृष्ट्वा हि त्वां प्रव्यथितान्तरात्मा

धृतिं न विन्दामि शमं च विष्णो ॥२४॥

की जे विष्णु जी ! गासा गी छुआ दे मती लोई आले ते
केइयें रंगें आलें बाके दे मुंआ आले लिशकालियें बड्डियें-बड्डियें
अक्खियें आलें गी तुसैं गी दिक्खियै मेरा एंतरात्मा बड़ा घाबरी
गेया ऐ ते नईं मिगी धीरज (हौसला) ते नईं गै शांति ऐ ॥२४॥

दंष्ट्राकरालानि च ते मुखानि

दृष्ट्वैव कालानलसन्निभानि ।

दिशो न जाने न लभे च शर्म

प्रसीद देवेश जगन्निवास ॥२५॥

ते परमेस्सरो ! तुसाडिये डरौनियें दाढें ते परलोदी अग्गी
आगूं भखे दे जातें गी दिक्खिये मिगी नईं दिशें दा पता लगदा ऐ ते
नईं गै रमान लगदा ऐ इस लेई ए देवतें दे मालको ते संसारा दे
आस्रेयो ! तुस परसिन्न ओई जाओ ॥२५॥

अमी च त्वां धृतराष्ट्रस्य पुत्राः

सर्वे सहैवावनिपालसङ्घैः ।

भीष्मो द्रोणः सूतपुत्रस्तथासौ

सहास्मदीयैरपि योधमुख्यैः ॥२६॥

ते आऊं दिक्खाना आं जे ओ सब गै धृतराष्ट्र दे पुत्तर,
राजें दे टोलें सने ते भीषम पितामह, द्रोणाचारज ते ओ कर्ण साड़े
बी मुखिया जोधें सने ॥२६॥

वक्त्राणि ते त्वरमाणा विशन्ति

दंष्ट्राकरालानि भयानकानि ।

केचिद्विलग्ना दशनान्तरेषु

संदृश्यन्ते चूर्णितैरुत्तमाङ्गैः ॥२७॥

मती डरौनी दाहें आलें तुसाड़े मुं एं इच तौले-तौले बड़ा करदे
न, ते कईं तां चूर ओए दे सिरें सनें तुं दे दंदें इच लग्गे दे लब्बा
करदे न ॥२७॥

यथा नदीनां बहवोऽम्बुवेगाः

समुद्रमेवाभिमुखा द्रवन्ति ।

तथा तवामी नरलोकवीरा

विशन्ति वक्त्राण्यभिविज्वलन्ति ॥२८॥

ए भगवान् जी ! जियां दरेयाएं दे मते सारे परवाह समुंद्रासै
गै वगा दे न मतबल जे समुंद्रा च जाई पौंदे न उआं गै ए मातलोक
दे बहादर मानु बी थ्वाड़े बला करदे मुं ए इच गै पवा दे न ॥२८॥

यथा प्रदीप्तं ज्वलनं पतङ्गा

विशन्ति नाशाय समृद्धवेगाः ।

तथैव नाशाय विगन्ति लोका-

स्तवापि वक्त्राणि समृद्धवेगाः ॥२९॥

जां जियां मोहा दे वस च आइए बड़े जोशाले पतंगड़े गरक

ओने लेई बलदी अग्गी च जाई वड़दे न उआं गै ए सब लोक बी
मरने लेई थ्वाड़े जातें च वड़ी तेन्नी ने बड़ा करदे न ॥२६॥

लेलिह्यसे ग्रसमानः समन्ता-

ल्लोकान्समग्रान्वदनैर्ज्वलद्भिः ।

तेजोभिरांपूर्य जगत्समग्रं

भासस्तवोग्राः प्रतपन्ति विष्णो ॥३०॥

ते तुस उने सारें लोकें गी अपने बलदे मुंएं ने चुमुखे निंगलदे
ओई चट्टा करदे ओ, ए विष्णु भगवान् जी ! थ्वाड़ियां तेज
लाटां सारे ज्हाणा गी आपने तेजा ने भलेयां भरियै तपा
करदियां न ॥३०॥

आख्याहि मे को भवानुग्ररूपो

नमोऽस्तु ते देववर प्रसीद ।

विज्ञातुमिच्छामि भवन्तमाद्यं

न हि प्रजानामि तव प्रवृत्तिम् ॥३१॥

ए भगवान् जी ! तूस मिगी दस्सो जे नेई डरौनी नहाराले
तुस कुन ओ ! आऊं तुसें गी मत्था टेकना आं, ए देवतें च स्नेष्टो !
आदि रूपाले तूसें गी आऊं भलेयां मलूम करना चान्ना आं, कीजे
तुसाड़े बंदोने ते बरतने दे कारण गी आऊं नई जानदा आं ॥३१॥

श्रीभगवानुवाच

कालोऽस्मि लोकक्षयकृत्प्रवृद्धो

लोकान्समाहर्तुमिह प्रवृत्तः ।

ऋतेऽपि त्वां न भविष्यन्ति सर्वे

येऽवस्थिताः प्रत्यनीकेषु योधाः ॥३२॥

इस चाली अरजुन दे पुच्छने उप्पर सिरी कृष्ण भगवान् ने आखेया—जे ए अरजुन ! आऊं लोकें दा नास करने आला बड्डा काल आं, लोकें गी समेटनें लेई इत्थें वंदोआ दा आं, तेरे बिना वैरियें दी सेना आले सारे गै ए योधे जेड़े सामने आई खड़ोते दे न इन्दे च कोई बी नई रौग मतलब जे सव गै मुक्की जाडन ॥३२॥

तस्मात्त्वमुत्तिष्ठ यशो लभस्व

जित्वाशत्रून् भुङ्क्ष्व राज्यं समृद्धम् ।

मयैवैते निहताः पूर्वमेव

निमित्तमात्रं भव सव्यसाचिन् ॥३३॥

इस करी तू उट्ठ, जस्स खट्ट, वैरियें गी चित्त करियै सपूरा राज भोग, एतां योधे में पैलें गै मारी ओड़ेदे न, ए दौनें हत्थें ने तीर चलाने आले अरजुन ! तू छड़ा नमित्त बन ॥३३॥

द्रोणं च भीष्मं च जयद्रथं च

कर्णं तथान्यानपि योधवीरान् ।

मया हतांस्त्वं जहि मा व्यथिष्ठा

युध्यस्व जेतासि रणे सपत्नान् ॥३४॥

ते इनें द्रोणाचारज ते भीष्म पितामह ते जयद्रथ ते कर्ण अतें होरने बहादर योधे गी मेरे थमां मरोंए देंगी मार, मत घाबर, जुद्ध लड़, जुद्धा च तू वैरियें गी जित्ती लैगा ॥३४॥

संजय उवाच

एतच्छ्रुत्वा वचनं केशवस्य

कृताञ्जलिर्वेपमानः किरीटी ।

नमस्कृत्वा भूय एवाह कृष्ण

सगद्गदं भीतभीतः प्रणम्य ॥३५॥

एदे परैत संजय ने राजे धृतराष्ट्र जी आखेया जे राजा जी !

सिरी केशव भगवान् दे इस वचन जी सुनियै मुकट लगगे दे अरजुन
जौले हत्थ करियै कंठदे ओई बंदियै फिरी वी डरदे-डरदे गै मत्था
टेकियै भगमान् सिरी कृष्ण जी गी गिड-गिडांदी बाली ने आखन
लगा ॥३५॥

अर्जुन उवाच

स्थाने हृषीकेश तव प्रकीर्त्या

जगत्प्रहृष्यत्यनुरज्यते च ।

रक्षांसि भीतानि दिशो द्रवन्ति

सर्वे नमस्यन्ति च सिद्धसङ्घाः ॥३६॥

अरजुना ने आखेया जे ए हृषीकेश जी ! ए ठीक ऐ, तुसाड़े

नां ते परभावा दे कीरतना ने संसार मत खुश हुंदा ऐ ते प्रेम इच
मग्न ओई जंदा ऐ, राकस डरियै दूर-दूर नस्सी जंदे न ते सारे
सिद्धदे दे टोले तुसें गी बंददे न ॥३६॥

कस्माच्च ते न नमेरन्महात्मन्

गरीयसे ब्रह्मणोऽप्यादिकर्त्रे ।

अनन्त देवेश जगन्निवास

त्वमक्षरं सदसत्तत्परं यत् ॥३७॥

ए म्हात्मा जी ! तुसें गी भला ओ की नईं बंदन तुस सबने
थमां बड्डे ओ ते कन्ने ब्रह्मा दे बी आदि कर्ताओ, कीजे ए नैंत
भगवान् जी ! ए देवतें दे बी ईस्सरो ! ए संसारा दे रौने आले
थारो ! सत् असत् ते जीव, माया उस थमां बी परें अक्षर मतबल
जे जेकड़ा सच्चिदानंदधन ब्रह्म ऐ ओ तुस्सै ओ ॥३७॥

त्वमादिदेवः पुरुषः पुराण-

स्त्वमस्य विश्वस्य परं निधानम् ।

वेत्तासि वेद्यं च परं च धाम

त्वया ततं विश्वमनन्तरूप ॥३८॥

ते ए प्रभु जी ! तुस आदि देव ते सनातन पुरुष ओ, तुस इस
संसार दे परम आसरा ओ, मैहरम ओ, जानने जोग ओ, ते परम-
धाम ओ, ए वे ऐंत रूपाले ओ ! सारी दुनियां तुसाड़े कन्ने गै
व्यापी (भरोची) दी ऐ, मतबल जे तुंदे ने गै पलटोई दी ऐ ॥३८॥

वायुर्यमोऽग्निर्वरुणः शशाङ्कः

प्रजाप्रतिस्त्वं प्रपितामहश्च ।

नमो नमस्तेऽस्तु सहस्रकृत्वः

पुनश्च भूयोऽपि नमो नमस्ते ॥३९॥

ते ए हरि जी ! तुस ब्हा, यमराज, अग्ग, वरुण, चन्न,
परजा दे पति ब्रह्मा ते ब्रह्मा दे बी बब्ब ओ, ज्हारां गै तुसें गी
नमस्कारां ओन, फिरी बी बार-बार तुसें गी मेरी नमस्कार ऐ ॥३९॥

नमः पुरस्तादथ पृष्ठतस्ते

नमोऽस्तु ते सर्वत एव सर्व ।

अनन्तवीर्यामितविक्रमस्त्वं

सर्वं समाप्नोषि ततोऽसि सर्वः ॥४०॥

ते ए वेएंत समरत्थाले ओ ! तुसें गी अगों ते पिच्छें नमस्कार
ऐ, ए सबनें दे आत्मा ले ओ ! तुसें गी चुमुखे नमस्कार ऐ, कीजे
वेएंत सत्तालें तुसें सारे संसार गी घेरे दा ऐ, इस थों तुसें विष्वरूप
(सबनें दे रूपाले) ओ ॥४०॥

सखेति मत्वा प्रसभं यदुक्तं

हे कृष्ण हे यादव हे सखेति ।

अजानता महिमानं तवेद

मया प्रमादात्प्रणयेन वापि ॥४१॥

ए परमेस्सर जी ! साथी समझिये तुसाड़ी इस मैहमा गी नई
जानदे होई मेरे कछा प्रेमा ने जां मस्ती ने बी ओ कृष्णा !
ओयादवा ? सखे (जोरा) ओए ! इस चाल्ली जे किज जोरा-
जबरी खोई गया ऐ ॥४१॥

यच्चावहासार्थमसत्कृतोऽसि

विहारशय्यासनभोजनेषु ।

एकोऽथवाप्यच्युत तत्समक्षं

तत्क्षामये त्वामहमप्रमेयम् ॥४२॥

ते अच्युत जी ! जेड़ा हासे मखील च फिरदे दुरदे सैल सपट्टा
करदे, सौंदे बौंदे ते खंदे पींदे कल्ले जां साथियें दे सामने थुआड़ा

निरादर मीं कीता ऐ उस अपने कसूरा लेई म्हापरभावाले तुं दे थमां
आऊं माफी मंडना आं ॥४२॥

पितासि लोकस्य चराचरस्य
त्वमस्य पूज्यश्च गुरुर्गरीयान् ।

न त्वत्समोऽस्त्यभ्यधिकः कुतोऽन्यो

लोकत्रयेऽप्यप्रतिमप्रभाव ॥४३॥

ए विसेस्सर जी ! चेतन ते जड़ जगत् दे तुस बब्ब ओ, तुस्से
इस संसार दे पूजने जोगड़े बड़ड़े गुरु ओ, तुसाड़े बरोबर दुआ होर
कोई नईं ऐ ते तुं दे थमां बड्डा भला होर कुत्थों ओग, अतें तुस्सें
त्रौनें लोकें च सबने थों मते परतापाले ओ ॥४३॥

तस्मात्प्रणम्य प्रणिधाय कायं
प्रसादये त्वामहमीशमीडयम् ।

पितेव पुत्रस्य सखेव सख्युः

प्रियः प्रियायार्हसि देव सोढुम् ॥४४॥

इस थों ए प्रभु जी ! आऊं अपनी कायां गी तुसाड़े पैरें इच
रोलियै तुसें गी परसिन्न करने लेई अर्ज करना आं, तुस सृतुती
दे जोग प्रभु ओ, ए देव जी ! बब्ब जियां पुत्तर दे, साथी जियां
साथिया दे ते प्रेमी खसम जियां प्यारी घराली दे कसूरें गी सैहदे
न (स्थारदे न) उआं गी तूस वी मेरे कसूरें गी सैहन करने जोग
ओ, मतबल जे मेरे कसूर मिगी माफ करी ओड़ो ॥४४॥

अदृष्टपूर्वं हृषितोऽस्मि दृष्ट्वा

भयेन च प्रव्यथितं मनो मे ।

तदेव मे दर्शय देव रूपं

प्रसीद देवेश जगन्निवास ॥४५॥

ए विश्वमूर्ति जी ! आऊं पैल्लो पैल तुसाड़ी चंभाली नुहारी
गी दिक्खी करियै खुश ओआ करना आं ते मन मेरा घावरी गया
दा ऐ, ए देव जी ! तुस मिगी ओकड़ी गै चौं बाइयें आल्ली नुहार
दस्सो, ए देवतें दे मालको ! ए जगत् (दुनियां) दे वासाले ठकाने
ओ ! मेरे उप्पर खुश ओ ॥४५॥

किरीटिनं गदिनं चक्रहस्त-

मिच्छामि त्वां द्रष्टुमहं तथैव ।

तेनैव रूपेण चतुर्भुजेन

सहस्रबाहो भव विश्वमूर्ते ॥४६॥

ते ए विष्णु भगवान् जी ! आऊं तुमें गी उआं गै मुकट लगो
देगी ते हत्थें च गुर्ज ते चक्कर फणड़े देगी दिक्खना चान्ना आं, इस
लेई ए ज्हारें बाइयें आले ओ ! (ए विश्वमूर्ते) जगत् दी तसवीरो !
तुस उस्सै चौं बाइयें आली नुहारी आले बनो ॥४६॥

श्रीभगवानुवाच

मया प्रसन्नेन तवार्जुनेदं

रूपं परं दर्शितमात्मयोगात् ।

तेजोमयं विश्वमनन्तमाद्यं

यन्मे त्वदन्येन न दृष्टपूर्वम् ॥४७॥

इस चाल्ली अरजुन दी अर्ज सुनियै सिरी कृष्ण भगवान् होरें
आखेया ए अरजुन ! मीं खुश ओइयै अपनी योगाली शगतिया दे

परतापाने अपना एकड़ा परम तेजाला सबने दा आदि (पैला)
ते बेएत विराट् रूप तुगी दस्सेया ऐ जेकड़ा अज्ज थों पैलें कुसै बी
नईं दिक्खेया दा ऐ ॥४७॥

न वेदयज्ञाध्ययनैर्न दानै-

र्न च क्रियाभिर्न तपोभिरग्नैः ।

एवरूपः शक्य अहं नृलोके

द्रष्टुं त्वदन्येन कुरुप्रवीर ॥४८॥

ए अरजुन ! मातलोक इच इस चाल्ली विराट् रूपाला आऊं
नईं वेदें ने नईं जगें ने, नईं पढ़ने ने, नईं दान करने ने नईं
किरेया करने ने ते नईं गै औखियें तपस्यायें ने तेरे स्वा होर दुए
कुसे दी नजरा च आई सकदा आं ॥४८॥

मा ते व्यथा मा च विमूढभावो

दृष्ट्वा रूपं घोरमीदृङ्ममेदम् ।

व्यपेतभीः प्रीतमनाः पुनस्त्वं

तदेव मे रूपमिदं प्रपश्य ॥४९॥

इस चाल्ली दे मेरे एकड़े डरौने रूप गी दिक्खियै तूं दुःखी
नईं ओ, ते नईं गै घाबर, भौ छोड़ियै मन इच परसिन्न ओइयै
तूं फिरी मेरे उसी गै (सैंख चक्कर, गदा ते पद्मा ले) चतुर्भुज रूप
गी गै भलेयां दिक्ख ॥४९॥

संजय उवाच

इत्यर्जुनं वासुदेवस्तथोक्त्वा

स्वकं रूपं दर्शयामास भूयः ।

(१५८) श्रीआसयामास च भीतमेनं

भूत्वा पुनः सौम्यवपुर्महात्मा ॥५०॥

ओदे परैत संजय ने आखेया ए राजा जी ! वासुदेव भगवान् ने इय्यां अरजुन जी आखियै फिरी उआं गै अपने चतुर्भुजाले पैले रूप जी दस्सेया ते फिरी म्हात्मा कृष्ण ने शांत रूप ओइयै इसी डरे दे अरजुन जी धीरज दलासा दित्ता ॥५०॥

अर्जुन उवाच

दृष्ट्वेदं मानुषं रूपं तव सौम्यं जनार्दन ।

इदानीमस्मि संवृत्तः सचेताः प्रकृतिं गतः ॥५१॥

एदे परैत अरजुन बोलेया, ए जनार्दन ! तुसाइँ इसी शांत मनुख रूपागी दिक्खिये हुन आऊं बी शांत मनाला ओइये अपने पैले सव्हा इच आई गेया आं ॥५१॥

श्रीमगवानुवाच

सुदुर्दर्शमिदं रूपं दृष्टवानसि यन्मम ।

देवा अप्यस्य रूपस्य नित्यं दर्शनकाङ्क्षिणः ॥५२॥

इस चाल्ली अरजुन दे वचन जी सुनिये सिरी भगवान् ने आखेया, ए अरजुन ! मेरा ए चतुर्भुज रूप दिक्खना बड़ा औखा ऐ, जिसी तू दिक्खेया ऐ, देवता लोक बी इसी रूपागी दिक्खने लेई सदा तरसदे रौंदे न ॥५२॥

नाहं वेदैर्न तपसा न दानेन न चेज्यया ।

शक्य एवंविधो द्रष्टुं दृष्टवानसि मां यथा ॥५३॥

ते ए अरजुन ! नईं वेदैं ने, नईं तपस्या ने, नईं दानानें ते

नईं गै जगग करने ने मेरा एकड़ा रूप दिखोई सकदा ऐ जेकड़ं
चतुर्भुज रूपा गी तुद दिखेया ऐ ॥५३॥

भक्त्या त्वनन्यया शक्य ग्रहमेवंविधोऽर्जुन ।

ज्ञानुं द्रष्टुं च तत्त्वेन प्रवेष्टुं च परंतप ॥५४॥

पर ए अरजुन ! ए परंतप ! मेरे च गै सच्चि ते पक्की भगती
औने उप्पर गै नेआ आऊं तत्ता ने जानेया जाई सकना ते परतक्ख
दिखेया जाई सकना ते दाखला देई सकना आं ॥५४॥

मत्कर्मकृन्मत्परमो मद्भक्तः सङ्गवर्जितः ।

निर्वैरः सर्वभूतेषु यः स मामेति पाण्डव ॥५५॥

ए अरजुन ! जेड़ा मनुख छड़ा मेरे लेई गै सब किज मेरा
समभदे ओई, जगग, दान ते तप उप सारे करने जोगड़े करमें गी
करने आला ऐ ते मेरे भरोसे उप्पर मेरे आस्सै गै लगगा रौंदा ऐ,
मतबल जे मिगी पूरा आस्त्रा ते परम गति गी मन्नियै मिगी पाने
आस्तै गै जुटोआ दा रौंदा ऐ, ते मेरा भगत ऐ, मतबल जे मेरे नां
गुण परताप ते मेरियें गुज्झिएं गल्लें गी सुनने, कीर्तन करने, मनन,
ध्यान ते पढ़ने पढ़ाने दे प्रेम भावाले निष्काम भावा ने लगातार
भ्यास करने आला ऐ, ते खचतथों रहत ऐ, मतबल जे जनानी,
जागत ते धन उन सारे संसारा दियें वस्तें इच सनेहाथों रहत ऐ
ते सारे जीवें जंतुएं दे इच वैरभाव थों रहत ऐ, नेआ ओ दढ़ भगति
आला मनुख मिगी गै पाई लेंदा ऐ ॥५५॥

इय्यां सिरी भगवान् होरें दी आखदियें उपनिषदें च ब्रह्म
पिद्या दे अन्दर योगशासतरा दे बारे च सिरी कृष्ण ते अरजुन हुंदी
गल्ला कथा दा विश्वरूप दर्शन योग नां आला आरमा ध्या भुक्का ।

ॐ

ध्या [१२]

अर्जुन उवाच

एवं सततयुक्ता ये भक्तास्त्वां पर्युपासते ।

ये चाप्यक्षरमव्यक्तं तेषां के योगवित्तमाः ॥१॥

इय्यां सिरी कृष्ण भगवान् हुंदे बचनें गी सुनिये अरजुन ने आखेया, ए भगवान् जी ! जेकड़े तुसाड़े प्रेमी भगत लोक इसी पैलें दस्से दे तरीके ने लगातार तुसाड़े ध्यान ते भजन इच जुटोए रौंदे न, सगुण रूपाले परमेस्सर गी तुसें गी मते छैल ढंगा ने सेवदेन ते जेकड़े अविनाशी सच्चिदानंदघन निराकार गी गै सेवदेन उनें दौने चाल्लियें दे भगतें च मते चंगे योग गी जानने आले कुनगड़े न ॥१॥

श्रीभगवानुवाच

मय्यावेश्य मनो ये मां नित्ययुक्ता उपासते ।

श्रद्धया परयोपेतास्ते मे युक्ततमा मताः ॥२॥

इस चाल्ली अरजुन दे पुच्छने उपपर सिरी कृष्ण भगवान् बोले, ए अरजुन ! जेकड़े मन गी मेरे इच चंगी चाल्ली लाइयै सदा मेरे भजन ते ध्यान इच लगे दे भगत लोक बड़ी सरधा ने मेरी सगुणरूप परमेस्सर दी राधना करदे न ओ मिगी योगियें च बी उत्तम योगी समझोंदे न ॥२॥

ये त्वक्षरमनिर्देश्यमव्यक्तं पर्युपासते ।

सर्वत्रगमचिन्त्यं च कूटस्थमचलं ध्रुवम् ॥३॥

संनियम्येन्द्रियग्रामं सर्वत्र समबुद्धयः ।

ते प्राप्नुवन्ति मामेव सर्वभूतहिते रताः ॥४॥

ते जेकड़े मनुख सबने इंदरियें गी भलेयां कावू करियै मन ते मत्ता थों परे सब जगह रौने आले जेदे रूपें दा कोई थो ठकाना नईं ते सदा इक्क रस इच रौने आला, नित्य, जिस गी कोई वी नईं ह्लाई सकदा, निराकार, अविनाशी ते सच्चिदानंदधन ब्रह्म ऐ उस गी लगातार ओदे च ओइयै ध्यान लांदे ओई राधना करदे न ओ सारे जीवें जंतुएं दे भले च जुटोये दे ते सबने च सगुल्ल भावाले योगी मिगी गै पांदे न ॥३॥४॥

क्लेशोऽधिकतरस्तेषामव्यक्तासक्तचेतसाम् ।

अव्यक्ता हि गतिर्दुःखं देहवद्भिर्ग्राह्यते ॥५॥

पर सच्चिदानंदधन निराकार ब्रह्म इच मंगन मनालें मनुखें गी साधने च क्लेश मुगता हुंदा ऐ, मतबल जे मेहनत मती करने पौंदी ऐ, कीजे देह दे अभमानालें गी निराकार ब्रह्म दा थोना बड़ा ओखा ऐ ॥५॥

ये तु सर्वाणि कर्माणि मयि संन्यस्य मत्पराः ।

अनन्येनैव योगेन मां ध्यायन्त उपासते ॥६॥

ते जेकड़े मेरे गै भरोसे आले भगत लोक न, ते सारे करमें गी मिगी गै अर्पण करियै (सौंपियै) सगुण रूपाले मिगी परमेस्सर गी गै तेल दी धारा आंगू इक्कडाल ध्यान योगा ने लगातार चतेंदे ओई भजदे न ॥६॥

तेषामहं समुद्धर्ता मृत्युसंसारसागरात् ।

भवामि नचिरात्पार्थ मय्यावेशितचेतसाम् ॥७॥

ए अरजुन ! उन्दा मेरे च मन लाने आले प्रेमी भगतें बा
आऊं तौले गै मौत रूपाले संसार थमां उद्धार (बचा) करने आला
बनी जन्ता आं ॥७॥

मय्येव मन आधत्स्व मयि बुद्धि निवेशय ।

निवसिष्यसि मय्येव अत ऊर्ध्वं न संशयः ॥८॥

इस लेई ए अरजुन ! तू मेरे च गै मन गीला, ते मेरे च गै
मत्ता गी बी ला, एदे परैत तू मेरे च गै बस्सी जागा, एदे च किज
बी शक नईं ॥८॥

अथ चित्तं समाधातुं न शक्नोषि मयि स्थिरम् ।

अभ्यासयोगेन ततो मामिच्छाप्तुं धनंजय ॥९॥

ते जेकर तू मेरे च मन गी भलेयां नईं टिकाई सकदा
ओएं तां ए धनंजय ! भ्यास रूपाले योगा ने मिगी पाने आस्तै
चाह कर ॥९॥

अभ्यासेऽप्यसमर्थोऽसि मत्कर्मपरमो भव ।

मदर्थमपि कर्माणि कुर्वन्सिद्धिमवाप्स्यसि ॥१०॥

ते जेकर तू उप्पर दस्से दे भ्यासा गी बी करने लेई समरत्थ
नईं ऐं तां छड़ा मेरे लेई करम करने च गै लग्गा रौ, इस चाल्ली
मेरे आस्तै गै करमें गी करदे ओई मिगी पाने च सफल ओई
जागा ॥१०॥

अथैतदप्यशक्तोऽसि कर्तुं मद्योगमाश्रितः ।

सर्वकर्मफलत्यागं ततः कुरु यतात्मवान् ॥११॥

ते जेकर ए वी नईं करी सकदा तां मन गी काबू च रखिये
मिगी पाने रूपाले योग दा सहारा लेइये सबनें करमें दे फला
दा त्याग कर मतबल जे सबनें करमें गी मिगी गै अर्पण कर
(सौंपी ओड़) ॥११॥

श्रेयो हि ज्ञानमभ्यासाज्ज्ञानाद्ध्यानं विशिष्यते ।

ध्यानात्कर्मफलत्यागस्त्यागाच्छान्तिरनन्तरम् ॥१२॥

कीजे मर्म (बिचली गल्ला) दे समझे बिना भ्यास थों
अखियें दे ओलें आत्मा दा ज्ञान चंगा ऐ, ते परोक्ष ज्ञाना थमां मेरा
परमेस्सर दा ध्यान चगा ऐ, अतें ध्यान थमां वी सबनें करमें दे
फल दा मेरे लेई त्यागना स्नेष्ट ऐ ते त्याग थमां तौले गै शांति
ओई जंदी ऐ ॥१२॥

अद्वेष्टा सर्वभूतानां मैत्रः करुण एव च ।

निर्ममो निरहकारः समदुःखसुखः क्षमी ॥१३॥

इस चाल्ली शांति पाई लैने आला जेकड़ा मनुख सबनें जीवें
जंतुएं च बैर भाव थों रहत अपनी गरज थों रहत सबनें दा प्रेमी
ते बिना कारण देया आला, ममता थों रहत, हेंकार थों रहत,
सुख ते दुःख दे औने उप्पर इक्का नेप्रा, खिमा आला ऐ, मतबल जे
कसूर करने आलें गी वी माफी देई ओड़ने आला ऐ ॥१३॥

सतुष्टः सततं योगी यतात्मा दृढनिश्चयः ।

मय्यर्पितमनोबुद्धिर्यो मद्भक्तः स मे प्रियः ॥१४॥

ते जेड़ा ध्यान योग इच जुटोआ दा लगातार लाभ ते हानि
च संदोख रखदा ऐ मन ते इंदरियें सने देहे जेदे बस इच ऐ, मेरे
उप्पर जेदा पूरा भरोसा ऐ, ओ मेरे उप्पर अर्पण कीते दे मन ते
बुद्धाला मेरा भगत मिगी प्यारा ऐ ॥१४॥

यस्मान्नोद्विजते लोको लोकान्नोद्विजते च यः ।

हर्षमर्षभयोद्वेगैर्मुक्तो यः स च मे प्रियः ॥१५॥

अतें जिस थमां लोक दुःखी नईं ओंदा ते जेकड़ा लोक थमां दुःखी नईं ओंदा ते खुशी, रोस्सा ते दुःख थों रहत ऐ, ओ मेरा प्यारा ऐ ॥१५॥

अनपेक्षः शुचिर्दक्ष उदासीनो गतव्यथः ।

सर्वारम्भपरित्यागी यो मद्भक्तः स मे प्रियः ॥१६॥

ते जेकड़ा मनुख कुसै चीज दी लोड़ नईं रखदा, ते अंदरा बाहरा दा सुच्चा ऐ, ते चतर ऐ, कुसा दा बी पक्ख नईं लेंदा ते दुःखें थमां छुड़केया दा ऐ, ते कुसै बी धंदे गी गल नईं पाने आला ऐ ओ मेरा भगत मिगी प्यारा ऐ ॥१६॥

यो न हृष्यति न द्वेष्टि न शोचति न काङ्क्षति ।

शुभाशुभपरित्यागी भक्तिमान्यः स मे प्रियः ॥१७॥

ते जेड़ा नईं कदें खुशी ओंदा ऐ ते नईं कदें कुसै ने बैर करदा ऐ, नईं बसोस करदा ऐ ते नईं गै कुसै दी लोड़ रखदा ऐ ते चंगे मंदे सबनें करमें दे फलें दा त्यागी ऐ ओ भगति आला मनुख मिगी प्यारा ऐ ॥१७॥

समः शत्रौ च मित्रे च तथा मानापमानयोः ।

शीतोष्णसुखदुःखेषु समः सङ्गविवर्जितः ॥१८॥

ते जेकड़ा मनुख शत्रू ते मित्रर इच ते आदर ते निरादर च इक्का नेआ ऐ, सरदी ते गरमी च ते सुख दुःख उक्ख इच बी इक्क जनेआ रौंदा ऐ ते खचत थों रहत ऐ ॥१८॥

तुल्यनिन्दास्तुतिमौनी संतुष्टो येन केनचित् ।

अनिकेतः स्थिरमतिर्भक्तिमान्मे प्रियो नरः ॥१९॥

अतें निंदेया ते असतुति च सतुल्ल ऐ, चुपचाप रौने आला ऐ ते जे किज थोऐ उसै च संदोख करने आला ऐ ते घर दी ममता थों रहत ते टिगी दी मत्ता आला ऐ ओ भगति आला मनुख मिगी प्यारा ऐ ॥१९॥

ये तु धर्म्यामृतमिदं यथोक्तं पर्युपासते ।

श्रद्धधाना मत्परमा भक्तास्तेऽतीव मे प्रियाः ॥२०॥

ते जेकडे मेरे उप्पर गै भरोसा रखदे न मतबल जे मिगी गै पक्का आसा ते परमगति, इय्यां गै सबने दा आत्म सुरुप ते सब थों परें परम पूजा जोगडा समझियै सच्चे प्रेमा ने मिगी पाने लई जुटोए दे सरधाले मनुख इसी उप्पर दस्से दे धरम रूपाले अमरत दा निष्काम भावा ने सेवन करदे न ओ भगत मिगी मते गै प्यारे न ॥२०॥

इय्यां भगवान् सिरी कृष्ण होरें दियें आखिदियें उपनिषदें च ब्रह्मविद्या दे अंदर योग शासतरा दे सरबंधा च सिरी कृष्ण होरें ते अरजुना दी गल्ल कत्था दा भगति योगा दे नां आला बारमां ध्या मुक्का ।

ॐ

ध्या [१३]

श्रीभगवानुवाच

इदं शरीरं कौन्तेय क्षेत्रमित्यभिधीयते ।

एतद्यो वेत्ति तं प्राहुः क्षेत्रज्ञ इति तद्विदः ॥१॥

ओदे परेंत सिरी कृष्ण भगवान् फिरी बोले - ए कुन्तो दे पुत्तर ! इसा कायां गी खेतर करियै आखदेन, ते इसगी जेकडा जानदा ऐ उसी ओदे भेत गी जानने आले ज्ञानी लोक (क्षेत्रज्ञ) खेतर गी जानने आला आखदेन, ॥१॥

क्षेत्रज्ञं चापि मां विद्धि सर्वक्षेत्रेषु भारत ।

क्षेत्रक्षेत्रज्ञयोर्ज्ञानं यत्तज्ज्ञानं मतं मम ॥२॥

ते ए अरजुन ! तू सारें खेतरें च खेतरें गी जानने आला मतबल जे जीवात्मा मिगी समझ, ते खेतर ते खेतरा गी जानने आला मतबल जे विकारा सने प्रकृति ते पुरुषा दा तत्त थों जेडा जानना ऐन, ओ ज्ञान ऐ, नेआ मेरा मत (राय) ॥२॥

तत्क्षेत्रं यच्च यादृक् च यद्विकारि यतश्च यत् ।

स च यो यत्प्रभावश्च तत्समासेन मे शृणु ॥३॥

इस लेई ओ खेतर जो किश ऐ ते जनेआ ऐ, जिनें विकारें आला ऐ ते जिस करिए जेडा ओ ऐ अतें ओ खेतर गी जानने आला

बी जे किश ऐ, जिस प्रभावाला ऐ, ओ सब तू मेरे थमा
मुखतसिर सुनी लै ॥३॥

ऋषिभिर्बहुधा गीतं छन्दोभिर्विविधैः पृथक् ।

ब्रह्मसूत्रपदैश्चैव हेतुमद्भिर्विनिश्चितैः ॥४॥

ए खेतर ते खेतर गी जानने आले दा रिखियें दे जरियें मतियें
चाल्लियें ने दस्सेया दा ऐ, मतबल जे समझाया दा ऐ, ते केइयें
चाल्लियें ने वेदें दे मैतरे ने बी बखरा बखरा करियें समझाया दा ऐ,
ते चंगी चाल्ली निश्चा करियें युगतियें (दलीलें) ने सबूत करियें
ते ब्रह्म (वेदांत) दे सूत्रें दे पदें ने बी उय्यां गै आखेयादा ऐ ॥४॥

महाभूतान्यहंकारो बुद्धिरव्यक्तमेव च ।

इन्द्रियाणि दशैकं च पञ्च चेन्द्रियगोचराः ॥५॥

ते अरजुन ! उऐ आऊं तुगी दस्सना आं, जे पंज महाभूत
मतबल जे १ गास, २ व्हा, ३ अग, ४ जल, ५ धरती दा सूखम
भाव, हेंकार, बुद्ध ते मूल प्रकृति, मतलब जे त्रौं १ रजोगुण,
२ तमोगुण, ३ सतोगुण, गुणों आली माया बी ते दस इंदरियां
१ कन्न, २ खलडी, ३ अक्खियां, ४ जीव्ह, ते ४ नक्क, इयां गै
१ बोली, २ हत्थ, ३ पैर, ४ मूतरने आली इंदरी (उपस्थ) ५ गुदा,
ते इक्क मन, पंज इंदरियें दे विशे (बोलना, छूना, नुहार (रूप)
रस ते मुस्क (गंध) ॥५॥

इच्छा द्वेषः सुखं दुःखं संघातश्चेतना धृतिः ।

एतत्क्षेत्रं समासेन सविकारमुदाहृतम् ॥६॥

इच्छा (मर्जी) वैर, सुख, दुःख, जिद (स्थूल देहा दा पिंड)
धृति सने विकारें, थोड़ च (मुखतसिर) ए खेतर आखेया ऐ ॥६॥
(ठारमें ध्या दे श्लोक ३३ थों ३५ इच धृति दिक्खो)

अमानित्वमदम्भित्वमहिंसा क्षान्तिराजवम् ।

आचार्योपासनं शौचं स्थैर्यमात्मविनिग्रहः ॥७॥

ते ए अरजुन ! बड़ेवाई दा अभमान त्यागना, पखंड नई रचना, कुसै जीव गी किसै चाली बी नई सताना, शांत रौना (दुए दे कसूर गी माक करना) न्योदे रौहना (अपना हौला पुना रखना) सरधा ते भगति ने गुरें दी सेवा करना, अन्दरा बाहरा दा सुच्चे (साफ सुथरे) रौहना, कैम रौहना (डोलना नई) ते अपने आप गी मन ते इंदरियें सने बसा (काबू) च रखना ॥७॥

इन्द्रियार्थेषु वैराग्यमनहंकार एव च ।

जन्ममृत्युजराव्याधिदुःखदोषानुदर्शनम् ॥८॥

अतें इस लोक ते परलोक दे सारे भोग च खचत थों बचना ते हैंकारा गी छोड़ना, जम्मने मरने, बुढ़ापे, मांदगियें ते दुःखें दे दोसैं गी बार-बार विचारदे रौहना ॥८॥

असक्तिरनभिष्वङ्गः पुत्रदारगृहादिषु ।

नित्यं च समचित्तत्वमिष्टानिष्टोपपत्तिषु ॥९॥

पुत्तर, स्त्री ते घर ते धन उन च तांग ते ममता (लाग्गा देग्गा) नई रखना, प्यारियें ते दुप्यारियें वस्तें दे थोने ते नई थोने च खुशी ते वसोस बी नई करना, मतवल जे चंगियें ते माड़ियें सवने गल्लें च इक्का नेआ मन गी रखना ॥९॥

मयि चानन्ययोगेन भक्तिरव्यभिचारिणी ।

विविक्तदेशसेवित्वमरतिर्जनसंसदि ॥१०॥

ते मेरे परमेस्सेर च मन चित लाइयै शुद्ध भावा (साफ दिल) ते अटल भगति करनी, निकेबबले ते सुच्चे थारा च रौहने छौने

आला सव्हा रखना, लोकें दी भीड़ा भाड़ा ते भैड़े मनुक्खें दियें
सभा सुसाटियें च नईं पौना (फसना) ॥१०॥

अध्यात्मज्ञाननित्यत्वं तत्त्वज्ञानार्थदर्शनम् ।

एतज्ज्ञानमिति प्रोक्तमज्ञानं यदतोऽन्यथा ॥११॥

अध्यात्म ज्ञान मतबल जे आत्म वस्त ते अनात्म वस्त दे
जानने समझने च नित्त लगे रौना तत्तज्ञान दे अर्थ रूपाले परमेस्सरा
गी सबने थारें च दिक्खना, ए सब ज्ञान खुआंदा ऐ, ते जेड़ा एदे
थमां पुट्ठा ऐ ओ अज्ञान ऐ ॥११॥

ज्ञेयं यत्तत्प्रवक्ष्यामि यज्ज्ञात्वामृतमश्नुते ।

अनादिमत्परं ब्रह्म न सत्तन्नासदुच्यते ॥१२॥

ते ए अरजुन ! जेड़ा जानने जोगड़ा ऐ अतें जिसी जानियें
मनुख परमानंद गी पाई लैदा ऐ, आऊं उसी चंगी चाल्ली तुगी
आखड, ओ आदरैहत पर ब्रह्म (जिस दा वखान करना बड़ा ओखा
ऐ) ते जेड़ा नईं सत् ते नईं गै असत् आखेया जंदा ऐ ॥१२॥

सर्वतः पाणिपादं तत्सर्वतोऽक्षिशिरोमुखम् ।

सर्वतः श्रुतिमल्लोके सर्वमावृत्य तिष्ठति ॥१३॥

पर ओ सबने पास्से हत्थें पैरें आला, सारें आस्से अक्खियें,
सिरें ते मुएं आला ते सबने बक्खियें कन्नें आला ऐ, कीजे ओ
संसार इच सब गी व्याप्त करिये मतबल जे अपने च रखिये टिगेया
रौंदा ऐ ॥१३॥

सर्वेन्द्रियगुणाभासं सर्वेन्द्रियविवर्जितम् ।

असक्तं सर्वभृच्चैव निर्गुणं गुणभोक्तृ च ॥१४॥

ते सबने इंदरियें दे विशें दा म्हैरम ओने उप्पर बी ओ असली

च सबनँ इंदरियें थमां रैहत ऐ, ते लागा थों रैहत ऐ ते गुणों गी
ल्वांगी जाने उप्पर बी ओ अपनी योग माया दे जोरा ने सबनँ दा
धारने पोस्सने आला ते गुणों गी भोगने आला ऐ ॥१४॥

बहिरन्तश्च भूतानामचरं चरमेव च ।

सूक्ष्मत्वात्तदविज्ञेयं दूरस्थं चान्तिके च तत् ॥१५॥

ते ओ परमात्मा चलने ते टिगे गै रौहने आलें सबनँ जीवें दे
अन्दर बी ते बाहर बी ऐ, चलने फिरने आला बी ते टिगे रौने
आला बी ओऐ, दूर बी ओऐ ते कोल बी ओऐ, पर सूखम ओने
करी ओ सेई नईं हूँदा ऐ ॥१५॥

अविभक्तं च भूतेषु विभक्तमिव च स्थितम् ।

भूतभर्तृ च तज्ज्ञेयं ग्रसिष्णु प्रभविष्णु च ॥१६॥

ते ओ नईं बंडोआ दा ओने उप्पर बी मन्नो प्राणियें च
वक्खो बक्ख बंडोइऐ टिगे दा ऐ मतबल जे इक रूपाने स्माना
आंगर भरपूर ओआ दा बी चराचर सारें भूत प्राणियें च बक्खरै-
बक्खरे आंगर टिगेया दा सेई ओँदा ऐ । ते ओ जानने जोगड़ा
परमात्मा विष्णु रूपाने जीवें गी धारने पोस्सने आला ते रुद्र
रूपाने ग्रसने (संहार करने) आला अतें ब्रह्मा रूपा ने सबनँ गी
जन्म देने आला ऐ ॥१६॥

ज्योतिषामपि तज्ज्योतिस्तमसः परमुच्यते ।

ज्ञानं ज्ञेयं ज्ञानगम्यं हृदि सर्वस्य विष्ठितम् ॥१७॥

ते ओह ब्रह्म ज्योतियें दा बी ज्योति, इय्यां गै माया थमां बी
अबी गै परे अखुआंदा ऐ ते ओ परमात्मा ज्ञानसुरूप ते जानने
जोगड़ा ऐ ते तत्तज्ञाना ने पाने जोगड़ा ते सबनँ दे हिरदे च टिगेया
रौँदा ऐ ॥१७॥

इति क्षेत्रं तथा ज्ञानं ज्ञेयं चोक्तं समासतः ।

मद्भक्त एतद्विज्ञाय मद्भावायोपपद्यते ॥१८॥

ए अरजुन ! इस चाल्ली ज्ञान ते जानने जोगड़ा परमात्मा दा
सुरूप मुखतसिर (थोड़े च) आखेया ऐ, इसी तत्ता ने जानिये मेरा
भगत मेरे सुरूप गी पाई लैदा ऐ ॥१८॥

प्रकृतिं पुरुषं चैव विद्वद्यनादी उभावपि ।

विकारांश्च गुणांश्चैव विद्वि प्रकृतिसंभवान् ॥१९॥

ते ए अरजुन ! प्रकृति मतबल जे त्रौगुणें आली मेरी माया
ते जीवात्मा मतबल जे खेतरा गी जानने आला इनें दौनें गी गै
तू अनादि समझ, ते प्रेम, वैर ऊर विकारें गी ते त्रौगुणें आलें
सारें पदारथें गी बी प्रकृति थमां गै जन्म लैने आले समझ ॥१९॥

कार्यकरणकर्तृत्वे हेतुः प्रकृतिरुच्यते ।

पुरुषः सुखदुःखानां भोक्तृत्वे हेतुरुच्यते ॥२०॥

कीजे जेकड़ा कीता जा ओ होआ कारज, ते जेदे ने कीता
जा ओ होआ करण, इन्दे करने च जेड़ा कारण ऐ ओ प्रकृति
खुआंदी ऐ, अतें जीवात्मा सुखें दुःखें गी भोगने च कारण
खुआंदा ऐ ॥२०॥

पुरुषः प्रकृतिस्थो हि भुङ्क्ते प्रकृतिजान्गुणान् ।

कारणं गुणसङ्गोऽस्य सदसद्योनिजन्मसु ॥२१॥

पर माया च पेआ दा गै जीवात्मा माया थों बने दे त्रौगुणें
आले सबने पदारथें गी भोगदा ऐ ते इने गुणें दा लाग्गा गै इस
जीवात्मा दा चंगियें ते मंदियें योनियें (जूनें) च जन्म लैने दा
कारण ऐ ॥२१॥

उपद्रष्टानुमन्ता च भर्ता भोक्ता महेश्वरः ।

परमात्मेति चाप्युक्तो देहेऽस्मिन्पुरुषः परः ॥२२॥

असली च तां ए जीवात्मा इस देहा च टिगेया दा बी पर त्रौगुणें आल्ली माया थों सबने चाल्ली त्वांगी गेया दा ऐ, छड़ा साखी ओने मूजब निगरान ऐ ते ठीक सम्मति (राय) देने करी अनुमता (तसदीक करने आला) अतें सबने दा धारण करने आला ओने ने भर्ता, जीव रूपाला भोक्ता (भोगने आला) ते ब्रह्मा उम्मा दा स्वामी ओने करी महेश्वर ते शुद्ध सच्चिदानन्दघन ओने करी परमात्मा ऐ नेआ आखेया गेया ऐ ॥२२॥

य एवं वेत्ति पुरुषं प्रकृतिं च गुणैः सह ।

सर्वथा वर्तमानोऽपि न स भूयोऽभिजायते ॥२३॥

इस चाल्ली जीवात्मा ते गुणें सनें माया गी जेड़ा मनुख तत्ता ने (असली च) जानदा ऐ ओ सबनें चाल्ली वरतदे ओई बी मुड़ियै जरम नई लेंदा मतबल जे फिरी जम्मने आले चक्कर इच नई फसदा ऐ ॥२३॥

ध्यानेनात्मनि पश्यन्ति केचिदात्मानमात्मना ।

अन्ये सांख्येन योगेन कर्मयोगेन चापरे ॥२४॥

ए अरजुन ! केई मनुख तां उस परम पुरुष परमात्मा गी सूखम सुच्छ बुद्धा ने ध्याना दे जरियै हिरदे च दिखदे न, ते केई दुए मनुख गै ज्ञान योग दे जरियै दिखदे न ते होर केई तां निष्काम करम योग दे जरियै दिखदे न ॥२४॥

अन्ये त्वेवमजानन्तः श्रुत्वान्येभ्य उपासते ।

तेऽपि चातितरन्त्येव मृत्युं श्रुतिपरायणाः ॥२५॥

पर बाकी दे इन्दे थों दुए जेड़े न जिने गी नेआ ज्ञान नई
ऐ मंद बुद्ध (घट्ट अकला) आले मनुख न आ दुए थमां सुनियै
भजन करदे न ते ओह बी मौत रूपाले समुन्द्र गी भलेयां टप्पी
जन्दे न ॥२५॥

यावत्संजायते किञ्चित्सत्त्वं स्थावरजङ्गमम् ।

क्षेत्रक्षेत्रज्ञसंयोगात्तद्विद्धि भरतर्षभ ॥२६॥

ए भरत बैसियें च स्रष्टे अरजुन ! कुल्ल जे किज बी जड़ ते
चेतन (जानाली) वस्त बनदी ऐ उसी सारी गी गै तूं खेतर ते
खेतर दे जानने आले दे संयोग (मेल) थों गै बनदी ऐ नेआ समझ,
मतबल जे प्रकृति ते पुरष दे आपूं बिच्चा दे सरबंधा ने गै सारा
संसार (ज्हान) बनदा ऐ, असली च तां सारा जगत् (दुनियां)
नासाला ते खिना च भंग ओने करी अनित्त गै ऐ ॥२६॥

समं सर्वेषु भूतेषु तिष्ठन्तं परमेश्वरम् ।

विनश्यत्स्वविनश्यन्तं यः पश्यति स पश्यति ॥२७॥

इस चाल्ली समझिये जेकड़ा मनुख मरने गलने आलें सबन
जीवें जनुएं च नास थों रैत ते इक्का नेआ रौहने आले परमेस्सर
गी दिखदा ऐ ओह गै तां दिखदा ऐ ॥२७॥

समं पश्यन् हि सर्वत्र समवस्थितमीश्वरम् ।

न हिनस्त्यात्मनामानं ततो याति परां गतिम् ॥२८॥

कीजे ओह मनुख सबन इच इक्का नेआ रौहने आले परमेस्सर
गी दिखदे ओई अपने जरिये अपने आप गी गरक (नष्ट) नई
करदा ऐ, मतबल जे जिंदू दा नास ओने ने अपना नास नई मनदा
इस थमां ओ परमगति गी पाई लैदा ऐ ॥२८॥

प्रकृत्यैव च कर्माणि क्रियमाणानि सर्वशः ।

यः पश्यति तथात्मानमकर्तारं स पश्यति ॥२९॥

ते जेड़ा मनुख सबनें चाल्लिये असली च प्रकृति दे जरिये गै सब कम्म ओदे न ए गल्ल दिखदा ऐ ते आत्मा गी किज नईं करने आला दिखदा (समझदा) ऐ ओह गै तां दिखदा ऐ ॥२९॥

यदा भूतपृथग्भावमेकस्थमनुपश्यति ।

तत एव च विस्तारं ब्रह्म संपद्यते तदा ॥३०॥

ते ए मनुख जिस एलै जीवें दे बक्खरे बक्खरे ढंगे गी इक्क परमात्मा दे संकल्प दे स्थारे दिखदा ऐ उस परमात्मा दे संकल्पा (मन दे ख्यालें) ने गै सारे जीवें दा खलार दिखदा ऐ उस एलै सच्चिदानंदधन ब्रह्म (सत्=नित्त, चित्=चेतनाला, आनंदधन=घनेनंदा आला, ब्रह्म=परमात्मा) गी पाई लैदा ऐ ॥३०॥

अनादित्वान्निर्गुणत्वात्परमात्मायमव्ययः ।

शरीरस्थोऽपि कौन्तेय न करोति न लिप्यते ॥३१॥

ए अरजुन ! अनादि जेदे आद=मुंड दा गै पता नईं) ओने करी ते निर्गुण ओने करी ए नास थों रैत परमात्मा जिहू इच रौंदा ओई बी असली च लिपडोंदा नईं ऐ ॥३१॥

यथा सर्वगतं सौक्ष्म्यादाकाशं नोपलिप्यते ।

सर्वत्रावस्थितो देहे तथात्मा नोपलिप्यते ॥३२॥

जिय्यां समनें थाएं च विछेया (फैलेया) दा गास सूखम ओने मूजब लिपडोंदा नईं ऐ उआं गै सब जगह देह इच हुंदे ओई

बी आत्मा गुणों थों रहत ओने करी देह दे गुणों ने नई
लिपडोंदा ऐ ॥३२॥

यथा प्रकाशयत्येकः कृत्स्नं लोकमिमं रविः ।

क्षेत्रं क्षेत्री तथा कृत्स्नं प्रकाशयति भारत ॥३३॥

ए अरजुन ! जिआं इक्क गै सूरज इसी सारे ब्रह्मांडागी
लोदिंदा ऐ, उआं गै इक्कै आत्मा सारे खेतर (देह) गी चानन करी
दिंदा ऐ, मतबल जे नित्तज्ञान रूपाले इक्क आत्मा दी गै सत्ताने
सारा जड़जुंग गै लोई च आई जंदा ऐ ॥३३॥

क्षेत्रक्षेत्रज्ञयोरेवमन्तरं ज्ञानचक्षुषा ।

भूतप्रकृतिमोक्षं च ये विदुर्यान्ति ते परम् ॥३४॥

इस चाल्ली खेतर ते खेतर दे जानने आले दे भेत गी अतें
विकारें सनें प्रकृति थों छुड़कने दे उपां गी जेड़े मनुख ज्ञानालियें
अक्खियें ने तत्ता (असली भेता) ने जानदे न ओह म्हात्मा लोक गै
परमात्मा गी पांदे न ॥३४॥

इस चाल्ली भगवान् होरें दियें आखिदियें उपनिषदें च ब्रह्म
विद्या दे अन्दर योग शासतरा दे वारे च सिरी कृष्ण ते अरजुन हुंदी
गल्ला कत्था दा क्षेत्र क्षेत्रज्ञ विभाग योग नां आला तेरमां
ध्या मुक्का ।

ॐ

ध्या [१४]

श्रीभगवानुवाच

परं भूयः प्रवक्ष्यामि ज्ञानानां ज्ञानमुत्तमम् ।

यज्ज्ञात्वा मुनयः सर्वे परा सिद्धिमितो गताः ॥१॥

एदे परैत सिरी कृष्ण भगवान् बोले, ए अरजुन ! ज्ञानें च बी मते गै छैल परम ज्ञान गी आऊं फिरी बी तेरे लेई आखड, के जिस गी जानियै सब मुनि लोक इस संसार थमां छुड़किये परम (पूरी) सिद्धि गी पाई चुक्के दे न ॥१॥

इदं ज्ञानमुपाश्रित्य मम साधर्म्यमागताः ।

सर्गेऽपि नोपजायन्ते प्रलये न व्यथन्ति च ॥२॥

ए अरजुन ! इस ज्ञाना दा आत्मा लेइये मेरे सुरूप गी पाई करी सृष्टि दे आद इच मुड़िये नईं जमदे न ते पर लो ओने उप्पर बी नईं घावरदे न कीजे उन्दी नजरी च मेरे वासदेव थों बगैर दुई होर बक्खी किज वस्त ऐ गै नई ॥२॥

मम योनिर्महद्ब्रह्म तस्मिन्गर्भं दधाम्यहम् ।

संभवः सर्वभूतावां ततो भवति भारत ॥३॥

ए अरजुन ! मेरी परधान ब्रह्मरूपाली मतबल जे त्रों गुणों आली माया सारे जीवें दी जून ऐ, मतबल जे गर्भाधान दा थां ऐ,

ते आऊं उस जून इच जान (चेतना) रूपाला बी पाना आं, उस जड़ ते चेतन दे मेला करी सारें जीवें दी पदाश हुंदी ऐ ॥३॥

सर्वयोनिषु कौन्तेय मूर्तयः संभवन्ति याः ।

तासां ब्रह्म महद्योनिरहं बीजप्रदः पिता ॥४॥

अतें ए अरजुन ! नेकें चाल्लियें दी सबनें जूनें/च जिन्नियां मूरतियां मतवल जे जिंदां हुंदियां न, उनें सबनें दी त्रौंगुणें आली माया ब्रह्म बड्डी जून मतवल जे गर्भ गी धारण करने आली मा ऐ ते आऊं बी पाने आला वब्ब आं ॥४॥

सत्त्व रजस्तम इति गुणाः प्रकृतिसंभवाः ।

निबध्नन्ति महाबाहो देहे देहिनमव्ययम् ॥५॥

ते ए अरजुन ! सतोगुण, रजोगुण ते तमोगुण ए प्रकृति थमां पैदा ओए दे त्रैवे गुण नास थों रहत जीवात्मा गी कायां (जिंदू) च बन्ना दे न ॥५॥

तत्र सत्त्वं निर्मलत्वात्प्रकाशकमनामयम् ।

सुखसङ्गनेन बध्नाति ज्ञानसङ्गनेन चानघ ॥६॥

ए निष्पाप ! उनें त्रौनें गुणें च लो देने आला विना दोस्सा दे सतोगुण बेमैल आने करी सुख दे लाग पलेचाने मतवल जे ज्ञान दे अभमाना ने बन्नी ओड़दा ऐ ॥६॥

रजो रागात्मकं विद्धि तृष्णासङ्गसमुद्भवम् ।

तन्निबध्नाति कौन्तेय कर्मसङ्गनेन देहिनम् ॥७॥

ते ए अरजुन ! रागरूपाला रजोगुण लालसा ते ममता दी तांग थों जमदा ऐ अतें कम्मे काजें दी ते उन्दे फलें दी चाह कन्ने जीवात्मा गी बन्नी दिंदा ऐ ॥७॥

तमस्त्वज्ञानजं विद्धि मोहनं सर्वदेहिनाम् ।

प्रमादालस्यनिद्राभिस्तन्निबध्नाति भारत ॥८॥

ते ए अरजुन ! सारें देह दे अभमानालेंगी मोहने आला तमोगुण अज्ञान थों जमदा ऐ, ओह इसी जीवात्मा गी लटर मस्ती, सुस्ती (आलस) ते नींदराने बन्नदा ऐ ॥८॥

सत्त्वं सुखे संजयति रजः कर्मणि भारत ।

ज्ञानमावृत्य तु तमः प्रमादे संजयत्युत ॥९॥

कीजे ए अरजुन ! सतोगुण सुख इच लांदा ऐ ते रजोगुण कम्म इच अतें तमोगुण तां ज्ञान गी खट्टी करियै लटर मस्ती च लांदा ऐ ॥९॥

रजस्तमश्चाभिभूय सत्त्वं भवति भारत ।

रजः सत्त्वं तमश्चैव तमः सत्त्वं रजस्तथा ॥१०॥

ते ए अरजुन ! रजोगुण गी ते तमोगुण गी दब्बिये सतोगुण हुंदा ऐ मतबल जे बददा ऐ अतें रजोगुण गी ते सतोगुण गी तां दब्बियै तमोगुण बदी जंदा ऐ, उआं गै तमोगुण गी ते सतोगुण गी दब्बियै रजोगुण बददा ऐ ॥१०॥

सर्वद्वारेषु देहेऽस्मिन्प्रकाश उपजायते ।

ज्ञानं यदा तदा विद्याद्विवृद्धं सत्त्वमित्युत ॥११॥

इस लेई जिसएल्लै इस कायां दे सबने दरबाजें च चान्ननी ओणें मतबल जे एंताकरणा ते इंदरियें च जान ते ज्ञान जोरा च सेई ओन तां उसएल्लै समझां जे सतोगुण बदे दा ऐ ॥११॥

लोभः प्रवृत्तिरारम्भः कर्मणामशमः स्पृहा ।

रजस्येतानि जायन्ते विवृद्धे भरतर्षभ ॥१२॥

ते ए अरजुन ! रजोगुण दे बदने उप्पर लालच, चटक, स्वार्थाली (खुदगरजी आली) बुद्धा ने सबनें चाल्लिये दे कम्में दा रंभ वेचैनी मतवल जे मना दा डावांडोल रौना ते विशे भोगे दे भोगने दी लालसा ए सब गै हुंदे न ॥१२॥

अप्रकाशोऽप्रवृत्तिश्च प्रमादो मोह एव च ।

तमस्येतानि जायन्ते विवृद्धे कुरुनन्दन ॥१३॥

अते ए अरजुन ! तमोगुण दे बदने उप्पर न्हेरा, आलस, लापरवाई ते अज्ञान (वे समझी) मतवल जे एंताकरणा ते इंदरिये च न्हेरा, करने जोगड़े कम्में च आलस, ते वे अर्थ हरकत ते एंता-करणा दियां भरमाने आलियां गल्लां ए सब गै हुंदियां न ॥१३॥

यदा सत्त्वे प्रवृद्धे तु प्रलयं याति देहभृत् ।

तदोत्तमविदां लोकानमलान्प्रतिपद्यते ॥१४॥

ते ए अरजुन ! जद ए जीवात्मा सतोगुण दे बादे उप्पर मरदा ऐ तद तां एह उत्तम करम करने आले दे दिब्व सुरग उरगाले लोकें च जाई पुजदा ऐ ॥१४॥

रजसि प्रलयं गत्वा कर्मसङ्गिषु जायते ।

तथा प्रलीनस्तमसि मूढयोनिषु जायते ॥१५॥

ते रजोगुण दे बदने उप्पर मतवल जे जिसएल्लै रजोगुण बदेआ दा हुंदा ऐ उसएल्लै मरियै करमें दी लागा तांगालें मनुखें च जाई जमदा ऐ अते तमोगुण दे बदने उप्पर मोआ दा मनुख, पशु, पक्खरु, कीड़े, मकोड़े, ऊर्द्धे आलिये मूढ़ जूनें च जाई जमदा ऐ ॥१५॥

कर्मणः सुकृतस्याहुः सात्त्विकं निर्मलं फलम् ।

रजसस्तु फलं दुःखमज्ञानं तमसः फलम् ॥१६॥

कीजे चंगें (सात्त्विक) करमें दा फल सतोगुणी मतबल जे सुख, ज्ञान ते वराग ऊग सुच्छ फल लिखेया दा ऐ ते रजोगुण दा फल दुःख अतें तमोगुण दा फल अज्ञान ऐ ॥१६॥

सत्त्वात्संजायते ज्ञानं रजसो लोभ एव च ।

प्रमादमोहौ तमसो भवतोऽज्ञानमेव च ॥१७॥

अतें सतोगुण थों ज्ञान हुँदा ऐ ते रजोगुण थों लालच गै हुँदा ऐ ते तमोगुण थों लटरमस्ती ते मोह अतें अज्ञान हुँदा ऐ ॥१७॥

ऊर्ध्वं गच्छन्ति सत्त्वस्था मध्ये तिष्ठन्ति राजसाः ।

जघन्यगुणवृत्तिस्था अधो गच्छन्ति तामसाः ॥१८॥

इस लेई सतोगुण च रौहने आले मनुख सुरग उरग उपरलें लोकें गी जंदे न ते रजोगुण च रौहने आले मझेंटे आले मतबल जे मात लोक इच गै रौंदे न ते जेकड़े तमोगुण च रौंदे न ओ तां भिगड़े गै जंदे न, मतबल जे कीड़े, मकोड़े, पशुएं ते पखेरुएं दी गै जूनें च भड़कदे रौंदे न ॥१८॥

नान्यं गुणेभ्यः कर्तारं यदा द्रष्टानुपश्यति ।

गुणेभ्यश्च परं वेत्ति मद्भावं सोऽधिगच्छति ॥१९॥

ते ए अरजुन ! जिसएल्लै पारखी गुणों थों बक्खरे होर दुए कुसै गी करने आले गी मतबल जे सवने च रली घुलियै इक्क ओइऐ रौंदे ओई साखी मनुख गी त्रौनें गुणों दे लाबै होर दुआ कोई करने आला नई लवदा मतबल जे गुण गै गुणों च बरतदे न इयां सेई ओंदा ऐ ते त्रौनें गुणों थों मूल गै परें सच्चिदानंद घनसुरूपाले

मिगी परमात्मा गी तत्त थों जानदा ऐ उसएल्लै ओ मनुख मेरे सुरूपा
गी पुजदा ऐ ॥१६॥

गुणानेतानतीत्य त्रीन्देही देहसमुद्भवान् ।

जन्ममृत्युजरादु खैर्विमुक्तोऽमृतमश्नुते ॥२०॥

अतें ए मनुख इनें स्थूल कायार्थें दे जम्मने करी त्रीने गुणों गी
त्वांगियै जम्मने, मरने, बढेपे ते सबने चाल्लियें दे दुःखें थों छुड़कियै
परमानंद गी पांदा ऐ ॥२०॥

अर्जुन उवाच

कैलिङ्गैस्त्रीन्गुणानेतानतीतो भवति प्रभो ।

किमाचारः कथं चैतांस्त्रीन्गुणानतिवर्तते ॥२१॥

इस चाल्ली सिरी भगवान् हुंदे गुवराले बचनें गी सुनिये
अरजुन बोलेया, ए पुरषोत्तम ! इनें त्रीने गुणों गो त्वांगिये गेदे
मनुख दे कुन गड़ लक्खनन, ते के ओदा वसव हुंदा ऐ अतें ए प्रभु
जी ! कियां ओ इनें त्रीने गुणों गी त्वांगी जंदा ऐ ॥२१॥

श्रीभगवानुवाच

प्रकाशं च प्रवृत्तिं च मोहमेव च पाण्डव ।

न द्वेष्टि संप्रवृत्तानि न निवृत्तानि काङ्क्षति ॥२२॥

इस चाल्ली अरजुन दे पुच्छने उप्पर भगवान् बोले, ए पांडव !
जेड़ा मनुख सतोगुण दे कार्यरूपाली लोई गी ते रजोगुण दे कार्य-
रूपाले चटके (शौक) गी ते तमोगुण दे कार्यरूपाले मोह (अज्ञान =
खुमारी) गी नई ओने उप्पर बुरा मनदा ऐ ते नई गी नई ओने
उप्पर उन्दी चाह करदा ऐ ॥२२॥

उदासीनवदासीनो गुणैर्यो न विचाल्यते ।

गुणा वर्तन्त इत्येव योऽवतिष्ठति नेङ्गते ॥२३॥

अतें जेड़ा साखी आंगू टिगेया दा गुणों दे जरिये अपने थाराथों परें नईं कीता जाई सकदा ऐ ते गुण गै गुणों च बरतदे न नेआं समझदे ओई जेड़ा सच्चिदानंदधन परमात्मा दे च इक्क रूप ओई ऐ जम्मेया दा रौंदा ऐ अतें उस तरीके थों बिंद बी पिच्छें नईं हुंदा ऐ ॥२३॥

समदुःखसुखः स्वस्थः समलोष्टाश्मकाञ्चनः ।

तुल्यप्रियाप्रियो धीरस्तुल्यनिन्दात्मसंस्तुतिः ॥२४॥

ते जेड़ा लगातार आत्म भाव इच टिगेया दा दुःख ते सुख गी बरोबर समझने आला ऐ ते मिट्टी, बट्टे ते सुन्ने गी बी बरोबर समझने आला ते धीरजाला (ध्रोता दा) ऐ, अतें जेड़ा प्यारी ते दुप्यारी पस्त गी बी इक्का नेआ मिथदा ऐ ते अपनी बदनामी तेसलाघा इच बी किज फरक नईं समझदा ऐ ॥२४॥

मानापमानयोस्तुल्यस्तुल्यो मित्रारिपक्षयोः ।

सर्वारम्भपरित्यागी गुणातीतः स उच्यते ॥२५॥

अतें जेड़ा आदर ते निरादर इच इक्का नेआ ऐ मित्तर ते बैरिया दे पक्खा च बी बरोबर गै ऐ ओ सबने कम्में दे रंभने च कर्ता पुने दे अभमाना थों रहत ओआ दा मनुख गुणातीत (गुणों गी ल्वांगेया दा) खुआंदा ऐ ॥२५॥

मां च योऽव्यभिचारेण भक्तियोगेन सेवते ।

स गुणान्समतीत्यैतान्ब्रह्मभूयाय कल्पते ॥२६॥

ते जेड़ा मनुख निष्काम ते सच्चे मनाने भगति योग दे जरिये

सारें प्राणियें दे हिरदे च रौने आले गी मिगी परमेस्सर गी भजदा
ऐ ओ इनें त्रौनें गुणों गी ल्वांगिए सच्चिदानंदधन ब्रह्म दे इच इक्क
ओई जाने मूजब मुक्ति पाने दे लायक बनी जंदा ऐ ॥२६॥

ब्रह्मणो हि प्रतिष्ठाहममृतस्याव्ययस्य च ।

शाश्वतस्य च धर्मस्य सुखस्यैकान्तिकस्य च ॥२७॥

ए अरजुन ! उस अविनाशी पर ब्रह्म दा ते अमरत ते नित्त
धरया दा अतें पूरे इक रसाले नंदा दा आऊं गै आस्त्रा आं, मतवल
जे ब्रह्म, अमृत, अव्यय ते शाश्वत (सनातन) धरम ते एकांतिक
ए सब मेरे गै नां न, इस लेई इंदा आऊं परम (पक्का)
आस्त्रा आं ॥२७॥

इय्यां भगवान् होरें दियें आखीदियें उपनिषदें च ब्रह्म विद्या
दे अंदर योग शासतरा दे सरबंधा च सिरी कृष्ण ते अरजुन हुँदी
गल्ता कत्था दा “गुण त्रय विभाग योग” दे नां आला चौदमां
ध्या मुक्का ।

ॐ

ध्या [१५]

श्रीभगवानुवाच

ऊर्ध्वमूलमधःशाखमश्वत्थं प्राहुरव्ययम् ।

छन्दांसि यस्य पर्णानि यस्तं वेद स वेदवित् ॥१॥

ओदे परैत सिरी भगवान् बोले, ए अरजुन ! आद पुरुष परमेस्सर रूपी मुंडुले ते ब्रह्मारूप मुखटालें आले जिसी ससार रूपाले बड़ा दे बूटे गी अविनाशी आखदे न, ते जेदे वेद पत्तर खुआदे न उसी ससार रूपाले बूटे गी जेड़ा मनुख मुंडुआसने तत्त थों जानदा ऐ ओ वेद दे मतबल गी जानने आला ऐ ॥१॥

अधश्चोर्ध्वं प्रसृतास्तस्य शाखा

गुणप्रवृद्धा विषयप्रवालाः ।

अधश्च मूलान्यनुसंततानि

कर्मानुबन्धीनि मनुष्यलोके ॥२॥

ते ऐ अरजुन ! उस संसार रूपाले बूटे दियां त्रीं गुणों दे रूपाले पानो दे जरियै बदी दियां अतें विशे भोगरूपाले डूरें आलियां देवते' मनुख ते पमु, पखेरू ऊरू जून रूपालियां टाल्लियां हेठ ते उप्पर सबने थाएं च फैली दियां ते मात लोका च करमें दे अनसार बन्नने आलियां हेंकार ममता ते वासना रूपालियां जड़ां खल्ल दूरा तगर गेई दियां न ॥२॥

न रूपमस्येह तथोपलभ्यते
नान्तो न चादिर्न च संप्रतिष्ठा ।

अश्वत्थमेनं सुविरूढमूल-
मसङ्गशस्त्रेण दृढेन छित्त्वा ॥३॥

पर इस संसार रूपाले बड़ा दे बूटे दा जनेआ रूप आखेया ऐ
उऐ नेआ इत्थें सोच विचार एलै नईं सेई हुँदा ऐ, कीजे नईं एदा
आद ऐ ते नईं गै एदा एत ऐ, अतें नईं गै चंगी चाल्ली खड़ोता
दा सेई हुँदा ऐ, इस लेई हेंकार, ममता ते वासना रूपाले पक्कियें
जड़ें आले संसाररूपाले बड़ा दे बूटे गी सखत वराग रूपाले थ्यारा
ने कप्पियै ॥३॥

ततः पदं तत्परिमार्गितव्यं
यस्मिन्गता न निवर्तन्ति भूयः ।

तमेव चाद्यं पुरुषं प्रपद्ये

यतः प्रवृत्तिः प्रसृता पुराणी ॥४॥

ओदे वाद उसी परमपदरूपाले परमेस्सर गी भलेयां तुप्पना
लोड़चदा ऐ कीजे जिस च गेदे मनुख फिरी मुड़ियै संसार इच नईं
आऊंदे न, अतें जिस परमेस्सर थों ए पुराने संसाररूपाले बड़ा दे
बूटे दे खलाराली गल्ल ओई ऐ आऊं उसै आद पुरुष नारायण दी
शरण इच आं, इस चाल्ली पक्का निश्चा करियै ॥४॥

निर्मानमोहा जितसङ्गदोषा
अध्यात्मनित्या विनिवृत्तकामाः ।

द्वन्द्वैविमुक्ताः सुखदुःखसंज्ञै-

र्गच्छन्त्यमूढाः पदमव्ययं तत् ॥५॥

जिनें मान ते मोह गी छोड़ी ओड़ेआ दा ऐ ते लागा तांगाला
दोस बी जित्ती लेआ दा ऐ ते जेड़े परमात्मा दे ध्याना च नित्त
लगे रौंदे न ते जिंदी कोई कामना बी नईं रौंदी ऐ अतें सुख ते
दुःख दे नाएं आलें जोड़ें थमां बी जेड़े छुड़की गेदे न, ओ ज्ञानी
मनुख उस नास रहत परम धाम गी जाई पुजदे न ॥५॥

न तद्भासयते सूर्यो न शशाङ्को न पावकः ।

यद्गत्वा न निवर्तन्ते तद्धाम परमं मम ॥६॥

ते उसी अपने आप लोई आले परमपद गी नईं सूरज लो
दिंदा ऐ नईं चन्न चाननी दिंदा ऐ ते नईं अग लो करदी ऐ ते
जित्थें मेरे परमधाम च पुज्जियै मनुख मुड़ियै पिच्छें संसार इच
नईं आऊंदे न, ओ गै मेरा परम धाम ऐ ॥६॥

ममैवांशो जीवलोके जीवभूतः सनातनः ।

मनः षष्ठानीन्द्रियाणि प्रकृतिस्थानि कर्षति ॥७॥

ते ए अरजुन ! इस कायां च ए जीवात्मा मेरा गै भलोका
एंस ऐ, ते ओ गै त्रौंगुणें आली माया च छेमे मना सने रौने
आलियें पञ्जें इंदरियें गी खिचदा ऐ ॥७॥

शरीरं यदवाप्नोति यच्चाप्युत्क्रामतीश्वरः ।

गृहीत्वैतानि संयाति वायुर्गन्धानिवाशयात् ॥८॥

कियां जे जियां मुस्काले थारा थों ह्वा मुस्का गी लेऐ दुरी
जंदी ऐ उआं गै देह ऊहदा मालक जीवात्मा बी जिसी पैले देह गी
छोड़दा ऐ ओदे थों मनासने इंदरियें गी लेइयै फिरी जिस देह गी
भारदा ऐ उत्थें गै उठी जंदा ऐ ॥८॥

श्रोत्रं चक्षुः स्पर्शनं च रसनं घ्राणमेव च ।

अधिष्ठाय मनश्चायं विषयानुपसेवते ॥९॥

ते उस कायां च रौंदे ओई ए जीवात्मा कन्न, अक्ख, खलड़ी,
जीह्व, नक्क ते मन दा सहारा लेऐ गै विशें गी भोगदा ऐ ॥६॥

उत्क्रामन्तं स्थितं वापि भुञ्जानं वा गुणान्वितम् ।

विमूढा नानुपश्यन्ति पश्यन्ति ज्ञानचक्षुषः ॥१०॥

पर देह थों निकल देणी, देह इच रौंदे गी ते उत्थें रौंदे ओई
विशें गी भोगदे गी जां त्रौं गुणों ने रले मिले देगी अज्ञानी लोक
नईं दिखदे न, छड़े ज्ञानरूपाली अक्खियें आले गै असली च
दिखदे न ॥१०॥

यतन्तो योगिनश्चैनं पश्यन्त्यात्मन्यवस्थितम् ।

यतन्तोऽप्यकृतात्मानो नैनं पश्यन्त्यचेतसः ॥११॥

कीजे योगी लोक बी अपने हिरदे च रौंदे इसी आत्मा गी
जतन करने ने गै असली च जानदे न, अतें जिनें अपने एंताकरणा गी
सुच्छ नईं कीता दा ऐ ओने अल्हड़ मानु तां जतन करने उप्पर बी
इसी आत्मा गी नईं गै जानदे न ॥११॥

यदादित्यगतं तेजो जगद्भासयतेऽखिलम् ।

यच्चन्द्रमसि यच्चाग्नौ तत्तेजो विद्धि मामकम् ॥१२॥

ते ए अरजुन ! जेड़ा तेज सूरज इच ओंदे ओई सारे ज्हाणा
गी चान्नन करदा ऐ ते जेड़ा तेज चन्न इच ऐ ते जेड़ा तेज अग्नी च
ऐ उस गी तूं मेरा गै तेज समझ ॥१२॥

गामाविश्य च भूतानि धारयाम्यहमोजसा ।

पुष्णामि चौषधीः सर्वाःसोमो भूत्वा रसात्मकः ॥१३॥

ते आऊं गै धरती च आइऐ अपने तेजा ने सबनें जीवें गी

धारन करना आं, ते रस रूपाला अमरत दा चन्न वनियै सारियें जड़ियें बूटियें गी पालना ते पोस्सना आं ॥१३॥

अहं वैश्वानरो भूत्वा प्राणिनां देहमाश्रितः ।

प्राणापानसमायुक्तः पचास्यन्नं चतुर्विधम् ॥१४॥

ते आऊं गै सबने प्राणियें दे देह इच रौंदे ओई वैश्वानर (नाज गी पचाने आली) अग्नी दा रूप वनियै प्राण (हिरदे च रौने आली) ते अपान (गुदा च रौने आली) व्हाउ ने चौं तरें (भक्ष्य=चवियै खाने आला, भोज्य=निगलियै खाने आला, लेह्य=चट्टियै खाने आला ते चोष्य=चूसियै खाने आला) दे नाज गी पकाना आं ॥१४॥

सर्वस्य चाह हृदि संनिविष्टो

मत्तः स्मृतिर्ज्ञानमपोहनं च ।

वेदैश्च सर्वैरहमेव वेद्यो

वेदान्तकृद्वेदविदेव चाहम् ॥१५॥

ते आऊं गै सबने प्राणियें दे हिरदे च एंतर्यामी रूपाने रौन्ना आं ते मेरे थमां गै चैत्ता रौंदा, ज्ञान ओंदा ते सैंशा चुकदा ऐ, ते सबने वेदें दे जरियै आऊं गे जानने जोगड़ा आं, अतें वेदांत दा बनाने आला ते वेदें गी जानने आला बी आऊं गै आं ॥१५॥

द्वाविमौ पुरुषौ लोके क्षरश्चाक्षर एव च ।

क्षरः सर्वाणि भूतानि कूटस्थोऽक्षर उच्चते ॥१६॥

ते ए अरजुन ! इस संसार इच बी नासाले ते नास थों रैहत दौं चालियें दे मनुख न, उन्दे च सबने प्राणियें दे देह तां नासाले न, ते जीवात्मा नास थों रैहत खुआंदा ऐ ॥१६॥

उत्तमः पुरुषस्त्वन्यः परमात्मेत्युदाहृतः ।

यो लोकत्रयमाविश्य विभर्त्यव्यय ईश्वरः ॥१७॥

ते उने दौनें थों उत्तम पुरुष इक्क वक्खरा गै ऐ, जेड़ा परमात्मा खुआंदा ऐ, कन्ने जेड़ा त्रौनें लोकें च घुसरियै सबनें दा सहारा वनेया रौंदा ऐ ते कन्ने उनें गी पोसदा ऐ ओगै अविनाशी ईस्सर ऐ ॥१७॥

यस्मात्क्षरमतीतोऽहमक्षरादपि चोत्तमः ।

अतोऽस्मि लोके वेदे च प्रथितः पुरुषोत्तमः ॥१८॥

कीजे आऊं नासाले जडें (उजडें) दी जमात थों सबनें चाल्ली परेंआं ते माया च पेदे अविनाशी जीवात्मा थमां वी उत्तम आं, इस लेई आऊं लोक इच वी ते वेद इच वी पुरुषोत्तम नां कन्ने गै परसिद् आं ॥१८॥

यो मामेवमसंमूढो जानाति पुरुषोत्तमम् ।

स सर्वविद्भुजति मां सर्वभावेन भारत ॥१९॥

ए भारत ! इस चाल्ली तत्ता ने जेड़ा ज्ञानी मनुख मिगी पुरुषोत्तम समझदा ऐ ओ सर्वज्ञ (सब कैसें गी जानने आला) मनुख सबनें चाल्ली मतबल जे मनाचिता थों लगातार मिगी वासुदेव परमेस्सर गी भजदा ऐ ॥१९॥

इति गुह्यतमं शास्त्रमिदमुक्तं मयानघ ।

एतद्बुद्ध्वा बुद्धिमान्स्यात्कृतकृत्यश्च भारत ॥२०॥

ए निष्पाप (पापें थों रहत) अरजुन ! एह मूल गै मता गुजभा शासतर में तुगी आखिया ऐ मतबल जे सुनाई दिता ऐ,

बृद्धवान् मनुज इसी समझिए ए अरजुन ! जरम सफल करी
लैदा ऐ ॥२०॥

इस चाल्ली भगवान् होरें दी आखी दियें उपनिषदें च ब्रह्म
विद्या दे अन्दर योग शासतरा दे सरबंधा च सिरी कृष्ण ते
अरजुन हैंदी गल्ला कत्था दा पुरषोत्तम योग दे नां आला पंदरमा
ध्या मुक्का ।

ध्या [१६]

श्रीभगवानुवाच

अभयं सत्त्वसंशुद्धिर्ज्ञानयोगव्यवस्थितिः ।

दानं दमश्च यज्ञश्च स्वाध्यायस्तप आर्जवम् ॥१॥

एदे परैत भगवान् बोले, ए अरजुन ! निडर रौना, एंताकरणा दी छैल सूच्छता रखनी, तत्तज्ञाना लेई ध्यान योगे च लगातार दृढ़ाने जुटोए रौना, सात्त्विक दान करना (लैने आला गरीब ते पढ़े गुढ़े दा ओए ते परमेस्सर दे अर्पण कीता जा) ते इंदरियें गी काबू च रखना, अग्नि होत्तर ओत्तर (हवन उवन) जग च गै कम्म करने ते भगवान् दी पूजा करनी, वेद शासतरें गी पढ़ना ते पढ़ाना, भगवान् दे गुणों दा कीर्तन ते अपने धरम दे पालने मूजब परोपकार आस्तै कष्ट गी स्हारने ऊरने रूपाला तप करना ते सिद्दे सादे ते निमता आले बनना ॥१॥

अहिंसा सत्यमक्रोधस्त्यागः शान्तिरपैशुनम् ।

दया भूतेष्वलोलुप्त्वं मार्दवं ह्रीरचापलम् ॥२॥

मन वचन ते देह थों कुसै चाल्ली बी कुसै गी दुःख नई देना, ठीक ठीक ते प्यारी गल्ल गै करनी, अपने अपकार (बुरा) करने आले उप्पर बी रोह नई करना, कम्में च करने पुने दा अभमान नई रखना, मन इच शांति रखनी ते कुसै दी निंदा परोख नई

करनी, ते सदनं प्राणियेँ उपपर निस्वार्थ (खुद गरजी बगैर) देया
दा भाव रखना, लालच नई करना, नरम बने रौना, शासतरेँ दे
बरखलाफ बरतने च शर्म करनी ते वेअर्थ समा नई गुआना ॥२॥

तेजः क्षमा धृतिः शौचमद्रोहो नातिमानिता ।

भवन्ति संपदं दैवीमभिजातस्य भारत ॥३॥

ते तेज, खिमा, धीरज ते अंदरा बाहरा दी सुच्च रखनी,
कुसै ने बी वैर विरोध नई रखना ते नई गै अपनी मती
बडेयाई दस्सती, ए सत्र तां ए अरजुन ! दैवी संपदा आले मनुखा
दे लक्खन न ॥३॥

दम्भो दर्पोऽभिमानश्च क्रोधः पारुष्यमेव च ।

अज्ञानं चाभिजातस्य पार्थ संपदमासुरीम् ॥४॥

ते ए पार्थ ! पखंड, घमंड, बडेयाई दा अभमान, रोह, खौरा
सव्हा ते अज्ञान (अनजान-बेसमझी) ए तां आसुरी संपदा आले
मनुख दे लक्खन न ॥४॥

दैवी संपद्विमोक्षाय निबन्धायासुरी मता ।

मा शुचः संपदं दैवीमभिजातोऽसि पाण्डव ॥५॥

उनेँ दौनेँ चाल्लियेँ दी संपदायेँ च दैवी संपदा तां मुक्ति
लेई ते आसुरी संपदा बंधना (बज्जने) लेई मन्नी दी ऐ, इस लेई
ए अरजुन ! तूँ वसोस मत कर कीजे तूँ दैवी संपदा च
जम्मेया दा ऐँ ॥५॥

द्वौ भूतसर्गौ लोकेऽस्मिन्दैव आसुर एव च ।

दैवो विस्तरशः प्रोक्त आसुरं पार्थ मे शृणु ॥६॥

ते ए अरजुन ! इस मात लोके इच प्राणियेँ दे सव्हा दौ

चाल्लियें दे मन्ने दे न, इक तां देवतें जनेआ ते दुआ दैतें नेआ ऐ,
उन्दे च देवतें नेआ भलेयां खोल्लिये दस्सी दित्ता ऐ पे हुन दैतें
नेआ मेरे थों सुन ॥६॥

प्रवृत्ति च निवृत्ति च जना न विदुरासुराः ।

न शौचं नापि चाचारो न सत्यं तेषु विद्यते ॥७॥

ए अरजुन ! आमुरी सव्हा आले गो इन्ना बी पता नईं जे
कुनगडा कम्म करना ते कुनगडा नईं करना, नईं उन्दे च अंदरा
ते बाहरा दी सुच्च ऐ, नईं भलमानसी ते नईं गै सच्च ऐ ॥७॥

असत्यमप्रतिष्ठं ते जगदाहरनीश्वरम् ।

अपरस्परसंभूतं किमन्यत्कामहैतुकम् ॥८॥

ते ओह आसुरी सव्हा आले मनुख आखदे न जे संसार आस
थों रैहत ऐ, ते विलकुल भूठा अतें वगैर ईस्सर दे अपने आप जनानी
ते मर्दा दे संयोगा (मिला) ने बनेया दा ऐ, इस लेई छड़ा भोसैं गी
भोगने मूजव गै ऐ, एदे सवा ओर के ऐ ॥८॥

एतां दृष्टिमवष्टभ्य नष्टात्मानोऽल्पबुद्धयः ।

प्रभवन्त्युग्रकर्माणः क्षयाय जगतोऽहिताः ॥९॥

इस चाल्ली इस मिथ्या (भूठे) ज्ञान दे भरोसे ने फिरे दे
दिमागाले अकली दे अन्नें ते सबनं दा बुरा चित्तैने आले अतें
भेड़े कम्म करने आले मनुख तां छड़ा जहाना दा नास करने लेई
गै जमदे न ॥९॥

काममाश्रित्य दुष्पूरं दम्भमानमदान्विताः ।

मोहाद्गृहीत्वासद्ग्राहान्प्रवर्तन्तेऽशुचिव्रताः ॥१०॥

वे मनुख पसंड अभिमान मस्त्री आले कुसै चाल्ली बी पूरियां

नईं ओने आल्लियें मेदें गी लेइयै ते अज्ञाना थों भूडे हठा करी
गिरे दे चाल चलनें च पेदे संसार च रौंदे न ॥१०॥

चिन्तामपरिमेयां च प्रलयान्तामुपाश्रिताः ।

कामोपभोगपरमा एतावदिति निश्चिताः ॥११॥

तै ओ मरने तगर रौने आलियें बेएंत चितायें च पेदे ते
विशें दे भोगने च गै लग्गे दे अतें इन्ना मात्र गै नंद (मजा=सुख)
ऐ नेआ मन्नने आले न ॥११॥

आशापाशशतैर्बद्धाः कामक्रोधपरायणाः ।

ईहन्ते कामभोगार्थमन्यायेनार्थसञ्चयान् ॥१२॥

इस लेई आसा (मेदा) रूपालियें सैंकड़े फाइयें च वज्जे दे ते
काम-क्रोधा ने भरोए दे विशें भोगने लेई वेई मानीने धन गी जमा
करना चांदे न ॥१२॥

इदमद्य मया लब्धमिमं प्राप्स्ये मनोरथम् ।

इदमस्तीदमपि मे भविष्यति पुनर्धनम् ॥१३॥

ते उनें मनुखें दे सोच विचार इस चाल्ली दे हुंदे न, के मिगी
अज्ज एतां थोआ ऐ न, ते आऊं इसी मनोरथ गी पाई लैड, मतवल
जे मेरी फलानी गरज पूरी ओई जाग ते मेरे कोल इन्ना धन ऐ ते
फिरी बी ए ओई जाग ॥१३॥

असौ मया हतः शत्रुर्हनिष्ये चापरानपि ।

ईश्वरोऽहमहं भोगी सिद्धोऽहं बलवान्सुखी ॥१४॥

ओ वैरी मेरे जरियै मरोई गया ऐ, ते दुएं वैरियें गी बी
आऊं मारी लैड, ते आऊं ईस्सर ते ऐश्वर्य्य गी भोगने आला

आं, ते आऊं सारियें सिद्धियें (करामातें) आला जोरावर ते सुखी आं ॥१४॥

आद्योऽभिजनवानस्मि कोऽन्योऽस्ति सदृशो मया ।

यक्ष्ये दास्यामि मोदिष्य इत्यज्ञानविमोहिताः ॥१५॥

ते आऊं बड़ा धनाला आं, मते टब्बराला आं, मेरे जनेआ दुआ कुन ऐ, आऊं जग करड, दान देड ते खुश रौड, इस चाल्ली अज्ञान थमां भरमोये दे न ॥१५॥

अनेकचित्तविभ्रान्ता मोहजालसमावृताः ।

प्रसक्ताः कामभोगेषु पतन्ति नरकेऽशुचौ ॥१६॥

इस लेई ओ मतियें चाल्लियें ने भरमोये दे मनाले अज्ञानी (बेसमझ) मनुख मोह जाल इच फसे दे विशें दे भोगें च मूल गै मते रवचत ओए दे, बड्डे गंदाले नरक इच जाई पौंदे न ॥१६॥

आत्मसंभाविताः स्तब्धा धनमानमदान्विताः ।

यजन्ते नामयज्ञैस्ते दम्भेनाविधिपूर्वकम् ॥१७॥

ते ओ आपूं गी गै स्नेष्ट समझने आले घमंडी मानु धन ते मान दी मस्ती आले शासतरें दी विधि थों रहत छड़े नां मात्राले जगों दे जरियै पखंडा ने जग करदे न ॥१७॥

अहंकारं बलं दपं कामं क्रोधं च संश्रिताः ।

मामात्मपरदेहेषु प्रद्विषन्तोऽभ्यसूयकाः ॥१८॥

हेंकार, जोर, घमंड, काम ते क्रोध दे वस ओए दे ते दुएं दे परोखी मनुख अपने ते दुएं दे देह इच वसे दे मिगी एंतर्यामी गी जी वैरी समझिए मेरे ने बी उआ नेआ सलूक करदे न ॥१८॥

तानहं द्विषतः क्रूरान्संसारेषु नराधमान् ।

क्षिपाम्यजस्रमशुभानासुरीष्वेव योनिषु ॥१९॥

उआ ने उनेंगी वैर करने आलें गी पापाचारी ते बुरे कम्म करने आले नीचे मनुखें गी आऊं संसार इच मुड़ि घिरियै आसुरी जूनें च सुटदा रौना आं । मतबल जे सूर, खोते ते कुत्तें उत्तें आलियें अदनियें जूनें इच जाई जमदे न ॥१९॥

आसुरीं योनिमापन्ता मूढा जन्मनि जन्मनि ।

मामप्राप्यैव कौन्तेय ततो यान्त्यधमां गतिम् ॥२०॥

इस लेई ए कौतय ! ओ डिरगे मानु जन्में-जन्में च आसुरी जूनें च भड़कदे रौंदे न ते मेरे कछ नईं पुजदे न, अतें उस थमां बी मती गै हलकी जून च जाई फसदे न, मतबल जे घोर नरक इच जन्दे न ॥२०॥

त्रिविधं नरकस्येदं द्वारं नाशनमात्मनः ।

कामः क्रोधस्तथा लोभस्तस्मादेतत्त्रयं त्यजेत् ॥२१॥

ते ए अरजुन ! काम क्रोध ते लोभ ए त्रौं चाल्लियें दे न्हरे मतबल जे नरक दे दरोआजे आत्मा गी गरक करने आले न, मतबल जे अधोगति करने आले न, इस थमां इनें त्रौनें गी गै छोड़ी देना लोड़चदा ऐ ॥२१॥

एतैर्विमुक्तः कौन्तेय तमोद्वारैस्त्रिभिर्नरः ।

आचरत्यात्मनः श्रेयस्ततो याति परां गतिम् ॥२२॥

कीजे ए अरजुन ! इनें त्रौने नरक दे दरोआजें थमां छुड़केया दा मनुख अपना भला करदा ऐ ते इस थों ओ परम गति गी मतबल जे मिगी पाई लैदा ऐ ॥२२॥

यः शास्त्रविधिमुत्सृज्य वर्तते कामकारतः ।

न स सिद्धिमवाप्नोति न सुखं न परां गतिम् ॥२३॥


ते जेड़ा मनुख शासतरा दी विधि गी छोड़ियै अपनी मर्जी ने वरतदा ऐ ओ तां नईं सफल ओंदा ऐ, नईं सुख पांदा ऐ ते नईं गै परमगति पांदा ऐ, मतवल जे सबनें चाल्ली खज्जल ख्वार गै हुंदा ऐ ॥२३॥

तस्माच्छास्त्रं प्रमाणं ते कार्याकार्यव्यवस्थितौ ।

ज्ञात्वा शास्त्रविधानोक्तं कर्म कर्तुमिहार्हसि ॥२४॥

इस थों तेरे लेई के करना ते के नईं करना, इस गल्ल दी मर्यादा मूजब शासतर गै प्रमाण ऐ नेआ समझियै शासतर इच दस्से दे विधान मूजब गै तुगी करम करने मुनासब न ॥२४॥

इस चाल्ली भगवान् होरें दी आखिदियें उपनिषदें च महाविद्या दे अंदर योगशासतरा दे सरवधा च सिरी कृष्ण ते अरजुन हुंदा गल्ला कथा दा दैवाऽसुरसंपद्विभाग योग दे नां आला सोलमा ध्या मुक्का ।



ॐ

ध्या [१७]

अर्जुन उवाच

ये शास्त्रविधिमुत्सृज्य यजन्ते श्रद्धयान्विताः ।

तेषां निष्ठा तु का कृष्ण सत्त्वमाहो रजस्तमः ॥१॥

इस चाली भगवान् हुंदे वचनें गी सुनियै अरजुन बोलेया,
ए कृष्ण जी ! जेड़े लोक शासतर दी विधि गी त्यागियै छड़े सरधा
मूजव गै देवतेँ ऊवतेँ दी पूजा करदे न उन्दी मरयादा फिरी कुन
गडी ओई, के सतोगुणाली ऐ जां रजोगुणाली अतेँ जां तमो-
गुणाली ऐ ॥१॥

श्रीभगवानुवाच

त्रिविधा भवति श्रद्धा देहिनां सा स्वभावजा ।

सात्त्विकी राजसी चैव तामसी चेति तां शृणु ॥२॥

इस चाली अरजुन दे पुच्छने उपपर सिरी भगवान् बोले,
ए अरजुन ! मनुखेँ दी ओ बगैर शासतरें आली पैलेँ जन्में दे
सेंस्कारें थों वनी दी छड़ी सव्हा थों उट्ठी दी सरधा सतोगुणाली
ते रजोगुणाली अतेँ तमोगुणाली त्रौँ चाल्लियेँ दी हुंदी ऐ तूँ उसी
मेरे थमां सुन ॥२॥

सत्त्वानुरुपा सर्वस्य श्रद्धा भवति भारत ।

श्रद्धामयोऽयं पुरुषो यो यच्छ्रद्धः स एव सः ॥३॥

ए भारत ! सबनें मनुखें दी सरधा उन्दे एंताकरण दे माफक
गै हूँदी ऐ, ते ए मनुख सरधा दा गै बनेया दा ऐ, इस लेई जेड़ा
मनुख जनेई सरधाला ऐ ओ आपू वी उऐ ऐ, मतवल जे जनेई
जिस दी सरधा ऐ उआ नेआ गै ओदा सुरूप वी ऐ ॥३॥

यजन्ते सात्त्विका देवान्यक्षरक्षांसि राजसाः ।

प्रेतान्भूतगणांश्चान्ये यजन्ते तामसा जनाः ॥४॥

उन्दे च सतोगुणाले मनुखतां देवते गी पूजदे न ते रजोगुणाले
राखसें ते जक्खें गी ते दुए तमोगुणाले जेड़े न ओतां भूतें ते प्रेतें
गी पूजदे न ॥४॥

अशास्त्रविहितं घोरं तप्यन्ते ये तपो जनाः ।

दम्भाहंकारसंयुक्ताः कामरागबलान्विताः ॥५॥

ते ए अरजुन ! जेड़े मनुख शासतर दी विधि थों रहत अपने
मना थों मन्निऐ घोर तप करदे न अतें पखंडा ते घमंड इच आइऐ
मनमानी, लालसा ते जोरा दे अभमान च रौंदे न ॥५॥

कर्षयन्तः शरीरस्थं भूतग्राममचेतसः ।

मां चैवान्तःशरीरस्थं तान्विद्ध्यासुरनिश्चयान् ॥६॥

ते जेकड़े कायां कोठी च वस्से दे भूत प्राणियें दे ग्रां गी
कमजोर करदे न ते कायां कोठी च रौने आले गी मिगी बी
मरोड़दे न उनें फिरें दे दिमागालें गी तू आसुरी ख्याल उप्पर
चलने आलें गी समझ ॥६॥

आहारस्त्वपि सर्वस्य त्रिविधो भवति प्रियः ।

यज्ञस्तपस्तथा दानं तेषां भेदमिमं शृणु ॥७॥

ते ए अरजुन ! जियां सरधा त्रौं चालियें दी हूँदी ऐ उआं

गै रुट्टी बी सबनें गी अपनी-अपनी रुचि मूजब गै त्रौने चाल्लियें दी परसिंद हूँदी ऐ, अतें उय्यां गै जगग, तप ते दान बी त्रौ चाल्लियें दे ओंदे न, उन्दे इसी बखरे-बखरे भेता (फरक) गी तू मेरे थमां सुनी लै ॥७॥

आयुःसत्त्वबलारोग्य-

सुखप्रीतिविवर्धनाः ।

रस्याः स्निग्धाः स्थिरा हृद्या

आहाराः सात्त्विकप्रियाः ॥८॥

आर्बला, बुद्ध, तागत, नरोई, सुख ते प्रीत गी बधाने आले स्वादले, थिंदे, टिगे रौने आले ते मन परसिंद भोजन (खाने) सतोगुणी मनुखें गी प्यारे ओंदे न ॥८॥

कट्वम्ललवणात्युष्णतीक्ष्णरूक्षविदाहिनः ।

आहारा राजसस्येष्टा दुःखशोकामयप्रदाः ॥९॥

ते कौड़े, अंबले, लूनके, मते गर्म, त्रिवखे, खुशक ते साड़ा पाने आले अतें दुःख, बसोस ते मांदा सुट्टने आले भोजन (खाने) रजोगुणियें गी परसिंद ओंदे न ॥९॥

यातयामं गतरसं पूति पर्युषितं च यत् ।

उच्छिष्टमपि चामेध्यं भोजनं तामसप्रियम् ॥१०॥

अतें जेकड़ा भोजन पैहरभर पैलें दा बनेया दा ओऐ, वेस्वादा ओऐ, वुस्सेआ दा ओऐ, ते जेड़ा बेआ ओऐ ते जां जूठा मीठा ते भिट्टा होऐ ओ भोजन (खाना) तमोगुणाले मनुख गी प्यारा लगदा ॥१०॥

अफलाकाङ्क्षिभिर्यज्ञो विधिदृष्टो य इज्यते ।

यष्टव्यमेवेति मनः समाधाय स सात्त्विकः ॥११॥

ते ए अरजुन ! जेड़ा जग शासतरा दी विधिआ ने मुकरं
कीता दा ऐ ते करना गै मनुख दा कर्तव्व समझिए मन दी तसल्ली
ने निष्काम भावा थों मतबल जे फला दी इच्छा दे बगैर जिनें
मनुखें दे जरिये कीता जंदा ऐ ओ जग तां सात्त्विक ऐ ॥११॥

अभिसंधाय तु फलं दम्भार्थमपि चैव यत् ।

इज्यते भरतश्रेष्ठ तं यज्ञं विद्धि राजसम् ॥१२॥

ते ए अरजुन ! जेड़ा जग छड़ा पखंडा मूजब गै जां फला दी
लोड़ा मूजब गै कीता जंदा ऐ ओ तां रजोगुणी ओंदा ऐ ॥१२॥

विधिहीनमसृष्टान्नं मन्त्रहीनमदक्षिणम् ।

श्रद्धाविरहितं यज्ञं तामसं परिचक्षते ॥१३॥

अतें शासतरा दी विधि थों रैहत ते नाज दे दान थों रैहत
ते मंतरे, दक्खना ते सरधा थों रैहत जेड़ा जग ऐ उसी तमोगुणी
जग आखदे न ॥१३॥

देवद्विजगुरुप्राज्ञपूजनं शौचमार्जवम् ।

ब्रह्मचर्यमहिंसा च शारीरं तप उच्यते ॥१४॥

ते ए अरजुन ! देवता, ब्रह्मण, गुरु ते विद्वानें दी पूजा,
सुच्च, निमता, ब्रह्मचर्ज ते मार धाड़ा दा त्याग एतां देह सरबंभी
तप खुआंदा ऐ ॥१४॥

अनुद्वेगकरं वाक्यं सत्यं प्रियहितं च यत् ।

स्वाध्यायाभ्यसनं चैव वाङ्मयं तप उच्यते ॥१५॥

अतें जेड़ी नईं भड़काने आली, प्यारी ते हित करने आली

ठीक ठीक गल्ल गी आखना ते वेद शासतरें दा पढ़ना ते परमेस्सर दे नां जपने दा भ्यास ऐ न ओ बाणी दे सरबंधाला तप खुआंदा ऐ ॥१५॥

मनःप्रसादः सौम्यत्वं मौनमात्मविनिग्रहः ।

भावसंशुद्धिरित्येतत्तपो मानसमुच्यते ॥१६॥

ते मनादी परसिन्नता, शांतभाव, चुप चाप रौना, अपने आपा गी काबू च रखना ते एंताकरण गी पवित्तर रखना । ए सब किज मानस तप खुआंदा ऐ ॥१६॥

श्रद्धया परया तप्तं तपस्तत्त्रिविधं नरैः ।

अफलाकाङ्क्षभिर्युक्तैः सात्त्विकं परिचक्षते । १७॥

पर ए अरजुन ! फल दे बेलोड़े निष्काम योगी मनुखें दे जरियै परमसरधाने कीते दे उसा पैलें दस्से दे त्रौं तरें दे तप गी तां सात्त्विक आखदे न ॥१७॥

सत्कारमानपूजार्थं तपो दम्भेन चैव यत् ।

क्रियते तदिह प्रोक्तं राजसं चलमध्रुवम् ॥१८॥

ते जेड़ा तप सत्कार, मान ते पूजा लेई जां छड़ा पखंडा ने कीता जंदा ऐ उसी तां गेया गुआचा दा ते मुक्का सुक्का दा राजस तप आखेया ऐ ॥१८॥

मूढग्राहेणात्मनो यत्पीडया क्रियते तपः ।

परस्योत्सादनार्थं वा तत्तामसमुदाहृतम् ॥१९॥

वे जेड़ा तप मूढमत्त थों हठाने मन, वचन ते कायां गी मिंदी मरौड़ियै जां दुएं दे उखेड़ने लेई कीता जन्दा ऐ उसी तामस तप आखेया ऐ ॥१९॥

दातव्यमिति यद्दानं दीयतेऽनुपकारिणे ।

देशे काले च पात्रे च तद्दानं सात्त्विकं स्मृतम् ॥२०॥

ते ए अरजुन ! दान तां देना गै चाई दा ऐ इसी अपना कम्म समझियै देस, समा ते लैने जोगड़े दे पुज्जने उप्पर जेड़ा स्थान मुकाने आलें गी छोड़ियै दान दित्ता जंदा ऐ ओ दान सात्त्विक आखेया ऐ ॥२०॥

यत्तु प्रत्युपकारार्थं फलमुद्दिश्य वा पुनः ।

दीयते च परिविलष्टं तद्दानं राजसं स्मृतम् ॥२१॥

ते जेड़ा दान झपीड़ां बटोंदे जां फल दी गरजा लेई जां स्थान मुकाने दे मूजब दित्ता जंदा ऐ ओ दान राजस आखेया ऐ ॥२१॥

अदेशकाले यद्दानमपात्रेभ्यश्च दीयते ।

असत्कृतमवज्ञातं तत्तामसमुदाहृतम् ॥२२॥

ते जेड़ा दान बेमौकै बेलोड़ाले गी जां कुसै कुपात्रा गी जां झिड़कियै ते दरकारियै कुसै गी दित्ता जा उसी तामस दान आखेया ऐ ॥२२॥

ॐ तत्सदिति निर्देशो ब्रह्मणस्त्रिविधः स्मृतः ।

ब्राह्मणास्तेन वेदाश्च यज्ञाश्च विहिताः पुरा ॥२३॥

ते ए अरजुन ! ॐ तत्, सत् इय्यां ए त्रौ चाल्लियें दा परम ब्रह्म परमेस्सर दा नां आखेया ऐ, उस थमां गै पैल्लो पैल ब्राह्मण, वेद ते जग रचे दे न ॥२३॥

तस्मादोमित्युदाहृत्य यज्ञदानतपःक्रियाः ।

प्रवर्तन्ते विधानोक्ताः सततं ब्रह्मवादिनाम् ॥२४॥

इस लेई वेदें गी आखने आले महात्मा पुरषें दे जरियै
 आसतर दी विधि ने मुकर्र कीते दे जग्ग, दान ते तप रूपाले कम्म
 हमेशा ॐ इसी परमेस्सर दे नां गी पैलें बोलियै गै रंभ (शुरू)
 कीते जंदे न ॥२४॥

तदित्यनभिसंधाय फलं यज्ञतपःक्रियाः ।

दानक्रियाश्च विविधाः क्रियन्ते मोक्षकाङ्क्षभिः ॥२५॥

ते तत् मतबल जे तत् नां कन्ने आखे जाने आले परमात्मा
 दा गै ए सब ऐ, इस ख्याला ने फल गी नईं चांदे ओई केईं
 चालियें दे जग्ग ते तप रूपालियां किरियां अतें दान रूपालियां
 किरियां गै संसार दे बंधन थों मुक्ति पाने दी लोड़ालें दे जरियै
 कीतियां जंदियां न ॥२५॥

सद्भावे साधुभावे च सदित्येतत्प्रयुज्यते ।

प्रशस्ते कर्मणि तथा सच्छब्दः पार्थ युज्यते ॥२६॥

ते सत् इय्यां ए परमात्मा दा नां सच्च भाव इच ते चंगे
 भाव च गै लैता जंदा ऐ ते ए पार्थ ! उत्तम कम्म इच बी सत्
 बोला गी जोड़ेया जंदा ऐ ॥२६॥

यज्ञे तपसि दाने च स्थितिः सदिति चोच्यते ।

कर्म चैव तदर्थीयं सदित्येवाभिधीयते ॥२७॥

अतें जग्ग, तप ते दान इच जेड़ा टिगना ऐ ओ बी सत् ऐ
 इय्यां खुआंदा ऐ ते उस परमेस्सर दे निमित्त कीता दा कम्म
 बिलकुल सत् ऐ इय्यां आखेया जंदा ऐ ॥२७॥

अश्रद्धया हुतं दत्तं तपस्तप्तं कृतं च यत् ।

असदित्युच्यते पार्थ न च तत्प्रेत्य नो इह ॥२८॥

ते ए पार्थ ! सरधा दे वगैर कीता दा हवन, दित्ता दा दान
 ते तपेया दा तप अतें जे किज होर वी कीता दा कम्म ऐ ओकड़ा
 सारा गै असत् खुआंदा ऐ, इस लेई ओ तां नईं इत्थें पुक्करदा ऐ
 ते नईं गै मरने प्रैंत परलोका इच ॥२८॥

इस चाली भगवान् होरें दो आखिदियें उपनिषदें च महाविद्या
 दे अंदर योग शासतरा दे सरबंधा च सिरीकृष्ण अरजुन हुँदी
 गल्ला-कत्था दा श्रद्धात्रय विभाग योग नां आला सतारमां
 ध्या मुक्का ।

ध्या [१८]

अर्जुन उवाच

संन्यासस्य महाबाहो तत्त्वमिच्छामि वेदितुम् ।

त्यागस्य च हृषीकेश पृथक्केशिनिषूदन ॥१॥

अरजुन बोलेया, ए महा बाहो ! (बड्डिये भुजे वाडिये आले ओ) ए एंतर्यामिओ ! ए केशी (दैत्त) दे मली सुदुने आले ओ ! आऊं संन्यासा दा ते त्यागा दा तत्त (निचोड=ठीक मतवल) निखडे दा जानना चान्ना आं ॥१॥

श्रीभगवानुवाच

काम्यानां कर्मणां न्यासं संन्यासं कवयो विदुः ।

सर्वकर्मफलत्यागं प्राहुस्त्यागं विचक्षणाः ॥२॥

इय्यां अरजुन दे पुच्छने उप्पर सिरी भगवान् बोले, ए अरजुन ! कामना रक्खियै जेऊडे कम्म कीते जन्दे न उन्दे त्याग गी कईं पंत संन्यास आखदे न, अतें कईं विचाराले सबनें कम्में दे फलें दे त्याग गी त्याग ग्लादे न ॥२॥

त्याज्यं दोषवदित्येके कर्म प्राहुर्मनीषिणः ।

यज्ञदानतपःकर्म न त्याज्यमिति चापरे ॥३॥

अतें कईं विद्वान् लोक तां दोसें आलें कम्में गी त्यागना ते

कई सारें गै कम्में गी दोसाले आखदे न, दुए कई समझदार
आखदे न जे जग्ग, दान ते तप नईं छोड़ने जोगड़े न ॥३॥

निश्चयं शृणु मे तत्र त्यागे भरतसत्तम ।

त्यागो हि पुरुषव्याघ्र त्रिविधः संप्रकीर्तितः ॥४॥

पर ए भरतस्नेष्ट ! उस त्यागा दे वारे च तू मेरे निश्चे गी
सुन, कीजे ए शेर मानुआ ! त्याग त्रौं चाल्लियें दा आखेदा ऐ ॥४॥

यज्ञदानतपःकर्म न त्याज्यं कार्यमेव तत् ।

यज्ञो दानं तपश्चैव पावनानि मनीषिणाम् ॥५॥

अतें जग्ग, दान ते तप रूपाले कम्म त्यागने जोगड़े नईं न,
ओ तां बिना शकाशुवा दे करने गै पौंदे न, कीजे जग्ग, दान ते तप
ए त्रैवे गै विद्वानें मनुखें गी ते पवित्तर करने आले न ॥५॥

एतान्यपि तु कर्माणि सङ्गं त्यक्त्वा फलानि च ।

कर्तव्यानीति मे पार्थ निश्चितं मतमुत्तमम् ॥६॥

इस लेई ए पार्थ ! एह जग्ग, दान ते तपरूपाले कम्म ते
होर बी सारे भले कम्म लागा लपेटा (खचत) गी छोड़ियें ते
फलें गी छोड़ियें वस्समेव करने गै लोड़चदे न, नेआ मेरा निश्चे
आला (पक्का) मत ऐ ॥६॥

नियतस्य तु संन्यासः कर्मणो नोपपद्यते ।

मोहात्तस्य परित्यागस्तामसः परिकीर्तितः ॥७॥

ते ए अरजुन ! नियत (मुकरें) कम्म गी त्यागना मुनासिब
नईं ऐ, इस लेई मोहाथमां ओदा त्यागना तामसत्याग गै
खुआंदा ऐ ॥७॥

दुःखमित्येव यत्कर्म कायक्लेशभयात्त्यजेत् ।

स कृत्वा राजसं त्यागं नैव त्यागफलं लभेत् ॥८॥

ते जेकर कोई मनुख जेकड़ा बी कम्म ऐ ओ सब गै दुःख
रूपाला ऐ इय्यां समझियै कायां दे खेचला दे डरा मूजब करमें
दा गै त्याग करी ओड़े तां ओ मनुख उसी राजसी त्याग गी
करियै बी त्याग दे फल गी नईं पांदा मतबल जे ओदा त्यागना
वे अर्थ गै ऐ ॥८॥

कार्यमित्येव यत्कर्म नियतं क्रियतेऽर्जुन ।

सङ्गं त्यक्त्वा फलं चैव स त्यागः सात्त्विको मतः ॥९॥

ते ए अरजुन ! एतां करना गै ऐ इय्यां समझियै जेड़ा
शासतर दी विधि ने मुकरं ओआ दा करने लायक करम तांगा
बगैर ते फल दी गरज गी छोड़ियै कीता जंदा ऐ न, उऐ सतोगुणी
त्याग मन्नेआ दा ऐ ॥९॥

न द्वेष्टचकुशलं कर्म कुशले नानुषज्जते ।

त्यागी सत्त्वसमाविष्टो मेधावी छिन्नसंशयः ॥१०॥

ते ए अरजुन ! जेड़ा मनुख तां मंदे करमा ने वैर (नफरत)
नईं करदा ते चंगे च बी मन नईं लांदा ऐ ओ गै साफ सुथरे
सतोगुणाला बुद्धवान् जेदा सैंसा बी मिटी गेया दा ऐ
त्यागी ऐ ॥१०॥

न हि देहभृता शक्यं त्यक्तुं कर्माण्यशेषतः ।

यस्तु कर्मफलत्यागी स त्यागीत्यभिधीयते ॥११॥

कीजे देह धारी मनुखा दे जरियै सारे गै करमें गी छोड़ी

सकना तां सम्भव नईं इस करी जेड़ा मनुख करमें दे फल गी
त्यागदा ऐ ओ गै त्यागी खुआंदा ऐ ॥११॥

अनिष्टसिष्टं मिश्रं च त्रिविधं कर्मणः फलम् ।

भवत्यत्यागिनां प्रेत्य न तु संन्यासिनां क्वचित् ॥१२॥

अतें चंगा, मंदा ते रले मिले दा त्रौं चाल्लियें दा करमें दा
फल ऐ, जेकड़ा सकामी मनुखें गी मरने प्रैंत बी भोगने पौंदा ऐ,
पर ओ त्यागी मनुखें गी कुतैं बी नईं भोगने पौंदा ऐ कीजे उन्दे
थमां ओए दे करम तां असली च करम गै नईं न ॥१२॥

पञ्चैतानि महाबाहो कारणानि निबोध मे ।

सांख्ये कृतान्ते प्रोक्तानि सिद्धये सर्वकर्मणाम् ॥१३॥

ते ए महाभुज ! सारें करमें दे ओने लेई ए पंज सबब सांख्य
दे सिद्धांत इच आखे दे न, उनें गी तूं मेरे थमां चंगी चाल्ली
समझी लै ॥१३॥

अधिष्ठानं तथा कर्ता करणं च पृथग्विधम् ।

विविधाश्च पृथक्चेष्टा दैवं चैवात्र पञ्चमम् ॥१४॥

ए अरजुन ! एदे बारे च थां, ते करने आला ते करने दे
बखरे-बखरे मते साधन ते कन्ने तां त्वां दियां मतियें चाल्लियें दियां
हलभुल्लां ते पंजमी परालबध ऐ ॥१४॥

शरीरवाङ्मनोभिर्यत्कर्म प्रारभते नरः ।

न्याय्यं वा विपरीतं वा पञ्चैते तस्य हेतवः ॥१५॥

कीजे मनुख मन, वचन, ते देहा ने शासतरा दे मूजब यां पुट्ठे
बी जे किज करम रंभदा ऐ ओदे ऐ पंज गै कारण न ॥१५॥

तत्रैवं सति कर्तारिमात्मानं केवलं तु यः ।

पश्यत्यकृतबुद्धित्वान्न स पश्यति दुर्मतिः ॥१६॥

पर तेआ ओने उप्पर बी जेड़ा मनुख मैली बुद्ध ओने करी ओदे बारे च छड़ा शुद्धरूपाले आत्मा गी गै करने आला दिखदा ऐ, ओ मैली (भृष्ट) बुद्धाला अज्ञानी ठीक-ठीक नई दिखदा ऐ ॥१६॥

यस्य नाहंकृतो भावो बुद्धिर्यस्य न लिप्यते ।

हत्वापि स इमांल्लोकान्न हन्ति न निबध्यते ॥१७॥

ते ए अरजुन ! जिस मनुख दे एंताकरण इच आऊं करने आला आं नेआ ख्याल नई ऐ ते जेदी मत्त संसारा दे पदार्थें च ते सारें करमें च नई लपड़ोंदी ओ मनुख इनें सबनें लोकें गी मारियै बी असली थों नई मरदा ऐ ते नई गै पापा ने बजदा ऐ ॥१७॥

ज्ञानं ज्ञेयं परिज्ञाता त्रिविधा कर्मचोदना ।

करणं कर्म कर्तेति त्रिविधः कर्मसंग्रहः ॥१८॥

अतें ए अरजुन ! जानना, जानने जोगड़ा ते जानने आला ए त्रैवे तां करम दे प्रेरणा करने आले न, मतवल जे इनें त्रैने दे मेला करी गै करमा इच जुटोने दी चाह हुंदी ऐ, ते करने आला ते जेदे जरियै करदे न अतें करना ए त्रैवे करमा दे संग्रह न मतवल जे इनें त्रैने दे संयोगा ने गै करम बनदा ऐ ॥१८॥

ज्ञानं कर्म च कर्ता च त्रिधैव गुणभेदतः ।

प्रोच्यते गुणसंख्याने यथावच्छृणु तान्यपि ॥१९॥

उनें सबनें च ज्ञान, करम अतें करने आला बी गुणों दे बखरे-बखरे ओने मूजब सांख्य शासतर इच त्रौ-त्रौ चाल्लियें दे आखदे न, उनें गी बी तू मेरे थमां चंगी तरां सुनी लै ॥१९॥

सर्वभूतेषु येनैकं भावमव्ययमीक्षते ।

अविभवत् विभवतेषु तज्ज्ञानं विद्धि सात्त्विकम् ॥२०॥

ए अरजुन ! जिस ज्ञान थों मनुख बखरें-बखरें सारें जीवें च इक्क नास थों रहत परमात्मा दे भाव गी हेस्सैं बगैर समभावा (बरोबरी दे ख्याला) ने टिगेया दा दिखदा ऐ उसी ज्ञान गी तूँ सात्त्विक (सतोगुणी) समझ ॥२०॥

पृथक्त्वेन तु यज्ज्ञानं नानाभावान्पृथग्विधान् ।

वेत्ति सर्वेषु भूतेषु तज्ज्ञानं विद्धि राजसम् ॥२१॥

ते जेड़ा ज्ञान मतबल जे जिस ज्ञान दे जरियै मनुख सारें जीवें च बखरे-बखरे नेकें भावें गी बखरा-बखरा करियै समझदा ऐ, उसी ज्ञान गी तूँ राजस (रजोगुणी) समझ ॥२१॥

यत्तु कृत्स्नवदेकस्मिन्कार्ये सत्तमहैतुकम् ।

अतत्त्वार्थवदल्पं च तत्तामसमुदाहृतम् ॥२२॥

ते जेड़ा ज्ञान इक्कै कारजरूपाले देह इच सारे कारजें आंगूँ लगा दा सेई हँदा ऐ, मतबल जे पुट्ठे ज्ञान दे जरियै मनुख इक्क खिना च नासाले देह गी गै आत्मा समझियै ओदे च सर्वस्स आंगूँ खचत रौंदा ऐ ते बिना कारण तत्त मतबल थों रहत तुच्छ ऐ ओ ज्ञान तामस (तमोगुणी) ऐ ॥२२॥

नियतं सङ्गरहितमरागद्वेषतः कृतम् ।

अफलप्रेप्सुना कर्म यत्तत्सात्त्विकमुच्यते ॥२३॥

अतें ए अरजुन ! जेड़ा करम शासतर दी विधि ने मुकरें कीता दा ऐ ते करने पुने ते अभमान थों रहत ऐ, फल गी नई

चाहने आले मनुख दे जरियै बगैर राग ते द्वेसा ने कीता दा ऐ ओ
करम तां सात्त्विक (सतोगुणी) खुआंदा ऐ ॥२३॥

यत्तु कामेप्सुना कर्म साहंकारेण वा पुनः ।

क्रियते बहुलायासं तद्राजसमुदाहृतम् ॥२४॥

ते जेड़ा करम बड़ी मेनताला ऐ ते फल गी चाहने आले ते
हेंकाराले मनुख दे जरियै कीता जंदा ऐ, ओ करम राजस
(रजोगुणी) खुआंदा ऐ ॥२४॥

अनुबन्धं क्षयं हिंसामनवेक्ष्य च पौरुषम् ।

मोहादारभ्यते कर्म यत्तत्तामसमुच्यते ॥२५॥

अतें जेड़ा करम नतीजा, नुकसान, हिंसा (मारकट्ट) समरत्था
दे सोचे बगैर छड़े अज्ञान थों रंभ कीता जंदा ऐ ओ करम तामस
(तमोगुणी) खुआंदा ऐ ॥२५॥

मुक्तसङ्गोऽनहंवादी धृत्युत्साहसमन्वितः ।

सिद्धयसिद्धयोर्निर्विकारः कर्ता सात्त्विक उच्यते ॥२६॥

अतें ए अरजुन ! जेड़ा करने आला लागा पलेचा थों रैहत
ऐ, हेंकाराले वचन नई बोलदा, धीरज ते हिम्मताला ऐ कन्ने
कारज दे पूरे ओने उप्पर जां नई ओने उप्पर खुशी ते बसोसा
ओसाले विकारें थों रैहत ऐ ओ करने आला तां सात्त्विक
(सतोगुणी) खुआंदा ऐ ॥२६॥

रागी कर्मफलप्रेप्सुर्लुब्धो हिंसात्मकोऽशुचिः ।

हर्षशोकान्वितः कर्ता राजसः परिकीर्तितः ॥२७॥

ते जेकड़ा लागा पलेचाला करमें दे फलें गी चाहने आला ते
जालची ऐ अतें दुएं गी तंग करने आले सब्हा दा भृष्ट आचाराला

(बदचलन) खुशी ते बसोसा ने लपड़ोआ दा ऐ ओ करने आला राजस (रजोगुणी) खुआंदा ऐ ॥२७॥

अयुक्तः प्राकृतः स्तब्धः शठो नैष्कृतिकोऽलसः ।

विषादी दीर्घसूत्री च कर्ता तामस उच्यते ॥२८॥

अतें जेड़ा नीम सुदाई, अनपढ़, घमंडी, ठग ते दुएं दी रोजगी गी नुकसान पुजाने आला अतें बसोस इच डुब्बे रौने आला, आलसी ते कम्म गी लमकाई रखने आला ऐ ओ करने आला तां तामस (तमोगुणी) खुआंदा ऐ ॥२८॥

बुद्धेर्भेदं धृतेश्चैव गुणतस्त्रिविधं शृणु ।

प्रोच्यमानमशेषेण पृथक्त्वेन धनंजय ॥२९॥

अतें ए अरजुन ! तूं बुद्ध दा ते धारणा शक्ति दा बी गुणों करी त्रौं चाल्लियें दा भेद समूचे तौरा ने बख-बख मेरा आखेया दा सुनी लै ॥२९॥

प्रवृत्तिं च निवृत्तिं च कार्याकार्ये भयाभये ।

बन्धं मोक्षं च या वेत्ति बुद्धिः सा पार्थ सात्त्विकी ॥३०॥

ए पार्थ ! जेड़ी बुद्ध प्रवृत्ति ते निवृत्ति दे रस्ते गी मतबल जे कुस पासे पौना स्ते कुस पासे नई पौने गी ते के करना ते के नई करने गी भौ ते निरभौगी, बज्जने ते छुड़कने गी भलेयां समझ दी ऐ ओ बुद्ध तां सात्त्विक ऐ ॥३०॥

यया धर्ममधर्मं च कार्यं चाकार्यमेव च ।

अयथावत्प्रजानाति बुद्धिः सा पार्थ राजसी ॥३१॥

ते ए अरजुन ! जिस बुद्धाने मनुख धरम (पुन्न) ते पाप

न तदस्ति पृथिव्यां वा दिवि देवेषु वा पुनः ।

सत्त्वं प्रकृतिजैर्मुक्तं यदेभिः स्यात्त्रिभिर्गुणैः ॥४०॥

ते ए अरजुन ! धरती उप्पर जां सुरग इच जां देवतें च बी नेआ ओह कोई प्राणी नई ऐ के जेड़ा इनें प्रकृतियें थों बने दे त्रौनें गुणों थों रहत ओऐ, कीजे जिन्ना मात्र कुल्ल संसार (ब्रह्मांड) त्रों गुणों आली माया थों गै बनेया दा ऐ ॥४०॥

ब्राह्मणक्षत्रियविशां शूद्राणां च परंतप ।

कर्माणि प्रविभक्तानि स्वभावप्रभवैर्गुणैः ॥४१॥

इस लेई ए परंतप ! ब्रह्मण, खत्तरी ते वैश अतें शूदरें दे बी करम सव्हा थों बने दे गुणों मूजब बंडोए दे न, मतबल जे पैले जरम दे करमें दे संस्कारारूपाले सव्हा थों बनें दे गुणों मूजब बंडी ओड़े दे न ॥४१॥

शमो दमस्तपः शौचं क्षान्तिरार्जवमेव च ।

ज्ञानं विज्ञानमास्तिक्यं ब्रह्मकर्म स्वभावजम् ॥४२॥

उन्दे च एंताकरण गी काबू रखना, इंदरियें गी दब्बी रखना, अंदरा ते बाहरा दा सुच्चे रौना, तप करना, दुःखें (तकलीफें) गी भल्लना, निमते रौना, बुद्ध गी आस्तिक रखना, शासतरें दे बारें दा ज्ञान लैना, ते परमात्मा दे तत्त दा अनुभव (तजरबा) करना ऐ तां ब्रह्मण दे सव्हा आले करम न ॥४२॥

शौर्यं तेजो धृतिर्दाक्ष्यं युद्धे चाप्यपलायनम् ।

दानमीश्वरभावश्च क्षात्रं कर्म स्वभावजम् ॥४३॥

ते बहादरी, तेज, धीरज, चतराई ते जुद्धा च पिठ्ठ नई दस्सनी, दान देना, ते स्वामी भाव रखना मत्तबल जे निस्वास्थ्य

ओइयै (वेगरज वनियै) सबनें दा भला चतैना, शासतरें दे मुतावक
धूमता दे जरियै प्रेमाने पुत्तरें आंगूं रियाआ गी पालन दा भाव
रखना ए सब खत्तरी दे सव्हा आले करम न ॥४३॥

कृषिगौरक्ष्यवाणिज्यं वैश्यकर्म स्वभावजम् ।

परिचर्यात्मकं कर्म शूद्रस्यापि स्वभावजम् ॥४४॥

अतें कसानी, गौमां पालना ते वणज वपार वैश दा सव्हा
सूजव करम ऐ ते त्रौनें वरणें दी चाक्करी करनी शूदर दा सव्हा
आला करम ऐ ॥४४॥

स्वे स्वे कर्मण्यभिरतः संसिद्धिं लभते नरः ।

स्वकर्मनिरतः सिद्धिं यथा विन्दति तच्छृणु ॥४५॥

इस चाल्ली अपने-अपने करमें च पेआ दा मनुख मतबल जे
पूरा करी लैदा ऐ । अपने करमें च लग्गा दा मनुख जिय्यां अपना
मतबल पूरा करी लैदा ऐ मतबल जे परमेस्सर दी पानेरूपाली
सिद्धि गी पाई लैदा ऐ उस विधि गी तूं सुन ॥४५॥

यतः प्रवृत्तिर्भूतानां येन सर्वमिदं ततम् ।

स्वकर्मणा तमभ्यर्च्य सिद्धिं विन्दति मानवः ॥४६॥

ए अरजुन ! जिस परमात्मा थों सारें जीवें दा जरम ओआ
ऐ ते जिस थमां ए सारा जगत व्यापेया दा ऐ, उसी परमात्मा गी
अपने सव्हा आले करमें ने पूजियै मनुख परम सिद्धि गी पाई
लैदा ऐ ॥४६॥

श्रेयान्स्वधर्मो विगुणः परधर्मात्स्वनुष्ठितात् ।

स्वभावनितं कर्म कुर्वन्नाप्नोति किल्बिषम् ॥४७॥

इस लेई चंगीतरां दुएं दे धरमा दे वर्तने थमां गुणें थों रेहत

बी अपना धरम स्रेष्ट ऐ, कीजे सव्हा थों मुकरँ कीते दे अपने
 धरमरूपाले करमें गी करदे ओई मनुख पाप गी नईं
 भोगदा ऐ ॥४७॥

सहजं कर्म कौन्तेय सदोषमपि न त्यजेत् ।

सर्वारम्भा हि दोषेण धूमेनाग्निरिवावृताः ॥४८॥

इस्से थों ए कुंती दे पुत्तर ! दोस्साले हुंदे ओई सव्हा आले
 करम गी नईं त्यागना चाई दा ऐ, कीजे धुआं ने अग्नि आंगू सारे
 गै करम कुसै न कुसै दोस्सा ने खटोए दे न ॥४८॥

असक्तबुद्धिः सर्वत्र जितात्मा विगतस्पृहः ।

नैष्कर्म्यसिद्धिं परमां संन्यासेनाधिगच्छति ॥४९॥

अतें ए अरजुन ! सवनें थाएं च लागा प्लेचा थों रहत बुद्धाला
 बगैर लालसा ते जित्तेदे एंताकरणाला मनुख सांख्ययोग दे जरिये
 बी परम निष्करमें आली सिद्धि पाई लैदा ऐ मतवल जे कियेया
 थों रहत शुद्ध सच्चिदानंदधन परमात्मागी पाने रूपाली परम सिद्धि
 गी पाई लैदा ऐ ॥४९॥

सिद्धिं प्राप्तो यथा ब्रह्म तथाप्नोति निबोध मे ।

समासेनैव कौन्तेय निष्ठा ज्ञानस्य या परा ॥५०॥

इस लेई ए कुंती दे पुत्तर ! एंताकरण दी शुद्धिरूपाली
 कामयाबी पाई चुक्का दा मनुख जिय्यां सांख्ययोग दे जरिये
 सच्चिदानंदधन ब्रह्म गी पाई लैदा ऐ ते जेड़ी तत्तज्ञानादी परानिष्ठा
 ऐ उसी बी तूं थोड़े च मेरे थों सुन ॥५०॥

बुद्ध्या विशुद्धया युक्तो धृत्यात्मानं नियम्य च ।

शब्दादीन्विषयांस्त्यक्त्वा रागद्वेषौ व्युदस्य च ॥५१॥

विविक्तसेवी लघ्वाशी यतवाक्कायमानसः ।

ध्यानयोगपरो नित्यं वैराग्यं समुपाश्रितः ॥५२॥

ए अरजुन ! सुच्छ बुद्धाने जुड़ेदा, नकेबले ते सुच्चें थां गी सेवने आला, हल्का ते थोड़ा खाने आला, थोड़ा बोलने आला, कायां गी मती खेचल नईं देने आला ते मन गी काबू रखने आला ते वरागी ओआ दा मनुख लगातार ध्यान योग इच मग्न ओआ दा मतोगुणाली धारणा ने एंताकरण गी वस इच करियै शब्द उब्द पंज विशे त्यागियै मतबल जे बोलना, दिक्खना, सुनना, सिङना ते छूना इनें गी छोड़ियै ते ममता ते वैर (दुश्मनी) गी परें सुट्टियै ॥५१॥५२॥

अहंकारं बलं दर्पं कामं क्रोधं परिग्रहम् ।

विमुच्य निर्ममः शान्तो ब्रह्मभूयाय कल्पते ॥५३॥

ते हैंकड़ी, जोर, घमंड, आस, रोह ते जोड़ाजमा गी छोड़ियै ममता थों रहत ते शांत ओआ दा ब्रह्म इच इक्क ओने जोगड़ा बनी सकदा ऐ ॥५३॥

ब्रह्मभूतः प्रसन्नात्मा न शोचति न काङ्क्षति ।

समः सर्वेषु भूतेषु मद्भक्तिं लभते पराम् ॥५४॥

फिरी ओ ब्रह्म च इक्क ओई गेदा खुशी मना आला, मनुख नईं तां कुसै वस्तै लेई बसोस करदा ऐ ते नईं गै किश चांदा ऐ, इय्यां सबनें जीवें गी इक्का नेआ समझदा ओई मेरी परम भगति गी पाई लैदा ऐ ॥५४॥

भक्त्या मामभिजानाति यावान्यश्चास्मि तत्त्वतः ।

ततो मां तत्त्वतो ज्ञात्वा विशते तदनन्तरम् ॥५५॥

ते उस परम भगति दे जरियै मिगी असली इच भलेयां बुजदा
 ऐ के आऊं जिन्नां ते जे किश बी आं, परैत उस भगति ने असली इच
 मिगी पछानियै भट्ट उस्सै एल्लै मेरे च मिली जंदा (वड़ी जंदा)
 ऐ, मतबल जे मेरे च इक्क ओई जंदा ऐ, फिरी ओदी नजरी च मेरे
 परमेस्सर दे बगैर होर किज बी नई सेई ओंदा ऐ ॥५५॥

सर्वकर्माण्यपि सदा कुर्वाणो मद्वचपाश्रयः ।

मत्प्रसादादवाप्नोति शाश्वतं पदमव्ययम् ॥५६॥

ते मेरे आस्रे आला सदा सबने करमें गी करदा ओई बी
 निष्काम करम करने आला योगी मेरी किरपा ने सनातन, नासा थों
 रहत परमपद (धाम) गी पाई लैदा ऐ ॥५६॥

चेतसा सर्वकर्माणि मयि संन्यस्य मत्परः ।

बुद्धियोगमुपाश्रित्य मच्चित्तः सततं भव ॥५७॥

इस लेई ए अरजुन ! तू सवने करमें गी मना थमां मेरे अर्पण
 करियै मेरे भरोसे उप्पर सबनें गी बरोबर समझने आली बुद्ध
 दा सहारा लैइऐ लगातार मेरे इच मन गी लाने आला बन ॥५७॥

मच्चित्तः सर्वदुर्गाणि मत्प्रसादात्तरिष्यसि ।

अथ चेत्त्वमहंकारान्न श्रोष्यसि विनङ्क्ष्यसि ॥५८॥

इस चाल्ली तू मेरे इच चौराएल्लै मना लेआ मेरी किरपाने
 जम्मने ते मरने-उरने आले सारें संगटें गी तरी जागा, ते जेकर
 तू हँकड़ी ने मेरी गल्ल नेई सुनगा तां गर्क ओई जागा, मतबल जे
 परमारथ ओ हत्थ धोई बौगा ॥५८॥

यदहंकारमाश्रित्य न योत्स्य इति मन्यसे ।

मिथ्यैष व्यवसायस्ते प्रकृतिस्त्वां नियोक्ष्यति ॥५९॥

ते जे तूँ घमंड दे स्हारेने ए समझना ऐं के आऊं जुद्ध नईं
करड तां ए तेरा निश्चा भूठा ऐ, कीजे राजपूती सव्हा तुगी
जबरदस्ती जुद्ध इच धिक्कग ॥५९॥

स्वभावजेन कौन्तेय निबद्धः स्वेन कर्मणा ।

कर्तुं नेच्छसि यन्मोहात्करिष्यस्यवशोऽपि तत् ॥६०॥

ए कुंती दे पुत्तर ! जिस कम्मा गी तूँ मोहाथमा नईं करना
चान्ना ऐ न उस गी बी तूँ पैलें कीतें दे सव्हाले करमें ने बज्जा दा
वेवस ओग्रा दा (वरजरू) करगा गै ॥६०॥

ईश्वरः सर्वभूतानां हृद्देशेऽर्जुन तिष्ठति ।

भ्रामयन्सर्वभूतानि यन्त्रारूढानि मायया ॥६१॥

कीजे ए अरजुन ! देहरूपाले जैत्रा मतबल जे मशीन दे
उप्पर चढ़ें दे सबने प्राणियें गी एंतर्यामी परमेस्सर अपनी माया
ने उंदे करमें दे मूजब भरमांदा ओई सबने भूत प्राणियें दे हिरदे
च वसदा ऐ ॥६१॥

तमेव शरणं गच्छ सर्वभावेन भारत ।

तत्प्रसादात्परां शान्तिं स्थानं प्राप्स्यसि शाश्वतम् ॥६२॥

इस लैई ए भरत वैसी ! सबने चाल्ली (दूए गी छोडिये डक
मात्र) उस परमेस्सरा दी गै शरण लै, उस परमेस्सरा दी किरपा
ने गै परम शांति ते सनातन परम धामा गी पागा ॥६२॥

इति ते ज्ञानमाख्यातं गूह्याद्गुह्यतरं मया ।

विमृश्यैतदशेषेण यथेच्छसि तथा कुरु ॥६३॥

इस चाल्ली एह ज्ञान मतबल जे जानकारी गुज्झी थों बी
गुज्झी तुगी आखी ऐ, इसी तूँ सबने चाल्ली भलेयां सोची
विचारियै जिय्यां तूँ चान्ना ऐं उंग्रां कर ॥६३॥

सर्वगुह्यतमं भूयः शृणु मे परमं वचः ।

इष्टोऽसि मे दृढमिति ततो वक्ष्यामि ते हितम् ॥६४॥

इन्ना गलाने उप्पर बी अरजुन दा कोई जवाब नई मिलने करी सिरी कृष्ण भगवान् फिरी बोले, ए अरजुन ! सबने गुज्जिभयें गल्लें थमां बी मती गै गुज्जिभी ते मेरी खास गल्ल तू फिरी सुन, कीजे ए अरजुन ! तू तां मेरा पक्का मित्तर होआ ना, इस लेई आऊं तुगी तेरे हितै दी गल्ल आखड ॥६४॥

मन्मना भव मद्भक्तो मद्याजी मां नमस्कुरु ।

मामेवैष्यसि सत्यं ते प्रतिजाने प्रियोऽसि मे ॥६५॥

ए अरजुन ! तू (छड़ा) मेरे (परमेस्सर) च गै (सदा प्रीता ने) मन लाई रख, मेरो (परमेस्सर दी पूरी सरधा ने निष्काम भावा ने गुण ते प्रभाव दे सुनने, कीर्तन करने, मन च बाह्मने ते पढ़ने, पढ़ाने दे जरिये लगातार भजने आला ओ अट्ठे चाल्लियें दी भगति करने आला) मेरा भगत बन, मेरे लेई गै जग कर ते मिगी गै (माष्टांग) नमस्कार बी कर, आऊं तुगी परतिगोया (प्रतिज्ञा) करिये आखा करना जे तू मिगी सच्चें-मुच्चें पाई लैगा, कीजे तू मेरा मता गै प्यारा मित्तर ऐं ॥६५॥

सर्वधर्मान्परित्यज्य मामेकं शरणं व्रज ।

अहं त्वा सर्वपापेभ्यो मोक्षयिष्यामि मा शुचः ॥६६॥

इस लेई सारे करमें मतबल जे सारें करमें दे सहारे गी छोड़िये छड़ा इक मिगी परमेस्सर गी गै राखी करने आले गी पाई लै, आऊं तुगी सारें पापें थमां बचाई लैड, तू वसोस मत कर ॥६६॥

इदं ते नातपस्काय नाभक्ताय कदाचन ।

न चाशुश्रूषवे वाच्यं न च मां योऽभ्यसूयति ॥६७॥

ए अरजुन ! इस लेई तेरे भले मूजब आखे दे इस गीता
रूपाले मते गै गुज्भे ज्ञान गी तप थों रहत, भगति थों रहत ते
सुनने दी नईं मर्जी आले गी कदें वी नईं आखेयां, अतें जेड़ा मेरा
दोखी ओग उसी वी नईं गै आखेयां ॥६७॥

य इमं परमं गुह्यं मद्भक्तेष्वभिधास्यति ।

भक्ति मयि परां कृत्वा मामेवैष्यत्यसंशयः ॥६८॥

कीजे जेड़ा मनुख मते प्रेमा ने इस परम गुज्भे गीता
शासतर गी मेरे भगते च आखग मतबल जे निष्काम भावा ने प्रेमा
ने मेरे भगते गी पढ़ाग, जां अर्थ गी खोलिया समभाग ते लिखियै
वी एदा परचार करग, ओह तां जकीना ने मिगी पाई लैग ॥६८॥

न च तस्मान्मनुष्येषु कश्चिन्मे प्रियकृतमः ।

भविता न च मे तस्मादन्यः प्रियतरो भुवि ॥६९॥

ते नईं तां ओदे कोला वद् मनुखें च मेरा प्यारा कम्म करने
आला होर दुआ कोई ऐ, ते नईं गै उस थमां दुआ होर कोई
धरती उप्पर मेरा वड़ा प्यारा ओग ॥६९॥

अध्येष्यते च य इमं धर्म्यं संवादमावयोः ।

ज्ञानयज्ञेन तेनाहमिष्टः स्यामिति मे मतिः ॥७०॥

ते ए अरजुन ! जेड़ा मनुख इसी धरमाली साड़े दौने जने दी
गल्ला कत्या गी पढ़ग, मतबल जे रोज-बरोज पाठ करग ओदे
जरियै आऊं ज्ञान रूपाले जग्गा ने पूजेया जाड, नेआ मेरा
मत ऐ ॥७०॥

श्रद्धावाननसूयश्च शृणुयादपि यो नरः ।

सोऽपि मुक्तः शुभाल्लोकान्प्राप्नुयात्पुण्यकर्मणाम् ॥७१॥

ते जेड़ा मनुख सरधाला ते दोसाली नजरी थों रैहत ओइयै
 इस गीता शासतर गी छड़ा मात्र सुनग गै ओह बी पापें थमां
 छुड़कियै पुन्नाले कम्म करने आलें दे स्रेष्ट लोकें च
 पुज्जी जाग ॥७१॥

कच्चिदेतच्छ्रुतं पार्थ त्वयैकाग्रेण चेतसा ।

कच्चिदज्ञानसंमोहः प्रनष्टस्ते धनंजय ॥७२॥

इस चाल्ली गीता दा म्हातम आखियै सिरी कृष्ण भगवान्
 होरें अरजुन गी पुच्छेया, भगवान् बोले, ए पार्थ ! के एह मेरा
 आखेया दा तुद मन चित लाइयै सुनेया ! ते ए धनंजय ! के तेरा
 अज्ञान थमां ओआ दा भरम मिटेया ऐ ॥७२॥

अर्जुन उवाच

नष्टो मोहः स्मृतिर्लब्धा त्वत्प्रसादान्मयाच्युत ।

स्थितोऽस्मि गतसन्देहः करिष्ये वचनं तव ॥७३॥

इय्यां सिरी भगवान् हुँदे पुच्छने उप्पर अरजुन बोलेया, ए
 अच्युत ! तुसाड़ी किरपा ने मेरा भरम तां हटी गया ऐ ते सुरत
 आई गै ऐ सेंशे बगैर हुन खड़ोता दा आं अतें तुं दे वचन (आखे दे)
 पूरा करड ॥७३॥

संजय उवाच

इत्यहं वासुदेवस्य पार्थस्य च महात्मनः ।

संवादमिममश्रौषमद्भुतं रोमहर्षणम् ॥७४॥

एदे परैत संजय ने आखेया, ए राजा जी ! इय्यां मीं सिरी
 वासदेव दी ते म्हातमा अरजुन दी इसी चर्जाली मती गै गूढ़ी ते
 रोम-रोम खड़े करने आली गल्ला कत्था गी सुनेया हा ॥७४॥

व्यासप्रसादाच्छ्रुतवानेतद्गुह्यमहं परम् ।

योगं योगेश्वरात्कृष्णात्साक्षात्कथयतः स्वयम् ॥७५॥

कियां जे सिरि व्यास जी दी किरपा ते दिव्व नजरा दे जरियै मीं इसी मते गै गूढ़े ते छर्पलियै सम्हाले दे योगा गी सामर तक आखदें गो आपूँ योगेस्सर सिरि कृष्ण भगवान् हुँदे मुयां सुनेया ऐ ॥७५॥

राजन्संस्मृत्य संस्मृत्य संवादमिममद्भुतम् ।

केशवार्जुनयोः पुण्यं हृष्यामि च मुहुर्मुहुः ॥७६॥

इस लेई ए राजा जी ! सिरि कृष्ण भगवान् ते अरजुन दी इसो चर्जाली पवित्तर गल्ला कत्था गी घड़ी मुड़ी चेत्ता करियै आऊं बारंबार खुश होआ करना आं ॥७६॥

तच्च संस्मृत्य संस्मृत्य रूपमत्यद्भुतं हरेः ।

विस्मयो मे महान् राजन्हृष्यामि च पुनः पुनः ॥७७॥

अतें ए राजा जी ! उसी परमेस्सर दे अनोखे रूपा गी बी घड़ी मुड़ी चेत्ता करियै आऊ बड़ा-हान होन्ना ते बारंबार खुशी ओन्ना आं ॥७७॥

यत्र योगेश्वरः कृष्णो यत्र पार्था धनुर्धरः ।

तत्र श्रीविजयो भूतिर्ध्रुवा नीतिर्मतिर्मम ॥७८॥

ए राजा जी ! खास के आखां, जित्थें सामघाम जोगेस्सर सिरि कृष्ण भगवान् न, ते जिस पाससै गांडीव धनख धारी अरजुन ऐ उत्थें गै लखमी, जित्त, ऐश्वर्य (इकबाल) ते अटल नीत ऐ, मेरा तां ए नेया मत ऐ ॥७८॥

इय्यां भगवान् होरें दी आखीदियें उपनिषदें च महाविद्या दे अंदर योग शासतरा दे सरबंधा च सिरि कृष्ण ते अरजुन हुंदी गल्ला कत्था दा मोक्ष संन्यास योग तां आला ठारमा ध्या मुक्का ।

ॐ

परमात्मने नमः

त्यागाने परमेस्सरा गी पाना

त्यक्त्वा कर्मफलासङ्गं नित्यतृप्तो निराश्रयः ।

कर्मण्यभिप्रवृत्तोऽपि नैव किञ्चित्करोति सः ॥

न हि देहभृता शक्यं त्यक्तुं कर्मण्यशेषतः ।

यस्तु कर्मफलत्यागी स त्यागीत्यभिधीयते ॥

घृस्थ आस्रमा च रौंदे होई बी मनुक्ख त्यागाने परमेस्सरा गी पाई सकदा ऐ । परमेस्सरा गी पाने लेई 'त्याग' गै मुक्ख साधन (उपाग्रो) ऐ । इस लेई सत्ते स्नेणिये (जमाते) च बंडिऐ त्यागा दे लक्खन थोड़े च करिऐ लिखे जंदे न ।

(१) ठाके दे कम्मे गी सबने चाल्ली त्यागना ।

चौरी, वदमन्नी, झूठ, कपट, छल, जोरा जवारी, हिंसा, मन वचन ते, करमाने बी कुसै जीवे गी दुःखाना, जीवे गी मारना, नई खाने आलिये वस्ते गी नई खाना ते खड़मस्ती उड़मस्ती, शासतरे दे बरखलाफ कच्चे कम्मे गी मन जवान ते देहा थों कुसै चाल्ली बी नई करना, ए पैहली स्नेणी दा त्याग ऐ ।

(२) कामना आले कम्मे दा त्याग ।

जनानी, पुत्तर, ते धन उन प्यारिये वस्ते गी पाने दी गर्जा

लेई इय्यां गै रोगा संकटा दे चकाने दी गर्जा मूजब कीते जाने आले जंग, दान, तप ते उपासना ऊसना कामना आले कम्मं दा अपनी गर्जा लेई नई करना, ए दुई स्रेणी दा त्याग ऐ।

(जेकर कोई लोकाचारी जां शासतरें मूजब नेआ जनेआ मौका संयोग वस आई पवै जेड़ा सकाम सेई ओदे ओई बी ओदे नई करने ने कुसा गी दुःख पुजदा होऐ जां करमें दी उपासना च कुसै चाल्ली दी रोक आऊंदी होऐ तां फिरी स्वार्था दा त्याग करिऐ छड़ा लोकाचारी मूजब गै ओदा करी लैना सकाम करम नई ऐ)।

(३) तृष्णा (लालसा) गी सबने चाल्ली त्यागना।

मान, बडेआई, परतिष्ठा, इय्यां गै इस्त्री, पुत्तर ते धन उन जे किज बी नास ओने आलियां वस्तां परालब्धि मूजब थोई दिआं होन उन्दे बाढे दी लोड़ा गी परमेस्सरा दे पाने च रोक समझिऐ ओदा त्याग करना। ए त्री जमाता दा त्याग ऐ।

(४) स्वार्था लेई दुए कोला सेवा कराने गी त्यागना।

अपने सुखा लेई कुसा कोला बी धन उन पदार्थें गी जां सेवा कराने दी मंग करनी इय्यां गै बगैर मंगा दे दित्ते दे पदार्थें गी जां कीती दी सेवा गी मन्नी लैना ते कुमै चाल्ली बी कुसा कछा अपना स्वार्थ पूरा करने दी मना च बी चाह रखनी उक्खनी जेड़े स्वार्थास्तै दुए कोला सेवा कराने आले ख्याल ऐ न उन्दा त्यागना। पर जेकर कोई नेआ मौका संयोगा ने आई बी जा जे देहा दे सरबन्धा मूजब सेवा जां भोजन ऊजन पदार्थें गी स्वीकार नई करने ने कुसै गी दुःख पुजै जां लोकें दी सिक्खा च किसै चाल्ली दी रोक लगदी ओऐ तां नए जने मौके उपपर स्वार्था दा त्याग करिऐ छड़ा उन्दी परसिन्नता मूजब गै सेवा ऊवा गी मन्नी लैना

रोसाला नईं ऐ। कीजे इस्त्री, पुत्तर, ते नौकर चाक्कर कछा कराई दी सेवा ते सरबंधी ते मितरे उतरें दे जरिऐ दित्ते दे भोजन ओजन पदार्थ स्वीकार नईं करने ने उनेगी कंष्ट ओना ते लोक-मर्यादा च खिज पौनी जरूर गै ऐ। ए चौथी स्त्रीणी दा त्याग ऐ।

(५) सारे गै करने जूड़े कम्म च आलसा दा ते फला दी इच्छा दा सबने चाल्ली त्यागना।

परमेस्सरा दी भगति, देवतें दी पूजा, माऊ बब्बा उब्बा गुरु लोकें दी सेवा, जग्ग, दान, तप ते वर्ण आसमा मूजब नौकरी दे जरिऐ गृस्था दा गुजारा ते देहा दे सरबंधा च खाना पीना ऊना जिन्ने बी करने जूड़े कम्म न उने सबने च आलसा गो ते सबने चाल्ली दी कामना गी त्यागी ओड़ना।

(क) परमेस्सरा दी भगति च आलसा गी त्यागना।

अपने जीने दा मुख कर्तव्य समझिऐ परम दयालु सबने दे हित चाहने आले परम प्रेमी एंतर्यामी परमेस्सरा दे गुण प्रभाव ते प्रेमा दी रहस्याली कथा गी सुनना, मना च बाह्लना ते पढ़ना-पढ़ाना ते आलसा गी छोड़िऐ उन्दे परम पवितर नां दा उत्साह कन्ने ध्याना समेत लगातार जप करदे रौना।

(ख) परमेस्सरा दी भगति च कामना गी त्यागना।

इस लोक ते परलोक दे सारें गै भोगें गी खिन भराले, नासाले ते परमेस्सरा दी भगति च विघ्न पाने आले समझिऐ कुसै बी वस्ता दे पाने मूजब नईं गै परमेस्सरा अर्गें अर्ज करनी ते नेईं मने च चाह रखनी ते कुसा चाल्ली दा संगट औने उप्पर बी नईं गै ओदे ढाने लेई परमेस्सर दी प्रार्थना करनी, मतवल जे हिरदे च नेआ भाव रखना जे भामें प्राण बी निकली जान पर इस भूटे

जीने लेई सच्ची भगति च कलंक लाना मुनासब नईं ऐं । जिआं प्रह्लाद भगत होरें बब्रा दे जरिऐ अति धूँ देने उप्पर बी अपने दुःखा गी ढाने लेई परमेस्सर अग्रे प्रार्थना नईं कीती । अपना बुरा करने आलें गी बी “परमेस्सर तुंदा बुरा करै” दूआ ने कुसा चाल्ली दे बी कठोर बोलें ने मराफ नईं देना । ते उन्दे बुरे लेई मन इच बी नईं चितेना । अतें परमेस्सरा दी भगति दे अभमान च आइऐ कुमा गी वर ते मीस बी नईं देनी जिआं “परमेस्सर तुगी राजी रखे” “परमेस्सर तेरे दुःख गी दूर करै” “परमेस्सर तेरी आर्बला बदा ।”

(ग) देवतें दी पूजा च आलस ते कामना गी त्यागना ।

शासतरें दी मर्यादा मूजब जां लोकाचारी बी पूजने जोगडे देवतें दे पूजने दे नित ते नियत (मुकर्र) ममा औने उप्पर उन्दी पूजा करने लेई परमेस्सर दी आज्ञा ऐ इआं परमेस्सरा दी आज्ञा दा पालन करना परम कर्तव्य (धर्म) ऐ नेआ समझिऐ बडे धीरजा ने विधि समेत उन्दी पूजा करनी ते उन्दे थों कुसै भी चाल्ली दी कामना नईं करनी ।

(घ) माता (मां) पिता (बब्व) आदि (उब्ब) (गुरु जन)

बडे दी सेवा च आलस ते कामना गी त्यागना ।

मां, बब्व ते गुरु ने होर बी जेडे पूजने जोग मनुख वर्ण, आस्रम, आर्बला ते गुरूं दे लिआजा मूजब कुसै चाल्ली बी अपने थों बड़े होन उनें सबने दी सबने चाल्ली नित सेवा करनी ते उनेंगी रोज गै चरण बंदना करनी मनुख दा परम कर्तव्य ऐ । इसी भावा गी मना च रखदे होई आलसा दा बिलकुल त्याग करिऐ निष्काम भावा ने उत्साह दे साथें परमेस्सरा दी आज्ञा मूजब उन्दी सेवा करने च लगे रोना ।

(ङ) जग्ग, दान ते तप उप शुभ कम्ममें च आलस ते कामना गी त्यागना ।

पंज बड़े जग्ग उग्ग देवतें लेई अग्नि होतर उत्तर (नित हवन करना) १—देव जग्ग । २—ऋषि जग्ग (वेदा दा पाठ, संध्या, गायत्री दा जप-उप) ३—पितर जग्ग, (पितरें लेई तर्पण, स्नाध ऊद) ४—मनुख जग्ग (अतिथि प्रौने दी सेवा) ते भूत जग्ग (बलि वैश्व) ।

नित्त कर्म ने होर बी । निमित्ता मूजब करम रूपाले जग्ग उग्ग करने ते नाज, टल्ले विद्या, द्वा ते धन उन पदार्थें दा दाना दे जरिऐ सबनें जीवें गी जिन्ना होई सके सुख पजाने लेई मन, वचन ते देहाने अपने सरमथ्या मूजब यतन करना ते अपने धर्मा दा पालन करने लेई सबने चाल्ली कष्ट बी स्हाग्ना, ने ने शासतरें दे दस्खे दे कम्ममें च इस लोक ते परलोक दे सारे भोगें दी कामना गी सबने चाल्ली गै त्याग करिऐ इंग्रां गै अपने परम कर्तव्य समझिऐ सरधा समेत उत्साह ने परमेस्सरा दी आज्ञा मूजब छड़ा परमेस्सरा आस्तै गै उन्दा आचरण करना ।

(च) जीविका दे जरिऐ गृस्था दे निर्वाह लेई कम्ममें च आलस ते कामना गी त्यागना ।

जीविका दे कम्म—जिआं वैश्य आस्तै करसानी (खेती बाड़ी) गौयें दी राखी ते वराज वपार ऊर आखे दे न, उंग्रां गै जेड़े अपने-अपने वर्ण ते आस्रमें मूजब शासतरें च दस्सेदे न उने सबनें गी पालदे होई संसारा दा भला करने गृस्था दा गुजारा चलाने लेई परमेस्सरा दी आज्ञा ऐ । इस लेई अपना कर्तव्य मन्निऐ घाटे ते वादे गी बरोबर समझिऐ सबने चाल्ली दी खाशा गी

त्यागिए धीरजा ने उप्पर दस्से दे कम्में गी करना ।

उप्पर दस्से दे भावा ने करने आले मनुख दे कम्म लाजचा थों रैत होने करो उंदे च कुसै चाल्ली दा बी दोस नईं आई सकदा, कीजे जीविका दे कम्में च लालच गै खास करिए पाप कराने दा सबव ऐ, इस लेई इस थमां वचना लोड़चदा ऐ ।

(छ) देहा दे सरबंधाले कम्में च आलस ते कामना गी त्यागना ।

देहा दे गुजारे लेई शासतरें च दस्से दे रीति रवाजा मूजव, खाने, लाने ते द्वाई दे सेवनरूपाले जेड़े देहा दे सरबधी कम्म न उंदे च सबनें चाल्ली गै भोगा विलासा दी खाशा गी छोड़िए, इंआं गै सुख, दुःख घाटा, बादा ते जोना, मरना उरना इनें गी बरोबर समझिए छड़ा परमेस्सरा दे पाने लेई गै जरूरता मूजव उनें गी बर्तना

पैलियें चौं स्त्रेणियें दे त्यागा समेत इस पंजमी स्त्रेणी दे त्यामा मूजव सारे दोसैं दा ते सबने चाल्लियें दी कामनाएं दा नास होइए छड़ा इक्क परमेस्सरा दी प्राप्ति दी गै इच्छा (चाह) दा होना ज्ञाना दी पैहली मंजला च भलेआं पक्की दी हालता च पुज्जे दे मानुआ दे लक्खन समझने लोड़चदे न ।

(६) संसारा दे सारे पदार्थें च ते कम्में च ममता ते आसक्ति (खचत) गी सबने चाल्ली त्यागना ।

धन, घर ते टल्ले उल्ले सारियां वस्तां ते इस्त्री, पुत्तर ते मित्तर उत्तर सरबंधी इंआं गै मान बड़ेआई ते परतिष्ठा उष्ठा इस लोका दे ते परलोका दे जिन्ने बी विशें दे भोगरूपाले पदार्थ न उने सबनें गी खिन भर रौने आले ते नासाले होने करिए अनित्य

समझिये उंदें च ममता ते आसक्ति दा बिलकुल नईं रौना ते छड़ा इक्क सच्चिदानंदघन परमेस्सरा च गै शुद्ध प्रेम होने करिऐ मन वचन ते देहा दे जरिऐ होने आलियें सारियें कियेयां च ते देहा च बी ममता ते आसक्ति दा सबनें चाल्बी नईं रौना ए छेमी स्नेही दा त्याग ऐ ।

[सारें पदार्थें च ते कम्मे च लालसा ते फला दी इच्छा दा त्याग तां तीसरी स्नेही ते पंजमी स्नेही दे त्यागा च आखी ओड़ेया ऐ, पर उप्पर आखे दे त्यागा दे होने उप्पर बी उंदे च ममता ते आसक्ति बाकी रेई जंदी ऐ । जियां भजन, ध्यान ते सत्संगा दे भ्यासा ने भरत मुनी हुंदा सारे पदार्थें च ते कम्में च तृष्णा ते फला दी इच्छा दा त्याग होने उप्पर बी हरणा च ते हरणा दे पालन रूपाले कम्म च ममता ते आसक्ति (लगन) बनी रेई ही । इस लेई संसारा दे सारे पदार्थें च ते कम्में च ममता ते आसक्ति दे त्यागा गी छेमी स्नेही दा त्याग आखेया] ।

आखी दी छेमी स्नेही दे [त्यागा तिक्कर पुज्जे दे मनुखें दा संसारा दे सारें पदार्थें च वराग होइऐ छड़ा इक्क प्रेमरूपाले भगवान् च गै भलेयां प्रेम होई जंदा ऐ । इस लेई उनेंगी भगवान् दे गुण, प्रभाव ते, रहस्या ने भरपूर सच्चे प्रेमा दे बारे दी कथाएं सुनना सुनाना ते मनन करना ते एकांत घरा च रेइऐ लगातार भगवान् दा भजन, ध्यान ते शास्तरें दे मर्यादा सोच विचार करना गै प्यारा लगदा ऐ । विशें च फसें दे मनुखें च रेइऐ हस्सना, खेड़ना, विलास, लापरवाई, निंदेआ, विशें दा भोगना ते गल्लें कथें च अपने अनमोल समे दा इक्क खिन बी ग्वाना चंगा नईं सै हुंदा, इंग्रां गै ओदे जरिऐ सारे करने जोगड़े कम्म भगवान् दे सुरूप ते नां दे मनने रौंदे होई बी बगैर आसक्ति दे छड़े भगवान्

दे आस्तै गै होंदे न ।

इस चाल्ली सारें पदार्थें च ते कम्में च ममता ते आसक्ति (खचत) दा त्याग होने ने छड़ा इक्क सच्चिदानंदधन परमेस्सरा च ग शुद्ध प्रेमा दा होना ज्ञाना दी दुई मंजालाली भलेआं पक्की दी हांलता गी पुज्जे दे मनुख दे लक्खन समझने लोड़चदे न ।

(७) संसार देह ते सारें कम्में च सूखम वासना ते अहं भावा दा सबने चाल्ली त्याग ।

संसारा दे सारे पदार्थ माया दे काज होने करिए सबन चाल्ली गै अनित्य न ते इक्क सच्चिदानंदधन परमात्मा गै सबने थाएं समभावा ने भरपूर ऐ । नेआ पक्का निश्चा करिए देहा समेत संसारा दे सारे पदार्थें च ते सारे कम्में च सूखम वासना दा बिलकुल नईं रौना, मतबल जे एंताकरण च उंदे चितरें दा संस्कार रूपा थों बी नईं रौना, इंआं गै देहा च अहं भावा दा सबने चाल्ली लोप होइऐ मन वचन ते देहा दे जरिए होने आले सारे कम्में च करने पुने दा अभमान दा रत्तिभर बी नईं रौना, ए सत्तमी मंजला दा त्याग ऐ (कीजे संसारा दे सारे पदार्थें ते कम्में च तृष्णा ते फल दी चाहा दा ते ममता ते आसक्ति दा सबने चाल्ली ईं होने पर बी उंदे च सूखम वासना ते कर्तापुने दा अभमान आकी रेई जंदा ऐ इस लेई सूखम वासना ते अभमाना दे त्यागा सत्तमी स्नेही दा त्याग आखेया ऐ) ।

इस सत्तमी स्नेही दे त्यागरूपाले परम वरागा गी पुज्जे दे मनुखें दे एंताकरणा दे वर्ताव सारें संसारा थों भलेआं गै मुक्की जंदे न । जेकर कुसै एला कोई संसारी फुरना ओई बी जंदी ऐ तां बी ओदे संस्कार नईं जमदे, कीजे उंदी इक्क सच्चिदानंदधन

वामुदेव परमात्मा च गै इक्क दृढ़ भावा ने पक्का जमा लगातार बनी जंदा ऐ। इस लेई उन्दे एंताकरणा च सारे अवगुणों दा लोप होई करिऐ १—अहिंसा, २—सत्य, ३—चोरी नई करनी (अस्तेय), ४—ब्रह्मचर्य, ५—अपैशुनता (चुगली नै लानी) ६—लाज, ७—अमानित्व, ८—निष्कपटता ।

१—शौच (पवित्रता), २—संदोष, ३—तितिक्षा (सैहन करना), ४—सेवा, ५—जग, ६—दान, ७—तप, ८—स्वाध्याय, ९—शांति (शम), १०—दम (इंदरियें गी वसा च रखना), ११—विनय (नम्रता), १२—आर्जव (हलका पुना), १३—देआ, १४—सरधा, १५—विवेक, १६—वराग, १७—बखरे रौना, १८—अपरिग्रह (किज नई लैना), १९ समाधान, २०—उपरामता, २१—तेज, २१—क्षमा, २३—धीरज, २४—अद्रोह (वैर नई करना), २५—अभय, २६—निरहंकारता), २७—शांति, ते परमेस्सर च अनन्य भगती ते इऐ जने होरने बी सद्गुणों दा उब्बरना अपने आप गै होई जदा ऐ ।

इस चाल्ली देहा समेत सबने पदार्थें च ते कम्में च वासना ते हंकारा दा बिलकुल नई होने उप्पर इक्क सच्चिदानंदधन परमात्मा दे सुरूपा च गै इक्क होइऐ नित्त निरंतर पक्की रिहाशा दा होना ज्ञाना दी त्री मंजला च भलेआं पक्की हालता गी पुज्जे दे मनुखा दे लक्खन न ।

उप्पर दस्से दे गुणों च किन्ने गै तां पैली ते दुई मंजला च गै आई जंदे न, पर सारे गुणों दा आनीना तां आम तौरा उप्पर त्री मंजला च गै हुँदा ऐ । कीजे ए सब भगवान् दी प्राप्ति दे मते गै कच्छ पुज्जे दे मनुक्खें दे लक्खन न । इंआं गै परमेस्सरा दे सुरूपा दे टगोदे (साक्षात्) ज्ञाना दे सबब न । इस लेई श्रीकृष्ण भगवान्

होरें आम तौरा उप्पर इनें गुणों गी गै गीता दे तेरमें ध्या दे (श्लोक ७ थों ११ तिवकर) ज्ञाना दे नां ने ते १६में ध्या च (श्लोक १ थों ३ तिवकर) दैवी संपदा दे नां ने आखेया दा ऐ। ते इने गुणों गी शास्त्रकारें सामान्य धर्म मन्नेआ ऐ। इस लेई मनुख मात्रा दा इंदे च हक ऐ (अधिकार ऐ) इस्सै लेई इनें सद्गुणों दा अपने एंताकरणा च जन्म देने आस्ते सबनें गी परमेस्सरा दी सरण च आइऐ खास करिऐ यतन करना लोड़चदा ऐ।

उपसंहार

इम लेखा च सत्तें स्त्रियायें दे त्यागा दे जरिऐ परमेस्सरा दी प्राप्ति दा होना आखेया गे आऐ। उस च पैलिए पञ्जें स्त्रियायें दे त्यागा तिवकर तां ज्ञाना दी पैली मंजला दे लक्खन ते छेमी स्त्रेणी दे त्यागा तिवकर दुई मंजला दे लक्खन ते सत्तमी स्त्रेणी दे त्यागा तिवकर त्री मंजला दे लक्खन दस्से न। दस्सी दी त्री मंजला च भलेआं पक्की दी हालता च पुज्जा दा मनुख उस्से एला गै मच्चिदानंदधन परमेस्सरा गी प्राप्त होई जंदा ऐ। फिरी उसदा इस खिन भराले ते नामा आले देहा ने संसार ने किज बी सरबंध नई रौंदा, मतबल जे जियां सुखने परेंत जागने उप्पर मनुखा दा सुखने आले संसारा ने किज भी सरबंध नई रौंदा, उआं गै अज्ञानालो नींद्रा थों जागे दे मनुखा दा बी माया दे काजरूपाले अनित्य संसारा ने किज बी सरबंध नई गैंदा ऐ। भामें लोकें दी नजरा च उस ज्ञानी मनुखा दे देहा दे जरिऐ परालब्धि मूजव सब कम्म होंदे होई सैई होंदे न। इआं उनें कम्मे ने संसारा च मता गै लाभ पुजदा ऐ, कीजे कामना, आसक्ति ते कर्ता होने दे अभमाना थों रैहत होने करिऐ उस म्हात्मा दे मन, वचन ते देहा दे जरिऐ कीते दे आचरण लोकें च प्रमाण रूप समझोंदे न ते

नैए मनुखा दे भावा ने गै शास्त्र बनदे न, पर ए सब होंदे होई बी सच्चिदानंदधन वासुदेव जी गी पुज्जा दा मनुख तां इस त्रौं गुणों आली माया थमां सबने चाल्ली गै (दूर) छिड़े होई. गेआ दा ऐ, इस लेई ओ नईं तां गुणों दे कार्य रूपा प्रकाशा, प्रवृत्ति ते नींदरा ऊंदरा दे आने उप्पर वर करदा ऐ ते नईं गै मुड़ी जाने परेंत फिरी लोड़ रखदा ऐ। कीजे सुख दुःख, नफा नुकसान, मान अपमान ते निंदा स्तुति उति च ते इंध्रां गै मिट्टी, बट्टे ते सुन्ने उन्ने च सबने थारें उसी इक्का जनेआ सैई हूँदा ऐ, मतवल जे समभाव होई जंदा ऐ, इस लेई उस भ्हात्मा गी नईं तां कुसै प्यारी वस्ता दे मिलने उप्पर ते दुपैरी दे नईं मिलने पर खुशी हुंदी ऐ, नईं गै कुसे दुपैरी दे मिलने उप्पर ते प्यारी दे वियोगा च बसोस हूँदा ऐ। जेकर कदें ओदा देह कुसै कारण थ्यारें ने टुकेआ बीजा जां उसी कोई बड़ा भारी होर कुसा चाल्ली दा दुःख बी लग्गी जा तां बी ओ सच्चिदानंदधन वासुदेव च इक्क भावा ने टिगेआ दा मनुख उस ढंगा थों चलायमान नईं हुंदा।

उस मनुखा दे एंताकरण च ए सारा संसारा मृग तृष्णा दे पानी आगू सैई हूँदा ऐ। ते इक्क सच्चिदानंदधन परमेस्सरा दे स्वा होर कुसै दुए दा बी होना ओना नईं सैई हुंदा। होर मता के आखेया जा, असली च उस सच्चिदानंदधन परमेस्सरा गी पुज्जे दे मनुखा दा भाव ओ आपू गै जानदा ऐ। मन, बुद्ध ते इंदरिएं दे जरिऐ प्रगट करने लेई होर कुसै दी बी सरमथ्य नईं ऐ। इस करी जिन्ना तौल होई सके अज्ञानाली नींद्रा थों जागिऐ, ए जेकडियां सत्त खेगियां दस्सियां न। इंदे च आखे दे त्यागा दे जरिऐ परमेस्सरा गी पाने लेई मत्पुरुषे दी सरण लेइयै उंदे आखने मूजव यतन करने गित्तै लग्गी पौना लोड़चदा ऐ, कीजे ए अती

गै दुलंब्ब मनुखा दा देह मत्तें जन्में परेंत परम देया आले परमेस्सरा दी किरपा ने गै थोंदा ऐ । इस लेई नासा आले खिन-भरा लेई संसारा दे अनित्य भोगें गी भोगने च अपने जीने दे अनमोल समें गी नष्ट नई करना लोड़चदा ऐ ।

उप्पर आखी दी छेमी स्रेणी दे त्यागा च पुज्जे दे मनुखा गी तां विशें दा खास तल्लक ओने ने कुसै एल्ले उन्दे च किज खचत ओई वी सकदी ऐ । पर इस सत्तमी स्रेणी दे त्यागी मनुखा दा विशें ने तल्लक होने उप्पर वी उन्दे च खचत नई होई सकदी, कीजे ओदे निश्चे च इक्क परमेस्सरा दे सवाय दुई कोई गल्ल रौंदी गै नई इस लेई इस त्यागा गी परम वराग आखेया दा ऐ ।

१—अहिंसा—मन, वचन ते देहा थों कुसै चाल्ली वी कुसै गी दुःख नई देना ।

२—सत्य—एंताकरण ते इंदरियें दे जरिऐ जनेआ निश्चा कीता दा होऐ बिलकुल उंआं गै मिट्ठे वोलें ने आखना ।

३—अस्तेय—चोरी बिलकुल नई करनी ।

४—ब्रह्मचर्य—अट्ठें चाल्ली दे मैथुन दा त्याग ।

५—अपैशुन—(चुगली दा त्याग) कुसै दी वी निंदेया नई करनी ।

६—सत्कार—मान ते पूजा ऊजा अपनी गी पसद नई करना ।

शौच—बाहुरा ते अंदरा दी पवित्रता रखनी, सच्चार्ड ने शुद्ध वभारा ने धना दी ते ओदे नाजा ने खाने दी ते इंआं गै जितना होई सके वर्तने ने आचरणों दी ते पानी ते मिट्ठी ने देहा दी शुद्धि गी तां बाहली शुद्धि आखदे न, ते राग द्वेष ते कपट उपट विशें दा नास होइऐ एंताकरणा थों साफ सुथरा होई जाना अंदरूनी शुद्धि खुआंदी ऐ ।

तृष्णा दा बिलकुल नईं होना ।

सरदी, गरमी, सुख दुःख उःख जोड़ें दा (दों दीं) दा पहन करना ।

अपने धर्मा गी पालने मूजब दुःख गी भल्लना ।

वेदें ते सत् शास्त्रें गी पढ़दे रौना, इंआं गै परमेस्सरा दे नां ते गुणों दा कीर्तन करदे रौना ।

मना गी अपने वसा च रखना ।

इंदरियें गी अपने वसा च करना ।

देहा ते इंदरियें समेत एंताकरणा दी सादगी रखनी ।

दुखियें उपपर देआ करना ।

वेद, शास्त्र, म्हात्मा, गुरु ते परमेस्मरा दे वचनें उपपर टगोदे आगूं वस्वास करना ।

सत् ते असत् पदार्था दा ठीक ज्ञान ।

ब्रह्म लोका तिककर सारें पदार्थें च आसक्ति दा बिलकुल (भलेयां) गै नईं होना ।

ममताली बुद्धा ने सग्रह (जोड़ जमा) नईं करना ।

एंताकरण च सैंशा ते विक्षेपा दा नईं होना ।

स्नेष्ट मनुखें दी उस शक्ति दा नां तेज ऐ के जेदे असरा ने विशें च खचत ओए दे ते नीच सब्हा आले मनुख बी आम तौरा उपपर पाप करने थों पिछें हटिए उंदे आखने मूजब चंगे कम्में च लगगी पौंदे न ।

क्षमा—अपना कसूर करने आले गी कुसे चाल्ली दी सजा (दंड) नईं देनी ।

धीरज—बड़ी भारी मुसीबत आने उपपर वी अपनी मर्यादा
थों नईं खिसकना ।

अद्रोह—अपने कन्ने वैर रखने आलें ने वी वैर नईं करना ।

अभय—सबनें चाल्ली निडर रौना ।

शांति—कामनायें ते वासनायें दा सबने चाल्ली नईं रौना ते
एंताकरण च नित्त लगातार खुशी दा रौना ।

G.M. College of Education

Raipur, Bantalab

Jammu.

Acc. No...

Dated...

2924 (CB)

3/2/2016

मोक्ष विद्या में जगत् सर्वव्यापी प्रिय - मन्त्रि
। जगत्सर्वी प्रिय वि
। जगत्सर्वी प्रिय वि
। जगत्सर्वी प्रिय वि
। जगत्सर्वी प्रिय वि
। जगत्सर्वी प्रिय वि

(1) page
2100/0/0

